






Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
381 E 45





Early European Books. Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
381 E 43



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
381 E 43



Early European Books. Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
391 E 45

381

E 43

niet plakken
(boekband nr. 1700 D102)

no-
xi
bant in la-
bonum enim
erant em

~~IV. 6. 00~~

Auctor Aggrew Albada. Liber rarus.
Op. de Wal, de chor. Fris. Nt. 24.

ACTA
PACIFICATIONIS
Q V Æ

CORAM SAC. CÆSAREÆ
MAIEST. COMMISSARIIS,

INTER


SEREN. Regis Hispaniarum & Principis
Matthiæ Archiducis Austriae, Guber-
natoris, &c. Ordinumque Belgij lega-
tos, Coloniae habita sunt:

FIDELITER

*Ex Protocollo legatorum Ordinum descripta, & quæ Ger-
manicè vel Gallicè concepta erant, in linguam Latinam
translata, necessariisq; Annotationibus illustrata.*

Psalm. XCIV.

Non derelinquet Dominus populum suum, & hæreditatem suam
non deferet:
Usquedum ad iustitiam reuertatur iudicium, & sequentur illud
omnes recti corde.



L V G D V N I,
Apud Andream Schutenum:

M. D. LXXX.
EV.

+
Sum ex libris Ernesti Comitis
ac Domini in Mansfeld mppz
lenq ad Salam mense
viii. Ao. cxxx.
clv. 12. xxc.
Joh. Mart. Silber,
rad. 1729.

ACTA
POLITICARUM

CONGREGATIONIS

ANGLICANAE

IN

ANNO DOMINI

MDCCLXXV

IN

CONGREGATIONE

ANGLICANA

IN

ANNO DOMINI

MDCCLXXV

IN

CONGREGATIONE

ANGLICANA

IN

ANNO DOMINI

MDCCLXXV

IN

CONGREGATIONE

ANGLICANA

IN

ANNO DOMINI

MDCCLXXV

IN

CONGREGATIONE

ANGLICANA

IN

ANNO DOMINI

MDCCLXXV

AD SER. PRINCIPEM
MATTHIAM ARCHI-
DUCEM AVSTRIÆ,
GVBERNATOREM, ORDINESQVE
BELGII GENERALES.



*Q*uæ in hoc conuentu palàm & publicè cum
legatis vestris acta sunt, fideliter descri-
pta, & quæ Germanicè vel Gallicè conce-
pta erant, in linguam Latinam cõuersa, ad
vos transmittō: Illis porrò locis, qui ma-
iorem probationem ad iustificationem cau-
sæ nostræ requirere videbantur, vel rationem aliquam, vel
auctoritatem subiei, vt quilibet intelligere possit, nihil ab
iisdem legatis vestris perperā aut leuiter dictum esse. Id quod
non solum propter exterarum nationes feci, apud quas alij nos
tanquam perduelles, alij tanquam hæreticos & perduelles si-
mul reputant & traducunt: sed etiam propter homines no-
stros, vt qui in fide vestra manent, habeant in quo se conso-
lentur, vbi iustitiam & æquitatem causæ suæ perspexerint:
Ii verò, qui à vobis defecerunt, vt cognitis illis, secum per-
pendant, an idonea & legitima causa sit ob quam non so-
lùm propria sua membra deserant, sed & vnà cum alienis,
quorum ingenium & studium illis notum est, oppugnare ea
incipiant. Hoc factum si serium est, vel non in meliorem finem
à Deo Opt. Max. dirigatur, non potest non magnoperè de-
plorari: nemo enim tam stupidus & vecors est, qui non intel-
ligat quorsum separatio ista tendat; imò qui nunc non per-
spiciat, quid Hispani per hunc Conuentum quæsierint.

SEMEL enim verum est, illos nos omnes laesa Maiestatis
diuina & humana reos aestimare, proptereaq. dignos iis pœ-
nis quæ aduersus huiusmodi delicta per leges constitutæ sunt;
& quia non potuerunt ordinariè pœnas istas exequi, vi &
armis infligere eas tot iam annis nobis conati sunt. Sūt quoq.
in hac persuasione, cuius approbatores non solum politicos ali-
quos viros, sed & Theologos suos habent, se tandem superio-
res & victores futuros, & de iis præcipuè, quos Regi rebel-
les esse putant, iustam vindictam & supplicium sumpturos;
reliquis leges, quas ipsi velint, imposituros. Nec ab hac sen-
tentia adhuc recessisse videntur; sed quia animaduertunt,
per externa arma se eò peruenire non posse, imò maiores diffi-
cultates & pericula indies oriri, necessarium esse duxerunt,
aliis consiliis & mediis vti, quæ nō amplius vt in initio huius
Conuentus fecimus, coniectura colliguntur, sed præ oculis no-
stris cernimus, omnia ad hoc seruire, vt alias prouincias &
civitates ab aliis separent, atque ita eosdem subditos, alios per
alios, oppugnent & opprimant.

PROPTEREA omnes illos, qui defectionē à vobis vel
etiam fecerunt, vel adhuc facere instituunt, obnixissimè rogo,
antequam illi cum Hispanis vltèrius progrediātur, aut hi con-
uentionem aliquā cum iis ineant, Acta ista relegere nō grauen-
tur, ex quibus cognoscēt & perspicient Seren. Regem Catho-
licum, principem & dominum nostrū naturalem, nulla in re
à nobis laesum esse, sed nos econtrà tot annis grauissimis iniu-
riis ab Hispanis ipsius affectos esse, & hodie adhuc affici. Si
verò cōspirare cum illis pergunt, & arma aduersus nos susci-
piunt, præterquam quod impiè & iniuste facturi sint, facile
ipsi prospiciunt, quid iuxta humanam prudentiam inde eue-
nire necesse sit. Nam vtcunque alteram partem superare se
posse

posse putauerint, quanquam id non in hominum, sed in Dei consilio & arbitrio consistit, & euenta in aliis regnis & prouinciis contrarium demonstrarunt; tamen fieri non poterit, quin & vires eorum infirmiores debilioresque reddantur. Quae spes ergo alia superest, quam vt vtrique post mutuas lamenas & direptiones Hispanis impares & inferiores facti aliqua maiori vi qua facile à tantis hostibus colligi potest, tandem frangamur & conteramur?

HAEC res humana ratione ita euidentis est, vt non possit à quoquam ignorari. quamobrem cum nunc civilis illa causalibertatis & privilegiorum, per oblationem à Caesareis Commissariis factam, in speciem sublata aliquatenus videatur; metuo, ne persuasum iis sit, se posthac à criminibus illis quorum rei accusantur, excusari non posse, si cum aliis, qui ex professo aliam religionem, quam quae catholica Romana est, sequuntur, diutius in communi defensione manserint, operæpretium me facturum esse arbitror, si expendero & declarauero, quomodo se veritas circa crimina ista habeat. Quae res non solum illos, qui alterius sunt religionis, sed & Catholicos, & quosuis alios concernit, cum omnes vna sententia ab Hispanis condemnati fuerimus. Hanc autem materiam propterea tractare hic cupio, vt paulò melius de causis calamitatum nostrarum diiudicare incipiamus: quippe quòd incolumitas & salus nostra non in eo posita sit, vt vna pars alteram oppugnet & conficiat, sicut quibusdam superbis, ambitiosis & auaris hominibus videri poterit, qui in suo animo, si non ipsorum Hispanorum, à quibus sibi ob priora sua facta metuunt, eorum tamen, qui illis pares sunt, dominatum expetunt, vt populus in eam rursus seruitutem redigatur, in qua iam per annos plurimos detentus fuit; sed in eo, inquam,

† 3

prospe-

prosperitas & conseruatio nostri consistat, vt errores & of-
fensas nostras agnoscamus, super iis pœnitentiam agamus,
operamque demus, non tam quomodo Regi nostro (quem si
vnanimes & concordēs manserimus, suo tempore fortè lenie-
mus) sed quomodo Regi regum, Christo Domino, filio Dei re-
conciliemur. Verùm ad rem ipsam venio.

NVLVS pius, modò vsum Apostolicæ primitiue Ec-
clesiæ non ignoret, & in sacris literis, veteribus Patribus &
ecclesiasticis historiis aliquantum versatus sit, negare potest,
Ecclesiâ Romanâ per aliquot superiora secula, præcipuè ante
annos proximos quinquaginta, nò solum vita & moribus de-
formem factam esse (quod malum hodie adhuc durat) sed &
multos errores in doctrina, plurimos abusus & superstitiones
in cultu Dei, intolerabilem quoque arrogationem illius po-
testatis, quæ soli Christo competit, in eam irrepisse; quæ
omnia emendatione, reformatione & illustratione diuina opus
habuerunt. Cœperat tum tempus ignorantie, quo Dominus
ad vitia quædam conuiuere solet, præterire, & tempus co-
gnitionis ac reuelationis succedere, quo cordibus quorundam
ita illuxit Dominus, vt per eos nobis & prauitatem vitæ
nostræ ob oculos poneret, & superstitiones, abusus atque
errores nostros detegeret & aperiret. Non nego ambitione
& contentione postea quosdam ex iis extra vocationem suam
progressos fuisse, & assumpsisse quædã prioribus haud mul-
to meliora, deinde multa bona cum malis oppugnasse & sus-
tulisse, erat tamen lucis & gratiæ Dei, qua ea, quæ mala
erant, nobis patefecerunt, & inter eos quidam ex istis exti-
terunt, qui luce & gratia ista in omnibus rectè vsi sunt.

HAEC lux & gratia licet gratis animis, ad maiora con-
sequenda dona ab omnibus recipi debebat (verè enim Chri-
stianismus,

Eusebius: Eccle-
sia iusto Dei iu-
dicio, & neces-
saria correptio-
ne, ob sacerdo-
rum præcipuè
& seniorum im-
pietates, odia,
contentiones,
ambitionem
atq. superbiam,
necnon per fal-
sos Christiano-
rum illatores,
in tantam de-
fectionem co-
arctata est, vt
omni humana
ope desperata,
solum mileren-
tis Dei sit, eam
restituere atq.
reformare.
Cassander in
consultatione de
articulis religio-
nis: Præfens
Ecclesia Ca-
tholica non
parum & di-
sciplinæ inte-
gritate, adde-
etiã in doctri-
næ sinceritate
ab antiqua illa
vnde orta &
deriuata est,
dissidet.

stianismus, qui in patefacta cognitione Christi, in spirituali
 cultu Dei, & in regenerata noua vita consistit, neque tum,
 neque adhuc apud multos satis perspectus est) maior tamen
 pars ex nostris hominibus eā prorsus reiecit & detestata est.
 Aduersus eos autem, qui ad hanc lucem & gratiam attende-
 re cœperunt, seuerissimæ leges latæ sunt, atque vt fideliter eæ
 executioni mandarentur, vix alij in magistratus cooptati
 fuerunt, quàm qui nulla humanitate & misericordia erga
 istos homines afficeretur. Hæc persecutio & oppressio quan-
 ta fuerit, nemo nostrum est qui ignorat. quod ad me attinet,
 exhorresco sæpius ad tormenta illa, quibus miseros homines
 apud nos & alibi subiectos & afflictos fuisse memini. Non
 arbitror huius loci esse de articulis disputare, quos hi aut illi
 speciatim defenderūt: satis est verbo indicasse, omnes istos ex
 timore vnius Dei, testimonio suæ conscientie, iuxta mensurā
 fidei, in Christum vnicum Seruatorem, Mediatorem & Pa-
 storem animarum suarum, pro asserenda veritate quam pro-
 fitebantur, se testimonio sacrarum literarum confirmare
 posse, tormenta quauis atque adeò mortem ipsam constan-
 ter pertulisse.

non ita pertinentibus, consentire: quod nunc quidam volunt, Christianam Ecclesiam nimis in arctum cogentes.
 Mihi sanè erit filius Dei & Christianus, quisquis crediderit & confessus fuerit Iesum esse Christum; etiam si in
 quibusdam opinionibus à me dissentiat: ita ego multos patior esse in Ecclesia externa, quos alij eiiciunt & occi-
 dunt; quàm bono iure, nescio.

QVÆ cum ita sint, satis constat, non posse vllos Status
 in vlla prouincia hucusque Maiestatis diuinæ læsæ ab ipsis
 scilicet Hispanis reprehendi (apud Deum vt mox dicemus,
 aliud est) non enim Regi in hac re contrarij fuerunt, sed consti-
 tutiones eius, pro religione Romana latas, approbarunt &
 sedulo executi sunt. Multò minus possunt priuati eiusdem
 criminis accusari, qui Deo suis factis non rebellare, sed obe-

rator aut Præses, iubentis obsequere voluntati: sin verò malum & contra Deum sapit, responde eis de Actis Apo-
 stolorum: Obedire oportet Deo magis quàm hominibus.

Neageorgus in
 1. Joh. c. 5. Quia
 Ioannes sapè
 dicit & asse-
 uerat, Omnes
 esse filios Dei
 qui credunt
 Iesum esse
 Christum, se-
 quitur hanc fi-
 dem & confes-
 sionem esse no-
 tam verè cre-
 dentium & Ca-
 tholicæ Eccle-
 siæ nō esse ne-
 cesse, in omni-
 bus aliis opi-
 nionibus, huc

Hieron. in epist.
 ad Tit. cap. 2. S. 3.
 bonū est quod
 precepit Impe-

dire, non despectui habere Maieſt. ipſius, ſed eam ſua patien-
tia & morte glorioſam reddere voluerunt. E contra quod ne-
ceſſitas huius materiae me cogit dicere, veriſſimum eſt, &
Regem & Status, ſinguloſque magiſtratus grauiter contra
Maieſtatem diuinam deliquiſſe, quòd tot millia hominum, re-
ligionis nomine, & ſub praeſextu deſenſionis catholicae Roma-
nae fidei trucidauerint.

HANC rem, quoniam in Actis ipſis pertractatur, non
longius hinc perſequar; ſed pauca tantum propoſitiones po-
nam, ex quibus id intelligi poterit.

*Caprianus ad
Pompeium. Quae
iſta obſtinatio,
quae preſum-
ptio, humana
traditionem
diuinæ diſpo-
ſitioni antepo-*

Prima eſt, quòd præter contemptum oblatae lucis & gratiae,
humana decreta, & mundanae ſapientiae placita, contra man-
data Dei, & caeleſtem prudentiam, à ſubditis ſuis ſeruari
voluerint.

*nere, nec animadu-
certere indignari & iraeſci Deum, quoties diuina præcepta ſoluit & præterit humana traditio!*
Tertullian. Nec
religionis eſt
cogere religio-
nem, quae ſon-
te ſuſcipi de-
bet, non vi.

Secunda eſt, quòd carnalibus armis & brachio ſeculari
eadem illa decreta defenderint, & liberam religionem ſibi
ſeruam fecerint.

*Auſtini
quaſt. in Matth.
cap. 13. Quia
cum ad ſeruos
loqueretur, rō
ait: In tempo-
re meſſis dicam vobis. Colligite primum zizania, ſed dicam, inquit, meſſoribus. Vnde intelligitur, colligendorum
zizaniorum ad comburendum alia eſſe miniſteria, nec quenquam Eccleſiae filium debere arbitrari, ad ſe hoc offi-
cium pertinere.*

Tertia, quòd zizaniorum extirpationem, præteritis Ange-
lis, quibus id à Domino ſolis relictum eſt, ante meſſis conſum-
mationem ſibi aſſumpſerint.

*Quarta, quòd contra competens ſibi officium, non ſolum
externè bonis & corporibus, ſed & internè animabus &
conſcientiis ſubditorum imperauerint.*

*Leontius Epiſco-
pus in Myſiæ re-
prehendit Con-
ſtantinum, quòd
Synodo præ-
eſſe, & de reli-
gione ſtatueret
vellet, inquit:*

Quinta, quòd ſimiliter contra officium ſuum, & ad in-
iuriam Chriſti, cui vni hæc poteſtas à Deo Patre data eſt, in
iis, quae fidei ſunt, & cultum Dei concernunt, iubere ac ve-
tare inſtituerint.

Miror te, Imperator, cum ad alia negotia ordinatus ſis, alia tamen aggredi. Hæc Suidas.
Chryſoſtom. Qui
vini adfert

Sexta, quòd gladio corporali ſpirituale regnum Chriſti in-
uaſe-

uasent, & filios huius regni (qui filij Dei & lucis sunt) inclementer & impie persecuti sint.

plerunq. auer-
tit: in celesti-
bus bonis non
inferenda est
vix.

SED vt ulterius pergam, hucusq. rursus dico, quantum crimen laesa Maiestatis humanae attinet, Status singularum prouinciarum, quoad Regem, ab eo similiter crimine prorsus liberos fuisse: nam ad arbitrium Maiestatis ipsius, omnia Placita aduersus eos qui de religione suspecti erant, exequi permiserunt. Sed nec priuati eidem crimini obnoxij fuerunt, qui se voluntati Regis humiliter, vsque ad mortem, & amissionem bonorum suorum submiserunt: deinde Regi non contra Deum, sed propter Deum obedientiam prestare addixerant, sola Dei causa excepta, in iis quae Regi debentur, prestandis promptissimi & paratissimi. E contra negari non potest, Status grauitur aduersus Maiestatem populi deliquisse, quod passi sint Regios magistratus in membra sua adeo crudeliter saeuire: quod non modo non curauerint indagacionem aliquam de hoc negotio fieri, sed omnem etiam beneuolentiam & humanitatem erga eos exuerint, cum plerique tamen scirent, & passim faterentur, homines, qui religionis nomine ad supplicia ducerentur, Christum & duodecim Christianae fidei articulos profiteri, atque inculpate viuere. In eodem vitio & delicto communiter etiam populus, praesertim nobiles & optimates fuerunt, qui & supplicia ista approbarunt, & iure cum iis agi existimarunt: deniq; auctores & fabricatores istorum suppliciorum Doctores & sacerdotes populi extiterunt. An haec defensio subditorum ad Status & populum pertinerit, non opus habet vlla alia probatione, quam eorum allegatione

Eusebius Eccles.
hist. lib. 4. cap. 15
Polycarpus
Proconsuli He-
rodi magna a-
lacritate respō-
dit: Docemur
enim principi-
bus & potesta-
tibus iis quae
Deo sunt ho-
norē deferre,
cum scilicet
qui religioni
non sit contra-
rius.

Lucius quidam
Christianus var.
videns tam te-
merē datam sen-
tentiam, contra
Christianum
quendam. ait
ad Urbicum
iudicem: Quid
quasi causae
est, quod neq;
adulterū, neq;
corruptorem,
aut homicidā
vel latronē, ra-
ptoremq. aut
alterius cuius-
libet facinoris
reum, sed tan-
tum pro no-
mine Christia-

no, quod hoc se vocabulo confessus est, nuncupari, ad mortem duci hominem praecipisti? Non sunt haec digna pro Imperatore, nec sapientissimo puero filio eius, neque sacro Senatu, quae agis o Urbici. Eusebius lib. 4. cap. 17.
Cyprianus de simplicitate praelatorum: Haec est in Ecclesia noscenda simplicitas, haec charitas obtinenda vt columbas, dilectio fraternitatis imitetur, vt mansuetudo & lenitas agnis & ouibus aequetur. Quid facis in pectore Christiane luporum feritas? & canum rabies? & venenum lethale serpentum & cruenta saeuicia bestiarum?

gatione, quæ per vos Ordines illorum auctoritate hodie fiunt
 & decernuntur: sed & in Actis firmissimis argumentis ostenditur,
 quod hæc intercessio apud Status & populum fuerit, & quod impiissime fecerint Theologi, qui tale consilium magistratui dederint, brachiumque seculare in religionis negotio invocauerint.

*Erasm. in annot.
 ad 1. Corint. 15.
 vers. Omnes qui
 dem resurgemus,
 &c. in fine: Dis-
 fidi praefidiis,*

quibus armatos decet esse Theologos, ad violentiam confugiunt quasi cogi possit humanum ingenium ut aliud credat quam sentit. Idem 2. Cor. 1. vers. Dominamur fidei vestrae, &c. Fides libera est, dominium necessitatis, ut interpretatur Ambrosius. Hæc animaduertenda nobis, qui fidei ac religionis titulo ad tyrannidem abutimur.

HIS ita expositis, venio ad ea, quæ post id tempus apud nos acciderunt: quæ sanè non sic considero, quasi inde nos Rex læsæ Maiest. diuina, quam ipse vindicandam habeat, vel etiam Maiest. ipsius læsæ culpæ & condemnare possit; sed ut pœnam Dei, qua ipse suam Maiestatem & iniuriam, quæ filio suo Regi regum illata est, aduersus Regem, aduersus Ordines, aduersus populum, & præcipuè aduersus Doctores & sacerdotes ecclesiæ vindicare voluit. Circa quod in primis notandum est, iustum Deum pro sua iustitia neminem punire, nec condemnare, quem non prius ex propria confessione, ex proprio iudicio, ex propriis factis coarguerit & conuicerit: Deinde prout cuiusque animus est, cuiusque propositum, secundum ordinem quem ipse constituit, delinquentes erga se castigat & punit.

NUNC initium & progressum huius pœnæ consideremus: Qui primò Placitis Regis se opposuerunt, hi ex Statibus fuerunt, & in Concilio Status Placita ista abrogata sunt, introductaque quædam religionis transactio; deinde missi legati ad Regem, ut confirmationem & abrogationis & transactionis istius à Maiestate eius impetrarent. hic redargutio & confessio quædam sui delicti extitit, at quam nondum cum pœnitentia agnouerunt. Sed amplius, prius quam

quàm resolutio Regis fieret, religionis prior forma mutari, & noua permitti; deinde, ne quid deesset, imagines destrui cœperunt. Ex hoc factò non illi solùm, qui id perpetrarunt, sed & reliqui omnes, quod cùm possent non prohibuerint istud (potuerunt quidem istud iudicio Hispanorum, sed qui præsentes fuerunt, perhibere audent manum quandam Deifuisse) ex hoc tamen factò omnes rei diuinæ & humanæ Maiestatis apud Regem & Hispanos constituti sumus: Sed, qui ad veritatem, & ad Dei iudicium respiciunt, longè aliter sentiunt. factum quidem illud, politicè & humano more non probant, sed intelligunt, Deum per hoc factum, & Status, & populum, & Regem erudire & conuincere voluisse, si tam graue piaculum iudicent, lapideas & ligneas statuas frangere & demoliri, quantum piaculum sit, homines, sine vllò discrimine sexus & ætatis, qui ad imaginem Dei facti sunt, & quorum sine dubio magna pars iam imago Dei, hoc est, Christiani erant, destruere & euertere? Si quauis pœna illos dignos iudicent, qui hoc factum perpetrarunt (in qua sententia adhuc, nisi quatenus ex metu se reprimunt, multos ex nostris hominibus esse verisimile est: Hispani verò absque vlla pœnitentia in ea perseverant) quis dubitare poterit, Deum pro sua iniustitia, nolle quoque suas imagines, in quibus glorificari vult, inultas sinere?

turam autem humanam ad imaginem & similitudinem diuinam esse perfectam. Quare ne tam crudeliter imaginem Dei iugulari præcipiat, irritaturum enim fabricatorem illius imaginis supplicio. Quin & hoc cogitet hæc ab eo tam iracundæ æreæ imaginis respectu geri. Quanto autem imago animata inanimata præster, neminem latere: præterea etiam in mentem ei hoc veniat, facile nobis esse pro vna æreæ imagine plurimas restituere: ipsum verò præstare non posse, vt vnum saltem pilum interemtorum fabricetur. Hæc Nicephorus Eccles. hist. lib. 12. cap. 44.

Augustinus ad Enodum Africæ præconsulem: Quicquid mali contra Christianam societatem ab hominibus impijs ingratilque committitur, profectò grauius est, quàm si in alios talia committantur.

FUIT ergo hoc factum prima occasio pœnæ Dei in miseram patriam nostram, & tanto grauior æstimanda, quòd non ab extero aliquo Principe, & milite exerceri in nos voluerit,

†† 2 sed

Macedonius
Anachoreta ad
Prefectos Theodo-
doli Impera-
toris, missos vt
animaduerte-
rent in Antio-
chenos, qui
arcam imagi-
nem demoliti
fuerant, sic ait:
Nunciate Im-
peratori, non
Imperatorem
solum esse se,
verùm & ho-
minem, quam
ob rem nò im-
perium tantum
suum existimet,
sed & naturam
ei consideran-
dā esse: cumq;
sit ipse homo,
communis ge-
neris subditos
se habere: na-

sed ut nos ipsi vnus de altero pœnam sumeremus. Cetera facta, mutationes, calamitates & miseriae nostras, quæ nunc hic, nunc illic inciderunt, quia omnibus nota sunt, enarrare prætermitto: satis est istud modò indicem, vnum malum semper aliud excitasse, ut nec opus vnquam rectè inceptum, multò minùs ad finem peruenisse; neque tum neq. adhuc videri possit, iniiciente Deo nouas semper occasiones, quibus vtrinque nunc animi deiecti, nunc rursus erecti fuerunt. Sed & ipse euentus ostendit, nullas hic vires, nullas copias, nullas personas ab vtraque parte aliquid valuisse, nec consilia vlla & pacificationes, sed & in nihilum omnia ista redacta fuisse, & illustres ac nobiles personas partim miserè periisse, partim turpiter ab incepto opere discessisse: pœnam verò Dei vltèrius semper progressam fuisse & adhuc hodie progredi.

„Esa. 8. Confo-
„ciamini o po-
„puli & conte-
„rimini. acci-
„gite vos & con-
„terimini. Inite
„cōsiliū. & ir-
„ritum fiet: lo-
„quimini ver-
„bū & non fiet.
„sed Emanuēlis

„Psal. 75. Deus
„iudex est, qui
„hunc deprimi-
„t & illum extol-
„lit. Nam calix
„in manu Dñi,
„& vinum tur-
„bidum est. ple-
„nus mixtione,
„ex quo fundit:
„Veruntamen
„facies eius quas
„expresserint,
„bibent omnes
„improbi terræ.

AN verò nunc defectio ista, quam quædam prouincia & ciuitates faciunt, vel sibi vel aliis noua occasio ad maiores calamitates erit, ut & ipsæ, vel aliæ quæ ab istis malis hætenus liberae manent, partem suam, si eidem crimini se obnoxios coram Deo reddiderunt, non minus quàm aliæ accipiant, nouit Dominus, & euentus declarabit. Hoc tamen ex iis quæ dixi, constare arbitror, à neutra parte quenquam prædictorū criminum quæ ab Hispanis nobis obiciuntur, reum esse, quasi vel contra Maiestatem diuinam, quam Rex punire debeat, vel contra Maiestatem ipsius deliquerimus: nihilominus grauissimam esse culpam, qua Deum offendimus, sed quæ non tantum ex parte nostra, siue Status, siue magistratus, siue etiā populum consideremus; sed multo magis ex parte Regis & Consiliariorum Maiestatis ipsius commissa est. Et hanc culpam dico omnium calamitatum nostrarum causam esse.

esse. An nunc illa per separationem istam, quæ & apud vos, & hæc qua sita est, tolli possit, imò an non potius oppugnatione alterius partis, ira Dei magis accendetur, prudentibus indicandum relinquo. Hoc tamen certo certius mihi scire videor, vos qui alios oppugnare statuistis, siue hoc nouum & detestandum bellum erga propria viscera vestra cum Hispanis, vel soli eorum auspiciis aggredimini, vos inquam nullis magis quam vobis ipsis nocituros esse; tantum abest, ut quam speratis victoriam & gratiam ab Hispanis, de popularibus vestris reportaturi sitis: vel etiam multo grauiora metuam, quæ hoc publico scripto declarari nequeunt.

IN summa, quid politicè expediat, non est necesse ut vllum ex quauis parte admoneam: vos enim omnes ipsi intelligitis (quidam saltem modum ambitioni & superbiae suæ imponant) quātum momenti vobis in mutua beneuolentia & concordia positum sit, ne alij aliorum calamitates & miseriae ipsimet aggrauetis, sed quò prorsus ab iis liberemur, causa eorum auferri debet, quæ in his duobus potissimum sita est, ut super contempta luce gratiaq; Dei, & sanguine innocentium hominum propter eam effuso poenitentiam agamus: deinde eidem luci & gratiae maiorem locum dare incipiamus: qua in primis monemur & docemur, ut potius simplici, pura ac sanæ doctrinae Christi, quàm humanis constitutionibus & inuentionibus fidem adhibeamus: Secundò, ut eum cultū Dei, non qui in creaturis, externisq; rebus, & egenis mundi elementis, quibus diuina virtus affingitur, quātamen nemo accipit vel experitur, sed qui in spiritu & veritate positus est, qualem Dominus instituit, amplectamur & exerceamus:

†† 3

Tertiò

nos faciendum putauerit, sed quid primus qui ante omnes est Christus prior fecerit.

Augustinus de doctrina Christiana: Miserabilis est seruitus animæ cum signa habentur pro eo quod signa designant, nec oculos mentis supra corporatas creaturas ad percipiendam æternam lucem possumus erigere.

Ecclesiast. xxv.
Qui lapidē in altum mittit, super caput suū mittit: & plaga dolosa diducit vulnus. Quia alteri fedit foueam, in ipsam incidet; & qui statuit laqueum proximo, capietur ipso. Qui mala molitur vicino, malis inuoluetur, nec sciet unde libi inguant.

Cyprianus: Humana traditio non est anteponenda diuinae dispositioni: nec hominis consuetudo sequenda, sed Dei veritas. Si solus Christus audiendus est, non debemus attendere quid aliquis ante

*Ambrosius in 1.
ad Corinth. Ma-
gnus error est
& ad Dei con-
tumeliam per-
tinet quando
Deo prædicatio
gloria datur ho-
minibus. Quid
ergo minus est
a gentilitate
dum adhuc a-
liquid diuini
& salutis de
hominibus
speratur?*

*Idem: Plantare
est euangeli-
zare, & ad fi-
dem trahere:
rigare vero ba-
ptizare solennibus
verbis: peccata autem dimittere & Spiritum dare, Dei solius est. Si ergo effectum salutis Deus
dat, nulla gloria in hac re hominis est.*

*Pro confirma-
tione huius
consilij vide-
tur præfatio
eruditissimi vi-
ri Ioannis Stur-
mij ad Domi-
num Io. Ner-
uium, in ex-
plicationem
Psalmodum
Conradi He-
rebachij scri-
pta.*

Tertio, omnem potestatem, quam homines sibi in diuinis ne-
gotiis usurpant, remissione peccatorum, datione Spiritus san-
cti & erogatione multarum confictarum gratiarum, ab illis
ad Christum Dominum transferamus, eamque illi soli attri-
buamus. Circa hæc reconciliatio nostricum Deo versatur; ad
que quia hætenus non attendimus, omnes nostri conatus ir-
riti fuerunt, & erunt quoque tamdiu vani & inutiles, quā-
diu operam dare neglexerimus, ut tria ista, nempe sana do-
ctrina, verus Dei cultus, & potestas tam in celo quam in
terra, in eum modum, quo à Christo Domino docta, instituta
& demonstrata fuerunt, eidem restituantur.

Quo id fiat commodius & rectius, nihil habeo in hoc
tempore æquè conueniens, quod consulam, quàm ut ex singu-
lis prouincijs viros aliquos pios, iustos, moderatos, in sacra
Scriptura, Patrum & neotericorum doctrina versatos, ab
utraque parte deligatis & ordinetis ad numerum quinquā-
ginta vel plures, qui de articulis fidei inter se, inuocata gratia
Domini, conferant, quid vel admitti vel non admitti debeat,
inter se deliberent, conuenta & conclusa ad Ser. T. vosque Or-
dines generales referant: ita tamen ut cuique ex populo per-
mittatur quoque de iisdem articulis, hoc quod sentit, liberè
sed religiosè vel ore vel scripto ibidem proponere, inquisi-
tio enim hæc libera & Deo grata erit, & multis ad salutem
seruiet: ad quam si vera pœnitentia accederet vel potius
præiret, magistratus sine vllò discrimine religionis, ex viris
qui iustitiæ & naturalis virtutis nomine commendantur,
constitutus fuerit omnibus omnium iudiciorum corruptelis
amputatis; sperarem Deum pro infinita sua misericordia no-
stris malis finem impositurum, & nos in iis qui nos affligunt
visuros

visuros ira Dei pœnas mirabiles . Hæc vt tam sincero ani-
mo quàm à me , ex vero amore (quo communem patriam
nostram prosequor,) dicta sunt, quali animo quoque breues
illas Annotationes Orationibus vel Scriptis vestrorum Le-
gatorum subiunxi , accipiat, vos etiam atque etiam rogo.
Quod reliquum est, gratiæ & misericordiæ Dei Opt. Max.
vt in ea per Christum Iesum agatis, viuatis & valeatis,
vos omnes supplex commendo . Colonia VI. Decembr.
Anno M. D. LXXIX.

Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
381 E 43

ACTA PACIFICATIONIS.

AD CONVENTVM, qui per Cæsarem Coloniam indictus erat, in quo de pace inter Sereniss. Regem Catholicum, & Ordines Belgij ageretur: à Sereniss. Archiduce Mathia & Ordinibus electi & legati fuerunt Illustrissimus Princeps Dominus Philippus de Croy, Dux de Arschot: Dominus Ioannes vander Linden, Abbas S. Gertrudis: Dominus Fridericus de Yue, Abbas de Marolles, rerum Status Consiliarij: Dominus Bucho Aytha Præpositus S. Bauonis: Caspar Schetz Eques, Dominus de Grobendonck & Wesemael: Franciscus d'Oygnies, Dominus de Beaurepar: Adolphus de Meetkerke, Scutifer, rerum Status Consiliarius: Adrianus vander Milen I. V. Doctor, & in Concilio Hollandiæ Consiliarius: Bernardus de Merode Baro, Dominus de Rummen: Adolphus à Goer, Dominus de Kaldenbroeck: Aggæus de Albada I. V. Doctor.

Hi omnes, exceptis duobus, qui tum temporis ibi agebāt, & excepto Francisco d'Oygnies, qui propter defectionem, quam Hannonia & Artesia moliebantur, emansit, IIII. Maij, M. D. LXXIX. Coloniam sub vesperam aduenerunt.

CONVENERANT eodem iam antè Reuerendissimi & Illustrissimi Electores & Principes: Dominus Iacobus Treurenensis, & Dominus Gebhardus Coloniensis Archiepiscopi & sacri Romani Imperij per Galliam, regnumq. Arelatense Archiepiscopi: Dominus Iulius, Episcopus Herbipolensis, Dux Franconiæ: item Illustrissimi Ducis Iuliacensis, Cluiæ & Bergæ nomine, nobilis vir Wernherus Dominus de Gymnich, & Generosus Comes Ottho Henricus, Comes in Swartzenberg, Dominus in Hohenlansberg, Sacræ Cæsareæ Maiestatis Commissarij.

SIMILITER ex parte Seren. Regis Catholici, Dñs Carolus ab Aragonia, Princeps Castri vetrani, Dux Terræ-nouæ.

A V. Maij

Dominus de Vaulx: Dominus Ioannes Funck Præpositus: Christophorus de Assonleuille Consiliarius Regius: Urbanus Scharenberg, Secretarius.

Adfuit quoque ibidem Dominus Castaignetius Archiepiscopus Rossanensis nuntius Apostolicus.

Consiliarij eius: Maximilianus de Longueval Consiliarius

*Ante omnia
legati Ordini
inducias
ineundas esse
sensuerunt.*

V. MAII hora octaua manè, cōsilio inter legatos Ordinum habito, relectis Mandato & instructione sua secundum præscriptum illius primū Iohannem de Kessel in Secretarium suum elegerunt, qui iuramentum illis ad hoc conueniens eodem momento præstitit: Deinde visum iis fuit à prandio Comitem de Swartzenberg conuenire, ad exhibendum illi litteras Credentiarum, vt vocant, quas ad ipsum à Serenis. Archiduce Mathia & Ordinibus habebant, & vt gratias ei agerent, quòd ipsius opera & studio ad tractationem istam de pace peruenissent; simul etiam rogarent, ne desisteret quandiu non ad optatam prorsus catastrophē deduxisset. Vltimò cognoscerent ex eo num putaret Cæsareos legatos sua sponte inducias proposituros & vsuros: Metuebant enim, ne si ipsi proponerent & vrgerent, Hispani difficiliōres & insolentiores fierent. De ceteris etiam, quæ ad modum & ordinem agendi & procedendi spectare putabant, cum illo communicarent.

A prandio ergo ijs quæ diximus expeditis & propositis, singulariter autem Comiti explicato, quid de induciis in mandatis haberet, vt interea dum de pace inter se tractarent, vtriusque cessatio ab armis iniungeretur: Ad ea omnia Comes tum temporis (in summa dictum) nihil aliud respondit, quàm se optimam spem de felici euentu concepisse; ad quem etiam consequendum, se nulli operæ & labori parciturum.

*Præcipua
caussa erat,
quòd nō antè
diplomata
ruti & liberi
accessus ac-
cepissent.*

VI. MAII à prandio circa tertiam, Legati Ordinū primò Electorem Treuirensē, deinde Electorem Coloniensem, vltimò Episcopum Herbipolensem accedunt, eosque Serenis. Archiducis Mathiæ & Ordinum nomine saluant, gratiisque actis, quòd in se hoc negotium suscepissent, atque eo Celsibus eorum commendato, moram, quam in veniendo fecissent, excusant; de litteris Credentiarum, quas ad ipsos haberent, simul etiam de Mandato suo indicant, quæ quando vellent, exhibituros se offerunt. Responsione more solito facta, dies illis ad exhibendum ista crastinus aut ad summum perendinus constituitur.

VIII. MAII Legati Ordinum vocati, exhibent Dominis Commissariis litteras Credentiarum, de quibus paulo antè dictum est. Illi vicissim legatis exhibent litteras Imperatoris ad ipso.

3
ipſos datas, quibus, quidnam in mandatis haberent, exponeba-
tur. Deinde multis verbis pacis neceſſitatem iis oſtendunt,
deſiderium & ſtudium ſuum ad eam declarant: petunt huius-
modi media à Legatis proponi, quibus Rex inducatur, vt ipſis
reconcilietur. Vltimò editionem Mandati eorum exigunt.
Quid ad ea reſponſum fuerit, quia poſtea in ſcriptis illa dari
ſibi poſtulauerint, referre hîc ſuperſedeo. Sed cùm Illuſtriſſis.
Dux Arſchotanus ipſemet ea Gallicè elocutus fuiſſet, Domi-
ni Commiſſarij poſtulant, vt iuxta morem Imperij, legati Or-
dinum vel Germanicè, vel ſaltem Latinè poſthac loqui velint:
ea verò quæ in ſcriptis exhiberent, non Germanicè, ſed Latinè
conciperent. Altero die rurfus admonitio de eadem re illis do-
mi, per quosdam Conſiliarios facta eſt, qui petebant quoque
Latinè ſibi in ſcriptis ea exhiberi, quæ præcedenti die à Domi-
no Duce Gallicè dicta & propoſita erant. Legati ergo Ordi-
num ex ſuis in Oratorem deligunt & ordinant Doctorem Al-
bada, qui communi nomine ea quæ vnanimiter iuxta inſtru-
ctionem ſuam deliberaveſſent & concluſiſſent, proponeret, &
vbi opus eſſet in ſcriptum redigeret: quia tamen erant ex iis,
qui ne inferiorem quidem linguam Germanicam intellige-
rent, viſum illis fuit non ſolùm ſcribendo, ſed & dicendo La-
tina lingua vti. Eodem igitur die ſequens ſcriptum conci-
piunt, & ad dominos Commiſſarios transmittunt.

*Brevis explicatio eorum, quæ oſtava Maij Legati
Ordinum ore expoſuerunt.*

IN primo ingreſſu Reuerendiſſimis ac Illuſtriſſimis Sacri
Rom. Imperij Electoribus & Principibus, nobili ac præſtan-
tiſſimo viro Illuſtriſſimi Ducis Iuliacenſis legato, S. Cæſ. Ma-
ieſtatis Commiſſariis exhibuimus litteras noſtras Credentia-
les, quas à Sereniſſ. Archiduce Anſtriæ & Ordinibus Belgij ad
Celſitudines & dignitates ipſorum habuimus. Et cùm ad eas
clariffimus vir Cancellarius Treuirenſis viciffim nobis litteras
Cæſ. Maieſtatis tradidiſſet, & vnà cum iis deſiderium & ſtu-
dium inprimis Imperatoris, deinde Electorum & Principum
Commiſſariorum nobis declaraveſſet, ſimul etiam calamitates
& miſerias, in quibus verſaremur, nomine eorum aperuiſſet,
cum exhortatione quò ad huiusmodi media intenti eſſe velle-

*Abbat tum
tēporis Comes
à Suvart-
zenberg.*

A 2

mus,

4
mus, vt Regi Hispaniarum nostro naturali Domino reconciliaremur, firmaque pax inter nos tandem constitueretur: Illustrissimus Dux Arschotanus nomine Archiducis & Ordinum Cels^{bu} & Dignitatibus dictorū Electorum & Principū amicē, humillimē & officiosē pro desiderio & studio isto gratias egit, multisque ex causis ostendit, nihil magis ipsi Duci & Ordinibus in votis esse, quā vt pax ista coiri possit; nec vnquam per eos stetisse, quin iampridem æquis conditionibus inita & cōclusa fuerit, nisi per Regem & ipsius Duces impedita esset. Rogare etiam vt in eo animo & voluntate perseverare velent; Archiducem & Ordines id omni amore, officio ac obsequio compensare ac demereri cupere.

PORRO cū ex litteris Illustrissimi Principis Auraici, quas ad Ducem Arschotanum dedit, colligi possit, non solū hīc de pace agi per eos, quos Sereniss. Rex Hispaniæ ad hunc conuētum ablegauit, sed etiam Principem Parmensē idem tentare: deinde aliunde constet, quosdam alios ex nostratibus Nobilibus hanc potestatem sibi arrogare, quod non minus cum subditis Maieft. ipsius tum publicē cum omnibus, tum priuatim cum singulis agere possint, eaque tractatio non tantū ad imminutionem auctoritatis Cæs. Maieftatis, sed directē quoque commissioni Reuerendissimorum Electorum & Principum, qui ad hunc conuentum electi sunt, repugnet; ad
1. hęc confusionem totius negotij & prouinciariū distractionem in pacis & multorū præiudiciū illatura sit: Has litteras Illustrissimus Dux Cels. & Dignit^{bus} ipsorū prælegere, & exemplar earum petentibus exhibere voluit, vnāque Archiducis & Ordinum nomine rogare, vt de Mandato Illustrissimi Ducis de Terra-noua inquiratur, & si ipsi soli hoc negotium commissum sit, æquū esse vt idem negotium aliis interdicatur.

ANNO TATIO.

1. *Ad verbum Prouinciarum distractionem, &c.] Statim ab initio multi suspicati sunt, cū Princeps Parmensis, & vnā cum eo aliquos Nobiles, sub pretextu singularis Mandati, in hoc incumberent, quomodo in Belgio Hannoniam & Artesiam ab aliis prouinciis amouerent: Ita ex altera parte per hunc conuentum Hispanos præcipuē elaboraturos esse, vt simul etiam alias prouincias, quæ fœdere adhuc iunctæ sunt, vel saltem ciuitates in iis sitas, à se inuicem alienarent, atque ita per discordiam & factiones, alias ab aliis separarent, imbecillioresque redderent.*

Adm.

Aduersus hunc conatum optimè facient Ordines, si perpetuò insignium suorum memores sint, vel eius apophthegmatis, ex quo illa desumpta videntur: quod Apophthegma hîc ascribere non grauabor.

Scylurus octoginta liberos masculos habens, cum esset moriturus, fasciculum iaculorum singulis porrexit, ut singuli rumpere, id cum singuli recusassent, eo quod videretur impossibile, ipse singula iacula exemit, atque ita facile confregit omnia, filios admonens his verbis: Si concordēs eritis, validi inuictique manebitis; contrā, si dissidiis & seditione distrahemini, imbecilles eritis, & expugnati faciles. Non potuit Scythia magis Scythicè rem ob oculos ponere. Erasmi. Apophtheg. lib. 5.

Scylurus.

LITTERÆ IMPERATORIS.

*Rudolphus secundus diuina fauente clementia electus
Romanorum Imperator semper Augustus.*

REVERENDI, Illust. Generosi, Magnifici, Nobiles, honorabiles, prudentes, deuoti & fideles nobis dilecti. Cum pacis inter Sereniss. Principem Dominum Philippum Regem Hispaniarum Catholicum auunculum, sororium & fratrem nostrum charissimum ac Sereniss. suæ prouinciarum Belgicarum Ordines & Status tractandæ negotium nobis vtrimque concreditū sit: Nos iis quæ hoc loci à nobis expectari possunt, deesse nolentes, Venerabiles & Illustrem Iacobum Treuirensē & Gebhardum electum Coloniensem Archiepiscopos, Sacri Romani Imperij per Galliam regnūque Arelat. & Italianam Archicancellarios Principes Electores & nepotes nostros charissimos, ac Guilielmum Ducem Iuliacensem, Cluiæ & Bergæ, consanguineum, affinem & principem nostrum charissimum: necnon nobilem nostrum & Imperij sacri fidelem dilectum Othonem Héricum Comitem in Schwartzenberg, Dominum in Hohenlansberg, nostrum Consiliarium & supremum Curia Mareschalcum isthuc Coloniam destinauimus, ut iidem coniunctim vel diuissim nostro nomine & tanquam Cæsarei Commissarij nostri eius rei curam suscipiant, ac quanto maiori studio in id incumbant, ut omnia ad tranquillum statum reducantur, uti ex ipsis vberius intellecturi estis. Quapropter vos beneuole clementerque hortamur &

A 3

requi-

requirimus, vt tanquam dictorum Statuum Belgicorum Legati & Mandatarij non solum iisdem Commissariis plenam in omnibus quæ sic nostro nomine vobiscum acturi sunt, fidem non secus ac si nos ipsos audiretis, præstare: verumetiam ita vos exhibere velitis, vt haud quicquā in vobis desiderari possit quod ad salutarem pacem conciliandam, stabiliendamque opportunum necessariumve videri queat. Quod cum de vobis planè expectamus, tum verò ditionibus istis Belgicis operam imprimis vtilem atque necessariam præstituri, ac id effecturi estis, vt patria vestra à totali interitu, cui proxima est, vindicta optata tandem quieti suoque pristino nitore, vti maximè optamus, restitui possit. De cetero beneuolentiam & gratiam nostram Cæsaream vobis propenso animo deferimus. Datum in arce nostra Regia Pragæ die xvij. mensis Martij, Anno Domini millesimo quingentesimo septuagesimo nono. Regnorum nostrorum Romani, quarto: Hungarici, septimo: Bohemici verò itidē quarto. Signatum *Rudolphus*. Inferius ad latus dextrum *Vt. Sviehenser*: & ad latus sinistrum erat scriptum: *Ad Mandatum Sacre Cæs. Maiestatis proprium*. Infra signatum *Pbernberger*. Supercriptio: *Reuerendis, Illust. Generosis, Magnificis, Nobilibus, honorabilibus, prudentibus, deuotis & fidelibus nobis dilectis N. Statibus & Ordinibus Belgicis, vel eorundem Legatis Coloniam destinatis*. Consignatum magno sigillo ex rubra cera.

COPIÆ CREDENTIALIUM

Ex lingua
Germanica in
Latinam
translata.

*Ad Sacr. Rom. Imperij Electores & Principes Roman.
Cæs. Maieft. Commissarios, &c. Colonia nomine
Archiducis & Ordinum mutatis mutandis.*

REVERENDISSIMI Electores & Principes amicabili nostro seruitio, & quicquid alioquin vel chari vel boni possumus, præmissio, dilecti Domini & amici: Posteaquàm Rom. Cæs. Maieft. clementissimo Domino nostro & fratri, ex Christiano pacifico paterno affectu, ad prægressum Seren. Regis Hispaniæ &c. consensum, adiuuante diuina gratia, per suam Cæsaream intercessionem in ciuitate Coloniensi pacificatio.

7
ficationis tractatum agere, eoque calamitosas has prouincias
& subditos à diuturno damnosissimoque bello subleuare cle-
mentissimè placuit. Ad quem etiam vestræ dilectiones, vt ei
rei suam operam præstent, amicè & beneuolè in propriis per-
sonis comparuerunt. Atque nos sanè vnà cum his prouinciis
nihil acceptius & gratius à Deo Opt. Max. quàm constantem
ac salutarem pacem optare sciamus, nec possimus. Ideò ad
eiusmodi pacificationis tractatum Illustrissimum Princi-
pem Philippum de Croy, &c. (*reliquorum nomina in sequenti*
Mandato ponuntur.) cum Instructione plenòque Mandato
ablegauimus, prout vestræ dilectiones coram ex ipsis intelli-
gent. Requiritur ergo ab iisdem vestris dilectionibus pror-
sus amicè vt velint prædictis nostris & Ordinum harum prou-
inciarum Legatis, non solum in iis, quæ nomine nostro pro-
posituri sunt, sicut nobis ipsis plenam fidem dare: sed ad ea
etiam tam amicè se præstare & exhibere, prout id vestris dile-
ctionibus tanquam pacificis Electoribus & Principibus, præci-
pui membris sacri Imperij ad consolationem harum afflictis-
simarum inferiorum ditionum, & ad constitutionem piæ fir-
mæque pacis conuenit & factu notum sit. Quemadmodum
etiam nos de iisdem omnino nobis promittimus: id quod
grata amicitia officiosè promereri quouis tempore parati su-
mus. Antwerpiaë xvi. Aprilis, M. D. LXXIX.

Mathias Dei gratia Archidux Austriae.

Mandatum Legatorum Ordinum.

Nos Mathias, gratia Dei Archidux Austriae, Dux Bur-
gundiae, Stiriae, Carinthiae, Wirtembergae, &c. Comes
Habsburgi, Tirolis, &c. Gubernator & Capitaneus generalis
Belgij, siue Germaniae inferioris, per Ordines generales ad id
electus, & Prælati, nobiles ac deputati ciuitatû repræsentantes
eosdem Ordines ad id in præsentiarum specialiter & sollemni-
ter conuocati, competentique numero congregati, in ciuitate
Antverpiensi: Omnibus qui has præsentis litteras visuri sunt,
salutem. Quandoquidem communicatio per nostros deputa-
tos in ciuitate Louaniensi mense Augusto ultimo elapso ha-
bita, cum Commissariis quondam Domini Ioannis Austriaci,
super

*Ex Gallico in
Latinū ver-
sum de verbo
ad verbum.*

super negotio pacificationis harum miserarum turbarum & bellorum, quibus hæ prouinciæ adeò sunt extenuatæ, non fuit perfecta, neque consequi potuit fructum desideratum & necessarium, ad vitandam integram earum ruinam, ex causa quòd per litteras Regis Catholici, pendente eadem communicatione, potestas perficiendi esset adempta dicto Domino Iohanni, omniq. permissa Imperat. Maieſt^{ti}. qui vti Mediator & amicabilis compositor, dignatus fuerit suam auctoritatem interponere, & ad hunc finem mittere aliquos Principes, aliòsque suos legatos in ciuitatem Colonienſem: Nos certiores quoque facti de bona intentione dictæ suæ Maieſt. Regiæ, optantes nullum medium aut occasionem prætermittere, quò dictæ prouinciæ & earum incolæ liberentur ab iisdem bellis, turbis & calamitatibus, vt in posterum quilibet conseruetur & manu teneatur in pace ac quiete, necnon in suis iuribus, libertatibus & fortunis ad honorem Dei, & seruitium suæ Regiæ Maieſtatis, ad incolumitatem & tranquillitatem suorum bonorum subditorum ac patriæ amantium: Notum facimus nos in supradicta qualitate, commisisse & deputasse, committere & deputare per præſentes, dilectum nostrum & charissimum cognatum Philippum Dominum de Croy, Equitem aurei velleris, Ducem de Arſchor, Principem de Chymay & Portien, & Comitem de Beaumont & de Senighem, &c. Reuerendos in Deo patres, Dominum Iohannē vander Linden, Abbatem S. Gertrudis: Dominum Fridericum de Yue, Abbatem de Marolles, rerum Status Consiliarios: Dominum Buchonem Aytha Præpositum S. Bauonis Gandauenſis: Casparum Schetz Equitem, Dominum de Grobendonck, & Wesemale, thesaurarium generalem dominiorum & financiarum: Franciscum d'Oygnies, Dominum de Beaupar: Adolphum à Meeterkerke, Scutiferum, rerum Status Consiliarium: Adrianum vander Milen, legum Doctorem, Consiliarium in concilio prouinciali Hollandiæ: Bernardum à Merode, Equitem, Dominum de Rumen: Adolphum à Goer, Dominum de Kaldenbroeck, & Doctorem Aggæum de Albada. Quibus omnibus simul, vel quinque aut sex ex illis dedimus, & his præſentibus damus plenam auctoritatem & mandatum generale ac speciale, ad comparandum coram dictis legatis Imperatoriis, & vltorius cum deputatis dictæ suæ Regiæ Maieſtatis ad præ-

ad præfatam communicationem procedendum, tractandum,
deliberandum & concludendum bonam aliquam reconcili-
ationem & pacificationem, vti pro maiori vtilitate & secu-
ritate Reipub. & singulatim ad liberationem harum ditionum
ab omnibus exteris militibus ipsis videbitur expedire; planè
iuxta instructionem quam à nobis habent, atque ad hunc fi-
nem sese obligandum deputatis præfatæ suæ Maiest. Catho-
licæ; ea lege vt omnia sint conclusa & consummata intra sex
hebdomadas à primo die communicationis. Quibus elapsis
tenebuntur iidem deputati statim huc reuerti, neque vltius
tractare. Poterunt quoque iidem deputati eligere tales perso-
nas, quas ipsis videbitur, qui illis opem ferant ac assistant, atq.
etiam Secretarium, quo vtentur ad omnia, quæ occurrent ad
effectum prædictum, dantes ei facultatem & auctoritatem
debitè annotandi, describendi, expediendi & signandi omnia
acta. Promittentes bona fide, & sub obligatione nostri & cu-
iuslibet nostrum, nostrorumque successorum singulatim &
generaliter, vnà cum bonis nostris quibuscumque præsentibus
& futuris, nos habituros gratum, ratum & firmum in per-
petuum omnia & singula puncta & articulos, quos dicti no-
stri deputati nostro nomine concordabunt & concludent, &
omnia rata habere ac inuiolabiliter obseruare & obseruari
curare, præstare & implere, nec iis vnquam contrauenire, vel
pati contraueniri, directè vel indirectè, quocunque modo id
fieri possit. In quorum testimonium, nos Mathias Archidux
Austriæ, Dux Burgundiæ, &c. has præsentis manu nostra pro-
pria subsignauimus, & sigillo armorum nostrorum muniui-
mus. Ac nos Prælati, Nobiles & Deputati supradicti iisdem
iussimus appendi sigillum nostrum cõmune, easq. signari per
vnum ex nostris Secretariis. Antvverpiæ nono die Aprilis;
Anno Domini millesimo quingentesimo septuagesimo nono.
Signatum *Mathias*, addita impressione sui sigilli; cui sub-
scriptum erat, *De mandato sue Serenitatis*. Et subsignatum,
N. Sille. ab altera parte subscriptum erat; *De mandato dicto-
rum Ordinum*; & signatum *A. Blyleuen*. vnà cum magno fi-
gillo rubræ ceræ impresso duplici cauda appendente.

B

LIT.

Ex lingua
Gallica in
Latinam
translata.

LITERÆ PRINCIPIS

AVRAICI.

Domino meo, Domino Duci Arschotano.

EQVIDEM optassem, mi Domine, iter tibi felicius, quàm ex literis tuis Breda scriptis accidisse intelligo. Spero tamen exiguam hanc profectionem aliquid profuturam, videlicet ut te magis misereatur eorum, qui tam multo tempore cubandi in nauibus quasi opificium exercuerunt, idque frequenter magno cum periculo. Interea etià tuas accepi Neomago scriptas, pro quibus gratiam habeo. A discessu tuo Ordines generales acceperunt literas à Statibus Artesij, quibus exponunt non fuisse opus pro pace Coloniam mittere, quoniam Imperator mora tempus extraheret: Verùm si vellemus Atrebatum mittere, legatos Principis Parmensis bonam pacem nobiscum inituros. Vnde facile colligi potest Principem Parmensem in Artesio inuenisse homines idoneos ad promouendum potius sua priuata negotia quàm publica totius Belgij. Id quod adhuc manifestius apparebat, ex eo quòd superioribus diebus Montibus Hannoniæ in Comitibus tractatum fuit, quò iuerunt Marchio Hauræus & Dominus de Fresin. Nam legati Artesij qui eò venerunt, proposuerunt Principem Parmensem mansurum Gubernatorem generalem Belgij tribus mensibus post discessum Hispanorum. Ex quo vides mi Domine, primùm eos velle gubernationem Domini Archiducis repudiare; deinde paulatim progredi, ac postea sua per otium stabilire. Ecclesiastici approbant id quod per Artesienses propositum est, & oppidum Montense videtur in eandem sententiam iturum, sed nobilitas & minora oppida non sunt eiusdem sententiæ: nihil tamen adhuc conclusum est. Dominus à Cruninga suæ Serenitatis nomine profectus est ad Dominum de Montigny, ut ei declaret quibus fraudibus erga ipsum Hispani vtantur; uti ipse videbit ex literis interceptis quas Comes Lalenius misit: item ut ipsi indicet necessarium esse ut semel statuatur Flandria exire, quia quatuor membra Flandriæ nullo modo amplius ferre volunt, ut ibi colligat aliquas exactiones, uti hætenus fecit; quemadmodum tamen adhuc facere sperat vigore tractatus in monte S. Eligij cum

Motta.

12
Motta initi, alioqui fieri non posse, vt impediatur quin ipsi
bellum inferatur. & profecto hi motus Flandrici planè labe-
factant omnes res nostras. Quodcumq. euenerit, non deero
quin te certiore faciam. His commendo me tuæ beneuo-
lentia toto animi affectu, Deumque precor vt tibi, mi Domi-
ne, largiatur prosperam & salutarem vitam. Antwerpia po-
stridie Cal. Maij, 1579.

Tuus beneuolentiss. frater & amicus ad tibi
præstandum obsequium

Guilielmus de Nassau.

POSTea XII. Maij Domini Commissarij legatis Ordinum
quatuor puncta proposuerunt. Primum in effectu illud
est, quod sequenti scripto Ducis de Terra-noua continetur.
Secundum, quod aliquot vitia in Mandato ipsorum inueni-
rent, quæ tamen tum non explicabant, nec eo minus in caussa
progredi se velle affirmabant. Tertium, quod putarent ex-
pedire vt induciæ indicerentur. Quartum, vt media propo-
nerent, quæ constituendæ paci seruire possent.

SCRIPTVM DVCIS DE
TERRA-NOVA.

*Illustrissimi, Reuerendiss. Nobiles, & clarissimi
S. Cæsareæ Maiestatis ad componendos motus
Belgicos, tum delegati, tum subdele-
gati, longè dignissimi.*

DVx de Terra-noua à Serenissimo Rege Hispaniarum
Catholico ad instaurandam sui populi Belgici pristinam
tranquillitatem, sollenniter constitutus Mandatarius, partim
intellectis iis quæ vestro iussu sibi hesterno die relata fuere,
partim etiam viso scripto, à Commissariis Ordinum eiusdem
dicti populi exhibito, mentionem faciente de facultatibus,
quarum virtute tam Excellentissimus & Illustrissimus Prin-
ceps Parmensis Regius Gubernator, Locum-tenens & Capita-
neus

B 2

neus per Belgium generalis, quam plerique alij nobiles negotio pacificationis ac reconciliationis populi cum legitimo iuxta ac hæreditario suo Principe naturali sese immiscere, ac illud, quoad eius in ipsis est, promouere conantur; Respondendo proponit, dicit & declarat; quod vobis Illustrissimis Cæsareis delegatis haud dubiè iam antea satis superque innotuerit, & signanter per inspectionem originalis Regij Mandati procurationis, septima huius præsentis mensis in amplissimo vestro conuentu exhibiti, qualiter idem Serenissimus Rex Catholicus, tum ad seriam instantiam dictæ suæ Maiest. Cæs. tum etiam singularis suæ clementiæ, ac denique paternæ sollicitudinis, tam orbi terrarum, quam vniuerso sacro Roman. Imperio manifestandæ studio, nihil sanè promptius habuerit, quam vt alacriter obsequens pio desiderio eiusdem suæ Maiestatis, totius negotij componendi curam & potestatem illi, & Principibus ab ea delegandis, mira quadam animi fiducia concederet, etiam peculiari ministro ad eum finem cum procuratione sufficienti ad locum, quò oportuit, ex Hispaniis destinato. Quo accidit quod idem Dux supradictus ad id muneris cooptatus huc se in Belgium iam pridem contulerit, & se quidem suffultus facultatibus amplissimis, prout luculenter fidem est factururus ipsemet tenor supradicti Regij Mandati.

QUANTVM igitur attinet ad pia conamina, tam supradicti Principis Parmensis, quam ceterorū ministrorum nobiliū, omninò persuasum est dicto Duci, eiusmodi qualiacunque tandem illa sint, haud aliò tendere, quam vt ea qualitate, qua Regius est Locum-tenēs & Gubernator generalis, ac proinde fretus amplitudine sui Mandati generalis, perbenignè cum primis suscipiat particulares prouincias, oppida & ciuitates, si quæ forsan præ ceteris magis auidè anhelantes ad pristinam animorum tranquillitatem, ac præterea etiam sponte memores debiti officij, quo obstrictæ sunt Regi, tanquam Principi suo naturali, suoque motu aspirant ad salutarem reconciliationem. Illud autè dicto Principi hætenus licuisse, & adhuc dum licere, res ipsa manifestior est, quam vt demonstrato egeat. Quid enim res illa obfutura studiis dictæ Maiestatis Cæsareæ, atque adeò etiam suorum delegatorum, imò potius cur ni & profutura plurimum? tãquam paucioribus superfuturis, quorum gratia laborem & sollicitudinem subire cogantur. Siquidem

dem graue nimis foret ardentioribus in spontaneam reductionem sui aditum præcludere.

CETERVM quod concernit ipsam generalem pacificationem ceterarum prouinciarum adhuc, pro dolor, laborantium, & ad debitam obedientiam nondum reductarum, nullum dubium esse potest, quin eius rei auctoritas, sicut attributa est Cæs. Maiest. vobisque Illustriissimis eius delegatis: ita facultas tractandi, concordandi & concedendi quæcunque necessaria & oportuna videbuntur, haud dubie impartita sit dicto Duci soli & in solidum; prout constat ex Mandato iam antè producto ad quod se refert.

ANNOTAT.

1. *Ad verb. Ad debitam obedientiam.] In hoc scripto & alibi quoque non aliter Regius legatus agit, ac si Ordines, & sub eorum nomine omnes subditi inobedientes, hoc est, perduelles existant, cum scire debuisset, ex iis quæ iam antea sapius oblata erant, atque etiam ipsemet iterum offerre proposuerat, non subditos Belgas contra Regem, sed Hispanos contra Maiest. eius deliquisse; ipsos verò iam tot annis grauissimis iniuriis ab Hispanis affectos esse. Nam cum Rex iam antè, & nunc quoque instum & aquum censeat, vt leges, consuetudines, immunitates, exemptiones & priuilegia eorum posthac ipsis integra & salua conseruentur, ex consequenti non potest non iniustum & iniquum astimare, quòd Gubernatores & Duces eius eam violare, abrogare & eripere illis per vim hætenus conati sunt. Vicissim secundum opinionem tam Iurisperitorum quàm Canonistarum non potest non instum & aquum arbitrari, cum Maiestas eius, quæ superiorem non agnoscit, per Hispanos suos perperam contra subditos suos Belgas instructa, nullum remedium oppressioni eorum adferret, quòd ad defendendum ius suum, item ad defendendum corpora & bona sua, quæ vnà ipsis auferebantur, arma aduersus illos ceperint. Certum enim est ob nullam aliam causam, quàm quæ hic refertur, iam tot annis in armis communiter prouincias & subditos fuisse.*

Dominicus à Soto de iust. & iur. lib. 5. q. 1. art. 3. Ferd. Vsq. illustr. contr. lib. 1. cap. 8. nu. 33.

XIII. Maij ad scriptum illud & duo alia puncta, nempe tertium & quartum, legati Ordinum sequentem Replicam & responsum primum ore retulerunt, deinde in scripto ad requisitionem Commissariorum exhibuerunt.

B 3

SCRI

Reuerendissimi, Illustrissimi, Generose, Nobilis

S. Cæs. Maieft. Commissarij.

Q^{VÆ} Cels. & Dign. V. hesterno die placuit Illustrissimo Duci Arschotano & reliquis nobis Ordinum legatis proponere, ad ea breuiter hæc nostra responsio est.

*Non magno-
perè curasse
videntur qui-
bus modis, si
nō pronicias
omnes saltem
aliquas in
partes suas
pertraherent,
ex causa qua
supra anno-
tata est.*

P^{RIMVM}, quod ad scriptū illud Ducis de Terranoua attinet, posteaquā Dominus Ioānes Austriacus, dum in viuis esset, Ordinibus declarauerit, sibi penitus tractandæ pacis cōmissio- nem ademptam fuisse, atq; hoc ipsum non ita pridem scripto Generoso Comiti legato Cæsaris hīc præsenti princeps Parmensis significauerit, affirmans omnem potestatem tractandæ pacis in Cæsarem translatam esse: Illustrissimus Dux & nos reliqui admiratione quadam ducimur, & S. Cæs. Maieft. eiusq; Commissariorum autoritati parum honorificum esse censemus, Principē Parmensem de nouo sibi nō solū eandem potestatem assumere & arrogare, sed eam quoq; à Duce de Terranoua comprobari: simul etiam quod eos gratiores & honoratiores habeat, qui cum Principe Parmensi, quā qui iussu Cæs. Maieft. cum Commissariis ipsius de pace agere cupiant. Nihilominus super hac re nullam cupimus cū legatis Regiis disputationē inire, ne principali negotio aliquod impedimentum obiiciatur, sed ea arbitrio & iudicio vestro consideranda relinquimus.

*Offerunt se
ad inducias.*

S^{ECVNDVM} de induciis, Illustrissimus Dux & nos Sacr. Cæs. Maieft. clementissimæ voluntati, quā aliquoties paterno animo suis literis Ordinibus significauit, humillimè obtemperantes, contenti sumus, vt de induciis ratio & tractatio inea- tur; in quem finem cōdicionēs quoque, sub quibus illas indici æquum sit, à Cels. & Dign. V. audire & intelligere cupimus.

Q^{UOD} tertio loco de Mediis, quæ cōstituendæ paci seruire queant, propositum fuit, Seren. Archidux Austriæ, Gubernator & Capitaneus generalis & Ordines Belgij ad S. Cæs. Maieft. literas Illustrissimo Duci & nobis iniunxerūt: vt quæ placebunt Serenissimo Regi Catholico, Principi & Domino nostro naturali per suos legatos nobis proponere; vel quæ sibi
ab

15
ab Ordinibus præstari velit declarare, ea audiamus & cognoscamus: quibus auditis & cognitis, arbitramur meliori tū loco, tum ordine, quæ media necessaria erunt, sua sponte se oblatura. Actum Colonia 13. Maij Anno 79.

HABITA deliberatione ad ea Domini Cōmissarij legatis Ordinum exponi faciunt, sibi gratum esse responsum, quod tū super scripto Ducis de Terranoua, tum super induciis dedissent. Velle se ergo à prandio cum Duce de Terranoua agere de condicionibus, quibus induciæ iniri & indici possint.

ITEM gratum sibi esse dicebant, quod intelligerēt ipsos, ommissis inutilibus disputationibus, ad principale negotium properare: similiter ergo se cum eodem Duce de Terranoua non solum super Mediis, si quæ ille proponere velit, sed etiā de via & ratione, quam in hoc negotio sequi expediat, acturos.

QVOD ad Mandatum legatorum attineret, admonitionis ergo iterum & apertius vitia, quæ in eo inuenirent, declarant: nempe quod nomina prouinciarum, quæ Mandatum dedisse dicerentur, in specie non exprimeret; quod nullam mentionē ciuitatum faceret, quæ præcipuè tamen ad hoc negotium pertinerent. Item quod non esset purū & absolutum, sed conditionale & restrictum per ea quæ in Instructione illorum continerentur. Vltimò, quod sigillum nouum esset, quod aduersa pars non posset nec vellet agnoscere; monere ergo vt de alio Mándato sibi prouideant, quod prædictis vitiis careat, sigillisque singularum prouinciarum munitum & roboratum sit, priusquam tractationi isti finis imponatur.

LEGATI Ordinū post actas gratias tam beneuolè suscepti responsi ipsorum nomine quàm factæ admonitionis, replicāt, se ea quæ contra Mandatum suum dicta essent, perpensuros, & super iis suo tempore responsum datuos.

XVI. Maij Domini Commissarij Legatis Ordinū ostendunt, licere Principi Parmensi, virtute Mandati sui generalis, cum prouinciis & ciuitatibus, quæ se sponte ad pacificationē cum Rege offerrent, agere, nec intelligere se, huiusmodi tractationem aliquo modo Cæsareæ autoritati repugnare, multò minus, se illam nomine Maiest. ipsius impedire posse: Sed rursum mōent, vt de tali sibi mandato prouideāt, in quo prouinciarum & ciuitatum nomina singulatim exprimantur; si ex eodem constare possit, Parmensem cum iis prouinciis vel ciuitatibus *Cæsaris mandatum ad Dominos Commissarios, extendit se ad omnes prouincias, sic etiam Terranouensis: particulariū nusquā ulla mentio fit, ac si Parmensis cum quibus-*

dam, Terranouensis verò cum aliis intercedentibus Principibus agere debeat.

tibus agere, quarum Mandato comparuissent, Terranouensem curaturum ut ea in re ipsis satisfiat.

QVOD ad inducias attinet, se diligenter de iis cum Duce de Terranoua egisse, sed ad verba sua attendere ipsum noluisse, affirmando negotium esse in eo statu, quo induciæ cōcedi non deberent. Progressu vltiore facto, offerri posse ab illis talia media, quibus ad concedendum inducias commoueri possit.

Ex hac ergo causa, deinde per se visum illis fuit, ut ex parte Ordinum propositio mediorum fieret.

HIS ita dictis, petierunt Legati Ordinū, si Dux de Terranoua in scriptis illa exhibuisset, eorum exemplar sibi communicarent, ut melius super iis deliberare & respondere possent.

REPLICANT Commissarij, Terranouensem quidē scriptum quoddam edidisse, sed esse imperfectum; plura etiam ore eum proposuisse, quā quæ scripto illo contineretur; ob hanc causam & quasdam alias se nō posse illis scriptum ipsius communicare: sed iterum instant ut mediorum exhibitione legati Ordinum principium faciant.

AD ea illi deliberationem petunt in diem Lunæ proximum, quæ illis concessa fuit.

XVIII. Maij, Legati Ordinum quæ sequenti scripto continentur, primum ore exposuerunt, deinde ipsum scriptū Dominis Cōmissariis vnā cum sequentibus articulis exhibuerūt.

S C R I P T V M.

*Reuerendissimi, Illustrissimi, Generose, Nobilis,
Sacr. Cæs. Maiest. Commissarij.*

QVÆ Illustrissimo Duci Arschotano & nobis Ordinū legatis nomine Ducis de Terranoua responsi loco proximè exposita sunt, deinde quæ Cels. & Dign. V. placuit quo ad Mandatum & media exhortationis ergo amico ac benignissimo affectu addere, ad ea brevis hæc nostra responsio est.

PRIMO factum Principis Parmensis sicut antè fecimus multò magis nunc, posteaquam satis de eo ex proprio Sereñ. Archiducis Austriæ legato Cels. & Dign. V. instructæ sunt, earūdem iudicio & arbitrio relinquimus: Illustrissimo tamen Duci & nobis Parmensis tractatio, quæ non vltro oblata, sed quæ sita

Hic fuit Antonius de Laing, Dominus de Mouillerie.

quæ sita & sollicitata est, non potest vel legitima vel conueniens generali huic tractationi videri.

Quò spectauerit, euentus declarat.

QVOD secundo loco iterum de Mandato motū fuit, datur operam sumus suo tempore, ne vlla controuersia vel nullitas ratione Mandati & prouinciarum, quarum nomine huc comparuimus, exoriri possit.

TERTIUM de induciis, prouinciæ nostræ à Sacr. Cæs. Maieft. aliquoties admonitæ fuerunt, ne se in induciis admittendis præberet difficiles: quapropter clementissimè ipsius voluntati humillimè nos subiicere voluimus. Arbitramur similè admonitione Ducem de Terranoua vel coram vel per literas à Cæs. Maieftate accepisse. Quamobrem cum eæ nunc à Cels. & Dign. V. qui Maieftatis ipsius Cômmissarij estis, propositæ & postulata sint, non sine grauissimis, quæ hîc se quamplurimæ, tum respectu Cæs. Maieft. & vestræ condicionis, tum personarum, inter quas præsens bellum geritur, offerunt causis, miramur eas ab Excell. ipsius denegatas esse. Verum sicut bellum vel pacem, ita etiam inducias Deo Opt. Max. in primis, deinde Cels. & Dign. V. committere volumus.

ANNOTAT.

1. *Ad verb. Denegatas esse.] Dura sanè hæc recusatio, Princeps, subditi: caput membra: pater, filij: pastor, oues: Vnum alteri paucorum dierum securitatem & quietem denegare, parum etiam conueniebat Ecclesiasticis personis, de pace tractare, non prius indictis induciis, quippe quæ mansuetudinis officio includuntur, & ad iras restinguendas, beneuolentiâque conciliandam seruiant.*

Claudius Coteræus de iure militum lib. 3. cap. 21.

QVARTO, quod ad media attinet, etsi multas hîc causas habeamus, cur non à nobis, sed à Regiis legatis principiū fieri debeat: tamen ad Cels. & Dign. V. amicam & gratiosissimam exhortationem libenter etiam nos in hac parte demitemus.

ANNOTAT.

1. *Ad verb. Multas causas.] Cause videntur fuisse illæ; Prima, quòd Ordines ab Hispanis vt Rei oppugnentur: Secunda, quòd omnis Ordinum defensio non aliò spectet, quàm vt se in possessione libertatis suæ conseruent: Tertia, quòd Ordines prouincias suas & bona non à Rege, sed Rex imperium & potestatem suam in illa ab ipsis habeat. id infra explicatur.*

LOCO ergo mediôrū sincerè & simpliciter ea exhibemus, quæ petenda & agenda à Serenissimo Archiduce Austriæ, Gubernatore & Capitaneo generali, & Ordinibus in mādatis accepimus; in quibus si aliquid reperiatur quod maiori declara-

C

tione

tionem opus habeat, Illustrissimus Dux et nos parati sumus eam quouis tempore, à Cellis. & Dign. V. admoniti, facere.

Rogamus etiā Regios legatos, quò hoc ipsum præstent, vestra autoritate induci, ne quod hæcenus fecerunt, responsa sua nimis diu extrahant. Est enim mora illa non solum nobis grauis, sed & damno causæ futura, cum tempus quod nobis ad agendum præscriptum est, prout ex Mandato nostro constat, pro bona parte iam effluerit.

ANNOTAT.

Statim ab initio multi timuerunt, Hispanos in hoc conuentu ideo responsa sua ita extrahere, ut interim difficultates & pericula, quæ immineret sibi viderentur, commodius auerterent, causamq; suam firmiorem & Ordinum infirmiores efficere.

*Ex lingua
Gallica in Latinam de verbo ad verbum
translati.*

ARTICVLI ET CONDITIONES

loco Mediorum propositi.

CONCEDETVR vtrique perpetua obliuio, siue & p[er]p[et]ua omniū eorum quæ facta sunt à tempore primorum motuū & causa illorum, quocumque loco & modo, tam generaliter quàm particulariter: ita vt eorum nulla fiat amplius m[en]tio, exprobratio aut inquisitio, quasi ea numquam accidissent.

ANNOTAT.

Auctor Commentariorum De regno aut quouis principatu recte administrando, Comment. ij. de potestate: Clementis magistratus, & honesti populi non est, odia in perpetuum recondere, sed facile ac libenter in concordia redire. Neque tantum ad reconciliandam gratiam prouisi ac faciles esse debemus, sed odisse quoque vim ad vliscendum paratam, tamquam illicitam & indecoram eis qui religionum ac bonorum hominum estimationem querere ac tueri cupiunt. Imo (vt inquit Salustius) bono vinci satius est, quàm malo more iniuriam vincere & victoria ex libidine sua vti: nam ea res plerumque magnas res publ. pessum dedit, dum alij alios vincere quouis modo, & victos acerbius vlisci volunt, nec cogitant vulgatū illud, quod quia verum erat, in prouerbiū venit: Amicitias immortales, inimicitias mortales esse debere. &c.

*Ratio huius
art. ad eundem
secundo editū
redditur &
exponitur.*

II. Rex Catholicus habebit ratum ac gratum, quicquid factū, contractum, constitutum, decretum, conclusum, definitum, prouisum, collatum, aut quoquo modo actū est, per Sereniss. Dominum Archiducem Austriæ Mathiam, Consilium Status, Ordinesque generales ac particulares, tam id quod cōcernit negotium bellicum, quàm politicum.

III.

Rex promittet rata habere, & tenore presentium rata habebit, non modò omnia priuilegia, iura, vsus antiquasque cōsuetudines cuiuscumque prouincię, ciuitatis & territorij: verum etiam consentiet ac concedet, quòd omnes prouincię generaliter, & quælibet earum singulatim, poterunt frui & fruuntur priuilegio Brabantię, videlicet vt liberati sint à suis iuramentis & fidelitate, eo casu, quo Princeps non obseruat omnia antedicta priuilegia, vsus & consuetudines. Secundum quod priuilegium si contingat eadem priuilegia, consuetudines aut articulos hac in pace conclusos infringi, dictę prouincię erunt generaliter liberatę à suo iureiurando; poteruntque eligere talē Gubernatorē vel Principem, qualis ipsis videbitur, tam vt omnes prouincię, quoad istud, sint æqualiter priuilegiatę, quàm etiam quòd secundum ius & rationem (quum iusiurandum & obligatio Principis & subditorum sint reciproca;) prouinciis sine alio priuilegio vel constitutione id liberum sit.

Hæc particu-
la in secundis
articulis iuris
dispositioni
relinquitur.

ANNOTAT.

† Ad verba, Fruuntur priuilegio Brabantię.] Iunius Brutus in libro qui inscribitur Vindicia contra Tyrannos. Extant Brabantinorum ceterorumq; Belgia populorum, Austriacorum, Carinthiorum & ceterorum cum Principibus suis disertissima conventiones, quę sanè conditionū locum obtinent. Brabantini vero in primis, ne vlli ambiguitati locus daretur, conditionem istam expresse-
runt. In Duce enim suo inaugurando conventionibus antiquis, quibus nil ferē ad Reipub. conseruationem deest, coram Duce perlectis, ne eas omnes obseruari, sibi integrum esse alium quemlibet suo arbitratu eligere, palam ei diserteq; protestantur. Ipse verò tum in eas, accepta conditione ultroque agnita, sese sacramento deuincit. Quod etiam postremo in Philippi Hispaniarū Regis inauguratione obseruatum fuit. In summa, inter Regem & subditos contractum mutuo obligatorium esse, nemo negare potest; nempe vt bene imperanti bene obediatur, qui quidem iureiurando ab illo primum, deinde ab his confirmari solet, &c.

De hys de
incompt.

Ludouicus
Guicciard.

* Ad verba, Secundum ius & rationem.] Populus, inquit idem Brutus, Regem facit, non Rex populum, atq. ita in paciscendo populus stipulatur, Rex promittit: stipulatoris vero partes in iure potiores sunt. stipulatur ille à Rege, an non iuste & secundum leges regnaturus sit; hic facturum spondet: Populus demum se iuste imperanti fideliter obsecuturum respondet. Itaque promittit Rex purē, populus sub conditione; quę si non impletur, populus ipso iure omni obligatione solutus censetur. Item:

Est inter Principem & populum vbique locorū mutua & reciproca obligatio: promittit ille se iustum Principem futurū; hic, si talis fuerit, se obsecu-

C 2 iurum

turum. Obligatur ergo populus Principi sub condicione, Princeps populo prout. Itaque si minus adimpletur condicio, solutus est populus, irritus contractus, obligatio ipso iure nulla. IIII.

OMNES milites Hispani, Itali, Burgundiones, Germani, Frāci, Angli, Scoti, omnesq. alij extranei indifferenter vtriusq. partis, egredientur ex ditionibus Belgicis, intra terminum sex hebdomadam. Interea tamen Princeps Parmēsis deseret ilico oppida & loca quę occupat vel detinet, post inuasum Namurcum; qualia sunt, Arx & ciuitas Namurcensis, Carolomontiū, Bouinæ, Philippo-villa, Louanium, Leevva, Dieftum & alia, eaque reddet Ordinibus, vnā cum tormētis bellicis, munitio- nibus & com meatu. Et eorundem extraneorum loco collo- cabuntur in oppidis & arcibus vbi expedire videbitur, milites naturales Belgij, qui steterunt à partibus Ordinum, idq. con- sensu & approbatione Ordinum generalium, ac notanter eius prouincię vbi collocabuntur. V.

QVI quidem milites, præter fidelitatē, quam iurabunt Re- gi Catholico vt prouinciarum Principi & legitimo domino, iurabunt etiam fidelitatem Patrię Ordinibusq. generalibus & particularibus prouinciarum, quas ingredientur, ac notāter obseruare articulos in hac pace conclusos.

ANNOTAT.

1. Ad verb. Patrię Ordinibusq. Junius Brut. in d. lib. De vindiciis. Q. 3. Quod de vniuerso populo dicitur, de iis etiam dictum volumus, qui populum vniuersum in omni regno vrbe legitime representant; qui quidem vulgo, re- gni, non Regis officarij censentur. Regis Officiarij à Rege pro arbitrio creatur aut exauctorantur. quin & eo mortuo nullo loco sunt, & quodammodo mortui habentur. Regni Officiarij contra à Populo, in Concilio nempe publico, aucto- ritatem capiunt, aut saltem olim capere solebant, nec absque eodem exaucto- rari possunt. Itaque pendent illi à Rege, hi à Regno: illi à supremo regni officia- rio qui Rex ipse est: hi à supremo dominio populi, à quo ipse Rex non secus ac illi pedere debet. Illorum munus est Regem curare: horum ne quid detrimen- ti Respublica vsquam capiat. Illorum vt Regi tamquam domino cuilibet do- mēstici adesse ac inservire; horum populi iura & priuilegia tueri, & ne quid Princeps ipse in vilius perniciem committat omittatue, diligenter provide- re. Denique sunt illi Regis ministri, serui, domēstici, ad obsequium tantum- modo instituti: hi contra Regis in iure dicundo veluti Assessores, Regij im- perij consortes, adeo vt omnes quidem illi Rempublicam administrare tenean- tur, non secus ac Rex: is tamen inter eos quasi Præses, primum tantum locum teneat. Vt verò populus vniuersus Rege superior est: ita etiam hi et si singuli Rege inferiores sunt, vniuersi tamen superiores censendi sunt, &c.

VI.

OMNES captiui vtriusque partis liberabuntur sine aliquo pretio redemptionis, si modò ante huius pacis communicationem non fuerint aliter obstricti: ita tamen vt teneantur respectiue expensas soluere. Si qui etiam antea promiserunt redemptionis pretium soluere, tenebuntur etiam satisfacere suæ promissioni.

VII.

ET quia Comes Buranus extra oppidū & Academiam Lo-uaniensem sine causa extractus est, vectusque ex Belgio contra priuilegia tum dictæ Academiæ, tum Ducatus Brabantia; idem Comes statim restituetur in libertatem, & remittetur in oppidum Antuerpiensē intra terminum duorum mensium.

VIII.

QUILIBET vtriusque partis restituetur & regredietur in sua bona immobilia, non obstante quacunque alienatione facta à tempore Pacificationis Gandauensis, atque etiam in bona mobilia, non distracta aut alienata.

IX.

FIET etiam restitutio bonorū in Burgundia, Luxemburgo, Hollandia, Zelandia, aliisque locis, vbi Pacificatio Gandauensis nō fuerit adimpleta, tam ecclesiasticis, Principi Auri-giæ, quàm omnibus aliis, iuxta dictam pacificationem.

X.

OMNES naturales Belgij vtriusque partis poterunt liberè in Belgium reuerti, ibique habitare, ea lege vt præstent iuramentum fidelitatis, tam Regi quàm Patriæ ac Ordinibus generalibus & particularibus, atque adeò sese obseruatu-ros omnes articulos huius pacis.

XI.

PACIFICATIO Gandauensis manu tenebitur & obseruabitur.

XII.

ITEM in iis prouinciis, ciuitatibus & locis vbi religio quæ dicitur Reformata, Cōfessio Augustana, vel pax religionis (dicta *Religions-friedt*) recepta est, omnia permanebūt in suo statu, ita vt à neutra parte cōtraueniri possit. Quia in re nulla debet fieri difficultas; quia aliter possibile nō est inuenire media alicuius bonæ & securæ pacis, tranquillitatis, & quietis publicæ. Et si quis in posterum vellet alium ordinem instituere, hoc

nihil aliud esset, quàm motus inchoare & novas calamitates ac ruinas reducere, abigendo innumeros homines, qui secum transportarēt vniuersam negotiationē & opificia, ac per consequens omnem successum Belgij, vti superioribus annis visum est. Adde quòd inhabitatores Belgij non sunt dispositi, vt sināt se fugari extra suam patriam, atq; ita redigi ad extremam inopiam, in quā necessariò incidunt, cū priuantur ordinaria sua mercatura, opificio vel aliis muneribus, officiis aut vacationibus, quorum medio sese cum vxoribus & liberis sustentant.

ANNOTAT.

Ex Germani-
ca lingua in
Latinam
translata.

Ad verb. Vbi religio.] Formatus est hic articulus ad constitutionem, quæ per Carolum Quintum Cæsarem, & Ferdinandum Regem, Ordinesq; Romani Imperij Passauia olim decreta & publicata sunt. Verba eius hæc sunt: Ne Cæs. & Reg. Maiestates, nèue Electores Principes & Status Sacr. Imperij vllum Augustanæ Confessioni addictum, vel alios qui ceteroqui nulli palam reiectæ & damnatæ sectæ adhereant, de facto, violento more, vel alio modo contra suam conscientiam & voluntatem à sua religione & fide cogant, vel eius nomine inuadant, ledant, per Mandatum, vel quauis alia specie grauent aut contemnant; sed vt eos in tali ipsorum religione quietè & pacificè manere sinant, litigioq; religio non aliter, quàm per amabilia pacifica media & vias, ad uniformem Christianum intellectum & concordiam reducatur.

Ex Gallica.

Item formatus est ad Edictum quod per Regem & Concilium Gallie anno millesimo, quingentesimo septuagesimo sexto, ex eadem quoque causa conceptum & promulgatum fuit: præter alia in quarto articulo ita edicitur: Ne qua inter illos qui nobis subiecti sunt, materia tumultuum & controuersiarum relinquantur, permisimus & permittimus exercitium liberum publicum & generale religionis, quam ipsi reformatam prætendunt, in omnibus vrbibus & locis regni nostri, itemq; regionibus quæ sunt sub imperio nostro & tutela: sine vlla exceptione temporis, personarū, locorum, dummodo loca, quæ ad illud exercitium deligent, ipsorum sint, aut certè id faciant eorum voluntate & consensu, ad quos ea pertinebunt. Quibus in vrbibus & locis, licebit iis qui eam religionem profitentur, concionari, precari, Psalmos canere, administrare Baptismum & Cœnā, publicare & celebrare matrimonia, scholas habere & publicas lectiones, correctionem morum constituere, ex forma & præscripto illius suæ religionis, & omnia alia facere, quæ ad liberum & solidum exercitiū illius religionis pertinent. Licebit his etiam exercere consistoria & synodos, tã prouinciales quàm generales. His autem synodis generalibus & prouincialibus edicimus Officialibus nostris vt intersint, vel aliqui ex ipsis.

XIII.

GVBERNATIO generalis Belgij manebit penes Sereniss.
Domi.

Dominum Archiducē Mathiam, iis condicionibus quas iuravit. Quem si contingat mori, vel si fortē sese veller aliō conferre, Regia Maiestas non poterit committere alium Gubernatorem nisi gratum Ordinibus, ex suis liberis aut sanguine legitimo: qui tenebuntur iurare eosdem articulos ac condiciones, super quibus receptus fuit dictus Dominus Archidux.

XIIII.

Nulli in posterum admittentur ad gubernacula prouinciarum, ciuitatum, castrorum & fortalitorum, Capitaneatus aut praefecturas militum, neque ad Consilia Status secretum aut financiarum, aut alia officia magni momenti, nisi naturales† Belgij & bene idonei, qui steterunt à partibus Ordinum, vt supra, ac grati erunt prouincijs ac ciuitatibus ad quas mittentur. Qui primum & antequam admittentur, tenebuntur solenniter iurare hanc pacem, & particulariter etiam manutenere & obseruare priuilegia, consuetudines, iura & vsus generales & particulares Belgij: ac iureiurando promittere, si resciscant aliquid tractari in eius prauidicium, quod ea de re certiores faciēt Ordines generales & particulares prouinciarum, sub poena quod habendi sunt pro periuris.

ANNOTAT.

† *Ad verb. Nisi natur. Belgæ.] Auctor Commentariorum De regno vel quouis Principatu rectè & tranquille administrando Comment. i. de Principum cōsilio. Machiaveli sectatores statuunt, Principi peregrinos (i. qui communem cum Principe patriam & gentem non habeant) ad nullā Reipub. partem adhibendos esse, etiā si aliquin sub eius imperio ac ditione viuant. Ego contrà rationibus docere nitur, principem in Republica administranda subditis suis, etiā si diuersa gentis sint, vti debere: atque adeo prouincias externas suae ditionis eiusdem illius gentis praefectis & magistratibus committere, quoad eius fieri possit. Quum enim homines natura patriam charam habeant, si magistratus eadem illa gente cui impositus est, ori us sit, haud dubiè illum omnes vt sui corporis multo chariorem quàm externum habebunt. Atque is populum, cui spontè acceptus & gratus est, facillimè obsequentiè praestabit principi: siquidē vera tutag, obedientia, beneuolentia magis quàm vi aut metu quaeritur. Adhac cum necesse sit, vt magistratus earum gentium, quibus praesunt, ingenijs sese accommodet, si illi peregrini sunt, peregrinis moribus impares, diuersa à suis instituta sumere vel nequeunt vel dedignatur. Neque tamen sentio non alios Rectores populo dandos, quàm qui vel eodem ex oppido vel eadē prouincia originem duxerint, sed satis esse si commune gentis nomen cum subditis*

ditis habeant. Item paulo post: Cum ex principis legitimo ac moderato imperio populi, qui in eum ius suum transtulit, incolumitas pendeat, subditorum magnopere interest, ut Reipub. prudenter habeat. Itaque cum deterius administrate sicut dedecus ad Principem, ita damnum periculumque ad populū pertineat, mirum non est, si ciues scire appetant quomodo sese gerat princeps, ac si quibus ille partem aliquam Reipub. commiserit, obedientius omnia faciant: Sin vero se à principe sperni, & à Repub. procul haberi intelligant, atque omnia munia inter peregrinos diuidi, mirū quantū ea re offendantur. Quippe ex eo colligunt, principem ipsorum fidei diffisum, externa presidia querere; cumque suspicentur, se ab eo non diligi, eū non diligunt. Mox inde incepta motus, factiones, defectiones nasci solent; quando subditi cum Principis charitate obsequium simul exuunt: Præterea natura omnes ferè gloriæ & honoris auidi sunt, neque ea cupiditas per se mala aut damanda est, cum in quibus virtutis studium est, decus ac laudem, non propter semetipsos, sed quasi virtutis præmium exoptent. Itaque cum externa prouinciæ hominibus viam ad honores princeps obsepit, bonos quoque ipsos vehemens iniuria dolor stimulat, cum non habeant ubi virtus sua enitescere possit, atque in affectus ab cetero vite instituto ingenioque diuersos impellit. Aristoteles quoque & Hesiodus verè dixisse videntur: Naturæ legibus ita comparatum esse, ut qui ceteros animi dotibus & ingenio antecellit, ceteris imperet; qui minus industria valet, meliori pareat. Quam ad legem, et si summa imperia non dirigantur, propter ancipites eligendi casus, hæret tamen hominum mentibus insculpta, ut qui se non indignos honoribus existimant, ægerrimè ferant, si deterioribus ascitis repulsam patiantur. Quamobrem quoties à principibus in Reipubl. procuratore prelati sunt indigenis aduenæ, ab animis contumelia incensis magnas offensiones, tempestates & turbas ortas legimus, &c.

QVIA verò Belgium incidit in has calamitates & miseras ortas ex bello, quod natum est ex infractione quondā Domini Ioannis Austriaci, quodque etiam Ordines coacti fuerunt exponere magnas summas pecuniarum Colonellis, Capitaneis & militibus, quorum solutio priuatim ad Regem pertinebat, sub ea spe quòd in futurum Belgium in tranquillitate conseruaretur: sua Maiestas Catholica Ordinibus restituet eam summam, quam militibus soluerunt, ad minus vsque ad decies centena millia coronatorum, eosque exonerabit à reliquis obligationibus, quas dictis militibus dederunt: quia condiciones, sub quibus eæ promissæ sunt, non sint adimpletæ.

Et quia Ordines sunt obligati Serenissimæ Reginæ Angliæ propter sinceram amicitiam, vicinitatem, & auxiliū, quod illis præstitit ad vtilitatem publicam: ipsa comprehenderetur reciproce in hoc tractatu, in confirmationem antiquorum fœderum

rum

rum perpetuò conseruatorum inter Principes tam eius regni
quàm Belgij.

SIMILITER cõprehendetur in eodem hoc tractatu Illustrissimus Dux Andegauësis Regis Christianissimi frater, tamquam defensor libertatis Belgij, cū recognitione, quam Ordines ipsi promiserunt proponere & concludere; quoniam tam liberaliter atq. heroicè operam nauauit eorum defensionì ac conseruationi. Vti etiam comprehenduntur omnes alij confederati dictorum Ordinum.

SUPPLICABITVR suę Sanctitati, Cæs. Maieft. Regi Christianissimo, Reginę Anglię, Duci Andegauenfi defensori libertatis Belgicę, omnibus Principibus Electoribus Germanię, Duci Iuliacensi, tamquam studiosis vtilitatis & tranquillitatis Reip. Christianę, vt iis placeat efficere, vt hic tractatus in omnibus suis partibus compleatur & inuiolabiliter obseruetur.

HIC tractatus reciproce iureiurando solemni, super sancta Euangelia præstito, confirmabitur, & à Rege approbabitur, intra terminum duorum mensium aut citius, si fieri potest. Actum Colonia xviij. Maij, Anno M. D. LXXIX.

xix Maij,

DOMINI Commissarij ante prandium, miserunt ad ædes Ducis Arschotani quosdam ex suis Consiliariis nobiles & Doctores, quibus præsentibus Cancellarius Treuirensis Duci & reliquis Ordinum legatis declarauit; Principes suos legisse & examinasse articulos, & media, quæ præcedenti die proposuissent & exhibuissent, sed inuenisse eos ad eò irrationabiles, duos & enormes, tam remotos etiam à prioribus pactis & conuentis, vt nec Imperator, nec Rex, nec Dux de Terranoua velint aut possint ad eos attendere: postulare ergo & admonere, vt repetant & sequantur vestigia præcedentium tractationum & Pacificationum. Hanc enim esse intencionem Imperatoris, eoq. etiam ipsorum Mandatum directum esse, vt secundum illa, quæ iam antè pacta & concordata sunt, præsens tractatio habeatur, & reconciliatio inter Regem & ipsos ineatur. Quæ medio tempore inciderunt, ad illorū normam & formam vtrunque reducantur & restituantur. Sic

D

etiam

etiam fieri posse ut citius & facilius induciæ concedantur.

Cum hæc Cancellarius dixisset, legati Ordinum petunt ea in scriptis sibi dari, in eum finem, ut dicebant, ne quid aliud intelligerent aut scriberent, quam hoc ipsum, quod Domini Commissarii intellectum & scriptum vellent: simul tamen addebant per se non stetisse, quominus priores tractatus custoditi & seruati fuerint; immodò magnum dolorem se percepisse, cum viderent tum per Regem, tum etiam per Dominum Ioannem Austriacum illos infringi & rescindi. Rem enim ita se habere: Regem Ordinibus per Baronem de Selles declarasse, quod nollet Pacificationem Gandauensem obseruare, sed regere regiones suas in ea forma religionis sub suo imperio & obedientia, in qua tempore Imperatoris Caroli defuncti sui patris erant. Eam declarationem multas mutationes in singulis prouinciis sequutas fuisse, cum subditi inde occasionem arripuerint, quasi tractatibus istis amplius obstricti non essent. Per illas porro mutationes, res ipsorum in eum statum redactas esse, ut tractatus illi præcedentes seruari diutius nequeant, nisi liberaliore aliqua cōcessione & indulgentia adiuuentur & augeantur, secundum ea quæ in articulis suis exposuissent. In quibus si aliquid difficultatis inuenirent, rogabant ut ea sibi in specie declararent, non dubitare quin ipsos contentos redderent.

Quod ad memoratas inducias attinet, Ordines generales Cæs. Maiest. clementissimæ voluntati acquiescentes, Mandatum sibi dedisse inquebant, ut in eas sub æquis conditionibus, quas à parte aduersa obtinere possent, consentirent: sic cessatione ab armis per Dominos Commissarios sibi proposita, de ea iam antè se declarasse dicebant; & in præsentem iterum se declarare, quod prompti & parati sint eam ex parte sua facere: ea ratione maximè, cum in omni tractatu de pace, induciæ primum locum habere soleant, multo æquissimum sibi videri eas hîc concedi & præcipi, ob causas quas antea declarassent. Obnixè igitur rursus eas à Cæs. & Dign. eorum petere, ut semel vellent super condicionibus earum agere.

SIMVL

SIMVL etiam prædicti legati Ordinum Consiliarios illos rogabant, quò melius ea, quæ ad negotium istud pertinent, cognoscere & promouere possent, non grauentur familiariter nonnunquam super his secum conferre & communicare.

xx Maij,

LEGATI Ordinum ad Concilium Dominorum Commissariorum vocati, hora octaua ante prandium, iis indicant, intellexisse se responsum, quod præterito die Consiliariis suis dedissent, ad ea quæ nomine suo ipsis proposita erant. Nilominus propter rationes, quæ tum in medium allatæ fuerunt, & iterum hîc repetebantur, postulabant ab iis denuò, vt vellent insistere vestigiis Pacificationis Gandauensis, & Tractatus Bruxellensis, si quæ in iis infracta vel non obseruata essent, vt illa indicarent & proponerent, aliâque media iis conformia exhiberent, se velle operam dare, vt in pristinum statum priora restituantur, Regi quæ reconcilientur. Hoc facto, se Ducem de Terra-noua inducturos, vt in cessationem ab armis consentiat; addentes se aliter super articulis, qui ab ipsis exhibiti essent, tractare non posse; imò si in iis persistere vellent, se aliam viam non inuenire, quàm vt suam instructionem sequantur, & secundum eam vltius progrediantur.

LEGATI Ordinum ad ea deliberationem in diem proximum petierunt.

xxi Maij,

DELIBERATIONE inter legatos Ordinum habita, an insisterent prioribus articulis, vel potius alios iuxta secundam suam instructionem exhiberent, visum illis est, pro defensione priorum articulorum, ea quæ sequenti scripto continentur, exponere. Audientia ergo à prandio impetrata, ore ista retulerunt: deinde dictorum exemplar, à Dominis Commissariis petitum, incontinenti quoque exhibuerunt.

D. 2. SCRI

*Reuerendissimi, Illustrissimi, Generosi, Nobilis,
Sacrae Cæs. Maestatis Commissarij.*

QVÆ Cels. & Dign. V^{re} placuit hesternò die, contra articulos, ab Illustrissimo Duce Arschotano & nobis Ordinum legatis exhibitos, quasi paulò essent duriores, atque etiam contrarij prioribus pactis & cōuentis, obiiicere & declarare, cum amica, benignissima, & beneuola petitione & exhortatione, vt media moderatiora, & quæ illis pactis propiora essent, proponeremus; quò etiam, quantum intelligere potuimus, instructio, quæ à Sac. Cæs. Maest. Cels. & Dign. V^{re} data est, sese dirigit, ad ea quæ latius per Dominum Cæcellarium deducta & explicata fuerunt, hæc nostra responsio est.

AR T I C U L I, quos Mediorum loco exhibuimus, sunt ij, qui Illustrissimo Duci & nobis petendi & agēdi à Serenissimo Archiduce Austriæ, Gubernatore & Capiteano generali, & Ordinibus mandati & traditi sunt.

NE C vllò modo videre possumus, eosdem illos articulos tantam duritiem in se continere, quæ in iustam reprehensionem venire possit; nec etiam vllus articulus est, si rectè consideretur, qui prioribus pacificationibus contrarius sit, sed agnoscimus quædam addita, tum propter præsentēs necessitates, tum maioris declarationis gratia, quæ omitti potuissent, si Dominus Ioannes Austriacus fidem, quam Ordinibus dederat, in istis non fefellisset; nec etiam Baro de Selles Regius legatus postea declarasset, voluntatem Regis non esse, vt ea, quæ ibi pacta & conuenta essent, obseruarentur; nihil tamen additum putamus, quod à Regia pietate, hoc statu rerum, non possit aut debeat impetrari, aut quod non ex priuilegiis & iuribus nostris deberi nobis clarissimè docere possimus.

QV A M O B R E M optassemus Cels. & Dign. V^{re} placuisset duritias istas & cōtrarietates in specie nobis indicare (nō enim omnes articulos pro talibus haberi existimamus) tum non solum sollicitudini vestræ, quoad duritias & contrarietates istas, fortassis

fortassis satis fecissemus, sed & melius & ad rem propius etiam nunc respondere potuissemus. Similiter etiam optassemus nomine Regiorum legatorum nobis declarari, quæ media ipsi proposuerint, an gratæ illis sint priores pacificationes. quod si gratæ illis sunt, frustra sibi & nobis tantas misérias & calamitates ab eo tempore induxerunt.

N I H I L O M I N V S ut cognoscant Celsi. & Dign. V^r, nos nihil quàm quod pium & iustum est, proponere nec desiderare: Primò, circa quæ dissidium vel potius aberratio inter Serenissimum Regem Principem & Dominum nostrum naturalem, & Ordines versetur, indicabimus: deinde in quibus iam antè conuenimus, & quid adhuc definiendum restet, ostendemus: Ita poterunt Celsi. & Dign. V^r non modò æquitatem articulorum, sed & statum totius negotij facilius intelligere.

D V O sunt præcipuè, circa quæ est aberratio. Vnū circa religionem, alterum circa authoritatem: Quæ præterea vel olim vel nunc sunt in controuersia, aut ad restitutiones & emendationes ablatorum & iniuriarum, aut ad securitates vtriusque præstandas pertinet, quæ causam & originem habent ex bello, quod tanto tempore gestum est. Primis ergo duobus capitibus transactis & compositis, speramus facillimè & ista transigi & componi posse.

A R T I C V L V S de religione præ ceteris grauissimus est, ex ea ratione, quod religio non ad homines, sed ad Deum spectet, non hominibus, sed Deo præstari debeat, cui non minùs populus quàm Rex subiectus est, sed vtriusque, tum Regi, tum populo ex æquo obseruatio eius præcepta est; ex æquo etià ambo vel vitam vel mortem æternam sperant & metuunt, si aut bene aut malè in religione versati fuerint. Itaque ambo etiam, & Rex, & populus, (cùm populum dicimus, simul etiam vnumquemque singulatim intelligimus) Deo iuxta suam conscientiam seruire postulat. I

A N N O T A T.

1. Iuxta suam conscientiam.] *Chrysostomus super illud Matth. 22. Reddite quæ sunt Cæsaris Cæsari, & quæ Dei Deo. Numisma Cæsaris aurum est, numisma Dei homo. In solidis Cæsar videtur, in hominibus autem Deus*

D 3

agnosci-

agnoscitur: ideo diuitias vestras Casari date, Deo autem conscientia vestra
solam memoriam reseruate.

Augustinus in lib. ad Rom. Propos. 72. Cum constemus ex anima & corpore, quamdiu in hac vita temporali sumus, etiam rebus temporalibus ad subsistendum degenda huius vite utamur. Oportet nos ex ea parte qua ad hanc vitam pertinet, subditos esse potestatibus, id est, hominibus, res humanas cum aliquo honore administrantibus. Ex illa vero parte, qua credimus Deo & in regnum eius vocamur, non nos oportet subditos esse cuiquam homini, id ipsum in nobis euertere cupienti, quod Deus ad vitam aeternam donare dignatus est.

Is r'iv consideratione, & quod etiam experimento nimis
I verum esse didicerunt, parum vim & arma ad propagationem
& conseruationem religionis conferre: deinde prout nolunt
suis conscientis vim ullam adhiberi: ita legi Dei non conuenire, ut ipsi aliorum conscientis vim ullam adhibeant.

Quod tibi
non vis fieri,
alteri ne feceris.

ANNOTATIO.

Comment. 3.
de Politia.

I Ad verba, Vim & arma.] Auctor Commentariorum De regno aut quouis principatu recte & tranquille administrando: Hic moueri possit questio, An liceat principi pro Religione bellum suscipere, id est, ut homines ad suam religionem cogat. Ea facile dissolui potest, si res aequitate definiatur. Quum enim religio in iis approbandis sita sit, qua ad Dei cultum pertinent: approbatio autem ex persuasionem & fide oriatur, persuaderi homines armis & minis non possunt, sed docendo, mouendo argumentis & testimoniis, qua paulatim ad assentiendum illiciunt. Sed si quis malit eam questionem exemplis expedire, ea passim occurrunt. Nam (ut ex nostris Annalibus patet) Clodoneus I. Carolus Magnus, & aliquot alij Gallia Reges, non aliam ob causam Saracenis Ethnicisq. arma intulisse videntur, quam ut Christianos fieri vi & armis subigerent. Itaque victi bello, & nulla adhibita institutione, baptizati simul atque rebellandi facultas obuenerat, qua facilitate Christianam religionem induerant, eadem exuebantur, anno cio ccccliii. Papa per totum orbem Christianum bellum in Turcas publice indici iussit, ad vlciscendam Christi mortem, & Turcas in religionem Christianam cogendos. Sed cum literis monuit Turcarum princeps, crucifixum fuisse a Iudeis Christum: se vero non ex Iudeorum, sed Troianorum stirpe genus ducere, a qua Itali quoque se ortos ferunt. Itaque suum & eorum potius officium fore, Troia ruinas reparare, & Hectoris sui ani cadem in Gracos vlcisci, quam inter se bello certare. Se quidem id iam aggressum, magnam Gracia partem in potestatem suam rede gisse. Ceterum credere Christum magnum & nobilem Prophetam fuisse, sed nunquam imperasse (quantum quidem intelligeret) ut homines ad suscipiendam

Annal. in
ann. 718.

Monstr. lib. 3.
cap. 68.

piendam suam legem vi & armis adigerentur, neque se profecto quemquam cogere, ut Mahometis legi credat. Tali propè forma literas Turca ad Papam scripsit, multo certè auiiores, quàm bullæ Pontificis. Quippe non violentia armorum Christus, sed prædicatione & doctrina Euangelium suum tradi voluit.

Mémoratu quoque dignum est exemplum Ludouici XII. cui Patris populi cognomen impositum est. Incendebant eum Cardinales & Episcopi aliquot aduersus Merindolanos & Cabrerienses (reliquias videlicet Albigen-
Molinaus de Monarch. Francan. 155
sum Christianorum, qui olim propter Christum diu multumque vexati sunt) quippe veneficos, incestos, hæreticos, ac proinde tollendos esse. Merindolani & Cabrerienses subodorati quæ Cardinales & Episcopi in se consilia coquerent, mittunt ad Regem legatos, & innocentiam suam tutantur. Eos legatos aditu Regis Cardinales prohibere conabantur, Regem monentes ne illis pro se dicendi apud se potestatem faceret: iure Canonico prohiberi, ne quis cum hæreticis communicet. Tum Rex, Etiam si, inquit, mihi in Turcam aut diabolum bellum suscipiendum esset, eos tamen prius audire vellem. Dignum prorsus Rege responsum: Quippe inauditum & indefensum quenquam damnare, sceptro & iure abuti est. Ergo accitos legatos Ludovicus introduci iubet: Illi reuerenter exponunt Merindolanos & Cabrer. Euangelium, Biblia, symbolum Apostolicum, Dei præcepta, Sacramenta agnoscere atque amplecti: ceterum nec Papæ nec ipsius doctrinæ credere, si secus esse Rex deprehenderet, se nullum supplicium recusare. Ea itane se haberent, an secus, Rex scire voluit. Itaque ea de re Adamo Finneo libellorum supplicum magistro & M. Paruo Dominicano, qui illi à Confessionibus erat, questionem mandat. Illi ea in loca profecti, & questionibus perfectis reuersi, ad Regem referunt: Illis in locis homines baptizari, articulos fidei & Decalogum doceri, Dominicos dies religiosè coli, Dei verbum exponi, veneficia & stupra apud eos nulla esse. Ceterum se in ipsorum templis neque imagines neque ornamenta Missæ vlla reperisse. His auditis, Rex eosne præcipiti iudicio damnauit, aut bello persecutus est? Minime: sed iureiurando addito, Me, inquit, & cetero populo meo Catholico meliores illi viri sunt. Ad hunc modum Principes aduersum sycophantarum calumnias protegere eos, qui errorum conuicti non sunt, & patienter tolerare, neque ad vllam religionem adigere subditos suos debent, &c.

ILLORVM ergo consideratione primùm in Pacificatione Gandauensi consensu consilij Regij: deinde etiam in pacificatione Bruxellensi, quæ à Rege comprobata est, omnia Edicta, quæ contra assertos hæreticos lata fuerant, suspensa sunt, & in effectum abrogata. *

ANNOT.

* *Ad verb. Assertos.]* Hoc verbo legati Ordinum vsi videntur, quòd illi qui in Belgio hactenus pro hereticis habiti, & propter regia edicta persecutio- nem, ac mortem denique ipsam passi sunt, veri heretici non extiterint. Si quis etiam confessiones eorum perspexerit, inueniet credidisse eos omnia, quae Apostoli in suo Symbolo credenda nobis proposuerunt.

Rom. 15.
2. Tim. 3.

Item credidisse quatuor sancta Euangelia, & omnia verba Domini nostri Iesu Christi: deinde sacras literas veteris ac noui Testamenti, & quicquid Prophetæ atque Apostoli docuerunt & scripserunt, ea omnia vera esse, tum fidelibus ad salutem seruire & conducere per fidem.

Præterea præcipua capita fidei nostræ non aliter intellexerunt, quàm prout illa in antiquis symbolis, maxime Nicæno & Athanasij, exposita & declarata inueniuntur.

Quinetiam crediderunt, quacunque sancta Ecclesia, & antiqua Concilia, item approbati & recepti Doctores, testimonio sacra scriptura, de Deo, de Christo Domino, de Spiritu sancto, & de regno Dei, æternaque salutis creden- da nobis præceperunt.

1. Timoth. 3.

De Ecclesia crediderunt, eam congregationem Dei vini esse, columnam & stabilimentum veritatis, esse numerum omnium electorum, & ad æternam vitam destinatorum: Esse sponsam & corpus Christi, quæ super fundamento Prophetarum & Apostolorum superstructa, cuiusque imus angularis lapis sit ipse IESVS CHRISTVS.

Ephes. 2.

Matt. 26. 28.
1. Cor. 11.
Acto. 2. 4. 8.
10.

De sacramentis Ecclesia crediderunt, quacunque de iis sacra scriptura te- statur, quòd etiam pro Christianis à Christo Domino instituta, atq. ab Apo- stolis Christianæque Ecclesia secundum præceptum Domini usurpata sint, & adhuc in cœtu Dei usurpari debeant.

Matth. 28.
Act. 8. 22.
Augus. tract.
59. in Iohan.
Illi manduca-
bant panem
Dominū, ille
panē Domini.
Hilar. lib. 8.
de Trinit. Nos
verò sub my-
sterio carnem
corporis Chri-
sti sumimus.
Rom. 3. 5. 8.
29.

Sic crediderunt vnum sanctum Christianum Baptisma, ad ablutionem & remissionem peccatorum, in confessione sanctæ Trinitatis & inuocatione nominis Domini. Et de Sacramento altaris, vel de Cœna crediderunt & con- fessi sunt, quòd Christiani, qui panem Domini in congregatione sanctorum frangunt, mortemque eius annunciant, pane Domino, vero corpore & vero sanguine Christi Domini, in cœna Dominica, vel in mysterio Sacramenti, per ipsum Dominum verè & essentialiter ad æternam vitam cibentur & po- tentur.

De iustificatione, vel quomodo homo coram Deo iustus fiat, asseruerunt, posteaquam per lapsum Adæ omnes in peccato concipiamur & nascamur, quòd nemo aliter coram Deo iustificari, & à peccatorum damnatione liberari possit, quàm per Iesum Christum Dominum nostrum, per passionem & mor- tem ipsius, per quam etiam filij Dei & heredes regni celorum constituamur, quicunque scilicet recipiunt eum, & in nomen eius credunt.

Tenuerunt etiam, quòd talis fides, quæ sine bonis operibus est, mortua fi- des, & coram Deo prorsus inutilis sit, sed eam solum fidem coram Deo valere, qua

33
qua per charitatem efficax existit, & qua omnibus bonis operibus ut fructi- Gal. 5.
bus spiritus & fidei, plena est.

De bonis operibus similiter crediderunt, quod Deus misericors Dominus, nullum opus bonum a se mandatum, & ex fide frugifera promanans, gratis fieri sinat, æquè ut Christus Dominus fidelibus, qui ipsum confitentur, & propter nomen suum iniurias & persecutiones ferunt, addicit, quod merces eorum magna futura sit in calis. & diuus Paulus scribit, Corde credi ad iustitiam, ore autem confessionem fieri ad salutem. Quapropter etiam tam fortiter non solum ignominiosissima & crudelissima tormenta & supplicia, sed & orbitatem & paupertatem suarum uxorum & liberorum pertulerunt. Matth. 5. 10. Rom. 10.

Si quis tamen scire quoque velit, ob quales igitur articulos à Romanensibus Inquisitoribus & Magistratibus nostris isti velut hæretici declarati & interfecti fuerint, eos paucis verbis hic non grauabor referre, & sunt summam ista:

I.

Quod à presenti Romana Ecclesia discedentes, eam cum suo capite Papa, Cardinalibus & Presulibus, pro veteri sancta Apostolica illa Ecclesia, cuius solus Christus præses & caput fuit, salua conscientia habere non potuerint. Eph. 1. 2.

II.

Quod inanimes imagines venerari, & mortuos sanctos ut intercessores colere, proq; mediatoribus in iniuriam viue Dei imaginis, unicusque Mediatoris & Deprecatoris Christi innocare ausi non fuerint. Ioelis. 2. 1. Ioh. 2. 1. Tim. 2. Rom. 8.

III.

Quod humanas traditiones diuinis mandatis præferri, vel etiam equiparari, aut conscientias externis ceremoniis, & impotentibus mundi huius elementis, contra Prophetarum & Apostolorum admonitiones, granari & alligari non debere existimauerint. Deut. 4. 12. Mar. 7. Eph. 4. Hebr. 13. 1. Cor. 6. Tit. 1. Col. 2. Gal. 4.

III.

Quod hostiam consecratam in Missa ut sacrificium propiciatorium & oblationem incruentam pro viuis & mortuis, vel ut Christi transsubstantiatum corpus adorare, & ibi ceu panem Angelorum, & cibum aeterna vite, in remissionem peccatorum sumere non sustinuerint, cum ex Pauli doctrina manifestè constet, post unicam Christi oblationem in cruce semel peractam, nullam aliam restare oblationem pro peccatis: Nec Christus alibi quàm in calice ad dextram Dei Patris adorandus & querendus sit. Heb. 9. 10. 1. Pet. 3. 4. Rom. 6. Coll. 3.

V.

Quod sacerdotibus peccata sua particulatim confiteri, & ab illis absolutionem plenariam petere, aut indulgentias veniales, & satisfactiones meritorias apud

E

Matth. 11.

1. Petr. 2.

Hebr. 9. 10.

Esa. 63.

Prouerb. 16.

August. in En-

chirid. ad Lau-

rent. cap. 67.

contr. Pelag.

Hypognost.

lib. 5.

1. Timoth. 4.

rias apud creaturas exquirere, praterito vnico animarum suarum Episcopo, Indultore, Satisfactore, Seruatore & Creatore Christo pertinuerint.

VI.

Quòd cum D. Augustino professi sint, qui ignem purgatorium (ex quo mortui viuorum meritis liberentur) credunt, humana quadam beneuolentia decipi.

VII.

Quòd iuxta S. Spiritus in Apostolo cautionem, non attenderint spiritibus errorum, qui Ecclesiasticis suis perpetuo voto prohibent contrahere matrimonium, & tam spirituales quàm laicos iubent abstinere à cibis, quos Deus creauit ad participandum cum gratiarum actione fidelibus, & ne qui cognouerunt veritatem.

VIII.

Ephes. 5.

1. Ioh. 1.

1. Corinth. 6.

Heb. 1. 2. 10.

Quòd externam aquam Baptismi characterem esse indelebilem, aquam regenerantem, fontem saluificum, vel aqua benedicta omnia deleri delicta, aut extrema olei vnctione, ex opere operato, cunctos anime nauos elui non crediderunt, sed sacra scriptura simpliciter acquiescentes, interno lauacro aqua in verbo vite peccata abstergi, sanguinemque Christi nos ab omnibus purgare delictis, & oleum letitiae, quod est Spiritus sanctus, nos plenè sanctificare, renouare ac eluere confessi fuerint. Sed hac haftenus. Vnum me addere adhuc oportet.

Si illorum religio & fides, quam iam recitamus, vera fuit, & adhuc hodie, qui eadem credunt & profitentur, vera sit, vt multi pijs eam veram esse sentiunt, duplici modo aduersus eos fenceris illis edictis & olim peccatum fuit, & adhuc hodie peccatur. Primo modo, quòd humana illis constitutiones, & superstitiosae opiniones, pro vera religione, & sana fide obtruse fuerint, & adhuc hodie obtrudantur. Altero, quòd ob veram religionem & sanam fidem interfecti, & oppugnati olim fuerint, & adhuc hodie interficiantur & oppugnentur. Sin vero vtrorumque, & occisorum & viuorum, religio & fides falsa sit, id quod nec haftenus à Romanensibus probatum est, nec vllò modo ab illis probari posse creditur: iterum dico non solum non illos, quos videmus articulis fidei, & primitiuae Ecclesiae symbolis inharere, sed nec alios, qui verè heretici sunt, exterminari, vel vltimo supplicio affici debere: quo pertinent vltima verba huius paragraphi.

De primo modo optarem legi Lactantium de instit. lib. 5. cap. 20. 22. 23. & 24. De altero disputationem Mimi Celsi Senensis, quae est: in hereticis coërendis quatenus progredi liceat. Item Chronicon August. Eleutherij in tractat. de Rom. hereticis, ex quo vnum praecipue caput in lectoris gratiam huc adscribere

adscribere volui, quo ostēdit, non esse temerè habēdos pro hereticis, quos mundus habeat pro hereticis: Periculum, inquit, est, ne verum sit Hieronymi dictum, quo ait multorum corpora in terris adorari, quorum anima apud inferos torquentur: quandoquidem Dei & hominum iudicia tam procul inter se distant, quàm calum à terra, & quod mundus pro sancto habet ac benedicit, id coram Deo est detestabile. Luca 16. Esa. 23. Est enim manifestum, quosnam mundus iamdiu canonizauerit & adhuc canonizet, & econtrario quosnam hereticos esse proclamet, videlicet omnes quicumque contra eius veritatem, lumen & Euangelium fuerint, quod tamen re ipsa mendacium est, & tenebra & abominatio: quandoquidem mundus nullos habet pro sanctis, nisi quos ipse sanctificauit. Rursum idem mundus suas tenebras & mendacia pro luce & veritate obrudit, proclamat, ostentat, ac quidquid se his abominationibus opponit, utcumque rectum & verum sit, id pro heretico habetur: atque ita semper fuit; vt apparet in Christo & Apostolis, & antè in prophetis, qui pro hereticis cōdemnati sunt. Ita Valdo anno 1158. Dulcinus 1307. Rockenz am 1361. Wiclef 1364. Ioannes Hus 1414. damnati sunt pro hereticis. Quod idem vulgo sit nostro tempore, & fiet deinceps, vt pro hereticis multi habeantur ac puniantur, quos posteri pro sanctis venerabuntur. Itaque metuo ne multi boni Christiani fuerint hereticis annumerati, quemadmodum de Prophetis, & Christo, & Apostolis patet, & nobis Christus exemplo est. Omnes posteri edificant Prophetis, & Christo, & Apostolis sepulcra, & ea magnificè exornant, & tamen iidem semper (sicut Iudæi) implent mensuram patrū; ac quemadmodum agnus ab initio fuit interfectus, ita vsque ad extremum mactabitur. Vbicumque modo Christus existit, ibi semper inueniuntur Iudæ, Annæ, Caiphe, Pilati, & vniuersa passio. Non est hodie melior aut sanior mundus, quam olim, vt non idem faciat: quin potius peior est, ita vt veritas pro heresi ab omnibus omnem persecutionem patiatur. Quamobrem diligenter prospiciendum est, quid & quare res aliqua concludatur. Nam ferè accidit vt Christiani, qui hereticorum nomen ferunt, non fuerint nisi nimis serò cogniti, aut etiam dedita opera hereticis fuerint adscripti. Ita factum est, vt Christus & veritas semper fuerit à mundo damnata, & pro mendacio & heresi habita, cuius rei causa illa est, quam dicebat Christus Ioan. 6. Non potest mundus odisse vos: me autem odit, quia ego testimonium fero de illo, quod opera eius mala sint. Hic comprobatur dictum illud Luc. 16. Quod coram hominibus sanctum est, id coram Deo est abominatio. Atque vt omnia excutias, manet Deus verax, pertinetque mundi sanctitas, iustitia & sapientia ad illius Aduersarium, Matth. 7. Ioan. 16. 1 Cor. 13. Esa. 64. Dei opera quæ quotidie gliscunt, scripturas probè explanant, si quis oculos haberet ad videndum. Breuiter, si mihi daretur optio, mallet in conditione esse multorum quos mundus pro hereticis damnavit, quàm eorum quos in diuos retulit. Videre licet etiam nostro tempore apertissimè, quid mundus heresim appellet, & quàm malitiose & hostiliter verba aucupetur & secernat, & heretica pro-

nunciet, quæ modò veritati tantillum aduersari videantur, vel potius mundi nugis & libidini. Quicquid enim mundus approbat, id pro veritate vendit, & omnes ab eo dissidentes, sine vlla misericordia damnat. Cur ego non putem sic cum Wesselo, cum Wiclef, cum Iohanne Hus, aut etiam cum nonnullis antiquorum hereticorum (tamen si ecclesia nondum esset ita deprauata) actum fuisse, & eos perfidiosè occulta fraude oppressos fuisse, eorum verbis malitiosè detortis atque peruersis, cum idem quotidie fieri deprehendamus.

Jam verò qui se de Orthodoxorum religione hodie iactant, & tamen alios tam audacter hereseos damnant atque plectunt; non magis fundati sunt super Orthodoxis, quàm super Euangelio, quemadmodum manifestè demonstrari potest: quin eos ipsos pro hereticis re ipsa habent, quantumvis eorum sepulchra ornent, & in eorum disciplina stare se profiteantur. Video quàm probè possint huiusmodi homines indicare de rebus spiritualibus. Est enim veritas ita comparata, vt de ea indicare aut eam intelligere nemo possit (etià si quis omnes humanas scientias ad vnguem calleat) nisi sit ipse in veritate; 1 Corint. 2. Cùm igitur mundus non solum non sit harum rerum capax, sed econtra mendacium amet, atque querat, Psalm. 4. quomodo possit de iis rebus sententiam ferre aut pronunciare, quarum non modò nullam habet naturaliter cognitionem: sed etià si quis eas ei dicat, eas tamquam stultitiam deridet, & pro mendacio carpit, & de vera veritate adeò sinistrè loquitur, vt eius opinione veritas nihil minus sit quàm veritas, etià si verbis eam iactet.

Hec ideo dico, quòd scio vniuersos mundi sapientes non posse intelligere quid dicat Christianus, nedum vt de eius negotiis loqui possint aut indicare: & tamen cecus mundus de hoc colore quotidie indicat, videlicet secundum suam naturam, non melius quàm caro de Spiritu, & tenebrae de Luce. Hoc totum perspicuè apparet in Christo, quem videmus quomodo intellexerit Israëlitarum magister Nicodemus Ioan. 3. quem item omnes Iudei & Pharisei adeò non intellexerunt, vt vniuersam eius doctrinam pro puerili, stulto & detestando mendacio habuerint, & eum furiosum & pessimum hereticum iudicauerint. Idem fit & hodie, vt pro heresi habeatur, quicquid eiusmodi est, vt id mundus intelligere aut comprehendere nequeat, praesertim verò de rebus spiritualibus, si quando carnalis mundus indicare vult, id ita facit, vt dicas esse asinum ad lyram. Omnia peruertit, & veritatem in mendacium vertit, & de Christianis nihil nisi mentiri nouit.

Propterea vocatur Scriptura liber clausus septem sigillis: sùntque verba Dei ita composita, vt ea non nisi eius filij intelligant. Loquitur cum eis in parabolis & occultè, ne quis ipsum intelligat, nisi qui sunt nati ex eo: estque eius obscura oratio clausa cunctis externis, id est, toti mundo.

Itaque

Itaque veritas quoque tempus scholamque suam desiderat, adeo ut melius sit tunc silere, quam veritatem coram saevo mundo intempestive profiteri, ne margaritæ porcis obiciantur, Matth. 7. Amos 5. Video nostro tempore apertissime quibus calumniis opprimantur pii: itaque credo idem olim fieri solitum, quandoquidem pietas impiis semper inuisa fuit. Omnia perverterunt scriptores mali & invidi, qui rerum potiti sunt: neque quicquam de iis quos oderant, sincere & bona fide scripserunt, ita ut ex eis veritas certo sciri nequeat. Si Scriba aut Pharisei Christi Evangelium scripsissent; videremus eius dicta omnia mirifice perversa & detorta, vocaretur seditiosus, seductor, rabula, diabolicus, blasphemus, veneficus, summus hereticus, sceleratorum princeps, Dei & Mosaica legis hostis, & insuper meretricis filius, quemadmodum in eorum Talmud vocatur.

Quod si nostro tempore illorum similes, hoc est crudeles fictique homines, & iidem auctoritate preediti (tales enim homines semper apud cecum mundum auctoritatem obtinuerunt) de hereticis sententiam ferent: id plane fiet, quod fieri videmus, ut secta alia aliam capitali odio prosequatur, & alii alios non intelligant, eademque res ab aliis damnatur, ab aliis absoluitur, sed semper eò deveniatur, ut quisquis vapulat, (vapulant autem semper pii) is omnium iudicio & vivus & mortuus male audiat, & potentes bene audiant. Sic est mundus, semper fauet potentioribus, pios odit, quoniam ab eorum vita damnatur. Sapient. 2. Matthæi 10. at impios odisse non potest. Ioan. 7. Iam verò cum Christus ipse suo ore literatos alloqueretur, quoniam non erant eius rei capaces (nam mundus Spiritum veritatis capere aut comprehendere nequit, Ioan. 14.) rem ipsam parabolis ambiguisque verbis implicabat, ut illis hæc arcana nihil aliud essent quam clausus liber. Itaque illi eius omnia verba pervertebant, & omnino quid diceret non intelligebant, cum tamen adhuc viventem audirent. Hæc res facit, ut ego arbitrer multos pro hereticis habitos fuisse, vel quia mundum reprehenderint, vel quia eos nemo intellexerit, omniæque de eis falso dicta scriptaque fuerint, quemadmodum etiamnum quotidie accidere comperimus. Itaque optandum esset ut quemadmodum Iohannis Hus, ita etiam ceterorum, qui pro hereticis habentur, exemplaria verasque causas & scripta haberemus: quandoquidem nullus est ita malus liber, quin eo Christianus (qui eludi aut corrumpi non potest) uti possit in suum commodum: siquidem veritas collata cum mendacio eo speciosius & constantius elucescit. Propterea Deus hæreses evenire permittit, & oportet mendacium esse, ad probandam inuendamque veritatem, quando unaquæque res suum contrarium affert atque postulat. Præterea vellem idcirco nos habere eorum libros, ut perspiceremus vel falsitatem vel veritatem erroris eorum. Nam primos illos hereticos, qui fuerunt Apostolorum tempore, habuisse nonnullam speciem veritatis ex eo apparet, quod movebant multos, cum tamen viverent. Apostoli, adeo ut propter eos factum fuerit concilium, Act. 15.

id quod nunquam factum fuisset, nisi illi sua probabiliter sacris literis colorare potuissent. At de iis, qui postea secuti sunt, hereticis, nihil nisi mera nequitia & abominanda blasphemia traduntur, sine vlla specie aut scriptura, sicut de Simone, de Mane, de Menandro, quorum nonnulli se Deum aut Christum esse iactauerunt, & tam inepta tradiderunt, ut ego non possim credere, potuisse primos illos Christianos ab eis decipi, si tam crassa fuissent eorum hereses. Videtur Eusebius saepe, si quid probabile habuerunt, pratermisisse, ut solemus, si quem odisse coepimus, nihil nisi malum de eo dicere possumus, ut est in proverbio: Inimicum os nemini bene dicit. Scriptores ea aliquando de hereticis post eorum tempus scripserunt quae vulgo ferrentur, sed credibile est illos longe aliam speciem habuisse. Itaque credo multa eorum dicta esse inuersa, multa etiam eis falso adscripta, aut bonis omissis, si quid mali erat, id esse decerptum atque auctum. quandoquidem nostro tempore si decem homines modo adfuerint in vna concione, & inde egressi inter sese contendant: ferè sit ut totidem sententias quot capita habeant, & concionatorem alij alia dixisse affirmant. Iam verò si etiam hi libri, qui amantur & manibus teruntur, tamen aliquando adulterantur, sicut ingenuè fatetur Erasmus in Annotationibus, & Tertullianus contra Marcionem, & Origenes in Matth. hom. 26. quid credibile est accidisse hereticorum vel dictis vel scriptis, cum omnes eis fuerint inimici? cum saepe videamus sanctos & populo dilectos homines ita denigrari Scribarum & Phariseorum calumniis, ut reddantur omnibus inuisi. Sic ego hereticis accidisse opinor, qui si nihil nisi horrendas blasphemias habuissent, quemadmodum Anabaptistae à nonnullis accusari solent, mirum est potuisse vel vnum hominem ab eis persuaderi.

- Quo facto omnino confidimus, Serenissimum Regem
1. saltem tacite ostendere voluisse se non statuuisse vllum post hac ad religionem suam cogere, sed vnique permittere ut domus suae in quocumque loco habitet sine vlla persecutione & offensione liberè pro sua conscientia Deo seruire possit. Hoc ergo vnum est quod concessum & conuentum esse putamus, & concordat cum lenitate & voluntate Christi, cum vsu primitiuae ecclesiae & cum doctrina patrum.

ANNOTAT.

1. *Ad verb.* Se non statuiss[e] Tertullianus vetustissimus, iuxta ac doctissimus Theologus, ad Scapulam Praesidem Carthaginis scribens, inquit: Humani iuris & naturalis potestatis est, vnique quod putauerit, colere, nec alij prodest aut obest alterius religio. Sed nec religionis est, cogere religionem, quae spontè suscipi debeat, non vi, quum & hostia ab animo lubenti expostulentur.

Ad verb.

2. *Ad verb. Concordat cum lenitate Christi]* *Mimus Celsus Sect. 2. disputat. de hereticis.* Augustinus alicubi dicit: Nullis bonis in Catholica religione hoc placet, si usque ad mortem in quenquam licet hereticum sanietur. *Viderint igitur ut boni appellari possint, qui non modo pro suggestu clamant muneris sui esse, hereticos magistratibus ad necem tradere: verum simplicium Christianorum mentes explorare, ut si aliqua doctrina cum sua non usquequaque conueniente imbutos deprehendant, Magistratui denuncient, ad hoc ex officio teneri asserentes.* Ex his autem Augustini verbis manifestè percipitur, ad aetatem usque suam, ecclesie morem non fuisse quenquam ob religionem vel heresim necandum curare: sed potius pios ut Catholicos omnes hanc sanietiam horruisse. Alibi idem dixit: Diligite homines, interficite errores, sine sanietia pro veritate certate. Adhereant quæso duo hac metalla lapidi Lydio, eiusque attritu examinentur, utrum eorum potius sit, meliorique fodina effossum. Lapis autem sit pia, innocens, placidaque vita lenissimi illius agni Christi Iesu, ad cuius imitationem non discipulus tantum, sed magister quoque tam Dominus quam seruus, Rex non minus quam subditus pari obligationis nexu tenentur. *Ait enim Hieronymus: Qui dicit se credere in Christum, debet ut Christus ambulare. Ipse non venit ut verberaret, sed ut verbera exciperet; alapam non dedit, sed accepit; neminem cruci affixit, sed ipse crucifixus fuit, non occidit, sed fuit occisus. Qui occiditur, Christum imitatur; qui vero occidit, Antichristum.* Unusquisque igitur conscientiam suam probe excutiat, compertumque habeat, qui alios persequuntur, carnis filios; qui verò in sectationem patiuntur, spiritus natos esse.

QVOD verò definitum non est, ad publicum exercitium religionis pertinet. Est tamen in eo quoque in dictis pacificationibus conuētum, quòd Serenissimus Rex noster Ordinum arbitrio hanc rem commiserit.

CIRCA istud primùm attendi cupimus, nos indies videre & experiri, quo maior vis religionis nomine hominibus inferatur, eo statum Catholicæ Romanæ ecclesiæ deteriorem fieri.

ANNOTAT.

1. *Ad verb. Quo maior vis]* Ioannes Wittingius: Sape vidimus aetate nostra, ad martyrii spectacula Catholicos exemplo constanti monitos, religionem reformatam suscepisse, & in fide sua Romana naufragium fecisse. Hoc scilicet Ecclesiæ catholicæ (si Deo placet) ex asserti heretici morte lucri apponitur. Idem olim factitatum esse, ut quanto crudelior violentia religioni inferretur, tanto & illa magis amplificaretur, & receptus in mundo cultus deprimere-tur, veteres ecclesiæ Patres asserunt, ut Tertullianus ad Scapulam: Nec tamen deficiet hæc secta, inquit, quam tunc magis edificari scias, cum cadi videtur.

detur. Quisquis enim tantam tolerantiam spectans, ut aliquo scrupulo percussus, & inquirere accenditur quid sit in causa, & ubi cognoverit, veritatem & ipse statim sequitur. Item Iustinus in colloquio cum Tryphone: Quod autem nos in Iesum credentes nemo terrere aut domare valeat, apparet quotidie: Cum enim obruncemur, crucifigamur, obiciamur bestis, ignibus aliisque tormentis tradamur, tamen a confessione non discedimus: sed quanto magis in nos sentitur, tanto plures pietatem fidemque per nomen Iesu profitentur, haud secus quam si quis vitæ putatione provocet ad vbertatē. Nam vitis à Deo & Servatore Christo plantata est eius populus.

IMò manifestè deprehendimus, cum Regis consilium & propositum non sit aliud, quam Cathol. Rom. ecclesiam, eiusque cultores conseruare, tueri ac defendere, eius tamen Vicarios & exercitum semper perdendis iis occasiones præbuisse, & adhuc præbere hodie.

ANNOI.

I Ad verb. Perdendis iis occasiones præbuis.] *Quanam causa huius rei sit, id idem Vuitlingius libello de Magistratu in hanc fere sententiam persequitur: Euangelium, inquit, Magistratui suum permittit officium, quatenus sui muneris terminos non excedat, sed in ordine legitimo permanferit, & puniat quicquid illi puniendum iure concessum permiffumque est. Ceterum si gladius extra sui iuris terminos fertur, & latius quam à Deo ordinatum est, puniendo progreditur, volens id quoque irrogata pœna corripere, quod solo Euangelio & verbo Dei est corripiendū, cuius generis est incredulitas & heresis: sanè hic plus malorum dare potest, quam pacem & tranquillitatem retinere, seq̃ tantummodo per hoc facit hebetiorem, dum violenter alieni operis & officij executionem sibi vendicat, in alterius messem falcem suam (quod aiunt) mittendo.*

ORDINES verò sibi mutuò cōdolentes, cum Regi hætenus non libuerit, in tanta membrorum suorum diuulsione & infirmitate per præsentiam suam iis opitulari & succurrere, nec ipsis amplius aditus ad Regem nisi cū vitæ discrimine pateat, ut veritatem status corporis sui cognoscere possit, conati sunt seipsos variis remediis recreare. sed cum caput ipsis aduersum sit, & contrariis remediis, quam membris conueniat, vtatur, quos Rex potissimum conseruatos voluit, eorum conditionem & facultates de die in diem in peius vergere & dilabi animaduertimus.

ANNOI.

A N N O T A T.

1. *Ad verb. Contrariis remediis.*] *Lactantius lib. 5, cap. 20. Sed defendenda sunt, inquit, suscepta publice sacra. O quam inhonesta voluntate miseri errant! Sentiunt enim nihil esse in rebus humanis religione prestantius, eamque summa vi oportere defendi. Sed ut in ipsa religione, sic in defensionis genere falluntur. Defendenda enim religio est non occidendo, sed monendo; non sanctorum, sed patientia; non scelere, sed fide. Illa enim malorum sunt, hec bonorum. Et necesse est bonum in religione versari, non malum. Nam si sanguine, si tormentis, si malo religionem defendere velis, iam non defendetur illa, sed polluetur, atque violabitur. Nihil enim est tam voluntarium quam religio, in qua si animus sacrificantis auersus est, iam sublata, iam nulla est. Recta igitur ratio est, ut religionem patientia vel morte defendas, in qua fides conservata, & ipsi Deo grata est, & religioni addit auctoritatem.*
 † Quomocunque istud accadat, hoc certum est, euenta omnia ostendere & demonstrare media, quibus Rex contra nos utitur, ad eum finem, cui Maiest. eius ista destinavit, non feruire, sed prorsus contraria operari. Ergo non eo loco quo bona, sed quo mala haberi debent.

A N N O T A T.

† *Ad verb. Quomocunque.*] *Causa videtur mihi non esse alia, quam que supra in prefatione ad Ordines deducitur & exponitur, cum qua convenit admonitio cuiusdam viri pij & docti ad omnes Principes & populos olim facta, que sic habet, de verbo ad verbum:*

ILLUD volo admonitos omnes Principes & populos, ut caveant seditiones & tumultus, qui solent ex persecutionibus oriri, sicut ostendunt exempla. Primum, tempore Machabeorum maxima & longissima bella extiterunt propter persecutiones Antiochi Epiphanis, qui Iudaeos propter religionem infestavit: nec finire malum id potuit, nisi cessante persecutione. Deinde Hierosolymis perniciosissimi tumultus extiterunt, quia Scribae & Pharisei Christum persecuti sunt, cum antea nulla essent tales turbae. Idem postea accidit in Paulo, qui cum Ephesi sine vlla turba doceret, extitit Demetrius faber argentarius, qui sua persecutione tantam seditionem excitavit, ut tota urbs tumultu confunderetur. Idem postea fecerunt Iudaei, qui Paulum in templo nulla turba nacti, persecuti sunt, & ita maximos tumultus effecerunt. Idem nostro tempore videre licet. Nam ubicumque sunt persecutiones, ibi sunt omnia plena turbarum: ubi vero absunt persecutiones, quamvis diversa sint religiones, omnia sunt tranquilliora. Novi ego aliquot urbes, in quibus sunt fere tot sententia, quot capita: tamen quia cessat persecutio, cessant seditiones: eadem, si excitaretur persecutio, turbis confunderentur. Sunt Constantinopoli Turcae, sunt Christiani, sunt & Iudaei, tres nationes inter se de religione maxime dissidentes, qui tamen inter se pacate vivunt, quod profecto fieri

F

Etò fieri

Etò fieri non posset, si essent ibi persecutiones. Perpendatur hac res, deprehendatur, persecutiones semper maximorum malorum causam extitisse. Quare si vultis o Principes & Magistratus vestras res habere tranquillas, nolite is obtemperare qui vos ad persequendum incitant. Sunt enim seditiosi, cum tamen alios seditionis accusent, sicuti Iudæi Christum, qui ipsi seditionem excitabant, & domum Christi, quæ charitate debet edificari, odiis & sanguine edificare volunt. Quod si eos non cauebitis, mihi credite, vestra regna, & Respublicas, & civitates, & animas & corpora funditus, & in semperiternum perdent, & in eandem vos infelicitatem redigent, in quam Scribæ & Pharisei Iudaicam gentem suis persecutionibus, sanguinariisque consiliis redegerunt. Hac Georgius Kleinbergius lib. de Religione.

Magnum mysterium est religio Christiana, ad quam promouendam Deus non impio milite, non arcubus & gladio, sed spiritu suo, & Pastoribus à se missis vitur.

ANNOTAT.

Regnum Christi non est de hoc mundo, est spirituale, non carnale. Similiter verbum Dei propriè loquendo, spiritus est. Evangelium virtus Dei. Verus cultus Dei novi Testamenti fit in spiritu, & est spiritualis. Ita etiam fides gratuitum spiritus Dei donum est. Quare per homines, siue gladio carnali nec acquiri, nec auferri, nec defendi aut conservari potest.

Quod si inhonestum est aliquot Episcopos metacoactos sententiam immutasse: quanto gravius fœdusque illorum facinus, qui quod hominum est, minimè suæ causæ confidentium, inuitos ad mutationem sententia coegerunt! Ita quoque diabolus, quia nihil veri habet in securi & ascia innuadens, concutit fœres eorum à quibus recipitur. Saluator contra mansuetus est. Si quis, inquit, velit me sequi & esse discipulus meus, docetque se cum ad quempiam venit, non instare, sed potius pulsare ac dicere: Aperi mihi soror, mea sponsa. Quod si aperiant, intrat: sin grauentur aut nolint aperire, abscedit.

Athanasius epist. ad solitariam vitam agentes: Non enim gladiis aut iaculis aut militari manu veritas predicatur, sed suadendo & consulendo. Augustinus retract. lib. 2. cap. 50. Non placet mihi vllius secularis potestatis impetu schismaticos ad communionem violenter arctari.

Damasceus tradit, Evangelium toto orbe fuisse predicatum, sed nullis telis, aut armis, aut bello suos aduersarios vicisse, sed à paucis nudis, pauperibus, indoctis & flagellatis confusos fuisse sapientes mundi. Quomodo enim posset Ecclesia martyres habere, si ipsa martyres faceret?

Witlingius ad locum illum Christi: Regnum meum non est de hoc mundo, Ioan. 18. scribit: Non est quod huius mundi Principes gloriantur se esse Ecclesie Christiane defensores: Ecclesia enim non potest defendi armis, propterea quod regnum Christi non sit de hoc mundo. Quod si quis voluerit esse protector Ecclesie, Petri, Pauli, ac aliorum Apostolorum & martyrum, gladius.

dium accipiat, non Augusti aut Neronis. Nam Imperatores defendunt externo suo gladio oppida & vicos: Apostoli autem defendunt Ecclesiam gladio spirituali, hoc est verbo Evangelij, & passione sua, qua de verbo testificantur.

SED ne longius à proposito nostro digrediamur, ex his causis, quas modò breuiter attigimus, Serenis. Regem Dominum ac Principem nostrum naturalem demississimis animis rogatum volumus, vt placeat Maieft. ipsius semel à medijs, quibus nunc vtitur, desistere. Quàdiu in his angustijs & miserijs constituti sumus, nec Ordinibus nec subditis vlla requies superest, vt super ijs, quæ ad pietatem, quoad Deum & Maiestatem eius pertinet, ita vt oportet intenti esse possint: sed omnes in eo laborant, quò se aduersus iniurias Hispanorum defendant & tueantur.

NEVTROS tamè pertinaciter in opinione sua perseuerare velle existimandū est, nec Regis voluntati, quoad religionem verà, villo modo resistere, si postea quieti restituti reppererint se in aliquo articulo aberrare. Quis enim est qui sciens seipsum æternis cruciatibus dedicare velit? Quapropter obnixissimè Ordinesrogant, quod ad publicum exercitium alterius religionis, quam quæ Cathol. Romana est, attinet, quod post prædictas Pacificationes pluribus in locis, quàm antè erat, introductum & institutum est, vt pro necessitate, in qua constituti sumus, & ex causis, quas suprà enarrauimus, Rex hanc beneuolentiam & amorem prouincijs nostris elementissimè præstare velit, vt placeat Maieft. suæ, eos subditos, qui sunt alterius religionis, in hac parte quoque conscientijs suis relinquere, & religionis publicum exercitium iuxta tenorem articulorum, qui à nobis exhibiti sunt, indulgere.

ANNOTAT.

Auctor Commentariorum De regno, &c. lib. 3. Quum tempore schismatis pontificij Christiana Respublica discessisset in partes, & alij alijs bellum inferrent, disceptanda erat quedam controuersia inter Gallie Regem & Ducem Britannie, eiusque rei causa Turonibus indictus erat conuentus. Ibi Ducem nonnulli è consilio regio summonuerunt minus esse obsequentem Regi, quòd diuersa ab eo religionis esset, neque decere Vasallum diuersam à suo principe religionem sequi. Ad ea Dux prudenter respondit: id neque rebellionem, neque inobedientiam iure vocari posse; neque se quemquam conscientie suæ arbitrum præter Deum habere. Plerique Consiliarij Regis, sed tenuiores, in discrimine illo religionis hærebant: sed Biturigum & Burgun-

die Duces non tanti esse illud indicarunt, vt fœdus cum Duce impedire posset. Itaq. ex eorum sententia non tantum Rex fidem futura cum Duce amicitie sœxit, sed domesticum quoq. fœdus publica adiunxit, pacta filio Ducis in matrimonium filia. Hoc exemplum Christiani principes imitari debent, neque propter discrimen religionis inuicem dissidere, sed eius rei summum arbitrium ad Deum ipsum deferre, neque ab iis ad ullam religionem armis adigendi subditi, sed molliores via tentanda sunt, enodandi errores, & ex Dei verbo via rectior aperienda est: sed præsertim cum hæreseos conuicti non sunt, etiam si adulescentes instigent, nunquā tamen bello vel vi sunt cogendi.

HANC vnicam viam vnā cum vera pœnitentia esse putamus, qua Dei iram erga nos auertere poterimus, quod alijs fortassis mirum videbitur, nobis autem non ita, qui inter calamitates istas didicimus regimen animarū & conscientiarum ad solum Deum pertinere, eumq. verum religionis læsæ vindicem esse; item vnicum hunc esse modum, quo & Regi Catholico Domino & Principi nostro naturali debita sua obedientia restituatur, & nos ipsi inter nos ad mutuam concordiam & amorem redeamus.

ANNO T. A.

† Ad verb. Regimen animarum.] Iunius Brutus in libro cui titulus Vindicie contra tyrannos Q. 1. Mihi cerre causam tot tantarūque calamitatum, quibus abhinc annis aliquot orbis Christianus dinexatur, examnanti, succurrit illud Osee Propheta: Principes Indæ iis similes fuerunt, qui terminum mouent: Itaque iram meam aquæ instar in eos effundam. Ephraim verò conteritur in iudicio, quia impia mandata secutus est. Peccatum & Principum, & populi, vno verbo hic habes. Terminos verè mouent ij Principes, qui illa iurisdictione non contenti, quam ipsis tribuit Deus Opt. Max. eam quam sibi supremam in omnes retinuit, vi inuadere conantur. quibus, inquam, non sat est bonis corporibusque subditorum pro arbitrio & libidine uti, ni etiam miserorum animas, quod Christi merum peculium est, sibi vendicent, qui solo non contenti, calum etiam ipsum audacter aggrediuntur, admotisque scalis inuadere conantur. nimirum vt ait Poëta:

Qua licet affectant calum isti: Tempia Quirinus,
Liber, & Alcides, & modo Caesar habent.

Populus verò impia mandata sequitur, qui aduersus legem Dei quicquam iubentibus aut assentitur aut assentatur, qui tanquam Diis thura quodammodo adolet, qui solum Dei affectantibus non contradicit, qui quæ propriè Dei sunt, Casari tribuere non veretur. Et inferius: Principes ne in tam atrox crimen incidant, suam à diuina iurisdictione in primis distinguant necesse est, & eo quidem accuratius, quod in eodem solo, in eadem re, in homine, inquam, Deus & Rex, ius suum ambo capiunt. Constat homo ex corpore
& anima.

Ose. cap. 5.
vers. 10.

& anima. Deus corpus finxit & animam quoque inspirauit: utroque ergo optimo iure vti solus poterat. Quod si liberaliter indulget Regibus, ut subditorum corporibus bonisque ad eorundem tamen conseruationem, vti possint, meminisse sane debent vsum non abusum concedi. In primis vero nil quod animæ tributi nomine imperent, habere se, qui suam ipsi Deo tributariam profiteri teneantur. Rex capit tributum censumue à corpore, usque quæ corporis ministerio acquiruntur colunturue. Deus ab anima præcipue, quæ suas etiam functiones per corpus exercet. Ad tributum illud pertinent fructus, nummorum pensitationes, & cetera onera tum realia, tum personalia. Ad hoc, preces, sacrificia, conciones cultusque adeo diuinus, tum priuatus, tum publicus. Quæ quidem adeo diuersa & distincta sunt, ut neutrum alteri officiat, fiscus Dei, Cesaris fisco nil adimat, sed cuique ius suum constet. Item:

Quod si utrumque tributum sibi vendicat Princeps, perinde ac si Gigantiū more celum petere & scandere conentur, regnia affectati reus est, & non secus ac Vasallus qui regalia iura inuadit, feudum committit, ac eo sapissime spoliatur, & eo aequius, quod ea Vasalli ad Dominum superiorem aliqua; Regis ad Deum, homuncionis ad omnipotentem nulla potest esse proportio. Quotiescumque enim Princeps aliquis insolenter dicit: Ego scandam celum, extollam folium meum supra stellas Dei, & ero similis Altissimo. At ego contra, Deus inquit, extollam meipsum, insurgam aduersus te, & exscindam nomen tuum ad ultimos nepotes vsque. Et tua quidem consilia euanescent: quod verò semel decreni, mutari non potest aut incassum cedere. Hac ille.

Isai. 14.
vers. 22.

* Ad verb. Eumque verum relig.] Lactantius lib. 5. cap. 21. Nos Christiani non expetimus ut Deum nostrum, qui est omnium Creator, colat aliquis inuitus, nec si non coluerit, irascimur. Confidimus enim Maieſt. eius qui tam contemptum sui possit vlisci, quam seruorum suorum labores & iniurias. Et ideo cum tam nefanda perpetimur, ne verbo quidem reluctamur, sed Deo remittimus ultionem, non ut ij faciunt, qui defensores se esse deorum suorum videri volunt, & seuiunt efferatè aduersus non colentes.

QVI modus præterea etiam magis amplectendus est, quod multis euentis eum ad concordia & pacis constitutionem inter Principem, Magistratum & populum utilem & salutarem esse in multis regnis, prouincijs & ciuitatibus comprobatum sit. Atque hæc de Religione.

SECUNDVM, in quo diximus aberrationem aliquam inter Sereniss. Regem nostrum, & inter Ordines existere, circa auctoritatem Regis versatur. quæ non ex culpa nostra, nec etiam, ut speramus, ex voluntate Regis, sed ex iniuria & ignorantia Gubernatorum nata est.

At maiori ex parte definita est hæc quoque controuersia per priores Pacificationes, quibus singulis prouincijs pacta, libertates, iura & priuilegia sua salua & illæsa à Rege promittuntur.

VICISSIM Ordines per easdem pacificationes Sereniss. Regi Catholico, Principi ac Domino suo naturali, omnem obedientiam, quam secundum mutua ista pacta, libertates, iura, priuilegia sua, Maiest. eius præstare debent, addicunt & promittunt.

NEC ab eo tempore quicquam noui in hoc articulo accessit, quàm quod in receptione Sereniss. Archiducis Austriæ, secundum prædicta pacta & iura, potestas Gubernatoris & reliquorum Consiliariorum & Officialium per certas condiciones, vt posthac mala, in quæ nunc per Gubernatores & Consiliarios incidimus, euitentur, declarata & restricta est.

*Augustum quid atq. fir-
mum est socie-
tas generis hu-*

mani, ad illā tamen vel stabiliendam, vel euertendam, maximum habet momentum Magistratus. Plato in Polit. vel in libro De regno.

HAS condiciones speramus Sereniss. Regi, cum non ad imminutionem auctoritatis ipsius, sed ad iniurias & iniustitias Gubernatorum & Consiliariorum præcauendas; deinde vt quod fieri debet, viri sapientes & iusti, in quibus non minus quàm in ipsis legibus salus Reipubl. posita est, dignitatibus & officijs præficiantur, in electionibus & ordinationibus eorum additæ & constitutæ sint. eas, inquam, speramus Maiestati ipsius non displicituras; sed easdem consensu suo comprobaturam.

*Bonus Ma-
gistratus effi-
cit, vt vitam
felicem homi-
nes uiuant,
quantum po-
test aliquid
in hac vita*

in esse felicitatis: malus econtrā vitam per semiseram planè reddit ætæternæ. Plato ibidem.

HÆC breuiter ita Cels. & Dign. V. ad defensionem articulorum, quos iussu Sereniss. Archiducis Austriæ & Ordinum exhibuimus, item ad declarationem eorundem referre & aperire volumus. Si quid adhuc amplius in his vel alijs articulis desideretur, vel tanquam durius offendat: Illustrissimus Dux Arschotanus & nos amicè & humillimè petimus, in specie nobis ista proponi, parati sumus quauis hora super ijs intellectum & mentem nostram declarare. Factum Coloniae xxj. Maij Anno 1579.

XXIII. Maij, ad legatos Ordinum, qui in ædibus Ducis Arschotani congregati erant, venerunt aliquot Dominorum

rum Commissariorum Consiliarij, Nobiles & Doctores, vnà cum Cancellario Treuirensi. hic ordiens, inquit, se vltimum scriptum illorum perspexisse, & penitus articulos ab ipsis exhibitos examinasse; sed reperisse se in ijs quamplurimas difficultates & obscuritates; & primo loco articulo secundo: vbi petūt vt Rex gratum & ratum habeat, quicquid factum, contractum, constitutum per Archiducem Austriae Mathiam, Concilium Status Ordinesq; fuit, ea dicta sibi videri nimis generalia; rogare ergo vt ea speciatim declarare velint.

P O R R O in articulo tertio; non solum petere Ordines approbationem priuilegiorum quæ cuiq; prouinciæ & ciuitati competūt, sed simul etiā vt reliquæ prouinciæ frui possint priuilegio Brabantiae: & aiebant rationi consentaneum sibi videri, vt Princeps custodiat & seruet singulis prouincijs priuilegia, statuta, & cōsuetudines eorum; sed cū sibi de priuilegio Brabantiae nihil constet, petunt exemplum eius exhiberi, addentes; antequam possit virtute istius priuilegij, propter infractionem eius, alius Princeps eligi, requiri vt præcedat declaratio. Nūc sicut graue foret Prouincijs, si declaratio ista per Regem fieret; ita absurdum & iniquum Regi visum iri, eandem declarationem per Prouincias in propria sua causa fieri.

I T E M quod decimotertio articulo dicitur, vt illi Gubernatores, quos Rex in posterum ordinare posset, obstringantur ad eosdem articulos & condiciones iuranda, super quibus Archidux Mathias receptus fuit, cū eorum quoque notitiam nullam habeant, petunt similiter illorum visionem & exhibitionem.

Q V O D articulo decimoquarto petitur, vt nulli admittātur ad gubernacula prouinciarum, ciuitatum quàm solum indigenæ, vel naturales, qui partes Ordinum secuti sunt, nimis sibi durum videri, sine discrimine omnes illos excludere velle, qui à partibus Regis steterint. Quare præstare vt in hac parte aliqua fiat mitigatio.

D E I N D E articulo decimoseptimo titulū defensoris libertatis Belgij attribui Duci Andegauensi, nihil aiebant ad hoc negotium pacificationis conferre: sed magis ad irritandam & exulcerandam aduersam partem seruire. Quare melius sibi videri ab eo titulo abstinere.

V L T I -

ULTIMO inquebāt plures se adhuc difficultates in iisdem articulis inuenire, sed quas vellent iudicio legatorum Ordinum considerandas relinquere: darent operam ut lenirent & mitigarent suos articulos, quo occasionem haberent ulterius progrediendi.

ORDINVM legati deliberationem ad ea petierunt in diem crastinum.

XXIIII. MAII Ordinum legati consilium inierunt, an pręstaret solum ad difficultates, quę pręterito die propositę erant, Dominis Commissarijs respondere, an verò ne tempus perderent, respõdendo & replicando, exhibitionem articulo- rum, iuxta secundam suam Instructionem facere. Hęc opinio inter eos pręualuit. Quare altero die, nempe xxv. pręmissa breui pręfatione, quę vnà in scriptis data fuit, articulos sequentes exhibuerunt, ijsque exhibitis, quędam ore addiderunt, prout sequitur.

P R Æ F A T I O.

*Reuerendissimi, Illustrissimi, Generose, Nobilis
S. Cæs. Maieſt. Commissarij.*

AD ea, quę heri & antè, ratione obscuritatum & difficultatum, quę se in articulis, ab Illustrissimo Duce Arſchorano, & nobis Sereniss. Archiducis Austriae Gubernatoris & Ordinum legatis, exhibitis offerre & moueri posse videntur, proposita sunt, ne vllum impedimentum aut mora tractationi inceptę per nos inducatur, & ut amicę, gratiosissimę, gratiosę & beneuolę exhortationi & petitioni vestrę acquiescamus, conati sumus priores articulos, quantum à nobis fieri potest, iuxta Mandatum, quod accepimus, lenire & mitigare, quibus obscuritates & difficultates, quę heri obiectę sunt, & quę adhuc obijci fortè possent, Cels. & Dign. V. magna ex parte remotas & sublatas esse inuenient. Eos articulos iisdem Cels. & Dign. V. exhibemus, cum hac necessaria declaratione, nos nihil amplius, quàm quod his continetur, pręstare posse; uti

*Instructione
enim legato-
rum Ordinum ad istos articulos restricta fuit.*

nec

49
nec præsens status rerum nostrarum, & necessitas, in quibus
versamur, amplius aliquid ferunt aut permittunt.

ARTICVLII.

I.

CONCEDATUR vtrinq. perpetua obliuio siue *amnesia*
omnium eorum quæ facta sunt à tempore primorum mo-
tuum, & causa illorum, quocunq. modo aut loco, tam gene-
raliter quàm particulariter, ita vt eorum nulla fiat amplius
mentio, exprobratio aut inquisitio, quasi ea nunquam acci-
dissent.

Concordat
cum pacifi-
catione Gau-
dauensi &
Edicto perpe-
tuo art. I.

II.

R E X Catholicus habeat ratum & gratum, quicquid fa-
ctum, contractum, decretum, conclusum, definitum. proui-
sum, collatum, aut quoquomodo actum est per Sereniss. Do-
minum Archiducem Austriæ Mathiam, Consilium Status
atque Ordines, tam id quod concernit negotium bellicum,
quàm politicum.

ANNOTATIO.

Si iusta Ordinum defensio fuit, vt alibi ostenditur, iusta etiam hac petitio
est. quinetiam necessario peti debuit, ne vlla materia vel occasio simultati-
bus, discordiis & diffidentiis relinquatur. Huc igitur referri potest, quod
Marius Salomonius post longam super ea re disputationem concludit: *Ius*
principatus nihil aliud esse quàm ius quoddam populi, & per hoc iure populi
& auctoritate quemque principatum agere ac leges constituere, nec plus
posse & valere quàm eius potest populus. lib. 1. De principatu, pag. 27.

Eòdem pertinet quod scribit Iunius Brutus in d. tract. De vindiciis Q. 3.
pag. 198. Rex in administranda Republica primas partes tenet quidem, at
ipsi optimates secundas, tertias, suas quoque suo loco. Non ergo si ille suas ma-
le agi sinat, hi sequentur, non si Rempublicam perdi permittat, conminebunt.
Respublica enim iis non secus quàm illi concredita est, & ita quidem vt non
modo ipsi per se suo officio bene fungantur, sed Principem in officio suo conti-
neant. Denique vt Rex utilitatem Reipublica curaturum se promittit,
ita & illi.

III.

R E X etiam promittet rata habere, & tenore præsentium
rata habebit omnia priuilegia, iura, vsus, antiquasque consue-
tudi-

Iuris est.

G

tudi-

tudines cuiuscunque prouinciæ, ciuitatis & Communitatis.

III.

OMNES milites Hispani, Itali, Burgundiones, Germani, Franci, Angli, Scoti, omnesq; alij extranei indifferenter vtriusque partis, egrediantur ex ditionibus Belgicis intra terminum sex hebdomadarum: Interea tamen Princeps Parmensis deseret ilicò oppida & loca quæ occupat vel detinet post inuasum Namurcum; qualia sunt, arx & ciuitas Namurcensis, Carolomontium, Bouinæ, Philippo-villa, Louanium, Leewa, Diestum & alia. eaque reddet Ordinibus vnà cum tormentis bellicis, munitionibus & commeatu: Et eorundem extraneorum loco, collocabuntur in oppidis & arcibus vbi expedire videbitur, milites naturales Belgij, idque consensu & approbatione Ordinum generalium, ac notanter eius prouinciæ vbi collocabuntur.

Concordat cū
principali in-
tentione præ-
dictæ Pacifi-
cationis &
Vnionis notā-
ter art. 3. 4.
5. 6. & alijs
Edicti perpe-
tui: item art.
13. ibidem.

V.

POSTQVAM autem Hispani & exteri Belgio exierint, oppidaque, fortalicia, & loca restituta fuerint in manus naturalium, sicut dictum est, exauctorentur etiam atque exeant omnes exteri qui Ordinibus militant. Supradicti quoque milites naturales, antequam ingredientur ciuitates aut loca munita, præter fidelitatem quam iurabunt Regi Catholico, vt prouinciarum Principi & legitimo Domino, iurabunt etiam fidelitatem Patriæ, Ordinibusq; generalibus & particularibus prouinciarum, quas ingredientur, ac notanter obseruare articulos in hac pace conclusos.

ANNO TAT.

In duobus istis articulis, item in art. 14. seq. vltra ea qua iam antè per præcedentes tractatus concordata reperiuntur, petunt Ordines vt milites isti prædijarij suo consensu & approbatione constituentur. Secundo, vt & illi & subditi in patriam redeuntes, non minùs patriæ, & sibi, quàm Regi fidelitatem iurent. Tertio, vt qui ad gubernacula in posterum admittentur, non solum sibi grati sint, sed etiam a parte sua steterint. Horum causa & ratio infra redditur.

Concordat cū
art. 9. Pacifi-
cationis & 8.
Edicti.

VI.

OMNES captiui vtriusque partis liberabuntur sine aliquo pretio redèptionis, si modò ante huius pacis cōmunicationem non

non fuerint aliter obstricti: ita tamen vt teneantur respectiue expensas soluere. Si qui etiam ante hanc communicationem promiserint redemptionis pretium soluere, tenebuntur etiam satisfacere suæ promissioni.

VII.

ET quia Comes Buranus extra oppidum & Academiam Louaniensem sine causa extractus est, vectusq; ex Belgio contra priuilegia tum dictæ Academiæ, tum Ducatus Brabantia: idem Comes statim restituatur in libertatem, & remittetur in oppidum Antuerpiense intra terminum trium mensium.

Hæc priuilegia in Belgio notoria sunt.

VIII.

QUILIBET vtriusque partis restituatur, & regredietur in sua bona immobilia, non obstante quacunque alienatione facta à tempore pacificationis Gandauensis: atque etiam in bona mobilia non distracta aut alienata.

Conuenit cõ articulo 10. & 17. pacificationis Gãd.

IX.

FIET etiam restitutio bonorum in Burgundia, Luxemburgo, Hollandia, Zelandia, alijsque locis, vbi Pacificatio Gandauensis non fuerit adimpleta, tam Ecclesiasticis, Principi Aurangia, quàm omnibus alijs, iuxta dictam pacificationem.

Ita & hic articulus.

X.

OMNES naturales Belgij vtriusque partis poterunt libere in Belgium reuerti, ibique habitare; ea lege vt præstent iuramentum fidelitatis, tam Regi quàm patriæ, ac Ordinibus generalibus & particularibus eius prouinciæ in quam reuertentur, atque adeò sese obseruatueros omnes articulos huius pacis.

Concordat cõ mente & intentione 4. articuli in dicta pacificatione.

XI.

PACIFICATIO quoque Gandauensis, Edictum perpetuum 17. Febr. Anno 1577. Bruxellæ publicatum; Vnio siue confœderatio Ordinum, ac aliæ securitates subsecutæ, in omnibus alijs punctis & articulis obseruabuntur.

Conformis est secũdo articulo Edicti.

XII.

EXCEPTO quòd in ijs prouincijs & locis, vbi religio quæ dicitur Reformata, Confessio Augustana vel pax religionis, dicta Religionis friedt recepta est, omnia permanebunt in suo statu, secundum eandem pacem religionis, neque religio-

Ratio in dictis post exhibitos artic. & similiter exponitur.

nis causa vlla fiat inquisitio, idque donec per conuentum Ordinum generalium aliter prouisum fuerit, quemadmodum pro maximo bono & quiete prouinciarum respectiue expedire videbitur.

ANNOTAT.

Conuenit hic articulus cum omni iure, & diuino & humano, ac precipue cum pacificatione, quam Passanij inter Imperij principes & subditos, commemorat Sleidanus initam fuisse his verbis: Intra sextum mensem Caesaraget Imperij conuentus, actum qua potissimum ratione dissidium religionis componi debeat, deliberabitur. Pacem interea colent omnes, & propter religionem nulla cuiquam exhibebitur molestia. Quod autem de pacanda religionis modo, communi Ordinum consilio & interueniente Caesaris auctoritate decretum fuerit, nimirum ut placidis & piis & equis rationibus componatur dissidium, id erit firmum atque ratum. Comment. lib. 24.

XIII.

Seruit hic articulus non minus ad securitatem & utilitatem Regis, quam ipsorum Ordinum vel prouinciarum.

GVBERNATIO generalis Belgij manebit penes Sereniss. Dominum Archiducem Mathiam, ijs condicionibus, quas iurauit: quem si contingat mori, vel si forre sese vellet aliò conferre, Regia Maiest. non poterit committere alium Gubernatorem, nisi gratum Ordinibus, ex suis liberis aut sanguine legitimo, qui tenebuntur iurare eosdem articulos ac condiciones, super quibus receptus fuit dictus Dominus Archidux.

XIIII.

Concordat ex parte cum art. 10. & ex parte cum 17. dicti Edicti, sed non ex toto cum 9. articulo eiusdem Edicti.

NVLLE in posterum admittatur ad gubernacula prouinciarum, ciuitatum, castrorum & fortalitorum, Capitaneatus aut praefecturas militum, neque ad consilia Status Secretum aut financiarum, aut alia officia magni momēti, nisi naturales Belgij, bene idonei, & bona illic habentes, qui que steterunt à partibus Ordinum, gratique sint tam Ordinibus generalibus, quam prouincijs particularibus, ad quas mittentur, ac aliàs iuxta priuilegia earum. Qui primum & antequam admittentur, tenebuntur solemniter iurare hanc pacem, & particulariter etiam manu tenere & obseruare priuilegia, consuetudines, iura & vsus generales & particulares Belgij; ac iureiurando promittere, si resciscant aliquid tractari in eius prauiudicium, quod ea de re certiores facient Ordines generales & particulares prouinciarum, sub poena quod habendi sint pro periuris.

ANNO-

A N N O T A T.

† *Ad verb. naturales Belgij.] Auctor Commentariorum De principatu rectè & tranquille instituendo: Princeps haud alia ratione rerum incolu-
mitati melius consulere poterit, quàm si prouinciarum sua ditioris munia
earundem ciuibus atque indigenis naturalibus fungenda permiserit. Subdi-
torum enim mores atque ingenia multò facilius à notis & sui corporis viris,
quàm ab inquilinis tractantur. Deinde nihil odiosius populo, quàm si sum-
ma quæque officia, sacerdotia, dignitates ab externis occupari videat, ut ait
Comineus. Romani veteres (quorum sapientia documento esse debet) non
modò peregrinos, sed ne socios quidem ipsos ac propè consanguineos Latini no-
minis in Senatum admitterent: imò illis petentibus ut Senatus æqua pars ex
utraque gente esset, & consociato Imperio alter Consul Roma, alter ex Latio
crearetur, bellum quàm eam pacem maluerit, in qua peregrinum Senatum,
peregrinos Consules Romæ essent visuri. Venetiis, Genua, & in aliis Italia li-
beris vrbibus, Argentorati, Norimberga, Augusta, Francofordia, Magde-
burgi, ac aliis Germania ciuitatibus, & tredecim Heluetiorum pagis mos
hic religiosissime obseruatur, ne ad munia Reipublica peregrini admittan-
tur, &c.*

XV.

ET quia Ordines sunt obligati Serenæ Reginæ Angliæ, pro-
pter sinceram amicitiam, vicinitatem & auxilium quod illis
præstitit, ad vtilitatem publicam: ipsa comprehendetur reci-
procè in hoc tractatu, in confirmationem antiquorum fœde-
rum, perpetuò conseruatorum inter principes tam eius regni,
quàm Belgij.

XVI.

SIMILITER comprehendetur in eodem hoc tractatu Il-
lustrissimus Dux Andegauensis Regis Christianissimi frater,
tanquam defensor libertatis Belgij, cum recognitione, quam
Ordines ipsi promiserunt proponere & resolueret; quoniam
tam liberaliter atque heroicè operam nauauit eorum defen-
sioni ac cōseruationi: uti etiam comprehendentur omnes alij
confœderati dictorum Ordinum.

A N N O T A T.

*Ambo & Regina & Dux Andegauensis, oppressis per Hispanos Bel-
gis, nihil aliud fecerunt, quàm quod iure naturali facere illis & reliquis
mundi Principibus ab omnibus politicis putatur incumbere: nempe quòd
populo vicino iniurias patienti opem & auxilium tulerint. Vasquius Hi-
spanus illust. contr. lib. 1. cap. 22. num. 6. Iure naturali omnibus Principi-
bus incumbit, ciuibus vel populo alicui oppressionem patienti, opem & au-*

*De hac prote-
ctione vide Io-
annē Bodinū
de Repub. li. 7.
cap. 8. pa. 176.*

xilium ferre. & hac est, inquit, heroum, egregiorumque virorum vera laus, gloria, decus & honor. Item cap. 21. num. 29. & in fine. Cum cognationem quandam inter nos natura constituerit, hominem homini periclitanti iniuriæ patienti, non subuenire, indecorum, inhumanum & impium est, arg. l. vt vim. ff. de iust. & iure. &c.

XVII.

SUPPLICABITVR S. Sanct. S. Cæs. Maiest. Regi Christianissimo, Reginae Angliæ, Duci Andegauenſi defensori libertatis Belgicæ, omnibus principibus Electoribus Germaniæ, Duci Iuliacenſi, tanquam studiosis vtilitatis & tranquillitatis Reipub. Christianæ, vt ijs placeat efficere vt hic tractatus in omnibus suis partibus compleatur & inuiolabiliter obseruetur.

XVIII.

Hic tractatus reciproce iureiurando solenni super sancta Euangelia præſtito confirmabitur & à Rege approbabitur intra terminum trium mensium post conclusam hanc pacem, aut citius si fieri potest. Actû Colonia xxiiij Maij Anno 1579.

DICTA POST EXHIBITOS

ARTICVLOS.

AD articulos iam exhibitos cum secundus ex ijs in genere necessario ita relictus sit, pro declaratione eius Cels. & Dig. V. scire cupimus, nos per Acta, quorum ibi mentio fit, intelligere conuocationem Ordinum generalium & particularium, pacta & fœdera, quæ inter Ordines & quosdam principes inita sunt, arcium demolitiones, vectigalia, exacta, collectas pecuniarum indictas, Edicta nomine Regis promulgata, oppignorationes & obligationes, collationes dignitatum, beneficiorum & officiorum, atque id genus alia, quæ concernunt publicum regimen & administrationem Reipub.

IN tertio articulo etſi scrupulus ille, qui ratione sententiæ declaratoriæ, à quo illa fieri debeat, si res in eum casum veniret, motus est, † per verba & sententiam priuilegij, de quo art. iste loquitur, decidatur: tamen ne ob hanc rem disputatio aliqua oriatur quæ negotium pacis remorari possit, hunc articu-

55
articulum ita temperatum Cels. & Dign. V. inuenient, ut
intelligere queant, nihil præter obseruationem antiquorum
priuilegiorum, quæ prouincijs respectiue concessa sunt, Or-
dines à Reg. Maiest. postulare. Id quod Cels. & Dign. V. ip-
sæmet æquum & iustum iudicarunt.

ANNOTAT.

† Ad verb. Per verba.] Quod contrariè huic priuilegio committitur, id
tale est, quod in omnium sensus ipso facto incurrit. Deinde nihil in eo inue-
nitur, quod non suam formam & modum certum & expressum habet. Ter-
tiò, vice pacti est, quod inter Regem & populum intercessit, qui superiorem
non agnoscunt. Ex quibus sequitur, aut nulla declaratoria opus esse, aut si
aliqua opus est, non aliam fieri posse, quàm quæ populi communi monitio-
ne, vel attestazione & probatione ex factis ipsis tum Regi tum vniuersis &
singulis demonstratur.

Videatur Ti-
rag. ad l. Si
vnuquam, C.
de reuoc. don.
in verb. Re-
uertatur nu.
400. 401.

SIMILITER quod ad punctum religionis attinet, eadem
moderatio, quæ in prioribus Pacificationibus inuenitur, adhi-
bita est, ut saltem si id quod prius petijmus, obtineri nō possit,
Sereniss. Rex, Princeps & Dominus noster naturalis, ex causis
& necessitatibus, quas priori scripto nostro exposuimus, hanc
gratiam & beneuolentiam prouincijs nostris præstare velit,
quod Maiest. ipsius circa ea facta quæ præcesserunt prædictas
pacificationes, iam antè Theologorum Louaniensium appro-
batione clementissimè concessit & indulxit: idem nunc quoq.
circa ea quæ secuta sunt facta, ratum & firmum habeat;
nempe ut ambo facta Ordinum arbitrio relinquantur & com-
mittantur.

Egidius
Bossius in
tract. caus.
crimin. de
Princ. nn. 55.

ANNOTAT.

Videntur Ordines hoc medio præcauere voluisse, ne Regis conscientia
circa admissionem alterius religionis, quàm quæ sua est, grauetur, aut la-
datur. sed ut rectè hoc factum esse existimo, ita optarem Reges & Princi-
pes paulò diligentius perpendere quod proprium sit munus ipsorum, quàm
longè regna & Principatus huius mundi & eorum regimen à regno &
principatu Christi eiusque regimine distet. Deinde quisque pro se omnes
partes Reipublice suæ perspiceret, quomodo illas administret, an secundum
externam legem Dei, quæ lex quoque natura est, & iustitiam, quæ ab ea maxima mer-
prescribitur, cui Deus ipsum præposuit. subditos suos regat; item, an ad sub-
ditorum utilitatem, ob quos ordinatus est, omnia referat & agat. Arbitror
si ad instam trutinam, & una cum eo Officiales & Consiliarij eius singula
ponder-

Boni Magi-
stratus vel
ces est publica
utilitas, sub-
ditorumque
conseruatio,

non verò pri- ponderarent, exhorrescerent ad magnitudinem sui muneris, & plus satis pre-
uatum quod- sua conscientia, si ei satisfacere valint, inuenirent, ne praterea sibi conscien-
dam emolu- tiam faciant, vel aliorum persuasione accipiant, in iis qua cura eorum illo
mentum: ac respectu quo humana potestates & constitutiones sunt; in nouo Testamento
proinde va- non commissa sunt, in quibus etiam sua potestate nec consilio quicquam effi-
ria difficulta- tes manet re- cere nec impedire possunt. Sed de hac re infra latius.

tem & uti decet officio fungentem suo. Ita sit ut bonus vir ab omni quidam sit alienus: & quidem si
ex bonis viris constaret ciuitas, in ea ciues ita certatim incumberent, ne imperarent, veluti hodie pu-
gnant ut imperent. Plato lib. 1. de Republica.

ULTIMO exhibemus articulos, in quibus condiciones continentur, quas Sereniss. Archidux Austriae Mathias, cum in Gubernatorem & Capitaneum generalem Belgij receptus est, se fideliter seruaturum Ordinibus solenni iuramento ad- dixit & promisit.

ARTICVLI ET CONDICIONES

SVB QVIBVS ARCHIDVX

Mathias receptus est.

Ex lingua
Gallica in La-
tinā transla-
ti de verbo
ad verbum.

PROOEMIUM quia ad praesens negotium nihil pertinet, breuitatis causa ab Interprete hic omissum est.

I.

PROINDE dictus Dominus Archidux uti Locumtenens, Gubernator & Capitaneus generalis, praestabit iuramentum Regi, uti supremo Domino & Principi naturali harum ditio- num, ac Ordinibus generalibus coniunctim, ad conseruationem, quietem & tranquillitatem earundem ditionum infe- riorum.

II.

SIMILI modo omnes alij Gubernatores tam prouincia- rum, quam ciuitatum, vbi Gubernatores esse possunt, vel solent, secundum privilegia; Omnes item Colonelli, Ca- pitanei, milites & Officiales, iuramentum praestabunt Regi suo supremo Domino & Principi naturali sub Gubernatore nomine Regis & Ordinum coniunctim, ad conseruationem dictarum ditionum.

III. QVI

VII.

QVI non secus ac dictus Gubernator generalis obligabunt sese ad articulos inferius declaratos, & singulatim ad observationem omnium & quorumlibet priuilegiorum, iurium, vsuum & consuetudinum loci: eaque restituere, in vsam reuocare, tenere & inuiolabiliter obseruare tam generaliter quàm particulariter.

VIII.

ITEM quòd has ditiones reget cum tali Concilio rerum Status quale ipsi per Ordines generales declarabitur ac nominabitur, ex naturalibus harum ditionum idoneis & qualificatis.

V.

OMNIA quæ venient in deliberationem Concilij, resoluentur & decernentur per maiorem numerum suffragiorum eiusdem Concilij, neque poterit idem Gubernator vti aliquo priuato aut Secreto consilio.

VI.

SI aliqui Consiliarij, aut alijs muneribus ad Regis dispositionem spectantibus fungentes, comperiantur aliter sese gerere quàm decet, ad requisitionem Ordinum generalium legitimum remedium adhibebitur cum causæ cognitione.

VII.

PROVISIO eorum munerum quæ semper Regi reseruata fuerunt, penes Regem manebit: qui rogabitur vt dignetur illa conferre personis gratis & qualificatis, iuxta quartum articulum præcedentem. Ac reiicietur quæcumque alia Ostensio & supplicatio, quæ munera & officia concernit, ad futuram congregationem Ordinum generalium secundum Pacificationem Gandauensem.

VIII.

GVERNATOR & Concilium non decernent rem aliquam magni momenti, & quæ ad generalitatem spectat, quales sunt, subuentiones, contributiones pecuniarum, belli vel pacis infractiones, amicitix aut fœdera cum Principibus aut populis exteris, aut similia, sine consensu Ordinum genera-

H
lium.

lium. Atque adeò non statuent vlla Edicta, constitutiones magni ponderis, nouas consuetudines aut vsum generalem, nisi super ijs habito consilio & consensu Ordinum, ad id legitime congregandorum in vnaquaque prouincia, iuxta formam & morem eiusdem, atque adeò Ordinum generalium, si opus sit.

IX.

Q V A S C V M Q V E literas accipiet, aliquo modo spectantes ad statum harum ditionum, tenebitur communicare cum Concilio, vt per suffragia super ijs possit deliberari & concludi.

X.

I N Concilio nullæ res tractabuntur, nisi ad minimum maxima pars Consiliariorum sit præsens.

XI.

O M N I A acta & expedita in dicto Concilio complebuntur & verificabuntur per vnum ex Consiliarijs.

XII.

D I C T V S Gubernator iuxta Pacificationem Gandauensem restituet & restaurabit omnia & quæcunque priuilegia, vsus & consuetudines, quæ poterunt probari infracta & violata, vel vi adempta esse & abolita.

XIII.

O R D I N E S generales manebunt congregati, quandiu expedire videbitur, pro directione negotiorum; iidemque poterunt conuenire toties & quoties ipsis placebit.

XIII.

A D monitionem vnus prouinciæ, vbi casus aliquis magni momenti inciderit, cuius nomine conuentum haberi necesse est, aliæ prouinciæ poterunt, imò debebunt conuenire; neque super eo expectanda eis erit vltior iussio aut consensus Gubernatoris.

XV.

E O D E M modo Ordines cuiuscunque prouinciæ poterunt conuenire toties quoties ipsis visum fuerit.

XVI.

P A C I F I C A T I O Gandauensis manutenebitur in omnibus.

bus suis capitibus & articulis : ita ut nequēat infringi aut violari, quocunque etiam prae-textu.

XVII.

GUBERNATOR generalis habebit pro custodia ordinaria sui corporis eos quos Hallebardarios & arcuarios vocant, naturales harum ditionum, nisi fortassis vellet habere quosdam Hallebardarios Germanos, & numero quo habuerunt alij Principes Regij sanguinis harum ditionum Gubernatores. Quod si eos velit propter occasionem aliquam extraordinariam augere, id fiet consilio Ordinum.

XVIII.

IDEM Gubernator & suum Concilium habito Concilio Ordinum constituent & ordinabunt Ducem generalem exercitus siue militiae, tam mari quā terra, Thalassiarum generalem, Praefectum equitum, Marischalcum exercitus, Colonellos, & eiusmodi officia magni momenti.

XIX.

NON conscribet exercitum, siue peditum siue equitum, extraordinariē, nisi approbatione & consensu Ordinum : Sed neque praesidia collocabit in oppidis, non prius auditis ipsis oppidis ubi praesidia erunt collocanda, nisi fortē propter urgentem & manifestam necessitatem.

XX.

NON praeficiet aliquem Gubernatorem prouinciae sine consilio & approbatione eiusdem prouinciae ; adeoque quantum fieri potest, Gubernator habitabit in eadem illa prouincia, vel ibi habebit bona & redditus, aut saltem erit ibi gratus, ut supra dictum est.

XXI.

IN tempore & negotio belli administrabit omnes res magni momenti per dictum Concilium rerum Status, adhibito Concilio militiae : quod quidem Concilium militiae constabit ex ijs qui Ordinibus grati erunt.

XXII.

OMNIS pecunia proueniens ab Ordinibus, administra-

H 2

bitur

bitur auctoritate Ordinum, & eorum quos illi præficient: finientes administrationem domaniorum & financiarum Regis in eo statu, qualis hactenus fuit, ne quid attentetur contra auctoritatem suæ Maiestatis: si tamen aliter expedire compariatur, poterit in præsentiarum proponi vel in futuro conuentu Ordinum iuxta pacificationem Gandauensem.

XXIII.

ORDINES poterunt acceptare oblationes, sibi factas à regnis & prouincijs vicinis, si opus sit: præsertim si bellum sibi inferatur: ac Gubernator approbabit & manutenebit quicquid Ordines iam antè acceptarunt vel adhuc acceptare poterunt.

XXIII.

PROCEDETUR via iuris contra eos qui arma tulerunt aduersus Ordines & patriam, ac contra eos qui secuti sunt partes Domini Ioannis Austriaci tempore vltimorū motuum, neque poterit progressus aut executio iuris vllō modo à quouam remorari aut impediri: idque ex ea causa, ne quis in posterum audeat perturbare statum aut quietem publicam. Exceptis ijs qui rogarunt sibi reditum concedi, vel probare poterunt sese à Domino Ioanne inuitos abductos esse: quarum excusationum cognitio spectabit ad Ordines generales.

XXV.

ARCES, quæ nondum sunt dirutæ, sed quarum demolitio impetrata est, re ipsa & cum effectu omnibus vallis ac propugnaculis exuentur vel demolientur, sine cuiuspiam contradictione. De alijs arcibus, à quibus seruitus & oppressio harum ditionum metuenda esset, decerneretur cum consilio Ordinum generalium, vt videbitur rationi consonum.

XXVI.

ET generaliter non fiet vlla inquisitio rerum præteritarum, & vltimorum motuum: verum comprehendentur sub obliuione generali Pacificationis Gandauensis; exceptis ijs qui superiore xxiiij. articulo continentur.

XXVII.

XXVII.

S V A Serenitas gratum habebit , & manutenebit , tanquam rectè factum , quicquid per Ordines generales actum , ordinatum & decretum fuit , postquam Dominus Ioannes se recepit in arcem Namurcensem , nec ei aliquo modo contrahiet : & supplicabitur Regiæ Maieft. vt dignetur idem facere.

XXVIII.

I D E M Archidux omnem operam nauabit erga Cæs. Maieft. Principes Electores & alios proceres S. Imperij , vt procurarent tam apud Regem , supremum nostrum Dominum , quàm per quæuis alia media , promptum discessum Domini Ioannis Austriaci , aliorumque qui illum sequuntur , illique adhærent , ad maiorem tranquillitatem harum ditionum , reconciliationem & restitutionem oppidorum , & locorum , per eundem Dominum Ioannem hoc tempore occupatorum : ideoq. magis , quoniam hæ ditiones cum Comitatu Burgundiæ , quæ constituunt circulum Imperij , sunt sub protectione tam suæ Maieft. Imperialis quàm Sacri Imperij.

XXIX.

P R Æ T E R E A sua Ser. nullos admittet in suum seruitium , interea dum gubernationem generalem tenet , nisi naturales Belgij : præter eos quos secum adduxit , vel consensu Ordinum , si desiderat aliquos extraneos ad ministerium suæ personæ ; qui , nec ij quos adduxit , immiscebuntur alicui rei concernenti negotia harum ditionum , prouisiones officiorum aut alias res , spectantes ad Rempub. vel administrationem suæ gubernationis.

XXX.

Q V O D si dictus dominus Archidux , postquã gubernationem sub condicionibus præfatis apprehēderit , earum aliquas fortè violauerit : Ordines protestantur ex nunc , prout ex tunc , quòd ipsis liberum erit , post monitionem vel interpellationem factam , si nolit instaurare infractionem , arma capere ad sui legitimam tuitionem & defensionem , tam contra dictum

Do-

Dominum Archiducem, quàm alium. Factum & conclusum per dictos Ordines generales Bruxellæ, octaua die Decembris, Anno M. D. LXXVII. Sic subscriptum & signatum, Me præfente, & per expressum mandatum dictorum Ordinum, *Cornelius Weellemans*.

ANNOTAT.

Verba proœmij.] Inducti & permoti abusus Gubernatorum generalium qui ab Hispania missi sunt, ut quilibet possit aduersus omnia dubia & scrupulos quos habet securus reddi.

Causa horum articulorum in proœmio circa finem explicatur, & iam antè quoque à legatis Ordinum in tertio scripto ab ipsis exhibitò explicata fuit. Quædam iam antè annotaui, multa etiam hic sunt, quæ imperium Regis Ordinibus vel populo obnoxium faciunt, sed consideratis pactis omnium prouinciarum, & præcipuè Brabantia, non potest Rex dici se summum ab iis accepisse imperium, cum illud in publicis fere omnibus sine populi consensu & approbatione exercere nequeat. Quod si obijcias nonnulla hic esse posita, quæ in pactis istis non exprimuntur: respondent Ordines unam & eandem tam horum quàm illorum rationem esse, nempe ut vita, honori & bonis populi prouideatur & consulatur. Quam rationem multo magis nunc vigere existimant, postquam res in eum statum venit, in quo omnia ista in dubium vocentur, & per Hispanos nomine Regis oppugnentur, nec populo ullum aliud humanum remedium, quàm arma ad se & sua defendenda suppetant.

Quin etiam sola illa communi sententia obtinente, quæ postea allegatur & probatur: Principes propter subditorum utilitatem esse, non subditos propter utilitatem Principum. postquam utilitas ista, sicut econtra inutilitas vel pericula, quæ ex metu subditorum oriri possint: Deinde persona ipsæ, utrum ad retinendam pacem, vel ad novos motus excitandos, propensa sint, & per se ad regendum & ius dicendum dignæ & idoneæ sint, vel non sint, quæ dignitatibus & officiis præficientur, Ordinibus magis quàm Regi note sint, non putatur cuiquam prudenti iniustum aut alienum posse videri, si Ordines saltè eosque donec omnia in pristinum statum & securitatem venerint, tales personas requirant, quæ non minùs sibi quàm Regi grata & obstrictæ sint.

Ne quis etiam existimet, ipsummet Archiducem Mathiam ab Ordinibus non iusta ex causâ, nec legitimo modo electum & ordinatum esse, haud grauior hic ea adscribere quæ Philippus de Marnix Dominus de S. Aldigonda, in Oratione quam pro eodem Archiduce, & Ordinibus Belgij, ad delegatos Statuum Imperij in conuentu Wormaciensi habuit, verissimè dixit & exposuit. Quum cernerent, inquit, Ordines Belgij, Iohanne Austriaco

Friaco nihil nisi patriæ perniciem moliente, alio sibi Duce opus esse, cuius
 auctoritate dignitatēque prouinciarum animi ac voluntates vnanimis in
 tam graui periculo, & tam difficili Reipublica tempore retinerentur: & vi-
 cinarum gentium studia & factiones ad eas prouincias occupandas, & a fi-
 de Hispaniarum Regis familiæ, Austriacæ penitus auertendas, inter-
 rumperentur: omnino sibi putarunt, partim ad fulciendam tantam patriæ
 ruinam, partim ad conseruandam tuendamque Illustrissima familie Au-
 striacæ in inferiori Germania dignitatem ac ius; partim denique ad socie-
 tatem & necessitudinem, quæ illis cum Germania multis nominibus inter-
 cedit, retinendam; Serenissimum Principem Mathiam Austria Archi-
 ducem, ad rerum propè desperatarum gubernacula esse admoendum: qui
 pro ea qua sibi cum Rege Hispaniarum intercedit gemina & triplicata ne-
 cessitudine, proque natura optima atque innocentissima indole, cui accessit
 accurata quædam & perfecta, atque à moribus Hispanis seiuncta in omni
 virtutum genere educatio; pro denique eo, quod semper in Belgas & verbis
 & re ipsa testatus est, studio ac voluntate, vnus omnium merito censeri po-
 terat qui senas illas tempestates posset sedare, & tum à Rege suo auunculo
 pristinam erga populos subiectos beneuolentiam, tum ab ipsis Belgis vete-
 rem erga Regem fidem atque obseruantiam facile impetraret; & denique,
 quod quidem in hoc negotio ad instaurandam rerum beatam ac florentem
 constitutionem in primis valet, Germanicos mores atque instituta, & pa-
 trias leges ac priuilegia populo retineret. Neque sanè defuit iustissimis
 eorum postulatis, atque expectationi Serenissima eius pietas, sed magnis iti-
 neribus eò profectus, vnanimi omnium Ordinum consensu, ac publica populi
 letitia & congratulatione ad Reipublica clauum in hisce fluctibus tenen-
 dum tantisper admotus fuit, donec de Regis voluntate atque Ordinum ad-
 sensione aliter constitueretur. In quo certè nemo est qui (modò rem ex veri-
 tate velit aestimare) eos meritò culpari posse censeat. Primum enim suo iure
 facere potuisse declarant eorum leges, priuilegia & maiorum instituta at-
 que exempla. Brabantinis enim priuilegiis disertè cauetur, vt si, non dicam
 legatus Principis, sed Princeps ipse, leges ac iura patriæ violarit, integrum
 sit non modo Ordinibus generatim, sed etiam sigillatim iis quorum interest,
 cuiuscumque tandem sint Ordinis, omnem ei fidem atque obseruantiam tan-
 tisper abnuere, donec omni ex parte legum ac priuilegiorum præscripto sa-
 tisfecerit. Si verò quisquam nomine Principis administrationi admotus,
 contra illa inierit: eo ipso factò iam omni functionis munere ac dignitate ex-
 cidisse declaratur, atque ab omnibus debere haberi pro exanctorato: ita vt
 nemo illi possit adhærescere; quippè qui ipso factò sine vlla alia iuris formula
 aut legum sollemnitate, non modo ad obeundum vllum in Republica munus
 in idoneus censeri debeat, sed intestabilis etiam atque infamis sit habendus.
 Quin rei præclarum in historia non ita veteri extat exemplum, ab eorum
 maiori-

maioribus perpetratum. Johannem enim Ducem Brabantia, Antonij filium, Philippi Audacis Burgundia Ducis & Regis Galliarum fratris nepotem, quum privatorum suorum quorundam rebus impense fauens, eosque ad Reipublica administrationem certatim euehens, contra ius patrium & leges iuratas multa commisisset, ex Ordinum decreto administratione omni atque imperio destituerunt, in cuiusque locum fratrem Philippum tantisper suffecerunt, donec culpam agnitam luisset, & remotis ab omni administratione iis qui privilegia & iura patria violarent, legibus atque institutis Provincialibus ex Ordinum voto omni ex parte satisfecisset, dedissetque pro se & suis posteris diploma perpetuum, sigillo suo atque subscriptione confirmatum, quo eos rite atque legitime, & ex usu Reipub. fecisse declarabat, & quidem optimo id iure secundum leges atque instituta patria facere potuisse, ac proinde omnibus eorum posteris, ut idem exemplum sequantur, quotiescumque usus postulabit, fore integrum. Quae certe lex Brabantiae peculiaris etate Sereniss. Maria coniugis Maximiliani primi Romanorum Imperatoris, felicissima memoria Augusti, per vniuersam inferioris Germaniae ditionem publico pacto communis atque vniuersalis facta est, quemadmodum in publica Annalium monumenta relatum est. Idem olim ab Hollandis, Zelandisque factitatum esse, & crebro etiam à Flandris, historiarum fides testatur: Ita ut nemo iure possit hoc tempore Belgij Ordines eo nomine reprehendere, quod & iure suo vtantur, ut est & omnibus omnino nationibus & ipsis etiam Germanis solenne, ut laudatissimis maiorum vestigiis insistant, non dicam in ipso Principe, sed in eo qui procul ex Hispania missus, ac Regis atque externo & Hispanico consilio utentis, Vicem gerens, non modo privilegia ac leges patrias aperte violarit, sed publicam pacem & sanctissimam pactiōem Gandauensem ab omnibus omnino Ordinibus, & ab ipso Rege ac Principe probatam sanctamque nefarie resciderit, &c.

XXVI. Maij, Dominorum Commissariorum Consiliarij, in loco consueto congregati, per Cancellarium Treuerensem à legatis Ordinum eodem vocatis quæsierunt, antequam articulos ipsorum Duci de Terranova exhiberent, scire se cupere an acta, contracta, statuta quorum mentio in secundo articulo fit, non tendant ad imminutionem Regiae auctoritatis?

Ad quod legati Ordinum primum protestati sunt, quæ vel aliàs ore dicta essent vel in posterum dicerentur, ea familiaris communicationis gratia, non autem sic accepta velle, quasi ab Ordinibus mandata & profecta essent: sic etiam cupere se illam declarationem intelligi, quam super secundo articulo præ-

67
præcedenti die fecissent: solùm ea quæ in scriptis exhiberent,
pro veris & firmis agnoscere. Protestatione ista præmissa, ad
quæstionem propositam sperare se dicebant, nihil in ijs actis
esse quæ Regis auctoritatem imminuant; vltiorem tamen
declarationem se nullo modo facere posse, qui super ea re man-
datum non habeant. Sed vbi ad tractationem istius articuli
ventum esset, referre se velle ad Ordines: quicquid tum re-
sponsi acceperint, libèter indicaturos: rogare ne vltra id quod
exhibitum esset, grauare ipsos vellent, sed ea cum Duce de
Terranoua communicarent. Qua responsione prædicti Con-
siliarij contentos se præbuerunt.

QVICQVID verò instarent & vrgerent legati Ordinum,
non potuerunt tamen per multos dies responsum ad articulos
suos obtinere: quæ res non paruas suspiciones in animis eo-
rum peperit, ne spe expugnandi Traiecti superioris negotium
extraheretur. Tandem 1 x Iunij Consiliarij Commissario-
rum ad ædes Ducis Arschotani venerunt, & nomine Ducis de
Terranoua sequentes articulos illis exhibuerunt, eosque vt
æquos & moderatos commendarunt. Deinde cum dicerent
se statuisse cum Principe Auraico seorsum & priuatim ali-
quid agere, quærebant à Legatis, an non aliquod particulare
Mandatum ab Excell. ipsius haberent. Tertiò iterum illos ad-
monent vt de integro Mandato sibi prouideant. Quartò opus
esse vt termini, qui ab Ordinibus ipsis præscriptus esset, pro-
rogationem ab iisdem impetrent.

Ad quæ legati Ordinum deliberationem petierunt: ea al-
tero die habita; omnibus quæ hîc necessaria erant considera-
tis, & inter se collatis, responsum conceperunt, quod Domi-
nis Commissarijs x i. Iunij ore exposuerunt, & vnà cum illo
Responso ANNOTATIONES DIFFICVLTATVM ex-
hibuerunt. Item xii, CONCORDIAM ARTICVLORVM,
ad Cancellarium Treuirensensem transmiserunt. Iam antè, vi Iu-
nij, iisdem legati literas ab Archiduce Mathia acceperant, qui-
bus adiunctæ erant interceptæ principis Parmensis literæ, quas
sequentibus scriptis subiunximus.

I ARTI-

ARTICVLI DVCIS

DE TERRANOVA.

*Reuerendissimi, Illustrissimique Principes,
Generose, Nobilesque Domini Sacrae
Cæs. Maiest. Commissarij.*

DVx de Terranova & Princeps de Castel-vetrano, regius Mandatarius, viso scripto Ordinū Belgij legatorum, sibi iampridem ad effectū manifestandę voluntatis seu determinationis suę Maiest. Catholicę vestro omnium iussu communicato, nihilque minus pensi habens, quàm occasione articulorum, dicto scripto comprehensorum, in disceptationis arenam cum prædictis legatis descendere, seu contenta illorum per viam obiectus seu reprehensionis quomodolibet enervare ac confutare: Quinimò econtrà omninò nihil sibi potius faciundum censens, quàm disputationum sinuosis ambagibus vitatis, planè ac simpliciter ob oculos ponere immensum amorem, ac verè paternum affectum, quo sua Maiestas, tanquam Princeps naturalis, suapte indole clementissimus, rapitur erga suos subditos Belgicos: quos quidem ipsos sicut vehementer cūprimis desiderat, suis sub legibus, vñibus, moribusq; ac priuilegijs antiquis, tam circa ea quę concernunt sacrosanctam religionem, ipsamq; obedientiam sibi debitam, quàm etiam iustitiam, aliąque politica, ac denique & commerciorum prosperitatem, splendori pristino restitutas videre: ita supradictus Dux nequaquam cunctandum ratus, quin ex parte suę Maiest. ac nomine quo suprà, prorsus voluntariè & liberaliter, populo & Ordinibus offerat, concedat & largiatur articulos ex ordine sequentes; in quibus complexum iri arbitrat̃ur vñuersum illud quod à subditis bona mente præditis, ac propriam salutem sitientibus, honestè requiri, postulari vel prætendi posset: planè sibi persuasum habens, populo dictisq; Ordinibus curę futurū, quo videantur dictos articulos nedum hilariter, verum etiam obedienter à dicta sua Maiestate, tanquam

67
quam naturali ac supremo ipsorum Principe suscepisse; Gallico nihilominus scripto pro huius presentis negotij autographo habendo.

I.

PRINCIPIO nequa ad nutriendam animorum diffidentiam occasio, seu fomes quoquo modo superstes relicta videriqueat, atque eatenus ad vniuersum metum scrupulosque omnes, tam natos quam nascituros, ex animis subditorum planè radicitus euellendos: placet suæ Maiest. quod generalis vtriusque obliuio omnium eorum quæ ab exordio primorum motuum accidere, instituat; ita vt eorum memoria proinde euanescens sepultaque intereat, ac si omnino non accidissent.

II.

DISTRICTE interdicens omnibus, non solum procuratoribus fisci, alijsque Officiatis, verum etiam quibusvis personis, tum publicis, tum priuatis, cuiuscunque ordinis, conditionis ac qualitatibus fuerint, ne deinceps rerum quarumlibet præteritarum occasione, vlli negotium faceßere præsumant, siue in iudicio siue extra iudicium, neque etiam minas spirantes, sese mutuo prouocent ad iracundiam: verum econtra pacem & concordiam sibi vnice, sinceriter & fraternè posthac colendam & obseruandam esse nouerint: & quidem sub pœna correctionis exemplaris, tanquam in perturbatores quietis ac boni publici distringendæ.

III.

QVIBVS proximum est, quod Rex vasallis subditisque suis seriò promittat ac polliceatur in posterum seruare ac manu tenere, imò (si opus videbitur) etiam de nouo firmare omnia & singula iura, vsus, consuetudines, immunitates, exemptiones & priuilegia quarumlibet prouinciarum, ciuitatum, oppidorum, Communitatum, aliorumque priuatorum omnium, tum in genere, tum in specie, prout iisdem vsi fuere ac fruebantur eo tempore quo sua Maiest. dictis prouincijs olim solenniter inauguratus, eadem promisit iurauitque: & sicubi forsàn ea ipsa priuilegia interea temporis vltima

lam infractionem seu violationem passa, nihil promptius fuerit, quàm ubi tale quid apparuerit, eadem rursus instaurare ac pristino vigori restituere.

I I I I.

Et quantumuis Rex olim (licet inuitus) motuum tunc temporis exorientium occasione planè coactus fuit, varium militem peregrinum, ad tuendum suam auctoritatem, in Belgium inducere: tamen paternè respiciens ad onera & grauamina subditorum, inde resultantia, omninò nihil alacrius præstiterit, quàm vt statim, à pace promulgata, mandet omnibus ad vnum vsque militibus extraneis, vtpote Hispanis, Italis, Germanis, Burgundis, Gallis, Anglis, Scotis, ac cæteris omnibus peregrinis, qui propter hosce motus vtrinque accersiti comperientur, quatenus citra moram prouincijs Belgicis excedant: & quòd illorum loco in vrbes, arcesque & fortalitia, quæ ab omni memoria præsidium habuere, substituantur milites naturales; cæterum astringendi iureiurando peculiari, prout infra latius dicitur.

V.

Q V O D verò attinet ad alios milites nequaquam extraneos, etiam ad pleniorē exonerationem afflictorum subditorum, mandabit S. Maieft. vniuersum militem, tam terra quàm mari, ilicò post dictam promulgationem exauctorari, & dimitti: vt nimirum deinceps sibi priuatim viuant in tranquillitate, ordinarijs tantum præfidiis (vt dictum est) retentis ac suffecturis.

V. I.

P O R R O quia pace hac stabilita, per discessum extraneorum, tanquam eatenus armorum occasione quodammodo sublata, omnia sperentur quasi postliminiò ad quietem reditura, vtq; eo magis fructu pacis omnes gaudeant, nihil tam ex vsu publico futurum iudicatur, quàm vt plebs citra omnem cunctationem redeat ad opificia, mercatus & negotia pacis, quibus se, vxores, liberosque citra iniuriam proximi honestè sustentare valeat. & proinde Sua Maieftas tū ob causam prædictam, tū etiam ad in posterum euitanda vitia & incommoda quæ

quæ plerunque otium & armorum luxuriam comitari solent, mandabit vbiuis locorum arma poni, non minùs ruri quàm in oppidis, quibus ea tempore pacis nec foueri nec tractari consueuere, idque omnino ad instar, prout olim factitatum, tam ante priores quàm posteriores hæc turbas.

VII.

CONSEQUENTER vt tanto nimirum pinguiùs ac luculentius se orbi terrarum manifestet verè paternus suæ Maiestatis amor, & affectus erga suum populum, occasione præsentis belli intestini, ac signanter ob varietatem vectigalium, impositionum, subsidiorum, aliarumque exactionum & concussionum vehementer exorbitantium, adeò exhaustum, vt quod aggrauet vix videatur deinceps ferre posse: placebit suæ Maiest. quod ad congruam respirationem eorundem subditorum, vniuersæ exactiones, impositiones cæteraque inuitata vectigalia & onera præsentium barbarum occasione quomodolibet indicta penitus cessent & tollantur: ita tamen, vt si quæ certorum onerum continuatio adhuc fore ex vsu publico iudicabitur, simulatque per Ordines Statuum eiuscemodi quid demonstratum fuerit, sua Maiestas haud grauatiùs se Ordinum consilijs iuxta ac desiderio accommodabit.

VIII.

PRÆTEREA restaurabitur libertas commerciorum & transitus vbiuis locorū per vrbes, pagos, pontes, portus earundē prouinciarum, non minùs terra quàm mari, perque fluuios & flumina, prout factitatum ante præsentis hosce tumultus: nouis autem vectigalibus & impositionibus, absq; suæ Maiest. auctoritate, eatenus per hos motus de facto institutis, incontinenti cessaturis.

IX.

QVONIAM verò hoc potissimū agitur nunc pax vt coeat bona, firma ac prorsus stabilis, quæ haberi nequit, nisi iusta atque æqua sit, & par vtriusque partis ratio habeatur; & ob id ne qua semina alterationum aut querelarum inter eiusdem Principis consubditos relinquantur: sua Maiest. cupiens æquali fauore ac benignitate omnes & singulos subditos à cu-

iuscunque partibus hæcenus steterint, deinceps prosequi & promiscuè vt bonos fidelesq; subditos omnes tractare. vtq; etiã primus articulus obliuionis generalis mutuarũ iniuriarũ præteritarum (in quo vera basis ac fundamentũ solidæ pacis consistit) plenum effectum fortiatur: eadem declarat & vult omnes tam Ecclesiasticas personas quàm seculares recuperare pacificè bona sua mobilia & immobilia, titulos, debita & actiones, ipsq; statim vt ac frui posse, in eo nimirum statu & qualitate, quibus in præsentiarum illa ipsa reperiuntur, idq; omnino dolo & fraude semotis, non obstante quauis alienatione facta in contrarium. Et hoc tum in Burgundia, Luxemburgo, Hollandia Zelandiaq; tum etiam in alijs quibuscumque prouincijs ac locis, non minus ad vtilitatem Ecclesiasticorum quàm Principis Auraici, & aliorum denique omnium: non obstante quòd dictarum prouinciarum binæ, vt pote Burgundia & Luxemburgum, notoriè sint exemptæ à dispositione tractatum superiorum.

x.

SIMILITER ob causas rationesq; prædictas, & vt ne quispiam debita consolatione carens, vilo damno iniuriæ affectum se iure conqueri possit: ipsa ratio dictat, & sua Maieft. omnino intendit, quòd quilibet subditorum hinc inde etiam redintegretur in suis honoribus, dignitatibus, beneficijs, gubernaculis, muneribus, functionibus, & officijs, planè ad instar, prout olim ante dictos tumultus extiterit: exceptis tantum ijs, quibus contra libertatem iuraq; ac priuilegia patriæ de vlla functione prospectum fuisse demonstrabitur. Prouiso tamen quòd eiusmodi spoliati denuò redintegrandi tenebuntur præstare iusiurandum, cuius infra fit mentio, prout facturi quoque ceteri ad nouas functiones & officia in posterum cooptandi: reuocando, cassando, annullando quicquid hinc inde factum, decretum & pronunciatum fuerit in contrarium.

x1.

Et quia sua Maieft. in hac rerum facie iudicat ad securitatem subditorum haud vulgariter pertinere, quòd omnes deinceps functiones & officia publica per solos naturales obeantur,

71
tū, etiam studiosè prouidebitur, ne quis in posterum admit-
tatur ad vlla gubernacula prouinciarum, vrbium, castrorum
& fortalitorum, nec vt sit Capitaneus aut Dux militum, nec
ad Concilia rerum Status, priuatum, financiarum, aliaque of-
ficia maioris momenti, præter naturales patriæ, qui etiam ante
receptionem solenniter iurabunt in hos articulos; eosque
promittent fideliter sincereque seruare, sub pœna periurij, &
tanquam tales puniendi in qua re sola videtur consistere po-
tissima securitas præsentis Pacificationis adimplendæ; nec id
solum, quinimò & ipsa vera quies & tranquillitas publica: vt
nec ab Ordinibus Statuum quicquam vltius requiri aut de-
siderari posse videatur.

XII.

IN SVPER captiui vtriusque partis omnes, qui ob dictos
tumultus adhucdum detinentur, statim & absque vlllo pretio
relaxabuntur, nisi iam antea aliud conuentum & solenniter
stipulatum fuisse constiterit.

XIII.

QVOD verò attinet ad Comitem Buranum, sicut sua
Maiestas planè constituit de omnibus suis subditis in vniuer-
sum paternè promereri: ita quoque contentus est eundem
Comitem, licet per tractatus præcedentes specialiter excep-
tum & reseruatum, nihilominus quanto citius fieri poterit,
sux libertati ac patriæ restituere; quinimò & illi gubernationem
Hollandiæ, Zelandiæ ac Traiectensis prouinciæ
dabit.

XIIII.

DECRETA verò iuxta ac dispositiones & ordinationes,
per Dominum Archiducem Mathiam, suosque collaterales, &
Ordines Statuum, à tempore vltimarum turbarum, sub au-
spiciis S. Maiest. emanatæ, tametsi notoriè constet, legitimæ
facultatis defectu, viribus nequaquam subsistere: tamen stu-
dio promouendæ huius reconciliationis sua Maiestas con-
sentit, quòd pro legitimis ac validis habeantur, suosque de-
bitos fortiantur effectus, quòd beneficia, dignitates, officia,
aut alias quaspiam res, quæ solent esse potestatis ac disposi-
tionis

tionis ordinariæ illorum qui tenent locum Gubernatoris dictarum prouinciarum, non autem in iis quæ propriæ personæ suæ Maiestatis reseruantur, aut si quæ factæ sint contra iura, priuilegia & immunitates patriæ, tam in generali quàm in particulari, vel alioqui in ullius iniuriam seu detrimentum redundarint.

XV.

P A R I T E R etiã omnes quarumlibet vrbium & aliorum locorum Magistratus seu Officiati suis functionibus destituti, alia via & ratione quàm ordine iuris legitimè seruato, aut aliàs contra priuilegia dictarum vrbium, aut præter ordinarios consuetosque modos, cum primis restituentur, & reintegrabuntur in dignitates officiaque sua; necnon ad eorum creationem futuris temporibus procedetur, prout olim & sicut ex iuribus, moribus & priuilegiis cuiusque patriæ, vrbis & loci decet, ne cui facta toleretur iniuria.

XVI.

Q V O D verò cõcernit religionem, quæ omnibus Principibus verè Christianis iure debet esse cõmendatissima, haud potest sua Maiestas vllatenus præterire, quin vestigijs Regũ Catholicorum suorum maiorem inhærendo, percipiat ac mandet in prouincijs suis patrimonialibus retineri seruarique religionem Catholicam Apostolicam Romanam, ab omni æu non solum ibidem receptam, verum etiam sub qua earundem prouinciarum subditi olim tantopere floruerunt, & in qua tam dictam suam Maiestatem, quàm cæteros suos prædecessores olim prouincijs inauguratos, & mediante solenni iureiurando in Principes supremos ac naturales receptos fuisse notoriè constat. Quæ quidem supradicta religio, exclusa quauis alia, liberè, pacificè & absque vllò impedimento vbiuis locorum, per vniuersas ditiones Belgicas posthac tradetur & exercebitur, prout etiam Ordines Statuum suæ Maiestati non minùs post, quàm ante turbas præsentibus, frequentibus literis se passuros & procuraturos addixerunt, & sicut etiam iam pridem scripsere ad suam Maiest. Imperialem; atque aded quod absque graui nota, vt ne dicatur confusione vniuersi status politici, haud possint in re tanti momenti proprijs scriptis vlla ex parte contrahenire.

XVII.

XVII.

ENIMVERO tamen si qui subditorum vel incolarum, occasione diuersitatis seu contentionis (proh dolor) suscitatae circa vniformitatem religionis, vel alia quapiam tum simili, tum dissimili de causa dictis prouinciis quandoque excedere cupient: sua Maiestas permittet hoc cuilibet liberum fore integro quadriennio subsequuturo: dummodo interea temporis à scandalis ac rerum perturbatione studiosè abstineat. Quo casu etiam liberrimè fruuntur omnibus suis bonis, tam mobilibus quàm immobilibus, iuribus actionibusque; & poterunt ea ipsa qualiacumque fuerint etiam aliò transferre, seu vendere aut alienare, prout eis videbitur. Imò & hoc amplius; si modò bona sua retinere malint; etiam poterunt absentes ad eorundem bonorum regimen, administrationem & receptionem in prouinciis sibi eligere. Quæstores catholicos, qualescunque volent, ac præterea toties quoties voluerint, ad prouincias iteratò redire, victuri tamen ritibus ac moribus pristinis, & vt personas catholicas decet: eritque huiuscemodi redditus ac facultas bona administrandi per se cuilibet bona fide permissus, statim atque Pastoribus, Officiariis ac Magistratibus locorum, ad quæ redire cupient, talis intentio & voluntas insinuata fuerit. Ex qua quidem regali indulgentia nulli non perquam manifestum redditur, quòd S. Maiest. nihil minus quàm bonorum confiscationes, ruinam & perniciem suorum subditorum appetat, multò autem minus quòd vigore superiorum placitorum ipsos perstringere constituerit, cum vel etiam paratissimus sit, ea ipsa Placita ex consilio Ordinum Status competenter temperare ac moderari.

XVIII.

QVOD spectat ad authoritatem & obedientiam suæ Maiest. à suis subditis omni iure diuino & humano, vt Principi naturali, legitimo & supremo debitam, illa cum primis restituatur & seruabitur, qualis meritò esse debet, qualisque olim seruata est, vt rectè nimirum administraretur iustitia, subditi regantur in omni ratione, æquitate, quiete & obedientia, idque ad eam formam modumque, quo factum est ab omni memoria, tam

K

ria, tam

ria, tam defuncti Imperatoris Caroli Quinti eiusque prædecessorum, quàm etiam suæ Maiestatis usque ad harum turbarum initium, sine cuius authoritatis instauratione ac subditorum obedientia, nequaquam possibile est populum in vnione, concordia rectaque iustitia, quiete ac tranquillitate manutenere.

XIX.

SUPEREST de gubernaculis generalibus dictarum prouinciarum, quarum occasione sua Maiestas eliget Principem de sanguine, qui, quæue rerum experientia pollens, habeat dotes & qualitates, ad eius generis arduum munus cumprimis necessarias, & de quo, seu qua, subditi iustam causam satisfactionis sint habituri. Gubernabunt autem cum omni iustitia & æquitate, præsertim verò secundum vsus, iura, consuetudines & priuilegia dictarum prouinciarum; etiam comprehenso hoc præsentis reconciliationis edicto, quod pariter tenebuntur promittere ac iurare.

XX.

AD cuius quidem Gubernatoris generalis manus, citra vltiorem hæsitacionem, plenè & integrè tradentur omnes & singulæ ciuitates, vrbes, fortalitia, & alia loca, quæ ab vna alteraque parte quocunque titulo aut prætextu modò tenentur, vnà cum patrimonio ad suam Maiest. pertinente, tormentisque bellicis, munitionibus, com meatibus, armis & nauibus: vt nimirum de iis disponat, sicuti seruitio suæ Maiestatis simul & commodis, ac securitati prouinciarum magis expedire arbitrabitur, & aliàs prout fieri debet, factumque fuit ante motus præsentis.

XXI.

PERMITTENTE nihilominus sua Maiest. & quidem merè in huius reconciliationis gratiam, vt quod hætenus ex eius patrimonio seu populi subsidiiis desumptum & collectum fuit, id ita collectum receptumque maneat, absque vltiore persecutione seu vexatione cuiuspiam mortalium eatenus inferenda; ita tamen vt in posterum ab eiusmodi detentionibus, occupationibus & collectis desistatur.

CIR-

XXII.

CIRCA tractatum Gandauensem, & insecutam Vnionem generalem Statuum, ipsumque Edictum perpetuum omnes & singuli articuli ad amissim seruabuntur, qui huic presentis tractatui nequaquam repugnare comperientur.

XXIII.

PROVISO tamen, quod illico per Ordines Statuum renuntiabitur aliis omnibus foederibus, pactis mutisque spon- sionibus, contractis occasione dictorum tumultuum, tam intra quam extra prouincias.

XXIII.

COMPREHENDENTUR hoc tractatu Regina Angliæ, & Dux Andegauensis.

XXV.

ET quia sua Maiestas omnibus modis optat hunc ipsum tractatum perpetuo firmum & stabilem esse, haud dubie fuerit sibi acceptissimum, quod S. Sanctitas, tanquam caput vniuersalis ecclesiæ, & sua Maiest. tanquam Mediator vnà cum Principibus & ad presentis pacificationis negotium delegatis, serio requirantur, quod interueniant tanquam spōsores partium hinc inde, eo potissimum fine, quod omnia & singula in hoc tractatu comprehensa, sinceriter, bona fide & absque vlla contrauentione ad amissim posthac complebuntur, nec non realiter præstabuntur.

XXVI.

POSTREMÒ vt ne ad summæ firmitatis ac dictorum omnium reuera solidum stabilimentum quicquam defuisse videatur: haud grauabitur sua Maiest. omnia & singula supradicta non solum confirmare verbo regio, quinimò & iuramento solenni, cuius rei literæ suæ patentes (tam nominis subscriptione quam sigilli impressione muniendæ, nec non in forma Edicti perpetui & irreuocabilis, desuper in vtroque idiomate tam Gallico quam Flandrico expediendæ,) haud dubie fidem facturæ erunt: quæ quidem literæ ad eum modum expeditæ, consequenter mandato suæ Maiest. publicabuntur, & in actis publicis consiliorum tam supremorum quam prouincia-

uincialium, ut moris est, describenda, posteris seruiant in monumentum legis perpetuæ.

XXVII.

TANTVNDem promittere & iurare tenebuntur Ordines Statuum, aut coniunctim simul, aut seorsum singuli in suis prouinciis, pariter & ipsi magistratus oppidorum, & Communitatum totius Belgij, nimirum quod facta rectaque ac prorsus inuiolata seruabuntur omnia & singula supradicta, etiam cum solenni reiteratione iuramenti fidelitatis & obedientiæ suæ Maieft. debitæ.

QVOCIRCA cum omnes & singuli supradicti articuli tantoperè abundant iustitia & æquitate, omninò persuasum est S. Maieft. non solum à vobis Illustrissimis Principibus ac Dominis Cæs. delegatis, ceterum ab orbe terrarum vniuerso haud dubiè probandos fore, ac denique etiam Ordines Statuum ipsosque subditos, tam in genere quàm in specie, nequaquam passuros, eiusmodi perpingues ac verè regales tantorum commodorum oblationes sibi & posteris suis excidere, potissimum quod manarint ex pectore non minùs candido, quàm amore paterno, quo sua Maieft. prosequitur Belgicos suos subditos, à quibustum ipsius prædecessores, tum etiam ipsimet, mirum dictu, quàm rara ac verè ingenua obsequia olim perceperint: ut nec dubitet tempora propediem recursum, quibus tantundem sibi ac successoribus deinceps præstandum fore iure sperare poterit. Actum Coloniae Calend. Iunij, Anno LXXIX.

RESPONSVM LEGATORVM
ORDINVM AD ARTICVLOS
DVCIS DE TERRANOVA.

*Reuerendissimi, Illustrissimi, Generose, Nobilis
S. Cæs. Maieft. Commissarij.*

ILLVSTRISSIMVS Dux Arschotanus, & nos reliqui
Ordinum legati, articulos quos heri nobis Consiliarij vestri ex

fieri ex parte Illustriss. Ducis de Terranova exhibuerunt, omni diligentia perlegimus & examinauimus; sed, vt verum fateamur, vehemēter admirati fuimus, post tam bonam spem, non semel nobis de pace datam, item post tam longam dilationem & deliberationem, quæ spem illam quoque auxerat, inuenisse nos eosdem illos articulos adeò diuersos, & discrepantes existere ab Ordinum æquabili & necessaria petitione, & intentione.

EAM nos planè & sincerè, quantum à nobis fieri potuit, vltimis nostris articulis exposuimus, ita vt nihil habeamus quod iis sine nouo mandato addere vel demere poterimus. Sed magnoperè timemus, si articulos istos in eum modum quo concepti sunt, ad Ordines transmittamus; futurum, vt magis per eos ad desperationem, & consequenter ad impatientiam, quàm ad spem pacis, & ad tranquillitatem inducantur & commoueantur.

Ad hos articulos Mandatum Legatorum Ordinum limitatum erat.

PLVRIMA enim, quæ Pacificatione Gandauenſi, multa etiam quæ Edicto Bruxellensī continentur, articulis illis Ducis de Terranova abolentur, atque irrita fiunt, longè etiam minora sunt, minusque ad pacem incundam idonea, quæ iisdem articulis comprehenduntur, quàm erant illa quæ cum olim Bredæ à Regiis Commissariis Principi Auraco, Hollandiæ atque Zelandiæ Ordinibus, longo iam bello fatigatis, offerrentur; ab iis tamen, cum totius belli impetum atque molem soli sustinerent, tanquam duriora atque minus æqua recusata fuerunt.

QVAMOBREM Celsi. & Dig. V^{as} amicè, humillimè, humiliter, & officiosè rogatas volumus, vt auctoritate vestra Ducem de Terranova inducatis, quemadmodum antè nobiscum factum fuit, quò articulos suos propius ad petitionē nostram accommodare non grauetur; id nisi fiat, non solùm omnem spem pacis abiicimus; sed & id, quod suprà diximus, euenturum apud Ordines timemus. Atque istud eò magis, quòd non ita pridem iidem Ordines negotium nobis, qua fieri posset breuitate, conficiendum literis suis seriò iniunxerint, spem prorogando tractationis termino præcidentes.

K 3

Si ergo

Si ergo Celsi. & Dign. V^o vt certò nobis persuademus, pacis confectio cordi & curæ est, talem mutationem in illis articulis fieri oportet, quæ non nimis dura & aliena ab Ordinum studiis iudicetur.

Ad quam rem Celsi. & Dig. V. breuem & modestam annotationem earum difficultatum quæ in prædictis articulis sese offerunt, exhibemus; ea tamen lege & condicione, ne tanquam ab Ordinibus mandata, firma & rata habeatur, sed tanquam à pacis studiosis consilij ergò, sine vlllo partium præiudicio, prolata & proposita.

Quod ad reliqua, quæ nobis proposita sunt, attinet; in primis verò super quo rogati sumus, an vllum Mandatum particulare ab Illustriss. Principe Aurais habeamus, respondemus nullum nos habere, nec scimus etiam in quem finem nobis huiusmodi Mandatum seruissset, posteaquam causam suam cum Ordinum causâ communem fecerit. De medijs etiam, ipsius nomine proponendis, prorsus ignari sumus: qui nec iussum ab eo personæ suæ respectu habeamus, nec scimus quid ab Excell. ipsius per Celsi. & Dign. V. requiratur.

Quamvis Mandatum concernit, vbi animaduertimus negotium ad pacem tendere, daturi operam sumus, ne per illud vllum impedimentum concludendæ & conficiendæ ei obiciatur.

De prorogatione huius tractatus quæ spes sit, ex literis quas hîc exhibemus, cognoscetis. Quare etiam petimus incontinenti hoc scriptum cum Duce de Terranova communicari, eiusque Excell. ad extremam Regiæ voluntatis declarationem patefaciendam induci & vrgeri, vt Ordines ea cognita, si spem pacis præbeat, tanto facilius ad prorogandum commoucantur. Actum Colonia x^a Iunij Anno 1579.

ANNO-

ANNO TATIO DIFFICULTATVM

QVÆ SE IN ARTICVLIS, AB ILLVSRISS^o

DVCE DE TERRANOVA PROPOSI-

TIS, OFFERVNT.

PRÆTERMISSO primo, propterea quod iste articulus cum primo nostro prorsus conveniat, & iam antè approbatus & conclusus fuerit in Pacificatione Gandauensi & Edicto perpetuo art. i. Quoad secundum, censemus præstare, ut is tanquam superfluous omittatur, cum sub primo contineatur.

TERTIVS articulus in effectu à tertio nostro non discordat, sed additur restrictio in verbis, *Prout iisdem usi fuere*, de qua metumus, ne eam Ordines suspectam habituri sint, quasi postea Sereniss. Rex nobiscum de usu vel non usu privilegij disputare velit. Quare melius esse putamus ita hunc articulum poni, prout iam antè in Edicto perpetuo confessus fuit art. io.

*Ad. ad l. fin.
ff. de constit.
princip. & ad
l. voluntariè.
ff. de excus.
tut. cano. in c.
cum accessis-
sent. ext. de
constit.*

QUOD ad quartum articulum attinet, † initium eius alio loco considerandum relinquimus. sed quod sub finem de iureiurando additur, expedire videtur verbis clavis illud exprimere, uti cum Domino Ioanne Austriaco Namurci pactum fuit, ea scilicet forma quæ ab Ordinibus articulo x i. exigitur. Deinde ad hominum animos sedandos, metuq. liberandos, omnino necessarium erit oppida, arces, & munitiones Ordinum fidei permitti, eorumque arbitrato naturalibus & sibi gratis hominibus, eamque ad rem idoneis concedi & tradi. Hoc modo in quinto quoque articulo omnis difficultas auferetur.

ANNO TATIO.

† Initium eius.] *Nulla causa erat tum temporis vllum militem peregrinum in Belgium inducere. Nam que peccata videbantur, ea solummodo priuatorum quorundam erant, non Ordinum in communi. Ex his quadam salutaris remedio per Concilium status incontinenti sapita fuerunt, quedam & paulo post in pristinum locum eiusdem auctoritate reducta sunt. Quinetiam remedium Concilij tale erat, quod Rex pendente bello aliquoties Ordinibus obtulit, & nunc in articulis suis cum additamento quodam iterum offert. Sed peregrinus miles una cum Duce suo, ut omnibus notissimum est, & Regem & subditos suos Belgas in hunc labyrinthum, in quo nunc impediti & intricati sunt, adduxerunt.*

QVOD

QVOD in sexto articulo vrgetur, sua sponte eueniet, ideoq. ne noua hinc suspicio & metus oriatur, qui studium retinendi arma magis, quàm deponendi excitaret, longè vtilius esse censemus, hunc articulum prorsus omitti.

SEPTIMVS articulus nihil gratiæ continet, quæ orbi terrarum manifestetur, nisi Sereniss. Rex simul offerat, se velle omnia debita, quæ Ordines pro defensione sua contraxerunt, exoluere. Nā quod ad inusitatas exactiones & onera attinet, si nulla Reipub. necessitas adsit, nec Rex, nec Ordines subditis quicquam eorum imponere possunt. Habent enim ista per pacta & priuilegia nostra in singulis prouinciis suum modum. Quare rogamus & hunc articulum omitti, cū alioquin impossibile etiam sit in tanto are alieno, quo Ordines obstricti sunt, onera, quæ non extorta, sed in vsum publicum concessa sunt, remittere. Idem censemus de octauo articulo.

ANNOTAT.

I *Ad vers. Nam quod.] Comineus lib. histor. 5. cap. 18. Ecquis est in orbe terrarum Rex aut Princeps, cui ius sit tributum vniuersum suis, sine ipsorum consensu & voluntate, imponere? nisi violentia & tyrānide uti velit. At enim (dixerit aliquis) potest tempus incidere, cū populi Concilium expectandum non est: neque tantam moram res patitur. Verū in bello suscipiendo, nihil tanta celeritate est opus, satis ad eam rem temporis suppeditat. Addo etiam illud, cū Reges & Principes bellum ciuium suorum consensu suscipiunt, multo & potentiores sunt, & hostibus suis formidabiliore. Et rursus aliquanto post: Regem minime omnium decet his uti verbis, Habeo potestatem exigendi à meis ciuibus, quantum mihi libet. Nam neque ipse neque quisquam alius eam potestatem habet. Qui verò his vtuntur verbis, nullum ei honorem tribuunt, neque illius auctoritatem & existimationem apud exteras nationes augent: verū ex contrario terrorem finitimis iniiciunt; qui nulla condicione dominatum illius subire vellent. At si Rex, aut ij qui potentiam eius predicant, ita loquerentur, Habeo subiectos ita mansuetos & obsequentes, ut nihil eorum quæ impero, facere detrectent, neque quisquam princeps subiectos habet æque obsequentes, quique calamitatum & incommodorum suorum facilius obliuiscantur: Hæc oratio magne illi laudi atque ornamento esset. Verū illa Regem non decet: Exigo quantum volo, eiusque rei potestatem habeo, quam mihi conseruare volo. Carolus Quintus Gallie Rex hac oratione non vtatur, neq. sanè Regem vllum nostrum illis vtentem verbis audiri, sed quosdam ipsorum Comites & ministros, qui sibi bonam Regibus nauare operam videbantur: verū meo iudicio aduersus illos peccabatur, &*

batur, & tantum assentandi causa ita loquebantur, neque satis quid dicerent, considerabant. Hæc ille. Adde Io. Bodinum de Repub. lib. 1. c. 9. pag. 207.

AD NONVM & decimum articulos, ne inuoluatur negotium multis & difficilibus altercationibus, putamus præstare, ut quæ in nono continentur, ad decreta Pacificationis Gandauensis referantur, sub qua etiam Luxemburgum & Burgardiam comprehendi intelligimus. Decimus verò ita temperetur, ne rescindantur ferè omnia, quæ ab Archiduce, Concilio & Ordinibus collata & decreta sunt, cum multorum iniuria & offensione. Ex qua parte † maior ratio militet, cuius & hîc fit mentio, dependet ex iusta vel iniusta defensione, quam Ordines hætenus fecerunt, & adhuc hodie necessariò faciunt; quod ubi opus erit, latius explicabitur.

ANNOTAT.

† Maior ratio.] In seditione duas omnino partes esse necesse est, quæ cum de contradictoriis plerumque certent, unius iustam, alterius iniustam causam esse consequitur. Iusta sanè est, quæ leges defendit, quæ communem utilitatem tuetur, quæ patriam iis præsertim authoribus conservat: Iniusta contra, quæ leges violat, legum violatores defendit, patriæ euersores tuetur. Iusta, inquit Bartholus, quæ iniustum regimen deponere vult; iniusta, quæ iustum; licita, quæ ad bonum publicum; illicita, quæ ad priuatum tendit, &c. Ecce ratio: per quam de articulo isto iudica. & ponitur à Iunio Bruto in tract. de Vindictis, quæst. 111.

In tract. de Guelph. & Gibell. arg. l. 3. §. cum igitur. ff. de re vi arm.

VNDECIMVS & duodecimus articuli non videntur habere scrupulum, modò illi qui ad munera publica adhibebuntur, eam habeant qualitatem & condicionem quæ ab Ordinibus x v. articulo declaratur.

IN decimo tertio articulo, qui agit de Comite Burano, referimus nos ad Gandauensem pacificationem, & septimum nostrum articulum, iisque insistimus. Quòd adiicitur de gubernatione Hollandiæ, ad nihil aliud seruit, quàm quos per honesta & liberalia media lenire oporteret, eos suspitione extrusionis vel ablegationis magis irritare studeamus.

QVOD ad decimum quartum articulum attinet, nolumus nunc temporis in eam disputationem ingredi, an dispositio-

L

nes &

nes & ordinationes, quæ per Sereniss. Archiducem Mathiam Concilium & Ordines factæ & decretæ sunt, legitimæ facultatis defectu careant^a. Est hæc quæstio alterius loci: sed hoc solum nunc admonitum volumus, hunc articulum paci prorsus esse contrarium, ex quo nimirum infinitæ contentiones & lites inter subditos exorirentur; quarum euitandarum causa nihil arbitramur conducibilius, & Regiæ Maiest. & nobis esse, quàm vt secundus Ordinum articulus obseruetur.

ANNOTAT.

^a Iunius Brutus Qu. 11. Cum de vniuerso populo loquimur, intelligimus eos qui à populo auctoritatem acceperunt, Magistratus, nempe Rege inferiores, à populo delectos, aut alia ratione constitutos, quasi imperij Consortes & Regum Ephoros, qui vniuersum populi cætum representant. Intelligimus etiam Comitia, que nil aliud sunt, quàm regni cuiusque epitome, ad quæ omnia publica negotia referuntur.

Eius generis sunt in omni regno bene constituto, Officiarij regni, Principes, Pares, Patricij, Optimates, & ceteri ab Ordinibus delegati, e quibus conflatur aut Concilium ordinarium, aut Concilium extra ordinem, Parliamentum, Dieta, ceterique conuentus, in diuersis regionibus diuersa nomina sortiti, in quibus ne quid Respub. detrimenti capiat prouidendum est. Illi verò vt singuli Rege inferiores sunt, ita vniuersi superiores. Vt enim rectè Basilienfis & Constantiensis synodi, synodum Oecumenicam Pontifice superiorem esse statuerunt, vt Capitulum Episcopo, Vniuersitatem Allore, Curiam Decurione, eum denique qui ab aliquo cætu auctoritatem accepit, eo cætu inferiore esse, et si singulis superiorè: ita dubium esse non potest, quin populus, qui Regem constituit quasi Actorem publicum, Rege superior sit. Et inferius:

Porro Reges populi causa institutos esse constat. Neg, enim propter centum plus minus homines, ceteris plerumque haud meliores, vniuersos creatos potius, quàm illos horum causa dixeris. Ratio verò postulat, vt is cuius ratione alius extitit, eodem potior censeatur. Sic nauis causa gubernator à domino nauis instituitur, qui, ne ipsa ad cantes frangatur, aut malè cursum tenuit, ac dominus ipse paret. est tamen ipse nauis minister, & ab aliis non genere sed specie differt. In republica qua naui comparari solet, Rex gubernatoris, populus domini loco est: illi itaque publicam salutem curanti populus ipse paret & obtemperat, cum tamen non minus sit & censeri debeat ipse Reip. minister ac iudex aut tribunus quilibet; nec ab his alia re differat, quàm quod maiora onera ferre, & plura pericula obire teneatur. Præterea. vniuersi numeri populi absq. Rege, Regem absq. populo ne mente quidè concipere posses. Cum itaq. Rex per populum & propter populum existat, nec absq. populo consistere possit; cui mirum videatur, si populum Rege potiorē esse cōcludamus? Subdit deinde:

De hac materia vide Marium Salomonium de principatu li. i. pag. 20. cum seqq. Franc. Hotmannum de Francogallia c. 15. Ioh. Baptist. Ficklerum in lib. de iure magistratuum in subditos, fol. 6.

deinde: *Quod de vniuerso populo dicimus, de iis etiā dictū volumus qui populi vniuersum in omni regno urbēne legitime representant. Cetera apud eū vide.*

Ad has rationes coniūctis iis quas supra in eadē ferē materia adduxi, si quis veritatem facti applicet, nempe Archiducē Mathiam, & vnā etiā Conciliū eius eo tēpore quo iam bellū vtrinq. motum erat, per generales Ordines, deinde ipsos hos Ordines per populū in singulis prouincijs approbatos, electos & ordinatos fuisse: is facile intelliget, nihil à veritate & iustitia magis alienum esse, quàm quod à legato Regio in hoc articulo asseritur, dispositiones & ordinationes quæ per Ordines, Archiducem & Concilium eius factæ & decreta sunt, legitima facultatis defectu carere.

DECIMVS quintus articulus Pacificationi Gandauensi, quoad Hollandos & Zelandos aduersatur. In aliis verò prouincijs, quia munera magistratuum annalia sunt, in toleratione & confirmatione eorū qui ad ea iā promoti sunt, minus periculi est; & sufficet prouideri, vt in posterum legitimo modo nominentur & creentur, nisi velimus omnia sursum deorsum volui.

DECIMVS sextus & decimus septimus præcipuū habēt in hac tractatione momentū: circa quos in primis considerādum esse putamus, Hollandis, Zelandis & socijs pacificatione Gandauensi exercitiū religionis suæ concessum esse. Quod ad alias prouincias attinet, planē necessariū videri, si pacem ratam velimus, vt non solum non sequiatur in alterius, quàm Catholicæ religionis homines, vt in Pacificatione dicta cautum est: sed iis quoq. exercitiū suæ religionis concedatur, saltem tantisper dum communi Ordinum libero voto aliter statuatur. quod si aliter fiat, timendum est ne immaturum remedium malum exasperet, & recrudesceret tumultu, id quod conseruatū volumus, amittatur, atq. condicione impossibili pacem quam quærimus, perdamus.

ANNOT.

† *Ad verba, Non solum non sauiatur.] Tot calamitatum, dissidiorum, bellorum (quibus hodie totus orbis, & maximè Germania inferior concutitur) quin causa sint peccata nostra, nemo sanus dubitabit. Sed quanam potissimum peccata causa sint, pauci querunt. Ego puto crudelitatem & sauiam esse, & cur ita putē, in causa sunt hæc: Dixit Deus: Quicumq. fuderit humanum sanguinem, fundetur sanguis illius: ad imaginem quippe Dei factus est homo. dixit Christus: Qui gladio percutit, gladio peribit. dixit Iacobus: Iudicium absq. misericordia erit ei qui non præstiterit misericordiam. Multa sunt tales sententiæ, quæ demonstrant sanguinem sanguine puniri. Exemplā idem ostendunt.*

L 2

Abi-

Abimelech adiutus à Sichemitis interfecit fratres suos. Eam crudelitatem Deus utrorumque sanguine expiauit. Saulus studio Israëlitarum sauiis in Gabaonitis, & eam ob causam fame laboratum est triennium, nec ea sedari potuit, nisi Sauli genere percempto. Israëlita sauiuerunt in Prophetas, & eam ob causam hostibus additi sunt. Innumera sunt huiusmodi exempla, quibus ostenditur, puniri à Deo non solum eos qui sauiunt, sed etiam eos qui de sauitia vel gaudent vel non dolent. Docet hoc Tobias, qui ostendit tribus Israëlitarum in calamitatem incidisse: quia cum propter fratrum suorum calamitatem lugere, & se Deo submittere deberent, epulabantur & voluptati indulgebant. Docet idem & Psalm. 137. qui Idumaeis mala minatur, quia insultauerint pereuntibus Israëlitis. Ut interim taceam multos locos Prophetarum, in quibus eadem traduntur. Sunt autem omnia illa scripta ad nostram doctrinam, ut cum iisdem poenis afficimur, easdem subesse causas intelligamus. si eadem poenis affici nos notius est quam ut sit ostendendum.

Quod si nullum sanguinem effudissemus, credi posset aliam esse causam. Nunc cum nostro tempore tantum sanguinis effusum sit, quantum haud scio an alio vnquam: dubitari non debet quin ob eam rem puniamur. Neque vero de eo sanguine duntaxat loquor, qui bellis effusus est, cuius etiam (si quid iniuste factum est) erit reddenda ratio: sed de eo potissimum, qui effusus est propter religionem, quae cum suapte natura talis sit, ut sanguinem sistat (cudent enim, inquit, ex ensibus, lanceis que suis falces & vomeres) tamen nescio qua hominum sinistra mente sit, ut nulli fere plus sanguinis hauriant, quam qui sibi veram religionem vendicant. Alias gentes praeteribo, ad Germaniam inferiorem veniam, in qua propter religionem facta sunt paucis annis maximae mutationes: & propter eandem tantum humani sanguinis effusum est, quantum si bestiarum effusum esset, deberent homines ingemiscere.

Non ego hic homicidas, aut adulteros, ceterosque eius generis maleficos defendo: scio magistratui contra tales datum esse diuinitus gladium. Sed propter intelligentiam locorum Scriptura, de quibus nondum certo constat (si enim constaret, disputari de hisset; nec vllus tam insanus esset qui mori sustineret, quod rem certam negaret) propter errores inquam (nam si quid hic peccatur, errore peccatur, cum nulla inde sequatur utilitas aut voluptas aut honos, sed contra) propter haec, inquam, tam multos & in praesentia ferro in nostris diuionibus, & in posterum libris toto orbe in perpetuum interfici; hoc verò eiusmodi est, ut qui id non deplorat, eum hominis pectus habere non existimem.

O Principes & Magistratus omnes, aperite oculos, aperite aures, timete Deum, & cogitate tandem de reddenda Deo ratione villicationis vestrae. Multi graues poenas dederunt propter crudelitatem: nemo propter clementiam. multi in extremo iudicio damnabuntur quia occiderint infontes: nemo damnabitur quia non occiderit. Inclinate potius in partem clementiae, & ne obtemperare eis qui vos ad occidendum impellunt: nec enim vobis erunt praesidio cum erit dicenda causa coram Deo: ipsis satis erit in sua causa negotii.
Credite

Credite mihi, si Christus adesset, certè certè non consuleret vobis, vt eos qui ipsius nomen confitentur, occideretis: etiam si in quibusdam aberrarent, ne dicam errare viderentur. Obtemperate potius clementioribus, qui vobis consulunt, vt zizania relinquatis vsque ad messem. nam qui ea antè extirpare volunt, extirpant Christi praeceptum, qui ea iubet relinqui.

Quare o Principes nolite credere iis qui vobis consulunt vt sanguinem effundatis propter religionem, nolite eorum esse carnifices. Nam mihi credite, si affligerentur ipsi, aliter consulerent: quemadmodum aliter & eorum quidam iam consuluerunt, cum persecutionem paterentur: & omnes verè Christiani semper consulunt, quoniam (quemadmodum dicit Paulus,) Omnes qui volunt pie vivere in Christo, persecutionem patientur; quod si patientur, nunquam consulent aliis vt inferant, non magis quam Christus & Apostoli. Estote contenti eo gladio, quem vobis tradidit Deus. punite latrones, punite proditores, falsos testes, & huius generis ceteros. Quod ad religionem attinet, defendite pios aduersus aliorum iniurias. hoc vestrum est officium, doctrina Theologia vestro gladio tractanda non est: Alioquin si hoc à vobis obtinebunt Theologi vt doctrinam suam armis tractetis, idem deinde postulare audebit Medicus vt se armis defendatis aduersus aliorum Medicorum opiniones: idem Dialecticus, idem Orator, & cetera artes. Quod si has artes tractare ferro non potestis, multo minus Theologiam, quippe quae in Spiritu & interna mentis perceptione sita sit. Quod si bonus Medicus doctrinam suam scientia satis potest tueri sine praesidio Magistratus, cur non magis idem possit Theologus? potuit Christus, potuerunt Apostoli, potuerunt etiam eorum imitatores.

Vos corpora piorum corporali gladio defendite, animos gladius iste attingere non potest. Sapite & Christi consilium sequimini, non Antichristi: alioquin scitote futurum vt nullus sit seditionum bellorumq. finis, donec miserè pereant omnes qui sanguinem temerè fuderint. Nolite putare tolli seditiones sauiendo; si sauitia eò ventum esset, vt duo tantum homines superessent in toto mundo, tamen illi duo inter se dissentirent, & mutuis vulneribus caderet, sicut accidit olim Madianitis, & hodie periculum est ne nobis accidat, nisi grassari desinimus. si quod esset aduersum mala remedium in sauitia, iam pridem sublata forent omnia mala, cum iam per quinque amplius annorum millia sauiatur. Sed certa res est, malum malo nunquam vincetur, nec vllum est aduersum cades remedium, nisi vt cades fieri desinant.

Q V O D spectat ad Regiam auctoritatem, cuius decimus octauus articulus mentionem facit, modò ea auctoritas intra terminos legum, pactorum & priuilegiorum, item pacificationis Gandauensis, & articulorum, qui ab Ordinibus exhibiti sunt, restringatur, Ordines & omnes subditi parati erunt, se legibus, iustitiæ & regiae potestati humillimè subiicere.

† *Ad verb. Intra terminos legum*] *Marius Salomonius in tractat. De principatu lib. 1. circa fin. I V R. Experimur quidem principes legibus parere, benignitate natura, non legis necessitate. PHI. Tamen si temperatis viris lex Deus sit, ut ad amicos Dionis scribit Plato, nihilominus principes legibus & obedire, & ligari quotidie legimus & videmus. quod breuiter explicabo, modo ad interrogata respondeas & ingenuè veritatem agnoueris. I V R. Respondebo ut petis, audivissimèq. auscultabo. PHI. Satis constitit inter nos secundum leges Reges vivere, tyrannos secus. I V R. Profecto. diuus enim Alexander ad Antigonium rescripsit: Nihil tam proprium imperij esse, quam legibus vivere. THE. Confirmatus est Aquinatis auctoritate, nisi vobis excidit memoria, dicētis oportere in ciuitate principem habere regulam, per quā dirigatur in operationibus, & dirigat alios, & per quam iudicet, hoc autem sit per legem. PHI. Secundum quas ergo viuit leges? I V R. Ciuitatis, & diuinas & humanas. PHI. De diuinis & humanis nulla contentio. Dic igitur secundum leges suas ipsius principis, an populi? I V R. Nihil refert suæ vel populi, modo sint iustæ. PHI. Si secundum suas viuit leges, nonne suis obedit legibus? si populi, popularibus similiter obedit legibus. I V R. Viuit secundum eas non ut obediens, sed custos & cogens alios obedire; ipse verò supra leges est, nutu suo omnia gubernans. PHI. Dic amice, iustus & iniustus nonne sic definitur aliquis, quod qui secundum leges viuit, sit iustus; qui contrā, sit iniustus? I V R. Procul dubio. PHI. Princeps contra leges faciens, sic erit iniustus. I V R. Minimè: quoniam non sibi sed aliis dicta est lex. PHI. Iustus nonne dicitur ab eo, quod iusta facit? ex diuerso iniustus, faciens iniusta? I V R. Quis ambigit? PHI. Finge principem fortiter facienti vel non facienti quippiam, poteritne princeps merenti iure negare premium? & similiter contra legem facienti alias quam scriptas iure irrogare pœnas? I V R. Non utique. PHI. Ut quid istud? I V R. Quoniam secundum legem à se dictam iudicare debet. PHI. Et si aliter facit, an iniuste facit? I V R. Vtique non iuste facit. PHI. Nonne propterea Princeps est iniustus? I V R. Videtur. PHI. Et non ob aliud, nisi quod suis non obediuit legibus. I V R. Sic arbitror. PHI. Lege igitur sua ligatur Princeps. I V R. Fateri conuenit, nam ex imperfecto testamento etiam Imperatorem capere inhibuitur est. si capit, iniuste capit; si non capit, legi obsequitur. nec quisquam Princeps proditur huic legi & aliis huiusce generis non obtemperasse, &c.*

Ferd. Vasq. illustr. controuers. lib. 1. c. 8. num. 19. Ius diuinum, naturale, vel gentium princeps transgredi nullo modo potest; sed si de transgressione iuris positini agatur, tunc legum & principum par potestas non est, quia leges indistinctè possunt immutare quod anterioribus legibus cautum fuerat. Sed an princeps id possit, pendet à commissione & concessione sibi à populo facta. Regulariter tamen Regibus etiam positinae suæ regionis subesse non videntur: sic quæ eas mutare non poterit sine populi consensu: quia ipse non legum Imperator, sed

rator, sed iustus minister & executor esse debet, esseque intelligitur. Et inferiorius circa finem.

Ergo dum non solum plures, sed innumeri ferè eorum, de quibus supra mentionem habuimus, tenuerunt principes sua natura, hoc est re ipsa, quod à populo creantur, posse novas facere leges, & veteres innouare; cauendum est, cum regulariter verius sit, neutrum facere eos posse, nisi expressim vel tacite vel verisimiliter eis concessum esset. vt fuit in principe Romano.

Idem c. 15. nu. 3. Cum princeps merus non sit legibus superior, sed inferior, & quasi earum minister, custos & executor; consequens est, vt cum eis sine causa dispensare nequeat, & cum ad meram ciuium vtilitatem merus princeps creatus intelligatur, & legum obseruantia Reipubl. non possit non esse utilis; quandoquidem ipsæ leges Reipubl. vtilis sunt: superest, vt qui princeps leges violauerit, Reipubl. nocuisse intelligatur: quod ipse facere non potest, quia est contra suam commissionem suumque officium, &c.

DECIMUM nonum articulum secundum nostrum decimum quartum intelligimus. Quare cum nunc Serenissimus Archidux Mathias ex legitimo sanguine Regis natus, indole & ingenio quoque tali præditus, quæ Regio sanguine digna sunt, in Gubernatorem generalem ab Ordinibus assumptus sit, ne noua aliqua electio seu designatio novas excitet turbas: & Generosissimo Principi, cuius medio multa mala à Belgio auersa fuerunt, cum iniuria Cæs. domus aliqua molestia & nota inferatur, maiorem in modum rogamus, Serenissimo Regi Catholico per Cæs. Maiest. & Cels. & Dig. V. persuaderi, vt Ordinum electionem confirmare, & articulos, quibus receptus est, clementissimè admittere non grauetur.

QVÆ in vicesimo articulo de traditione ciuitatum, fortaliorum, tormentorum tractantur, non putamus æquum esse quartum & quintum articulum Ordinum repudiari, præsertim cum antea beneficio sexti articuli in Edicto perpetuo idem admissum & concessum sit.

ARTICVLVS vicesimus primus nullam videtur habere difficultatem.

QVANTVM ad ratificationem attinet Pacificationis Gandauensis, & Edicti perpetui, cuius in 22º articulo mentio fit, consultius esse censemus, vt ea purè ac simpliciter approbetur, vti ab

vti ab Ordinibus factum est: ne illa videatur vlllo modo in dubium vocari, & ad contraueniendū viam aperiri. Quinetiam nonnihil miramur, cum Ducem de Terranoua non lateat, quid incommodi intulerit, tam in religione, quā in politia, Domini de Selles declaratio, qua Regis nomine & iussu significabat Maiestatem eius non esse eius animi, vt ea pacificatio rata esset, de nouo ab Excell. eius produci, quæ præcipua dictæ Pacificationis atque etiam Edicti evertunt. Quamobrem etiam Celsi. & Dign. V. rogatas volumus, si quid vel à Rege vel ab Ordinibus vltra illam petatum est, id distinctè proponatur, examinetur & concordetur, salua semper ipsa Pacificatione & Edicto: eo modo securior, clarior & breuior fiet tractatio.

Ad vicesimum tertium articulū de foederibus, nihil aliud respondere possumus, quā quod iam antè ad declarationem secundi articuli nostri à nobis responsum fuit.

VICESIMVS quartus ferè conuenire videtur cum articulis Ordinum, decimo sexto & decimo septimo: quare ad eos nos referimus.

QVOD ad reliqua attinet, dubitandum non est, si Ordines à Ser. Rege, Principe & Domino suo naturali, iustas & æquas suas petitiones obtinuerint: quin ea omnia sint præstituri, quæ sua Maiest. à fidelibus subditis desiderare poterit.

CONCORDIA ARTICVLORVM,
PER LEGATOS ORDINVM BELGICORVM
12. Iunij Anno 1579. exhibitorum, cum Pacificatione
Gandauensi, Edicto perpetuo Bruxella publicato, priuilegiis,
ac ratione ipsa.

PRIMVS articulus consentaneus est primo articulo Pacificationis Gandauensis, atque Edicti perpetui cum Domino Ioanne Austriaco initi.

SECUNDVS quanquam non per omnia consonet Pacificationibus præcedentibus, illis tamen nequaquam aduersatur, & ad euicandam magnam rerum confusionem multaq. controuersias est planè necessarius.

TER-

TERTIVS conuenit cum decimo Edicti.

QVARTVS consentit etiam cum Pacificatione & Edicto: ac propterea non debet mutari, ne qua sinistra suspicio Ordinibus inde præbeatur.

QVIA verò quintus articulus semel Domino Ioanni Austriaco Namurci placuit, non debet iam displicere, præsertim cum non spectet aliò, quàm vt firmiter obseruentur & stabiliantur ea quæ inter Regem Catholicum ac Ordines transigentur ac concludentur.

SEXTVS concordat cum nono Pacificationis, & octauo Edicti. Propterea verò quòd septimus conformis est priuilegiis ibidem memoratis (quæ Regia Maiestas statuit inuiolata conseruare) is non potest vilo modo recusari, sed nec Illustrissimus Dux Terranouanus eum recusat, præsertim cum nulla subsit iusta aut legitima causa, quare Comes Buranus debeat captiuus detineri.

OCTAVVS & nonus respondent decimo septimo Pacificationis, & ad euitandam maiorem difficultatē in restitutione bonorum alienatorum, expedit iisdem verbis inhærere.

DECIMVS respondet articulo quarto Pacificationis, saltem sententiæ ac menti ipsius. Quare in eo nulla debet fieri difficultas.

VNDECIMVS cum faciat ad maiorem corroborationem Pacificationis Gandauensis, Edicti ac Vnionis (quæ omnia à Regia Maiestate approbata sunt) iam non potest non etiam gratus esse, præsertim cum ea sint totius huius tractationis fundamentum.

ETSI verò duodecimus Regiæ Maiest. nimium videatur durus, ac non ferendus, tamen quia ad conseruationē ecclesiasticorum ac omnium Catholicorū, atq. adeò ipsius Religionis Catholicæ Romanæ, est omnino necessarius, ad quem finem Pax religionis, dicta Religionis-friedt, etiam admissa & recepta est: Regia Maiest. debet omnino se sinere persuaderi ac induci, vt toleret id, cui iam mederi non potest, tanto magis, quia petitur per modum permissionis, videlicet donec per Ordines generales aliter decretum fuerit.

M

DECL-

DECIMVS tertius utilis est ad excludendas multas difficultates, quæ super noua denominatione aut electione Gubernatoris moueri possent: quarum, durante hac diffidentia, magna ratio haberi debet.

DECIMVS quartus non videtur admodum discrepare à mente Regiæ Maiest. excepta clausula, quæ distinctionem facit, inter eos qui à partibus Ordinum steterunt, & aliorum.

DECIMVS quintus & decimus sextus cum æquitate ac ratione planè consentiunt, vt scilicet ij qui Ordinibus suppetias tulerunt, in pacis tractatu comprehendantur. Quod ipsum etiam per suos articulos Illustriss. Dux Terranouanus æquum iudicauit.

DECIMVS septimus & decimus octauus faciunt ad plenam securitatem, & ratihabitionem huius pacis, quam Regia Maiestas non minus quàm ipsi Ordines desiderat: itaque nulla est in iis difficultas. Actum Coloniae x i. Iunij, Anno LXXIX.

EPISTOLA PRINCIPIS PARMENSIS
AD DVCEM DE TERRANOVA, VERSA EX
autographo Hispanico, secretis notis conscripto.

EXPEDIVERAM veredarium super eo, quod tua Excell. ad me scribit, ac certiore facit, quanta contentione ab ea postuletur suspensio armorum; sibi que significari cupit, quid rerum hîc agatur, vt sese iuxta id melius comparet. Ad quod hoc tantummodo habeo dicere, nempe præter id, quod superioribus diebus actum est, nos imminere & incumbere propugnaculo portæ, quæ Bruxellana vocatur, ac iam vicisse eius occultum iter, quod hostes commodè poterant tueri aliquot dies. Ereximus proximè illud propugnaculum editam quandam planitiem, ex qua poterimus impedire ne hostis eo sese iuuat. Hac nocte absoluentur tres cuniculi subterranei, qui per fossas oppidi ducuntur: Crastina verò nocte, si Deo placet, plantabuntur tormenta bellica ad fossam, ad quatiendum veterum propugnaculi, vnà cum turriculis portarum, ac demendum illis

dum illis latera defensionum . Et quātum iudicare possumus,
 intra xij. aut xiiij. dies potiemur ipso propugnaculo ; poteri-
 musque secretò scalpturam inchoatam absoluerè , donec fa-
 cultas dabitur cominus manus conferendi in ipsis mœnibus,
 id quod quærimus . Tempus quod post expugnatum propu-
 gnaculum necessarium erit ad intrandum oppidum , non pos-
 sum explicare: fieri potest vt opinione breuius futurū sit. quo-
 niam plus actum est his paucis diebus , quàm videbatur fieri
 posse iis qui rem intelligunt, & qui non viderunt, non possent
 facilè credere . Adeò vt hostes nō amplius eam animositatem
 ostendant,quam hactenus ostenderunt, rarò etiam in nos eia-
 culentur: neque videntur tantum laborare ad se muniendum
 & tuendum eo loco , vti fecerunt aliis locis , tum propter loci
 situm, tum quia ibi raræ sunt defensiones eaq̃ue superatu fa-
 ciles . Verùm tandem Domine, necessum erit dimicare & for-
 tunæ aleam experiri . Illud verò tuæ Excell. cōfirmare possum,
 quòd ne momentum quidem temporis negligetur nec noctu
 nec interdiu, vti neque hactenus neglectum est . Neque enim
 duntaxat fossores cuniculis agendis adhibentur, sed etiam mi-
 lites, qui ostendunt hoc sibi placere , cū videant omnia tali
 ordine fieri, vt non possit non bene succedere . Qua occasione
 quantò magis procrastinabitur armorum suspensio , melius e-
 rit huic expeditioni . Et meo iudicio tua Excell. poterit eam
 iusto fundamento differre . Primò, eo prætextu, quo tua Ex-
 cell^a vsa est, videlicet petendo à Dominis Commissariis , num
 Mandatum Ordinum sufficiens & idoneum sit, ad cōcluden-
 dum negotium articulosq̃ue cōtrouersos . Deinde colore con-
 ditionum , quibus fieri possit dicta suspensio . Ceterum mea
 sententia hoc potissimum hîc considerandum esset , vnde ad
 suam Maiestatem plus fructus redundare posset , ideoq̃ue a-
 nimaduerti debet quænam sit spes huius tractationis . Quòd
 si censes pacem iniri posse, etiamsi te extendas ad vltimum &
 extremum tui Mandati , non est cur differatur armorum sus-
 pensio: quia cū relinquendum sit nobis Traiectum, vnà cum
 aliis oppidis, eo casu parui momenti erit hoc oppidum cepisse,
 quodq̃ue maius est , parceretur multis militibus ac pecuniis in-
 sumendis,

sumendis in expugnationem. At si non fiat tibi verisimile hunc tractatum posse ad effectum perducere, intelligasque ac quid spectet princeps Auracus, nempe ad tempus extrahendum, diuertendum legiones Wallonum à suo proposito, huic oppido succurrendum & suas res stabiliendum, non suaderem, ut simul tempus trahendo vel cum Imperatore, vel cum Commissariis, tua Excell. adducatur ad aliquid faciendum quod possit impedire hanc expeditionem, à qua pendet omne id quod possidemus, & consequi speramus. Quod ad me attinet, non dubito si Auracus potest Traiecto aliqua via suppetias ferre, id faciet: & si illud efficiat, non solum hac expeditio, sed ne vlla quidem alia ad bonum finem perducatur. sed cognito maligno statu rerum nostrarum, redibunt ad suam vnionem, & ei reliqua omnia adiungent, sub spe perueniendi ad scopum suae intentionis. Neque enim certò mihi adhuc persuadeo Hannonienses & Artesienses procedere eo zelo, quo diuulgarunt, sed potius contrarium credendum est, si verum est (vbi Comes Berlamontius mihi dixit) se hodie intellexisse, Mathiam hunc nostrum tractatum cum iis diuertisse, suis ad eos missis literis & technis, quibus vsus est medio Comitis à Lalain & aliorum. Bene video quòd sis ea prudentia, & huic ipsi negotio intentus potuisse me excusare à mentione supradictorum: tamen volui tibi ea significare, quia ad id obligatus sum. Collatio Abbatiae S. Bertini suspendetur, quantum fieri potest, prout tua Excell. desiderat. cuius manus osculor, hoc est, cui gratias ago, pro eo quod promoueris expeditionem factam pro Domino Ioanne de Boria. Precor ut eadem tradatur ei, qui expeditionem his adiunctam deferret, quae concernit negotium Vefuntionis, in quo magna diligentia vtendum est, quia adeò festinant & accelerant tractatum suae confederationis. Tanta hinc laboramus penuria, ut fuerim eius animi rogare ut mihi opem ferres quindecim aut viginti millium coronatorum, quum intelligam te facultatem habere eos mihi mutuò dandi, sed malo id reseruare in extremum vsque. Interea mandatum & negotium do Ferdinando Lopez ut numeret duos menses somatophy.

matophylacibus tuæ Excell. quam non possum non monere, quamuis superuacaneum sit, quod medio pecuniario multæ difficultates possunt explanari, si tua Excell. pecuniam largiatur nonnullis familiaribus ministris Commissariorum, eosque hac via expugnet, atque alios quos contuenire arbitrabitur. Hoc compendio multa poterunt refecari. Dominus Deus tuam Illustrissimam & Excellentissimam personam conseruet uti ea desiderat. Ex castris ad Traiectum Mosæ, xxi. Maij M. D. LXXIX.

Tuæ Excell. Seruator

Alexander Farnesius.

XVII. Iunij, Domini Commissarij ad legatos Ordinum quosdam suos consiliarios mittunt, qui tradunt iis responsum Ducis de Terranoua, simulque verbis ipsorum indicant, se nihil operæ & laboris prætermisisse, quod moderatiora quædam & propiora petitioni Ordinum ab Excellentia eius impetrarent, sed nihil se efficere potuisse: monere ergo ut articulos pridem exhibitos ad Ordines transmittant, si æquabile aliquod responsum dederint, quod parati sint, se quoque ad omnem rationem accommodare.

VITIA Mandati iterum exponunt: deinde significant, cum difficile & molestum sibi sit inter arma de pace inter partes tractare, iterum se sermonem cum Duce Terranouensi de cessatione ab armis contulisse, qui declarauerit se paratum esse ad eam attendere, modò spem aliquam concipere posset pacem conciliatum iri. Quare, cum articulos Ducis pro valdè aquis habeant, darent legati Ordinum operam, quod & ipsi petitiones suas ita temperent, quæ spem illi de pace dare possent; quo facto facilius se inducias ab eo impetraturos.

Ad quod legati Ordinū in primis Dominis Commissariis pro studio & diligetia, quam in hoc negotio præstarent, quam

M 3

maximas

maximas gratias agunt; deinde ostendunt se non videre vllam speciem pacis, posteaquā Dux de Terranoua articulis à se exhibitis, nullam moderationem adhibuisset; mirari se quoque cur Rex hoc negotium imponi Celsi. & Dign. eorum voluerit cum non aliter se ad necessitates populi sui accommodare in animo habeat; imò cum non cogitet ne Pacificationem quidem Gandauensem & Edictum perpetuum custodire: nihilominus asserabant quamprimum se articulos istos ad Ordines transmissuros, eorumque iudicium & responsum super iis cognoscere & expectare velle.

Qvòd ad Mandatum attinet, inquiunt frustra ipsos de illo conqueri, cum clausula illa relatiua, in qua præcipuam constituebant difficultatem, sola exhibitione Instructionis suæ iustificari possit, eamq. iam esse iustificatam per articulos suos, præter quos Instructio sua nihil contineret, sed & offerebant visionem eius, vt eam perspicerent.

Qvæ dicta erant de cessatione ab armis, ostendunt ea valde sibi grata esse, & scire etiam Dominos Commissarios, se ab initio huius tractatus paratos fuisse in eam consentire, sicut etiam adhuc hodie parati sint: imò sperasse hactenus, quòd Celsi. & Dign. eorum pro sua auctoritate eam indicere deberet, vel saltem effecturas fuisse, quòd Dux de Terranoua modum aliquem constituendi illam proposuisset.

Svbiicit Cancellarius Treuirensis, se oblitum esse, vt Legatis Ordinum diceret, Dominos Commissarios postulare vt ipsi rationem vel modum aliquem induciarum in medium adferrent; vbi eum illi intellexerint, se suum deinde officium in iis promouendis præstituros. Quod ad oblatam visionem Instructionis eorum attineret, respondebat non conuenire vt eam ipsi perspiciendam acciperent.

Post abitum Consiliariorum per Legatos Ordinum responso Terranouensis, iisque quæ suprà relata sunt, diligentius consideratis, visum iis est in scriptis ad ea respondere. Conceptum ergo sequens scriptum x i x. Iunij in Concilio illud proposuerunt & exhibuerunt.

RESPON-

RESPONSVM DVCIS

DE TERRANOVA.

*Reuerendissimi, Illustrissimique Electores, Principesque
& Domini S. Cæs. Maiest. delegati.*

DVX de Terranova Regius Mandatarius, viso scripto Legatorum Belgij Ordinū, ex vestro communi decreto sibi XVI. præsentis mensis communicato : quandoquidem ipsimet Legati apertè confiteantur, se ad exhibendū eiusmodi scriptū omnino nihil Mandati ab Ordinibus Statuum tenere, sed tantū vt seruiat pro consilio, ac aliās citra partium hinc inde præiudiciū, se priuatim motu proprio illud exhibuisse; spe nimirū præconceptra, quòd per illustr^m V. Dign. idem Regius Mandatarius eò adducendus fuerit, editos iam pridem ab se articulos reconciliatorios; aliquanto propius vt accommodaret ad ea quæ ex parte dictorum Ordinum iam antea postulata ac proposita fuere:

PROPTEREA Duci haud aliud occurrit, quòd in præsentiarum responsum iri conueniat, quàm illud ipsum quod in exordio præcedentis sui postremi scripti satis superque rotundè declarauit, vtpote hoc rerum statu nihil tam procurandum sibi fuisse, quàm vt disputationum quarumlibet occasionibus amputatis, promptè non minùs quàm purè ac liberaliter in finem amplissimi huius cōcessus depromeret, vniuersum illud, quod sua Maiestas Catholica deinceps constituerit, suis subditis clementer concedere & elargiri; cuius quidem consilij illa potissimū fuit ratio, quòd ad accelerationem reconciliationis tantoperè prouincialibus necessariæ, eiusmodi via sperabatur omnium compendiosissima futura.

POTISSIMVM quòd Dux sibi probè conscius, articulos ab se propositos, tanta iustitia & æquitate suffultos esse, quòd iure sperari debeat ab Ordinibus Statuum citra omnem cunctationem acceptandos fore, eo magis, quòd quicunque vacuus præsertim ab inordinata passione rem penitiùs expendere volet, haud dubiè iudicauerit, quòd S. Maiestas, tanquam

verus

verus pater patriæ, per eiusmodi paternas oblationes admodum largiter suis subditis satisfecerit. Quamobrem consultè facturi videntur supradicti legati, si modò curent eosdem articulos ad ipsos Ordines citra moram destinari. Proderit enim res illa, ut ne temporis ulterius subeunda sit iactura cum tanto salutis publicæ præiudicio, prout ipsimet suo scripto satis superque innuere videntur.

PORRÒ ubi tandem apparuerit de Ordinum vel acceptatione vel congruo aliquo responso, tunc si Illustriss. V. Dig. videbitur articulos quosdam superesse, ad subditorum iusta solatia plenius nonnihil accommodandos, aut benignioris cuiuspiam declarationis temperamento egentes, haud recusat dictus Dux similium articulorum gratia, in amicabilem communicationem descendere, prout Illust. V. Dign. convenire arbitrabuntur.

CETERA autem dicto scripto comprehensa, postquam eius generis esse videantur, quæ inter Illustriss. V. Dign. tanquam Cæs. Maieft. delegatos ac ipsos denique Ordinum Belgij legatos seorsum tractata fuere, non potest non idem Dux ad ea se referre, quæ ab Illustriss. V. Dign. eatenus ulterius decernenda forent. Actum Colonia XVII. Iunij, Anno LXXIX.

SCRIPTVM LEGATORVM

ORDINVM.

*Reuerendissimi, Illustrissimi, Generose, Nobilis
S. Cæs. Maieft. Commissarij.*

*Quæ scilicet
in mandatis
expressè habebantur.*

VT CUNQUE ea, quæ proxima annotatione nostra exhibuimus, magis cōsiliij loco, quàm Ordinum Mandato singulari. (Illa enim iam antea binis articulis proposuimus) deducta & explicata voluimus: nihilominus Celsi. & Dign. V. facillè intelligunt, nihil in ea annotatione reperiri, quod prædictis articulis in vlllo puncto contrarium & aduersum haberi possit.

QVARE

QUARE consideratis difficultatibus, quas in ea recensuimus, non frustra sperauimus Ducem de Terranova Regium legatum per Celsi. & Dign. V. inductum iri, vt propius se ad intentionem & petitionem Ordinum accommodaret: vel saltem sperauimus satis materiae hinc inde Celsi. & Dign. V. datum esse, ad media aliqua ineunda & proponenda, quibus Rex & Ordines conciliari inter se possint & debeant.

VT Regius legatus† voluit disputationum quarumlibet occasiones amputare: ita etiam nos studiosè cauimus, ne iustificationem causae nostrae ingrederemur, quae fortassis offensionem aliquam adferre potuisset.

ANNOTAT.

† *Ad verb. Voluit disputationum.]* Cùm quiuis Politicus facile intelligat, quorsum verba ista tendant, visum mihi est ad questionem illam; *An subditi cum Principibus pacisci possint; solutionem* Ioh. Baptista Fickleri Consiliarij Salisburgensis, ex tractatu eius de iure Magistratum in subditos, hic referre: Respondendum, inquit, nunc est illis, qui existimant non decere subditos cum superioribus pacisci. Quero igitur primum quibus nitantur fundamentis? Si enim rationibus agendum est, quales quaeſo illas satis firmas praetexent? Subditorum est, inquit, à Principum suorum auctoritate & mandatis pendere, non contrà: Vnde consequens est, posse quidem subditos modeste ac reuerenter Principibus suas exponere querimonias, atq. illis liberè suum consiliū impertiri, si rogentur: at minimè vltèrius progredi. Respondetur, nō licere omnino subditis magistratibus suos siue inferiores siue supremos, nisi cum summa reuerentia accedere: idque non solum propter metum indignationis eorum, sed etiam propter conscientiam, vt docet Apostolus, cū hac potestas à Deo sit constituta. At nego ex hoc fundamento talem posse necesse consecutionem: Oportere ergo subditos, quoties de rebus politicis, & ad statum, vt dicitur, regni pertinentibus, agitur, vbi quod iustum & equum, legibusque (sub quibus Princeps ille electus & constitutus fuit) consentaneum ipsis videtur, modeste ac reuerenter illi exposuerint, deinceps necessario sese illius arbitrio totos subiicere: idq. omnino absque vlla exceptione sequi, quod illi fuerit collibitum.

Nota qua scribit I. Bodinus de Re-pub. lib. 1. c. 8. pag. 175.

Quinimo contrà liberè assero nullam ipsi iniuriam fieri, si ad officium compellatur, & vbi nullus amplius rationi locus superest, vltèrius etiam aduersus eum fiat progressus. Siquidem cū non nisi certis condicionibus administratio sit illi commissa, minimè censendum est nouas pactiones cum ipso iniri, quoties interpellatur, vt vel priores condiciones ratas habeat, easque deinceps obseruet: vel alteri locum cedat, qui de illarum obseruatione magis sit futurus sollicitus.

N

Quod

Quod si exemplis probandum est, arbitror satis multa supra à me allata esse, quibus constet apertè nulla ratione, nulloque usu aut bene constituta Monarchia vlla experientia niti, aut defendi eorum propositionem posse, qui audent affirmare; sufficere cunctis debere subditis nudam Regis sui voluntatem, &c.

QUAMOBREM hætenus non aliis argumentis, quàm ab iis quæ iam antè conuenta & conclusa fuerunt, item à necessario & impossibili vñ fuimus.

SED cum videamur vrgeri à Regio Legato multo grauioribus argumentis, à liberalitate, ab indulgentia & paterna affectione Regis erga nos, item à iustitia & equitate eorum quæ offeruntur, metuemus ne iis argumentis Celsi. & Dign. V. commoueantur, quominus ad alia media quæ conciliationi mutux seruire possunt, progrediantur.

ITA inuiti cogimur contra scriptum illud Regij Legati tantum replicare, amplecti nos gratissimis animis liberalitatem Regis, indulgentiam & paternum eius affectum erga nos: sed vicissim rotundè dicimus, ea quæ per Regium Legatum offeruntur, in substantia parum cum affectu isto conuenire.

NAM quòd ad leges, consuetudines, pacta, & priuilegia attinet, ea nostra sunt, nec vnquam nostra esse desierunt, quippe quæ per Regem aboleri, inuerti aut tolli, nec olim potuerunt, nec adhuc hodiè iure possunt.

SI C etiam tributa & vectigalia apud nos certum suum habent modum, quem Rex nec augere nec minuire sine consensu Ordinum potest. † Dignitates quoque & officia non nisi certis condicionibus conferri queunt: multo minus possunt aut debent subditi per Gubernatores & Consiliarios Regis, per Duces & milites eius iniuste premi, spoliari & violari.

ANNOT.

Nihil istis duobus §§. dicitur, quod non subditis per pactum debeatur, quæ partim ab initio, quo Maiores Regis, nunc huius nunc illius prouincia domini facti sunt, conuenta vtrimque & ordinata fuerunt; partim medio tempore vel pretio, vel singulari aliquo beneficio à subditis impetrata & acquisita sunt. Multa etiam prouincia priuilegia sua non à Maioribus Regis, sed ab Imperatoribus, quo tempore Romano Imperio subiecta erant, obtinuerunt, quibus

quibus saluis & illafis, promiffis, iureiurandòque addictis, in potestatem illorum se commiferunt. Quare cessant hic omnes illa disputationes, An Princeps possit saltem leges positivas in suis ditionibus abolere vel immutare: item an privilegia à se data renocare^b, nova tributa & vectigalia constituere & indicere possit. Nihil enim verius est, qualiscunque conventio circa ista inita est, eam per Principem servari & custodiri debere.^c

Ferd. Vafq. illust. contr. lib. 1. cap. 3. In questione illa, An ex contractu cum subditis inito Princeps obligetur, naturaliter obligari eum omnes admittunt, civiliter autem non utique. * Ea tamen obligatio naturalis obligat eum efficaciter, vel utilis & efficax est etiam ad agendum, manetque Princeps tam efficaciter obligatus, ut nec de potestate absoluta possit à tali contractu recedere, aut illum vlla ex parte violare, ut est vera & communis Dñ. sententia. Sed si verum amamus, quod nostrates aiunt principem naturaliter subditis ex contractu obligari, verum est. Deinde quod aiunt eum contractum non posse violare, etiam de plenitudine potestatis, verissimum quoque est: Quod verò tertio loco affirmant, civiliter non obligari sed naturaliter tantum, id suspectum esse vel ex eo apparet, quod (ut supra plenè edocemur) princeps legibus positivis sue regionis aut populi subest, nec per ipsum principatus interventum aut obtentum desit esse unus ex civibus, sicq; in contrahendo iure privati utitur, nec est legum Imperator, sed custos, minister & executor, quod munus non quo minus, sed quo magis legibus alligetur, efficit.

† Dignitates & officia.] In quibusdam provinciis nominatio & electio est apud Status & magistratus ipsos, in aliis apud Regem tantum. Rursus in quibusdam nominatio apud Status est, sed electio ex duobus vel tribus nominatis apud Regem: item in his non nisi indigenæ vel naturales admittuntur; in illis exteri quoque, sed tamen eiusdem Principis imperio subiecti. Communiter in omnibus provinciis certæ qualitates, quo ad genus & bona eorum, qui præficiendi dignitatibus & officiis sunt, requiruntur.

Si quis nunc porrò perpendat, quid in his omnibus per Regios Gubernatores & Duces in Belgio notoriè actum sit, is simul inueniet, cum ad varias Ordinum supplicationes Rex nullum remedium iis malis adhiberet, eos iustè & legitimè, iuxta communem Theologorum & Iurisperitorum sententiam, arma contra Gubernatores & Duces istos, ad corpora, bona & iura, tum sua tum suorum, defendenda, suscepisse.

a Ferd. Vafq. illust. controu. lib. 1. cap. 2.

b Bald. ad l. qui se patris. C. unde liberi. num. 13. Dec. conf. per tot. Aug. Beronius conf. 146. vol. 3. per tot. Socin. conf. 87. vol. 3. num. 12.

c Communis dd. sententia est quæ refert & explicat Laur. Kirchoffius Comm. opin. Cent. 3. Conclus. 88.

* Idem I. Bodinus de Republ. lib. 1. cap. 9. pag. 221.

Scholasticorum Theologorum & Iurisperitorum sententia.

ANNOTAT.

Hac materia tractatur à Dominico de Soto de iust. & iure lib. 5. q. 1. art. 3. & à Ferd. Vasquio d. lib. 1. cap. 8. nu. 33. Inter cetera prior ita scribit, quæ & alter sequitur & approbat: Si Respublica, quæ opprimitur a Principe suo, [vel ab eius vicariis, ut hic] superiorem habet, ille aduendus est, ut remedio succurrat: sin verò non habet, illa potest in ipsum coarmari. Dum autem potens non est, tunc Deus est orandus, in cuius manu cor Principis existit, quique & propter peccata populi finit nonnunquam hypocritam regnare. Quo ad hoc ultimum Vasquius existimat, non id solum remedium subditis superesse, ut Deum orent pro Principis sui emendatione, sed iure naturali omnibus mundi Principibus incumbere illi populo oppressionem patienti, opem & auxilium ferre. c. 22. num. 6.

De hac re videatur ad longum prædictus tractatus Ioh. Baptist. Fickleri de iure magistratuum non ita nuper Ingolstadtj impressus.

DEINDE hac defensione iusta constituta, prout est iustissima, nec vnquam apud vllam gentem in dubium reuocata, nemo etiam non intelligit, quæ interea temporis ex necessitate Reip per Ordines acta, decreta & ordinata sunt, ea legitima potestate acta, ordinata & decreta esse.

ANNOTAT.

† Ad verb. Iustissima] Ferd. Vasq. illust. contr. lib. 1. cap. 41. num. 19. Quia iuris præcepta sunt, honestè vivere, alterum non ledere, ius suum cuique tribuere: quod attinet ab illud præceptum, ne alter ledatur, hominum hanc ad rem tuitio & defensio fieri potest altero de duobus modis; aut per vim iurisdictionis, aut per vim naturalis defensionis. iurisdictionis est in magistratibus: naturalis defensio est tam in ipsis, quam in reliquis omnibus hominibus. In ipsismet magistratibus est de iure diuino & naturali & positiuo. De diuino iure patet ex epistola D. Pauli dicentis sic: Qui suorum maxime domesticorum curam non habet, infidelis est, & infideli deterior. Secundo intellige idem de iure naturali. Nam sub hac lege & conuentione magistratus datus & acceptus intelligitur, ut talem curam gerant, talèque ministerium præsent. Tertiò idem de iure positiuo. Quarto intellige etiam si talibus magistratibus imminet periculum vite, ut ex communi opinione resoluit Hieronymus Cagnolus: & docet Cicero in oratione pro Caio Rabir. Est, inquit, boni magistratus cum auxiliare republ. labefactari conuelliq. videt, ferre opem patriæ, succurrere salutis, fortunisque communibus; suam salutem posteriorem salutis communi ducere. Et rursus in Oratione pro Sextio ait: Sudandum est iis qui magistratum gerunt, pro communibus commodis, adeunde inimicitie, subeunde sæpe pro Republica tempestates, cum multis audacibus improbis nonnunquam etiam potentibus dimicandum.

Quod autem etiam priuatis hominibus talis tuitio competat in vim naturalis defensionis, procedit primum de iure diuino, iuxta diuum Iohannem Evangelistam Epist. 4. dum ait: Qui non diligit fratrem suum quem videt, quomodo

a l. iustit. ff. de iust. & iur.

b l. i. §. huius ff. de iust. & iure.

c l. nullum crimen l. culpa caret, & ibi Dec. & Cagnolus ff. de reg. iur.

d d. l. culpa caret à contrario sensu. ad. ad d. §. huius.

e in d. l. culpa.

quomodo diligit Deum quem non videt? Et quia per secundum praeceptum decalogi iubemur proximum amare ut nosmetipsos, sicque ut nos naturaliter tueremur: ita proximum tueri debemus, iuxta illud divinum praeceptum: *Ut quod tibi non vis, alteri non facias; & quod tibi vis, alteri facias: sicque ut tibi periclitanti aut iniuriam patienti subuentum ab alio velis; ita & alius subuenire inberis.* & sub illa verba, *Quod tibi non vis, alteri non facias, etiam facere continetur bonum.* ^{l. ut vim. ff. de iust. & iur.} Secundo intellige quod ad talem defensionem tenemur etiam de iure naturali. ^{l. in facto. ff. de cond. & demonst. §. si uxor inst. de nupt. notand in specie Cagnolus & Decius in l. id quod nostrum. ff. de reg. iur. h. Arg. d. l. ut vim cum simil.} Vnde Ovidius sic cecinit:

Et caret auxilio, qui non tulit; utque relinquit,
Sic linquendus erit, legem sibi dixerat ipse.

Et Cicero Off. lib. 1. *Homines, inquit, hominum causa sunt generati, ut ipsi inter se alij alijs prodesse possent.* Et rursum 3. lib. Off. *Hoc, inquit, natura praescribit, ut homo homini ob eam tantum causam, quod is homo sit, consul- tum velit.* dixi plenius infra lib. seq. in materia praescript. par. 1. q. 4. cum praeced. & seq. ubi edocebimur in officio sum hominem, eoque nomine indignum esse, & videri, qui talem defensionem non praestat. Tertiò intellige idem esse de iure positivo Canonico secundum Cagnolum, ubi supra, hanc esse communem opinionem affirmantem. Quarto intellige idem esse etiam de iure civili secundum eundem ibi. Quintò intellige eam, si immineat quale quale periculum secundum eundem. Sextò intellige, quod id licitum est, ut dictis legibus & locis supra allegatis. Septimò intellige quod non solum licitum, sed etiam debitum & necessarium est, ut dd. iuribus, & plenè per d. Cagnol. Octavo intellige quando fuimus requisiti per illum qui iniuriam patiebatur; ut dictis locis habetur. Nonò idem, & si requisiti non simus. nam ultro id facere possumus. Vltimò intellige ut procedat etiam inuito & renitente eo qui patiebatur. ^{i Cagnolus & Decius in l. inuito. ff. de reg. iur.} Secundum quae si patior iniuriam à concine meo, magistratibus competit defensio, quibus absentibus vel impeditis, vel non valentibus, vel si sit periculum in mora, cuilibet de populo competit defensio, & multò iustius, si ab ipso magistratu iniuria fiat, & ius adferatur. Vnde si notorium est eum damnassee ad mortem, vel ad membri mutilationem, vel ad similem poenam non reparabilem, eum qui innocens erat, & noluit recipere appellationem, vel ab eo non poterat appellari, reliquis concinibus competit defensio illius hominis iusti, intellige si ab eo fuerint requisiti. Secundo, etiam si is taceret. Tertiò, etiam si expressim prohiberet & mori mallet. Quarto, quod extraneis idem ius esset, arg. supradictorum, &c.

Ostendit porro in eodem cap. nu. 36. naturalem illam defensionem tam res quam personas intueri, sicque siue in rebus, siue in persona quis vim aut iniuriam patiat, ex vi illius naturalis obligationis, qua reliqui homines ad iniuriam aut vim patienti subueniendum tenentur, ei subueniri debere: id quod hodie, inquit, ex defensione artificiali, quae per modum principatus & iurisdictionis fit, post tam laboriosas, molestas, immortales, sumptuosas moras & lites contingit, ut satius, consultius, utilius plerumque fuisset, vim aut iniuriam pa-

riam patienti, tale auxilium defensionemque artificialem non implorasse, quam retulisse aut impetrasse, eam enim plus nimio pretio emere videtur.

Hanc etiam artificialem defensionem, quæ per modum principatus aut iurisdictionis contingit, dicit non solum non esse de iure naturali & gentium primo, sed potius naturali & gentium iuri primo adversari, vel illinc intueri licet, quod illos iuribus inspectis, omnes homines plenissima libertate utebantur, poterantur, gaudebant, fruebantur; nec dubium est, inquit, quin principatus & iurisdictioni huic omnimoda libertati aliquantum adversetur, non secus quam quedam servitus quam iuri naturæ adversari in cõperto est: cum qua servitute non parum similitudinis habet subiectio hæc, quæ principatus & iurisdictionis causa aut occasione contingit, præsertim si non tam ius, quam vsum noxium principum & magistratuum &c. Reliqua apud eum vide.

ALIOQV IN quod ad debitam obedientiam attinet, quam Ser. Regi, Principi & Domino nostro naturali, præstare obstricti sumus, nunquam recusavimus, nec adhuc præstare eam, iuxta leges, pacta, privilegia & pacificationes, iam antè initas, recusamus.

ANNOTAT.

Ad verb. [Iuxta leges, &c.] Querit Aristoteles 5. Ethic. c. 11. An respublica melius ab optimo homine quam optima lege gubernetur. Definit autem melius legem quam hominem dominari; id quod & 5. Eth. c. 6. commemorauerat: nempe quia facilius est, vnum aut paucos prudentes invenire legum conditores, quam iudicum multitudinem. Etenim qui leges ferant, pauci in vno seculo satis sunt: qui vero ius dicant, impendio quamplurimi sunt necessarij. Deinde, quoniam leges longi temporis consideratione feruntur; iudicia vero brevissime cogitantur, & ideo facilius hic quam illic error contingit: Præterea maxime, quod cum leges de vniuersalibus & futuris constituantur, neque personas singulariter tangerant, non conduntur personarum respectu: Senator vero & index quia cum singularibus personis agit, odio percelli potest, & amore, ac potissimum avaritia corrumpi. Quare melius est, ut quam maxime fieri possit, cuncta legibus explicentur: iudicibus autem non nisi minima quæ lege determinari nequeunt, relinquuntur. Vnde ait, quod qui legem præesse iubent, Deum præesse iubent & leges (utpote à quo ipse promanant:) qui autem hominem iubent præesse, adiungit bestiam salvam, quia libido atque ira obliquos agit etiam viros optimos dum sunt in potestate. Iudices ergo, non leges ipsi, sed (ut 5. Eth. ait Aristot.) legum debent esse fidei custodes. Dominicus à Soto de iust. & iur. lib. 1. q. 5. art. 1.

Nota quæ pro hac q. scribat Ferd. Vassius illust. cont. lib. 1. c. 1. à num. 13. usque ad fin.

OMNES ergo articuli Ducis de Terranova, qui de prædictis rebus loquuntur, propterea iusti & æqui sunt, quia profiscuntur ex iure, quod subditis competit: gratiam autem & liberali-

liberalitatem non habent aliam, quàm quod in iis Regis nomine promittitur, Maiestatem eius velle posthac subditos suos, quo ad personas & iura ipsorum, saluos & incolumes conseruare.

VNICVM punctum est religionis, in quo Ordines concorder, propter præsentes necessitates & communem quietem, quidam etiam propter cōscientias suas, quæ Dei moderationi & regimini subiectæ sunt, aliquid sibi cum gratia Regis per-mitti & concedi cupierunt: sed nihil amplius hîc Ordinibus per Regium legatum offertur, quàm vt illi, qui sunt alterius quàm Rom. Ecclesiæ religionis, mitioribus posthac pœnis, quàm antea propter professionem suæ fidei obnoxij sint & coërceantur; vel si pœnas istas euitare volunt, bona, sedes au-tas & cognationem suam deserant. Quæ oblatio an tanto pe-re à iustitia & æquitate commendari debeat, per ea quæ ab initio exposuimus, manifestum est.

ANNOTAT.

Vtinam hic Rex Catholicus, iuxta omnium bonorum votum, induat Con-stantini Magni clementiam pariter & prudentiam, qui pacem dabat tam errantibus, quàm non errantibus communem. Verba Imperatoris hæc sunt: Pacem cum fidelibus ij qui errant, pacis & quietis fruitionem gaudentes ac-cipiant. Ipsa siquidem communicationis & societatis restitutio, ad rectam e-tiam veritatis viam perducere potest. Nemo cuiquam molestus sit, quisque quod animo destinat, hoc etiam faciat.

Idem ad Anastasium papam disertè scribit: nemini se velle vim facere, aut ad fidem cogere, sed tantum adhortari, iudicium autem Deo relinquere.

Similiter Constantinus Imperator, vnumquemque credere ac Deum colere sicut vellet, permisit, existimans plus se hac sua lenitate & mansuetudine ef-fecturum, quàm acerbioribus Edictis: quod factum eius ab omnibus lauda-tum fuit, nec se fellit eum sua opinio. Hæc refert Eccles. historia quam Tri-partitam vocant; cap. 4. lib. 7.

Valens in Antiochia Syria degens Consubstantialitatis cultores vehemen-tius fuisset persecutus, nisi eum liber Themistius philosophi renocasset, in quo perorauerat, eum non oportere ob id crudelem esse, quod discordia aliqua in Ecclesiasticis dogmatibus nata esset, cum & apud Paganos plus quàm tre-cente secta inter se differentes inuenirentur, & vnusquisque pro dogmate pro-prio in diuersa sententia consisteret. Fortè & hoc Deo gratum magis esse, dum non facile cognoscitur, & diuerso modo glorificetur. Vnusquisque enim amplius timet, dum integritatem eius scientie, vel quomodo aut qualis, quan-tisque sit, magis ignorat. Eadem historia c. 12. lib. 8.

Proclus

Proclus vir moribus erat optimis, & ab Attico eruditus, vitam eius imitabatur, sed in Proclo patientia maior apparebat. Ille haeticis terribilis; hic omnibus mitis erat, existimans mansuetudine eos flecti magis quam violentia; nullam haesim vexabat in hac parte Theodosium imitatus Imperatorem. Ille namque indicabat contra noxios in hac parte Imperiali non uti potestate. hic & parvipendebat, si quis de Deo non ita saperet sicut ipse. In his igitur Imper. etiam eum laudabat, cum & veros sacerdotes imitaretur, & nequaquam persequi volentes admitteret. cap. 11. lib. 12.

Hæc paucis tantum attingere & proferre volumus, suo tempore, si opus est, latius exponenda & deducenda, in eum finem, ut Celsi. & Dig. V. perspiciant, etiamsi libentissimè omni animi demissione præsentem tractationem cum Regio legato inire cupiamus; tamen nec diuino nec humano iure nos destitui, quo^a causam nostram coram Deo & coram toto mundo defendamus. Agnoscimus quidē Regis nos esse subditos, sed ita subditos, ut inter nos respectuè illud ius^a hic locum habere debeat, quod inter Dominum & Vassallos obseruatur, & in quibusdam rebus strictius, quod suo loco ostensuri sumus.

ANNOTATIO.

* Causam nostram.] Causa Ordinum in his duobus versatur. Primum, quod in communi libertatem, iura & privilegia sua, personas, bonaque, tum sua, tum suorum salua, incolumia ac illæsa seruare & custodire cupiunt. Alterum, quod pro iis quibus persuasum est multos errores & abusus in Rom. Ecclesia existere, libertatem conscientiarum, & eam in religione reformationem, quam vicina regna, Germania superior, Dania, Anglia, Gallia, Scotia, Polonia, partim principes illorum ipsimet, partim subditi consensu eorum receperunt & approbarunt, sibi concedi & permitti postulant.

Quod ad primum attinet, causam Ordinum iustam esse, et si à nullo scholastico Theologo & Jurisconsulto in dubium vocetur: tamen nulla firmitior probatio adferri posset, quam quod Rex ipse & Domini Commissarii iustam eam esse suis articulis pronuntiant. Itaque in substantia de iustitia & iniustitia istius petitionis, nulla amplius inter Regem & subditos controuersia est; sed queritur an per oblationem, qua hic Ordinibus facta est, eorundem petitioni plene satisfactum & cautum sit: id quod suo loco exponemus.

In altero, licet una pars Ordinum vel subditorum eam mutationem seu reformationem in religione non prober, nec pro se suscipere velit; tamen ex quatuor gravissimis causis illam concinibus & popularibus suis concedi & permitti debere existimant. Prima est necessitatis, quod aliter inter se mutuo pacem habere nequeant, & dum bellum ab Hispanis sub prætextu conseruanda religionis Catholica geritur, libertati, iuribus & privilegiis suis insidias &

dius & imminutionem poni ac fieri vident. Altera est legis natura: Quod tibi non vis fieri, alteri ne feceris. Incipiunt enim propria experientia addiscere, quam graue sit conscientis vim aliquam adhibere. Tertia ex euentis est, quod animaduertant alterius partis religionem nullis armis opprimi posse, suam vero oppugnatione illius, magis ac magis in periculum venire. Quarta & ultima ex timore ira Dei nascitur, dum secum reputant, quot millia hominum maiores sui crudelissime interfecerint, ob nullam aliam causam, quam quia illi in religione animis suis coram Deo satisfacere voluerint, ne si ipsi non desistant à sanguinis effusione, in re qua gladio corporali tamen regi nequit, ipsorum sanguis similiter effundatur, & innocenter effusus sanguis in ipsorum capita vindicetur.

Porro ea pars Ordinum vel subditorum, quæ serò errores, superstitiones & abusus Romane ecclesie agnoscit, eiusque reformationem in timore Dei desiderat, longè adhuc firmioribus & verioribus argumentis vtitur, quæ sparsim in scriptis Legatorum Ordinum, & in Annot. illis subiectis inueniuntur; ita vt ea referre hic superuacaneum sit. Sed vtraque & huius & illius partis argumenta secundum ius diuinum & humanum cordatis plerisque tanta vi & efficacia fundata videntur, vt causam Ordinum in hac secunda petitione longè adhuc iustiores esse existiment, quam quæ in prima refertur, & quo ad Regem promptius & facilius ratione vocationis & officij sui concedendam.

† Illud ius, &c.] Propter fidem mutuam quam sibi inuicem Rex & subditi apud nos ex conuentione prestare debent, Legati Ordinum istius iuris meminisse videntur: Quod addunt in quibusdam rebus strictius, eo pertinere existimo, quod Vasallagium species quasi seruitutis sit, subditi verò liberi sint vel vasalli: Homines domini sui censeantur, subditi fratres & amici principis sui. Item vasalli fidelitatem iurant domino suo, sed non econtra dominus vasallis. At apud nos Princeps primùm subditis iurat, deinde subditi Principi. Dominus proprietarius est eorum bonorum quæ vasalli possident. Princeps nullum ius habet in bonis suorum subditorum.

a Jacob. Cuiacius de feudis, in pro- amio pag. 5.

b Hotom. de feudis. c. 24.

c Car. Molinæus in cons. Paris. lib.

a. tit. 2. gl. 1. in verb. Arrest.

num. 55.

d Communis est. lul. Clarus sens.

comm. lib. 4. §. feudum. q. 70.

e De hoc iuramento vide de Hotomannum

c. 32.

f Ferd. Vasquius Illust. contro. lib.

1. c. 5. num. 28.

lun. Brutus in lib. de vindictis.

q. 111. pag. 133.

ILLORVM ergo respectu Illustrissimus Dux Arschotanus, & nos reliqui Ordinum Legati Cellf. & Dign. V. amicè, humillimè, humiliter, & officiosè seorsum rogatas volumus, vt iis sic placeat in hac causa agere, tanquam inter partes quæ ambæ se iure & iustitia suffultas esse arbitrantur, quibus vtrinque varia media, ad mutuam earum conciliationem, proponi æquū sit. Nos nihilominus articulos, à Regio Legato exhibitos, ad Ordines transmittemus, super iis iudiciū eorū requisituri:

O valde

valde tamen timemus, nisi Regius legatus propius se, & præcipue in puncto religionis, ad petitionem Ordinum accommodare velit, omnem laborem per Celsi. & Dign. V. frustra sumi. Sed hæc hætenus.

Quod ad mandatum attinet, exhibemus adhuc vnum mandatum, in quo prouinciæ, quarum nomine huc comparuimus, exprimuntur: condicio eidem inserta difficultate caret, cum nihil prorsus agere statuamus, quod non Instructioni nostræ per omnia respondeat. Et si opus fuerit, dabimus operam, ut Ordines, tam generales quàm particulares, rata & grata sint habituri quæcunque hîc concludentur.

Vltimo, de induciis quas Celsi. & Dign. V. iterum proponere placuit, sub eadem spe pacis, qua illas Regius legatus concedere paratus est, nos quoque easdem arbitrio & pietati vestræ committimus. Quod ad formulam earum attinet, Ordines tales inducias inire parati sunt, quæ non sint communicabiles, hoc est, ut neutra pars iis durantibus possit tractare, negotiari, aut communicare in iis locis aut ciuitatibus, quæ à parte aduersa detinentur; sed tantum liberum & tutum sit, utrique parti ad eos locos & ciuitates commeari & remeari, inuehere & euehere, item in iis versari, agere & negotiari, quæ earum quælibet tenet & occupat. Actum xix. Iunii, An. LXXIX.

MANDATVM LEGATORVM
ORDINVM ALTERVM.

Nos Mathias gratia Dei Archidux Austriæ, Dux Burgundia, Stiria, Carinthia, Wirtembergæ, Comes Hassburgi, Tirolis, Gubernator & Capitaneus generalis Belgii seu Germaniæ inferioris: & Prælati, Nobiles ac Deputati ciuitatum, representantes Ordines prouinciarum & ciuitatum in easitarum, nempe Brabantia, Geldria & Zutphania, Flandria, Hollandia, Zelandia, Tornaci, Tornacesij, Ultraiecti, Mechlinia, Frisia & Transisulania, ad hoc specialiter & solenniter conuocati cõpetenti numero in ciuitate Antwerpiensi, omnibus, qui has præsentis literas visuri sunt, salutem. Quandoquidẽ

com-

communicatio per nostros Deputatos in ciuitate Louaniensi habita. [Quæ sequuntur de verbo ad verbum eadem sunt Mandato in initio exhibito. Vtriusque etiam idem Datum, eadem sigilla, & eadem subscriptiones sunt.]

XXIIII Iunij, Domini Commissarij Legatis Ordinum exponunt, in quibus periculis ipsi existiment Traiectum superius positum esse: quare ægrè se visuros, nec conuenire pacis tractationi, nec etiam personis suis, vt per vim illud occupetur, propter sanguinis effusionem, aliâque scelera, quæ expugnationem eius certissimò secutura sunt. Si ergo ad hoc adduci possent, vt sese dedere vellent, daturos se operam, vt eâ deditio saluis vita, bonis, & honore fiat. Hæc summa fuit eorum quæ tum legatis Ordinum dicta fuerunt, sed cum pluribus verbis & argumentis, quorum magnam partem multi ex iis non intelligerent; absentibus etiam nonnullis linguæ Germanicæ magis peritis: deinde quòd res magni momenti esset, dedere ciuitatem in manus Hispanorum, rogarunt ea sibi in scriptis exhiberi, vt fideliter omnia ad Ordines perscribere queant, ne quid plus aut minus scriberent, quàm quod à Cancellario dictum erat.

Ad hoc responderi illis Celsis & Dignis eorum fecerunt, suum moris non esse, vt in scriptis ea tradant quæ ore tantum proposita & explicata velint: sed si minus rectè, quod dictum esset, percepissent, Cancellarium priuatim de singulis libenter illos instructurum.

ORDINATI ergo quatuor ex illis, à prandio Cancellariū accedunt, quibus Latinis verbis exponit, quæ ipsi excipiunt. Aliquoties iam cessationem ab armis propositā fuisse, sed semper eam Ducem de Terranoua recusasse, ex ea causa quòd articuli Ordinum nimis sibi viderentur duri, & tales, super quibus pax coiri non possit. Non solere cessationem ab armis cōcedi, vbi nō certa spes pacis offeratur. Deinde quòd non vidisset Mandatum ipsorum, vt scire possit an integrum sit, Excell. eius magis id pro vitioso, quàm pro integro habere, propterea quòd exhibitio eius sibi denegetur. Quod cur factum fuerit,

Hi quatuor fuerunt, Dominus de Grobendonck, Meesterke, Van der Milen, & Albeda.

iam antè declaratum fuisse. Addebat: Cùm quodam tempore Terranouensis ad inducias à Treuirensi suo Principe vrgeretur, eum respondisse contentum esse in eas consentire, modo Principes Electores Regi securitatem præstarent, si pax non conciliaretur, vt ciuitas Traiectensis in manus ipsius restitueretur. Ad quod cùm Treuirensis replicasset, quomodo restituenta sit, quæ nondum capta foret; Terranouensem subiecisse, quòd haberet eam tali loco, quasi iam in manu Regis constituta esset.

POSTEA QUAM ergo Domini Commissarii cum ex Duce de Terranoua, tum etiam ex relatione aliorum intellexerint, Traiectenses in extremo discrimine positos esse, & destitui omnibus mediis, quibus se diutius tueri possint, occupata iam ab Hispanis vna parte ciuitatis, cum parte aliqua murorum & portarum, ita vt aliud colligi non possit, etiam si vallum & meniscum econtra obduxerint & opposuerint, eos tamen in manus hostium peruenturos: Celsi. & Dign. eorum commiseratione erga eos motos, & ad euitandam effusionem sanguinis, cùm non ignorarent Hispanos propter amissionem in ea obsidione multorum insignium præfectorum & militum irritatos, omni crudelitate in ipsos vsuros esse; consultum iis visum fuisse, media aliqua proponere, quibus liberari possint, & vt vnà cessatio ab armis ad tempus quoque concedatur.

ITA egisse Celsi. & Dign. eorum cum Duce de Terranoua, vt permetteret ipsis cum obsessis agere, quòd ciuitatem Regi tradant, saluis vita, bonis & honore: & si pax constituatur, iisdem ea condicionibus & beneficiis fruatur, quibus reliquæ prouinciæ; & vt postea induciæ incantur, ne ab vna aut altera parte vltèrius procedatur.

VERVM Ducem de Terranoua, ad hæc ipsis respondisse, quòd ad tractationem illam de dedendo vrbe attineret, id non ex arbitrio & voluntate sua, sed Principis Parmensis pendere: illi enim bellum, sibi negotium pacis commissum esse; nihilominus velle se ad Parmensem de eo, quod sibi per Dominos Commissarios propositum esset, scribere, spe obtinendi quod

Nota temporis breuitatē. hoc die, qui est xxiiij. propositio ista facta est. responsio ab Ordinibus xxv. deliberatio super ea xxvi. Intra tres deinde dies (xxx. enim sequenti summo mane occupata fuit ciuitas) & scribi ad Parmensem eiusq. consensu (simulatē vt ex hoc sermone Ducis facile percipitur) requiritur deinde legatis à Dominis Commissariis decerni & rati debuit.

quod peterent, nihil tamen certi affirmare se & polliceri posse, propterea quod de circumstantiis circa statum ciuitatis non instructus sit, super induciis verò & earum condicionibus deinde se deliberare velle.

Hæc Dominis Commissariis idè Legatis Ordinum indicare visum fuisse, ne suspicarentur Celsi. & Dign. eorum quicquam secretò agere velle: si haberet rationes, quibus consilium istud iis displiceret, eas ipsos libenter audituros, cum sint personæ Ecclesiasticæ, neque opprobrio carere possit, si patiantur quasi in sua præsentia tot viros fortes trucidari, proponere ista voluisse.

Ad ea ordinati illi quatuor tum temporis nihil aliud responderunt, quàm se fideliter ista ad Ordines relatueros, sine quorum scitu & consensu nihil in re tanti momenti agere auderent, sed tamen tolerabilius & sibi & sine dubio Ordinibus visum iri, si in manus Imperij ciuitas illa, quæ alioquin pro dimidia parte ad Imperiũ pertineat, traderetur. Ad quod Cancellarius respondebat, propositum quidem id esse Duci de Terranova, sed prorsus illum ad id attendere noluisse. Idem responsum quidam ex nostris Electori Colonienfi & Comiti à Schwartzenberg manè dederant, à quo illi non ita alieni videbantur.

XXV. Iunij, vbi omnes ad ædes Ducis Arschotani conuenissent, & quatuor illi, quæ exceperant ex ore Cancellarij, Duci & reliquis legatis prælegissent, in primis animaduertunt ex altera parte nihil adhuc conclusum & cõcessum esse. Secundò intellexerunt eo die & sequentibus ciuitatem oppugnatam iri, id si verum esset, hoc quod propositum fuerat, non posse perfici. Cogitabant porrò, aut Hispanos in spe futuros expugnandi eam, & sic pro cupiditate vindictæ, superbia & auaritia sua, armis non depositis, non eò minus, quod de deditione ageretur, extrema tentaturos, nec ab oppugnatione destituros: sin verò eam spem non habeant, non aliò consilium istud seruire posse, quàm ad infirmandos & labefactandos ciuium animos, atque idcirco Ordinum consensum sine periculo expectari posse. Tertiò cum hætenus

fama & suspicio fuisset, negotium pacis in euentum expugna-
 tæ istius ciuitatis retardari, magis adhuc solliciti & perplexi
 reddebantur. Deniq. vt omnia ista cessarent, nemo erat ex iis,
 qui vlla ratione putabat sibi licere sine Ordinū scitu & cōsen-
 su in eam rem cōsentire, sed potius hoc diferetioni & auctori-
 tati Commissariorum relinquēdum esse. Itaque missis aliquot
 ad Concilium, vbi quidam ex Cōsiliariis Dominorum Com-
 missariorum congregati erāt, adductis quibusdam ex memo-
 ratis rationibus ostenderunt, quod ad se attineret, aliud nunc
 se responsum dare non posse, quā iam antè dedissent; quod
 vellent omnia ad Ordines referre, sed vt in commune omni-
 bus consuleretur, nihil melius sibi videri, quā vt induciæ in-
 dicerentur: sine iis traditione ciuitatis facta, irruptionē Hispa-
 nos facturos in loca minus fortè munita, quorum commiserati-
 one sperarent aequè Celsi. & Dig. eorum affici. Deinde tu-
 tius fore, si hæc res publicè cum Ordinibus, vel saltem non si-
 ne consensu eorum, quā si priuatim cum ciuitate ageretur.
 Ad quod Consiliarij isti responderunt, se velle ista ad Principes
 suos referre.

*Non potuit quis-
 quam in Concilio
 dubitare, legatos
 non ausos futuros
 in eam rem con-
 sentire, nisi Ordi-
 num voluntate
 prius cognita. Er-
 go non debebat tā
 angusto temporis
 spatio propositio
 ista constringi,
 vel cum scirent
 eam necessitatem
 existere, quæ le-
 gatis incognita
 erat, nec ab Ordi-
 nibus unquam
 de ea admoniti
 erant, potuissent
 ipsi propria au-
 thoritate cum ci-
 uibus, quorum res
 agebatur, omisit
 legatis agere.*

*Hi fuerunt Io-
 hānes VVimphe-
 lingus D. Can-
 cellarius Treui-
 rensis, Gerardus
 Kleinsorg L.
 Consiliarius Colo-
 niensis, Iohannes
 Gelchsamer D.
 Consiliarius Her-
 bipolensis, Ioan-
 nes Laurman, L.
 Consiliarius Cli-
 mensis.*

XXX Iunij, Cancellarius Treuirensis vnā cum tribus aliis
 Doctoribus, quibus examinatio & dispositio totius negotij
 commissa fuerat, ad legatos Ordinum venerunt, iisque indi-
 cabant, se inuenisse in articulis tam ab vna quā ab altera
 parte editis, aliquot ambiguitates & obscuritates; priusquam
 ergo ea perficere possint, quæ proponere vtrique parti decre-
 uerint, in quibus nunc occupati & impediti sint, cupere se ab
 illis earum ambiguitatum & obscuritatum explanationem &
 declarationem audire. Ex altera parte iam heri id factū fuisse.

PRIMAM aiebant esse, quod in scripto, cui titulus A N-
 NOTATIO DIFFICULTATVM: quod ad quartum ex-
 pedire censerent, vt iusiurandum, cuius in quarto articulo
 Ducis de Terranoua mētio fieret, exprimeretur clavis verbis,
 vt cum Domino Ioanne Austriaco Namurci pactum fuisset
 ea scilicet forma, quæ ab Ordinibus articulo 11^o exigeretur;
 sed cū non inuenirent in præcedentibus tractatibus, nec
 etiam in Actis præsentibus, vllam iusiurandi formam, id-
 circo se

circo se p̄tere istius formæ, de qua cum Austriaco conuen-
tum sit, exhibitionem.

SECUNDA inquebant consistere in reiectione articuli
sexti, à Duce de Terranoua positi, quo velit vt subditi ab ar-
morum vsu abstinere: h̄c rationem à legatis Ordinum fa-
ctam videri sibi obscuram, idèd rogare se vt maior eius fiat de-
claratio.

TERTIA esse dicebant, quòd in 13^o articulo Ducis Ter-
ranouensis, qui loquitur de liberatione Comitis Burani, legati
Ordinum indicassent, plus sibi olim per tractatum, qui Bredæ
habitus sit, oblatum fuisse, quàm nunc idem Dux Ordinibus
codem articulo offerret; petere ergo exhibitionem istius tra-
ctatus, vt cum cum articulis Ducis conferre possint.

VLTIM ò indicabat iis Cancellarius, Dominos Commis-
sarios requirere, vt vnà adhuc manerent, & expectarent reso-
lutionem Ordinum, super prorogatione termini: Celsi, &
Dign. ipsorum, ad eam obtinendam, simul etiam vt Manda-
tum perfectius mitteretur, ad Ordines per peculiare nuntium
scripsisse.

AD ea Legati Ordinum responderunt, pro quæstionibus,
quas non ita magni momēti mouissent, expectasse se oblatio-
nem articulorum, quos Domini Commissarij statuerint vtriq.
parti exhibere; postulare vt vel adhuc hodie exhibitio eorū fie-
ret. hunc enim vltimum esse diem, quo agere possint: Ordines
etiam magnoperè admiraturos dicebant, quòd contra spem,
quam proximis suis literis ipsis dedissent, nondum articuli illi
exhibiti essent: atq. idèd etiam metuere se, cū viderint Or-
dines negotium ita differri & extrahi, & interea inducias non
solum à Duce de Terranoua recusari, sed nec propria auctori-
tate à Dominis Commissariis indici, vt nullo modo in proro-
gationem termini, qui in Mandato suo circumscriptus sit,
consensuri sint.

NIHILO MINVS quod ad primam difficultatem atti-
neret, cuius in Annotatione sua ad articulum quartum Terra-
nouensis ratione iuramenti mentio fieret; declarabant se pro-
pterea conuentus istius cum Domino Ioanne Austriaco Na-
murci

murci habiti memoriam iniecisse, ne viderentur quid noui
& alieni, quod non antè æquum iudicatum fuisset, petere.
Sed cùm ille tractatus ad finem non perductus sit, non posse
se exhibitionem eius facere, formam verò iuramenti satis ex-
pressè art. suo ij°. declarari, eamque esse necessariam, vt &
Ordines & populus quieti & securi constituerentur.

Ad id quod secundo loco motum sit, respondebant ex
ratione ibidem addita, facile intelligi, cur præstaret omisso-
nem istius articuli fieri; nimirum ne ex aperta armorum pro-
hibitione subditi suspicionem caperent, quasi depositis armis
imparati opprimendi sint, præsertim vbi illi, quos antea in-
fensos habuerint, dignitatibus & officiis suis restituantur.

TERTIAM difficultatem aiebant in allegato articulo
non reperiri. Sed obiter tantùm eius in præfatione Annota-
tioni difficultatum præmissa, mentionem iniectam fuisse, sed
quia tractatus ille plenum effectum sortitus non sit, haud posse
se eius quoque editionem facere.

VLTIMO mirari se dicebant cur Mandati toties fieret
mentio, cùm prorsus nulla difficultas ratione Mandati exori-
ri possit. Si enim pax constitueretur, omnes prouincias liben-
tissimè ea quæ hîc acta sint, grata & rata habituras.

COLLATIS deinde inter ipsos Consiliarios & Legatos
variis sermonibus, & cùm hi magnoperè cessationem ab ar-
mis vrgerent, sine qua non putabant se posse prorogationem
impetrare, respondebat Cancellarius, Terranouensem ex
tribus causis cessationem ab armis denegare. Primam esse,
quòd foret incertus, an Mandatum illorum integrum sit. Se-
cundam, quòd articuli ab ipsis exhibiti, tales essent, super qui-
bus pax iniri non possit. Tertiam, quòd Regis intersit, ne prius
illa concedatur, quàm ciuitas Traiectensis in potestatem ip-
sius venisset.

III Iulij, cùm legati Ordinum 2^{da} Iulij à generalibus Or-
dinibus literas receperint, quibus declarabant se scripta illa,
quibus tituli sunt, ANNOTATIO DIFFICULTATVM,
& CONCORDIA ARTICVLORVM, approbare, eaque
responsi loco ad scriptum Ducis de Terranoua repetita velle;
item

item quibus indicabant, se priori termino, quem ipsis præfixissent, insistere, nisi maiorem spem de æquioribus articulis acciperent. Legati audientia impetrata, ea ipsa Dominis Commissariis primùm ore exponunt: deinde literas ipsas Celsi. & Dign. eorum legendas exhibent, & ut Duci de Terranoua cōmunicentur, orant, addentes quòd indies expectarent ea media quæ vtrique parti proponenda statuissent; se iam aliquoties Ordinibus spem de illis dedisse, sed & Ordines & ipsosmet mirari, cur tamdiu exhibitio eorum differretur, nec abesse, quin in sinistras quasdam suspiciones inciderent, quarum occasione maiores mutationes in Belgio oriri queant. Rogare ergo ut tandem aliquando media ista exhibeantur.

Ut primū Transactum superius occuparetur, & transactio cum Hannonensibus & Arthesiis perficeretur, reliquos postea deterritis, & facilius articulos proponendos suscepturos.

L I T E R Æ O R D I N V M.

*Dominis nostris, D. Duci Arschotano, Principi Chimaici & Porciani, Comiti Bellomontij, Equiti Ordinis aurei vel-
leris: Reuerendis in Christo patribus Abbatibus S. Gertrudis & Maricollensi, aliisque Deputatis Ordinum generalium Belgij, Colonie.*

Ex Gallica lingua in Latinam versa de verbo ad verbum.

DOMINI nostri. Epistola nostra, xviii. huius mensis scripta, fecit iam vos certiores, vestras literas xi. eiusdem mensis scriptas, nobis fuisse redditas, cum articulis propositis per Ducem Terranouanū, Regis Catholici Commissarium, vnā cum iis quæ à vobis contrā sunt exposita, ad iustificationem articulorum, nostro nomine exhibitorū, eorumque concordia cum Pacificatione Gandauensi, Edicto perpetuo, & harum ditionum priuilegiis: ac post debitam omnium examinationem comperimus omnia per vos bene & congruè acta esse. Ceterum quoniam ea omnia præfato Duci Terranouano sunt exhibita, sine nostro expresso mandato (quemadmodum etiam ipse suo Latino scripto Dominis Cæsareis Commissariis tradito repetit) hac epistola vobis indicatum volumus, nos habere ea quæ nostro nomine exposuistis, vnā cum iustificatione & concordia suprā dictis, pro nostro

P arresto

aresto & resolutione, vtpote quæ planè conueniant cum Instructione quam vobis hinc abeuntibus dedimus: eaque propterea in omnibus & singulis articulis rata & grata habemus. Id quod studiosè contēdimus, vt velitis declarare & aperte indicare tum Duci Terranouano, tū omnibus aliis quibus opus erit; ne si fortè hanc tractationem rumpi siue dissolui contigerit (quod Deus auertat) idem Dux Terranouanus, vel alij dicant, ex nostra parte responsum non fuisse capitibus & articulis à se propositis, vt etiam omnes incolæ harum ditionum possint cognoscere, & liquidò perspicere, omnes nostras actiones non spectasse alium scopū, quàm bonā & securam pacem, cum quiete & tranquillitate patriæ coniunctam, quæ vnica & præcipua causa est cur arma ceperimus. Quocirca quandoquidem idem Dux Terranouanus recusat sese paci accommodare, vt constat per eosdem articulos, adeò ab omni ratione alienos, omnibusque præcedentibus tractatibus, à sua Maiest. approbatis & ratihabitis, repugnantes, ei non debet mirum videri, nec extra propositum, si hætenus institimus, vt adhuc in præsentiarum insistimus termino temporis nostræ tractationi præfixo, nisi ex parte ipsius præbeatur maior spes conciliationis, præsertim in negotio religionis. Super quo expectantes vestrum responsum, precabimur Deum, vt vobis, Domini, bene firmet longam & salutarem vitam, intimoque cordis affectu nos vestris DD. commendamus. Antwerpiæ
xxviii Junij, M. D. lxxix.

*V. Excell. RR. & DD. officiosè
addicti Ord. generales Belgij siue
inferioris Germania.*

Mandato dictorum Ordinum,

I. Houfflin.

Ad

Ad quæ responsum nullum aliud Legatis Ordinum à Dominis Commissariis datum fuit, quàm velle se literas istas Terranouensi communicare, & quòd non cessarent in mediis illis concipiendis, quævtrique parti primo quoque tempore se exhibituros esse promittebant.

IIII Iulij, Legati Ordinum, moti literis quas ab iisdem Ordinibus acceperant, quibus adiunctæ erant literæ Ducis Andegauensis, & Instructio, ad singulas prouincias destinata, iis inquam moti, ea quæ sequenti scripto continentur, Dominis Commissariis ore retulerunt, & literas, tum Ordinum, tum etiam Ducis Andegauensis, iisdem prælegerunt; deinde ad petitionem eorum, dicta in scriptis, exhibuerunt.

SCRIPTVM.

*Reuerendissimi, Illustrissimi, Generose, Nobilis,
Sacrae Cæs. Maiestatis Commissarij.*

ILLVSTRISSIMVS Dux Arschotanus, & nos reliqui Ordinum Legati, aliquoties publicè & priuatim indicaui-
mus, nisi Celsi. & Dign. V. sua intercessione pacem inter Serenissimum Regem & Ordines constituent, metuerè nos, ne Ordines necessitate coacti, de alia forma Reip. cogitare incipiant, qua se & sua, contra conatus & iniurias Hispanorum, securius & melius tueri & conseruare possint. Nunc verò literis ea de re acceptis, intelligimus non solum super eo quod antè declarauimus, deliberari, sed & Ordines ad oblationem quæ de nouo à Duce Andegauensi, tam per literas quàm per Legatum eius facta est (quæ propterea etiam promptius & gratius accipitur, quòd existimetur matrimonium cum Regina Angliæ contracturus) iam Instructionem concepisse, cuius exemplar ad nos quoque transmissum est; super qua consilium & voluntatem singularum prouinciarum requirere proposuerunt.

P 2

QVARE

QVARE cū pro certo habeamus, nisi pax hīc per Celsi & Dign. V. concilietur, Rege se per suum legatum ad necessitates nostras nullo modo accommodare volente, nec finem iniuriis & vastationibus exercitus sui imponente, Ordines ad actum priuationis processuros, quo declaraturi sint, Regem imperio, auctoritate & dominio, quod habet vel habere potest in Belgio, excidisse, subditos à iuramento, quod Maiest. eius præstiterunt, esse & fore in perpetuum solutos & liberos: deinde extremè coactos, Ducem Andegauensem iuxta pacta & conuentiones, iam antè cum Celsitudine eius initas, recepturos.

ANNOTAT.

Joh. Baptist. Ficklerus Consiliarius Salisburgensis, in libello *De iure magistratuum in subditos*, Ingolstadij impresso, ad quaestionem quam facit: *Quid subditis, qui à Principe suo, vel à Vicariis eius opprimuntur, liceat: subditorum distinctione in hunc modum facta, Quod alij priuati sint homines, nulla publica administratione fungentes: alij magistratum quidem gerant, sed hi supremis magistratibus subiiciantur. (quos subalternos delegatos & inferiores magistratus appellat:)* Tertij et si summum magistratum non habeant, nec suprema & ordinaria potestate fungantur, constituti tamen sint in eo ordine, ut sint quasi frena & habena, ad summum magistratum in officio continendum. De medio subditorum genere post explicationem eorum absolutam ita concludit: Hinc apparet, mutuam esse obligationem inter Regem, principem & regni principatū sue officarios, neque totam regni vel principatus administrationem Regi soli vel principi esse commissam, sed supremum dumtaxat eius gradum, & singulos officarios inferiores eius partem obtinere, pro suo quemque gradu, idque certis utrinque condicionibus. Quae condiciones si ab inferioribus magistratibus non seruentur, supremi est magistratus, illos vel officio abdicare, vel coercere, causa tamen cognita, & non nisi eo ordine quem regni vel provincia leges praescribunt: nisi & ipse à inireiurando, quo se ex legibus regnaturum promisit, discedere velit. E diuerso vero si is qui regiam dignitatem seu principatum, vel electione vel iure hereditario adeptus est, manifestè ab iis condicionibus deflectat, sub quibus nominatim Rex vel Princeps est, & agnitus & approbatus; quis dubitet inferiores regni seu principatus Magistratus, ipsasque adeo provincias ac ciuitates, quarum administratio illis commissae est, à suo inireiurando hactenus saltem esse ipso iure liberatos, ut ipsis liceat sese manifestè eius regni vel provinciae oppressioni opponere, cuius tutelam & protectionem pro suo quisque munere cum inireiurando susceperunt? De tertio porro subditorum genere ita scribit:

ita scribit: Hi etsi reuera & certo quodam respectu supremorum magistratum obedientia sub sint, alio tamen respectu, maximè rebus angustis extremisque constituti sunt defensores ac protectores iurium ipsius suprema potestatis, ut summos magistratus in officio retineant, eosque si opus erit & coercant & mulcent. Deinde pergit:

Hic meminisse oportet eorum quæ supra dicta sunt: nempe populum extitisse prius quàm magistratus ullus esset, & propter populum magistratus creatos, non contrà populum propter magistratum. Inde sequitur magistratum omnium quantumvis supremorum ac potentium auctoritatem a publica eorum auctoritate pendere, qui ipsos ad hunc dignitatis gradum euexerunt, non contrà. Ac ne quis obiciat hanc quidem primam fuisse magistratum originem, sed postea populos sese prorsus eorum potetia & arbitrio subiecisse, quos pro summis magistratibus accepissent, & omnem suam libertatem sine exceptione illis omnino resignasse. Nego primum certò de hac omni modà abdicatione constare. Quin contra affirmo nullam gentem (quàm diu ius & equitas vixerunt,) Reges suos aut creasse aut approbasse, nisi certis apposis conditionibus, quas si illi manifestè violant, efficitur, ut qui hanc in illos auctoritatem conferre potuerunt, non minus potestatis in ea illis rursus adimenda retinuerint. Quod ut clarius appareat, dispiciamus an non per omnes ætates inter famosissimas quasque nationes & magis notas, perpetuo vsu hoc comprobari possit, &c. Reliqua apud eum vide: totus enim libellus cò dirigitur.

Balaus Carfenna in Oratione de pacanda & componenda Republ. ad Belgas: Adhæc, inquit, tenendum & illud: Imperia primum Dei esse, per quem Reges regnant, & superbi de sede deturbantur: deinde & populi, qui publicos fasces & Maiestatem suam principi & in principem contulit: idque non solum in maximo illo Romanorum Imperio, sed & in aliis bene constitutis rebus publicis verum est. Nam immoderatas & legibus solutas dominationes, ubi principatus rapti captique potius, quàm dati & accepti fuerunt, tandemque in tyrannides apertas euaserunt, non moror. Cùm enim, ut iam dictum est, imperium suum in eos populus contulerit, & ipsi legibus viuant, non propriam, sed publicam potestatem gerere ipsos, neque tam dominos populi, quàm Dei & Reipub. ministros esse manifestum est. Qua de causa & additi summis imperiis semper fuere minores magistratus & senatus principum, non solum iuuanda, sed & frenanda potestatis (si fortè ad tyrannidem aspiraret) causa, traditæque non minus imperandi quàm parendi leges.

Certè extra controuersiam est, & in Imperio Romano, cuius hodie dignitas apud Germanos est, Cæsarem, & in nostra Belgica principem, non nisi certis conditionibus, legibus, privilegiis, ac principum Ordinumque senatu circumscriptam potestatem tenere, ut multis testimoniis pactorum & exēplis rerum ostendi potest. Adeoque hic mutua est obligatio inter principem & subditos;

mutuūque non seruata fidei crimen: vt non tantū Imperator Imperij, & Rex regni primus sit cliens, verumetiam propter delicta sua tum Imperatores, tum Reges, loco motos, & in ordinem redactos, testentur Annales. Et autem in principes suos exorbitantes mitius consuluerint maiores nostri, in tamen suum aduersus eos, non vno sanè exemplo, persecuti sunt, &c.

ILLVSTRISSIMVS Dux & nos reliqui Ordinum legati pratermittere non potuimus, quin Celsi. & Dign. V. huius in continenti certiores faceremus, cum hac amica, humilima, humili, & officiosa petitione, vt de huiusmodi mediis cogitare velint, quibus & Seren. Rex nobis, & nos Regi, Principi & Domino nostro naturali, æquis condicionibus, quas à nobis, præfertim in causa religionis, iam antè ex articulis nostris Celsi. & Dign. V. cognouerunt, conseruemur. Actum Colonia
IIII. Iulij M. D. LXXIX.

VIII. Iulij, tres Cōsiliarij dominorum Commissariorum ad legatos Ordinum venerunt, indicantes eorum verbis se Duci de Terranoua exemplum Mandati ipsorum exhibuisse; æquum ergo sibi videri, vt & illis Mandatum Ducis de Terranoua communicent.

M A N D A T V M D V C I S D E T E R R A N O V A.

PHILIPPVS secundus Dei gratia Rex Castellæ, Legionis, Aragonum, Nauarræ, Neapolis, Sicilia, Maioricarum, Sardinia insularum, Indiarum & Terræ firmæ, maris Oceani, Archidux Austria: Dux Burgundia, Lotharingia, Brabantia; Limburgi, Geldria & Mediolani: Comes Habsburgi, Flandria, Arthesia, Burgundia: & Hannonia, Hollandia, Zelandia, Namurci & Zutphania; Princeps Sueuia, Marchio sacri Romani Imperij: Dominus Frisia, Salinarum, Mechlinia, territorij Traiectensis citra & vltra Isulam, & Groninga; necnon Dominator in Asia & Africa. Recognoscimus & notum facimus tenore presentium vniuersis: Quod cum ex parte Sereniss. & potentissimi Principis Domini Rudolphi Romano-

Romanorum Imperatoris Augusti, consanguinei, affinis, & fratris nostri charissimi, propositum nobis fuerit, ut ad sedandos nostrarum inferioris Germaniae ditionum tumultus, de aliquibus concordiae condicionibus agi permitteremus: Nos qui amore paterno eos Status vnicè prosequimur, nihil què hactenus studiosius curauimus in iis omnibus quæ ibi gesta sunt, quam ut illos ad quietem illis vtilissimam reduceremus, nunc quidem etiam libenter in eandem ipsam cogitationem, & voluntatem venimus. Itaq. cum prædictus Serenissimus Imperator Commissarios, qui de ipsis condicionibus agant, sit nominaturus; Nos itidem elegimus, nominauimus & deputauimus, sicut tenore præsentium eligimus, nominamus & deputamus, Illustrem, fidelem nostrum dilectum Don Carolum ab Arragonia, Principem Castri-verrani, Ducem Terranouæ, Marchionem Auolæ, Comitem Bergedij, consanguineum nostrum, magnum Conestabilem & Admiralem Consiliarium què in nostro vltiori Sicilia regno, propter singularem opinionem & fidem; quam de ipso eiusque integritate & prudentia habemus, de què eius optimo zelo, quem erga Dei cultum & communem Christianæ Reipub. vtilitatem, necnon erga priuata nostrarum rerum & statuum commoda studiosissimè gerit: eidem què propterea potestatem, facultatem, auctoritatem, commissionem & speciale Mandatum damus, concedimus & elargimur, ut pro nobis nostro què nomine intersit & assistat, vnà cum prædictis Commissariis ab eodem Serenissimo Imperatore nominandis, & cum aliis quoque ab iisdem nostris Statibus inferioris Germaniæ personis deputandis, sufficientia Mandata ad eandem rem habentibus, in loco ad eam congregationem & conuentum per prædictum Sereniss. Imperatorem designato seu designando, ut ibidem dictus Dux, tanquam Commissarius & Mandatarius noster, proponere, communicare, approbare & concedere possit & valeat, quæcumque media, condiciones & articulos, quos seu quæ ipse viderit expedire, ad bellicos motus in dictis nostris Statibus sedandos, & firmam pacem, cōcordiam & tranquillitatem ibidem constituendam, ut & pacificè viuant (quod maximè illorum re-

rum refert) & religionem Catholicam Romanam, nostramque auctoritatem & obedientiam seruent. & generaliter & nostre nomine, ac pro nobis dicere, tractare, facere, promittere & cedere possit & valeat, quæcunque ad prædictum finem & effectum consequendum oportuna & convenientia esse iudicauerit, & quæ nos ipsi, si præsentibus ibi essemus, faceremus, faceremque possemus. Et si talia essent quæ mandatum exigenter magis speciale, quàm præsentibus est expressum: Promittentes in fide & verbo Regis & Principis nos gratum, ratum, firmum & stabile perpetuò habituros quicquid per prædictum Ducem Terrænouæ, virtute huius nostri Mandati & Commissionis dictum, pactum, factum vel conuentum fuerit, illudque inuolabiliter & absque vlla diminutione obseruatos, impleturos; obseruari & impleri facturos, harum testimonio literarum, manu nostra subscriptarum, sigillique nostri appensione munitarum. Datum in oppido nostro Madriti die x x x. mensis Augusti, Anno à natiuitate Domini Millesimo, quingentesimo, septuagesimo octauo. Regnorum autem nostrorum, videlicet Hispaniarum & vltioris Siciliæ vicesimo tertio: citerioris verò, Hierusalem & aliorum, vicesimo quinto. Signatum, *Philippus*. Et inferius,

*Ad mandatum Regiæ & Cathol.
Maieſt. proprium,*

Gab. à Cayas.

X Iulij, Legatis Ordinum sub horam quartam pomeridianam vocatis, in hunc modum ad illos Domini Commissarij verba faciunt: Articuli vtriusque exhibiti, quoniam valde essent differetes & discrepantes, plurimorum etiam tractatum in iis mentio fieret, longiore se tempore ad eos perpendendos & conciliandos viſos fuisse. Alioquin etiam per se causam esse grauem, quæ matura deliberatione opus haberet. Nō ergo debere ipsos moram illam quæ intercessisset, ægrè ferre. Nunc verò circa ea quæ politica sint, exhibere se articulos, quos valde æquos

æquos esse censerent, quales etiam eos Cas. Maieſt. ſine dubio, etiam ſi non viderit, habitura ſit. monere ergo & rogare, ne grauentur eos approbare & recipere, ſimul etiam Ordines vt idem faciant, exhortari. Secundò exhibere ſe alios quoque articulos de religione, cum hac additione, ſe nihil amplius, quàm quod illis expreſſum ſit, à Regio Legato obtinere potuiſſe. At ſi ipſi Legati vltà quid, vel ab illo, vel à Rege, impetrare poſſent, id libenter ſe laturos & comprobaturos eſſe.

Ad illa Legati Ordinum primùm Celſi. & Dign. eorum, pro labore & diligentia quam in hoc negotio ſumpſiſſent, gratias agunt, deinde indicant ſe velle articulos illos perſpicere, & ſi quid ex tempore ad eos reſpondere poſſent, id ſe facturos eſſe; ſin minus, ad Ordines tranſmiſſuros.

ARTICVLI CIRCA

POLITICA.

Primo Pacificatio, anno LXXVI. die VII. Nouembris Gandavi inita & conſtituta, Vnio quoq. Bruxellis I. X. Ianuarij anno LXXVI. ſubſecuta, Ediçtũ inſuper perpetuum Bruxellis XVII. Februarij anno eodem publicatum, vnà cum approbatione Regia, ſaluis ſequentibus articulis, ſeruabuntur.

Non per omnia ergo approbantur.

I I.

Et quia præterea quæ à tempore primorum motuum acciderunt, poſtiam dictos tractatus Pacificationis Gandauēſis, Vnionis & Ediçti perpetui vltro citroque varia facta, dicta & admiſſa fuere, tam in generali quàm in particulari, hac præſenti quoque Pacificatione non minùs poſteriorum iſtorum factorum & dictorum, quàm eorum quæ antea contigerunt, perpetua obliuio conſtituatur, ita vt eorum nulla fiat amplius mētio, exprobratio aut inquiſitio, quaſi ea nunquā accidiffent, idque ſub pœna exemplaris correctionis ſubditis contrauenientibus, tanquam perturbatoribus tranquillitatis publicæ infligenda.

*Ex duobus articulis Ter-
ranouenſis
hic vnus con-
ſtitutus eſt.*

I I I.

Rex Catholicus vaſallis ſubditisq. ſuis ſeruabit, manutenebit, & ſi opus videbitur etiam denuò confirmabit omnia &

Q

ſingula

*Cōuenit cum
3. articulo
Terranouen-
sis.*

singula iura, vsus, consuetudines, immunitates, exemptiones & priuilegia quarumlibet prouinciarū, ciuitatū, oppidorum, Communitatum, aliorumq. priuatorum omnium, tum in genere tum in specie, quemadmodum in Edicto perpetuo, articulo 10. & cum prouinciis Belgicis inauguratus extitit, promisit & iurauit.

*Idem cum 4.
Terranouēf.
vsq. ad vers.
Et quod il-
lorum.*

OMNES milites extranei, vtpote Hispani, Itali, Germani, Burgundi, Angli, Scoti, ac ceteri omnes peregrini, qui propter hosce motus vtrunque accersiti sunt, prouinciis Belgicis ab hac pace promulgata, intra N. terminum simul excedent & eodem tempore.

*Respondet ar-
ticulo quinto
Terranouen-
sis.*

QVOD verò attinet ad alios milites non extraneos, etiam ad pleniorē exonerationem afflictorum subditorum, mandabit Rex vniversum militem, tam terrā quā mari, eodem quoque tempore exauctorari & dimitti, vt nimirum deinceps sibi priuatim viuant in tranquillitate, ordinariis tantum praesidiis retentis & suffectoris.

*Exceptis cau-
sis à Terra-
nouensi addi-
tis concordat
cum articulo
ipsius sexto.*

SVB DITI quoque ciues & incolae omnes, citra cunctationem redeant ad mercaturas, opificia & negotia pacis, quibus se, vxores liberósq. citra iniuriam proximi honestè susten-
tare valeant, & à publico armorum vsu, antea non consueto, & pacis tempori non conuenienti, desistant & abstineant.

*Idem cū art.
vii. Terra-
nouensis.*

VNIVERSAE exactiones, impositiones, ceteraq. inusitata vectigalia & onera praesentiu turbarū occasione quomodo-
libet indicta, penitus cessent & tollantur; ita tamē quòd si quæ certorum onerum continuatio adhuc fore ex vsu publico iudicabitur, simulatque per Ordines Statuum eiuscemodi quid demonstratum fuerit, Rex haud grauatim se Ordinum consiliis iuxta ac desiderio accommodabit.

VIII.

*Terranouen-
sis v. i.*

PRÆTEREA restaurabitur libertas commerciorum & transitus vbiuis locorū per vias, pagos, pontes, portus earundem prouinciarum, non minus terra quam mari, perq. fluuios & flu-

& flumina, prout factitatum ante præsentēs hosce tumultus: nouis autē vœdligalibus & impositionibus, absq. Regis auctoritate eatenus per hos motus de facto institutis, incōtinenti cessaturis.

ET ne qua semina altercationum aut querelarū relinquantur, omnes tam ecclesiasticæ personæ, quàm seculares, tam intraneæ quàm extraneæ, recuperabūt pacificè bona sua, mobilia extantia, & omnia immobilia, titulos, debita & actiones, iisque statim vti ac frui posse, in eo nimirū statu ac qualitate, quibus in præsentiarū illa ipsa reperientur, idq. omni dolo ac fraude semotis, non obstante vlla hypothecatione aut quauis alienatione facta in contrariū, & hoc tum in Burgundia, Luxemburgo, Hollandia Zelandiæque, tum etiam in aliis quibuscumque prouinciis ac locis, non minus ad vtilitatem Ecclesiasticorum, quàm Principis Aursici, & aliorum denique omnium.

*Descriptus
ex artic. 1 x.
Terranoues.
vsq. ad vers.
Non obsta-
te, &c.*

SIMILITER quoq. subditorū quilibet hinc inde redintegritur in suis honoribus, dignitatibus, beneficiis, gubernaculis, muneribus, functionibus & officiis, planè ad instar, prout ab exordio horum motuū extiterit, exceptis tantū iis, quibus contra libertatem, iurāq. ac priuilegia patriæ de vlla functione prouisum fuisse demonstrabitur: prouiso tamen, quòd eiuscemodi spoliati denuò redintegrandi, tenebuntur præstare iusiurandū, cuius in proximo sequenti articulo fit mentio, prout facturi quoque ceteri ad nouas functiones & officia in posterum cooptandi: reuocando, cassando & annullando quicquid hinc inde factum, decretū, pronuntiātūue fuerit in contrarium.

*Ex Terranouens
articulo x.*

NVLLI admittentur ad vlla gubernacula prouinciarum, ciuitatum, castrorum & fortalitiōrū, Capitaneatus, aut præfecturas militum, nec ad concilia rerum Status, priuatum, financiarum, aliaq. officia maioris momenti, præter naturales patriæ; qui etiam ante receptionē, vltra antiqua & consueta iuramenta, Regi tanquam eorū Principi naturali præstari solita, solenniter iurabunt in hos articulos, eosq. promittēt fideliter seruare; seruare, sub pœna periurij, & tanquam tales puniendi.

*Idem qui Ter-
ranouens. xi.
excepta com-
mendatitia
clausula qua
in fine illius
adijctur.*

Q 2

CAPIT

*Conuenit cum
XII. Terra-
nouensis.*

CAPTIVI vtriusq. partis omnes qui ob dictos tumultus adhuc dum detinētur, statim & absq. vlllo pretio relaxabūtur, nisi iam antea de eo aliud fuerit conuentum & concordatum.

*Mouetur hic
difficultates
cum Principe
Auraco,
quarū nulla
a Terrano-
uensi mentio
fit, & minus
hic articulus
quā illius
XIII. conti-
net.
Terranouen-
sis XIII.
art.*

COMES Buranus suā libertati & patriæ quanto ocyus fieri poterit, restituetur. In difficultatibus quoq. Principem Auracum concernentibus, conciliandis, post pleniorē earum informationem omnis diligentia adhibebitur.

DECRETA, dispositiones & ordinationes, per dominum Archiducē Mathiam suosq. collaterales & Ordines Statuum à tempore vltimarum turbarum, nomine Regis emanatæ, pro legitimis ac validis habebuntur, suosq. debitos sortientur effectus, quoad beneficia, dignitates, officia, aut alias quaspiam res quæ solent esse potestatis ac dispositionis ordinariæ illorum qui tenent locum Gubernatoris dictarum prouinciarum, non autem in iis quæ propriæ personæ Regis reseruantur, aut si quæ factæ sint contra iura, priuilegia, & immunitates patrias, tam in generali quā in particulari, vel alioquin in vllius iniuriam seu detrimentum redundarint.

Eiusdem xv.

PARITER etiam quarumlibet vrbium & aliorū locorū magistratus seu officiiati, suis functionibus destituti, alia via ac ratione, quā iuris ordine legitimē seruato, aut aliās cōtra priuilegia dictarū vrbium, aut præter ordinarios consuetosq. modos cum primis restituentur & redintegrabūtur in dignitates, officiaq. sua; necnon ad eorū creationē futuris tēporibus procedetur, prout olim & sicut ex iuribus, moribus & priuilegiis cuiusque patriæ, vrbis & loci decet, ne cui facta toleretur iniuria.

*Idem cum Terra-
nouensis xvi.
transpositis tamē
duobus aut tribus
verbis, & præter
verba illa, etiam
cum observa-
tione supradi-*

AUTORITAS & obediētia Regi à subditis cum primis restituetur, & seruabitur, qualis meritō iuxta præscriptum diuini & humani iuris, necnō priuilegia, vsus & cōsuetudines patrias esse debet, qualisq. olim seruata est: vt rectē nimirū administretur iustitia, subditi regātur in omni ratione, æquitate, quiete & obediē

obedientia, idque ad eam formam, modumque, quo factum est ab omni memoria, tam defuncti Imper. Caroli Quinti, eiusque prædecessorum, quam etiam Regis tempore, usque ad harum turbarum initia, etiam cum observatione supradictorum tractatum, simul & præsentis; sine cuius auctoritatis instauratione, ac subditorum obedientia, nequaquam possibile est populum in vnione, concordia, rectaque iustitia, quiete, ac tranquillitate manu tenere.

XVII.

SUPEREST de gubernaculis generalibus dictarum prouinciarum, quarum occasione Rex eligit Principem de sanguine, qui, quæue, rerum experientia pollens, habeat dotes & qualitates, ad eius generis arduum munus cum primis necessarias, & de quo seu qua subditi iustam causam satisfactionis sint habituri: gubernabit autem cum omni iustitia & æquitate, præsertim verò secundum vsus, iura, consuetudines & priuilegia dictarum prouinciarum, etiam comprehenso hoc præsentis reconciliationis Edicto, quod tenebitur promittere & iurare.

Terranouensis
XIX.

XVIII.

AD cuius quidem Gubernatoris generalis manus, citra ulteriorem hæsitacionem, planè ac integrè tradentur omnes & singula ciuitates, vrbes, fortalitia & alia loca, quæ ab vna alteraue parte quocunque titulo aut prætextu modò tenentur, vnà cum patrimonio ad Regem pertinente, tormentisq. bellicis, munitionibus, com meatibus, armis & nauibus, vt nimirum ea loca, quæ ab omni memoria præsidium habuerunt, consilio Regij senatus, siue concilij Status naturalibus Belgiis astringendis iureiurando, quod ultra antiqua & consueta iuramenta Regi, tanquam eorum Principi naturali, præstari solita, hos articulos fideliter seruabunt, custodienda committat, aliasque de illis disponat, sicuti seruitio Regis simul & commodis ac securitati prouinciarum magis expedire arbitrabitur, & alias prout fieri decet, factumque fuit ante motus præsentis.

Descriptus
est hic articu-
lus ex Terra-
nouensis arti-
culo xx. nisi
q. huic vers.
Et quod etc.
in quarto
præcedenti o-
missus, inser-
tus sit, ibi vt
nimirum etc.
q. q. verba
illa, consilio
Regij senat⁹
siue concilij
Status, ex E-
dict. perpetuo
artic. vi. ad-
dita sint.

XIX.

PERMITTENTE nihilominus Rege (& quidem merè in huius reconciliationis gratiam) vt quod hætenus ex eius pa-

Terranouensis
verba art.
XXI.

Q 3

trimonio,

trimonio, seu populi subsidiiis, collectum & desumptum fuit, id ita collectum receptumque maneat, absque vltiore persecutione, seu vexatione, cuiuspiam mortalium eatenus inferenda; ita tamen vt in posterum ab eiusmodi detentionibus, occupationibus & collectis desistatur.

XX.

Terranouensis XXII. &
XXIII.

PACIFICATIONE Gandauensi, Vnione generali Statuum secuta, & Edicto perpetuo Bruxellensi, supra ab initio positus, saluis, Ordines Statuum renuntiabunt aliis omnibus foederibus, pactis, mutuisque sponfionibus, contractis occasione dictorum tumultuum, tam intra quam extra prouincias.

XXI.

Eiusdem Terranouensis XXIII.

COMPREHENDENTVR hoc tractatu Regina Angliæ, & Dux Andegauensis.

DE ceteris concernentibus expeditionem, confirmationem, publicationem, perpetuamque & firmam obseruationem huius Pacificationis postea agendum erit, cum omnia fuerint concordata & conclusa.

ARTICVLI DE RELIGIONE.

I.

Concordat hi duo articuli cum articulo XVI. et XVII. Terranouens. prater duos vers. qui additi sunt. Vnus est in hoc articulo, ibi: prout etiam Ordines. usque, perpetuo inclusiue. Alius in II. articulo, ibi, nisi cum consilio, &c.

QVÆ concernunt Religionem, quæ omnibus Principibus verè Christianis iure debet esse commendatissima, haud potest Rex vllatenus præterire, quin vestigiis Regum Catholicorum suorum maiorum inhæredo, percipiat ac mandet in prouinciis suis patrimonialibus retineri seruarique religionem Catholicam Apostolicam Romanam, ab omni æuo non solum ibidem receptam, verumetiam sub qua earundem prouinciarum subditi olim tantopere floruerunt, & in qua tam dictum Regem, quam ceteros suos predecessores olim prouinciis inauguratos, & mediante solenni iureiurando in Principes suos naturales receptos fuisse notoriè constat. Quæ quidem supradicta religio, exclusa quauis alia, liberè, pacificè & absque vllò impedimento, vbiuis locorum, per vniuersas ditiones Belgicas posthac tradetur & exercebitur, prout etiam Ordines iam antea seipfos

in Vnio-

in Vnione generali mutuò ac solenniter obligarunt, & in Edicto quoque perpetuo, ac literis frequentibus Regi, non minùs post quàm ante turbas præsentes, se passuros & procuraturos addixerunt; & sicut etiam iampridem scripsere ad Sac. Maiest. Imp. vsque adeò quòd absque graui nota, vt ne dicatur confusione, vniuersi status politici, haud possint in re tanti momenti propriis scriptis vlla ex parte contrauenire.

II.

SUBDITI verò, qui in prouinciis Belgicis, in hac tractatione comprehensis, à Catholica Romana religione recesserunt, Rex Catholicus ad præsentem Belgij Statum respiciens, per Regium suum Mandatarium se concessurum offert, vt ij in dictis prouinciis manere, ibique absque aliqua coërcitione & molestia, occasione Placitorum religionis sibi inferenda, per quatuor annorum spatium viuere possint & valeant, nisi cum consilio Ordinum, legitime ac debite in loco tuto vbi suffragia libera esse possint & valeant, per Regem seu eius Gubernatorem generalem congregandorum, aliter super huiusmodi termini limitatione statutum fuerit: quo termino elapso, nisi ad dictam Catholicam Romanam religionem redierint, omnino è Belgij prouinciis recedere, & aliò domicilium transferre ac viuere teneantur. Prouiso tamen, quòd interea temporis eiusmodi subditi à scandalis, & rerum perturbatione, ac omni vsu & exercitio alterius, quàm Catholicæ Romanæ religionis, prorsus abstineant: & interim etiam liberrime fruentur omnibus suis bonis, tam mobilibus quàm immobilibus, iuribus, actionibusque; & poterunt ea ipsa, qualiacumq; fuerint, etià aliò transferre, seu vendere, aut alienare, prout eis videbitur. Et quatenus bona sua retinere malint, poterunt etiam absentes ad eorundem bonorum regimen, administrationem & receptionem, in prouinciis sibi eligere Quæstores Catholicos, qualescunq; volent: præterea toties, quoties voluerint, ad prouincias iteratò redire, victuri tamen catholicè, iisque ritibus ac moribus, quos personas catholicas decet: eritq; huiusmodi redditus, & facultas bona administrandi, per se cuiuslibet bona

bona fide permissus, statim atque Pastoribus, officiatis & magistratibus locorum, ad quæ redire cupient, talis intentio ac voluntas insinuata fuerit. Ex qua quidem Regali indulgentia nulli non perquam manifestum redditur, quod Rex nihil minus, quam bonorum confiscationes, ruinam ac perniciem suorum subditorum appetat; nec etiam quod rigore superiorum Placitorum ipsos perstringere cõstituerit, cum paratissimus quoque sit ea ipsa Placita, cum consilio Ordinum Statuum, competenter temperare ac moderari, omniaque facere, quæ ad Dei Opt. Max. cultum, prouinciarumque quietem & tranquillitatem pertinent, ac benignum, amantissimum Christianumque Principem decent.

ANNOTAT.

† Ad verb. Omnino è Belgij prouinciis recedere] Libet hîc referre, quod antiquus Doctor Olradus de Ponte, in ea quæstione, An Iudeos, Saracenos vel alios Paganos pacificos Princeps de terris suis expellere possit; consuluit, vt ab eo Consiliarij principum addiscant, an non longè aequius sit, quæ ille infidelibus istis præstari & seruari censet, ea ad minimum etiam iis, qualicumque licet nomine appellentur, hodie concedi & tribui, quorum fides & confessio suprà generatim declarata est.

Illa, inquit, videtur probabilior sententia, quod Princeps, absque legitima causa, pacificos Iudeos, Saracenos, & alios paganos de terris suis non possit expellere. Et primò, quia iuris naturalis est & diuini, quod quæcumque vulz princeps sibi iuste fieri, faciat quoque alijs, maxime suis seruis & tributarijs, nec alijs faciat quod nollet sibi fieri: sed ipse nollet de regno expelli, ergo nec alios de regno expellat. Tenetur etiam diligere Iudeos & Saracenos, in quantum sue nature participes, nedum in anima, sed etiam in corpore, vt est expressum de panit. dist. ij. charitas in vers. Non illi & seq. ibi. Quomodo nos in eorum peccatis & periculis cogitamus, & sic nobis subueniri optamus, & ita eis subueniamus. & infra: Quapropter charissime ita tota dilectione satage, vt bonum quod tibi conferri vis, velis & proximo. Expellere ergo tales absque ratione, contra præcepta charitatis aperte est. Dilectio enim proximi malum expulsionis vel aliud non operatur, & charitas non agit perperam, & recta voluntas iniquum non agit. Et tale ius diuinum & naturale indispensabile est, quia impermutabile, & per Papam, quia eius permutatio necessario peccatum implicat, & naturam bonam immutat, quod est impossibile. Hinc etiam est, quod ex isto iure & charitate, in necessitate eis subuenire, & elemosynam facere tenemur. Secundo hosti capto debetur misericordia, præsertim vbi pacis perturbatio non timetur, multo fortius talis misericordia facienda est seruo tributario, ne expellatur. Principes enim iubentur timentibus

Vide Mynsingerum in suis Camera observationib;
Centur. 3. obseruat. 6. fol. 421.

Const. 264. videtur etiam
Ferd. Vasquius
illust. cont. lib. 1.
c. 24.

a c. humanum
dist. 1.
b c. dilecti. extra. de maior. & obed.
c Ad Rom. 13.
d 1 Corint. 13.
e In d. c. charitatis.
f Instit. de iure nat. § sed naturalia. distin. vi. huius.
g facit quod not. de iureiur. c. & si Christus in gl. quedam.
h dist. xij. §. 1.
i. 2. ius natur.
i xlij. dist. quies. carnis xvi. q. 1. si cupu. lxxxvi. dist. non satis.
k 23. q. 1. c. noli.

& obsequentibus impendere dilectionem, nihil facere cupiditate nocendi, sed omnia charitate consulendi, nihil inaniter, nihil inhumaniter, ¹ & quod agendum est non ex furore, sed ex charitate agendum est. ^{m 12. q. 11. fraternitas.} Tertio, eadem ratione, qua non debemus Iudeos, paganos & Saracenos pacificos rebus suis spoliare, eadem ratione nec eorum habitaculis priuare & extra natale solum eicere.

ⁿ Nam quod possident, in re gentium possident, siue res, siue loca, siue iurisdictiones, & sic iuste, iustitia fori, & non poli. ⁿ Sicut hoc clarè tenet Innocentius extra. de vot. & vot. redemp. c. quod supra: & quod non possint, nisi persecutores sint, expelli, facit bene à contrario sensu 23. q. 7. Si qui. Et innocentia maximè Regum est, nemini malum inferre. ⁿ omni Christiana religioni inest lenitas & mansuetudo, & crudelitas ei contraria est. ⁿ Videantur reliqua apud eum.

Hostiensis in summa tit. de Iudeis & Saracenis num. 4. ibi. In quibus tollerentur. Nonne peccat Ecclesia, dum finit Iudeos ritus suos obseruare? Non, quia non approbat, sed permittit; quod autem permittimus, nolentes precipimus. i. concedimus. Si Ecclesia eos non toleraret, videretur eos ad id precisè velle cogere, quod fieri non debet.

Panormitanus in cap. In aliquibus de decem. primit. oblat. in princ. Nota, inquit, ex isto textu argumentum, quod mixtura Christianorum, habentium varios ritus, non videatur à iure reprobata. & vers. Ritus, denotat mores in spiritualibus. Nam in quibusdam locis, ut in insula Cretensi, & in insula Cypri, sunt Græci permisti cum Christianis: item reperiuntur in aliquibus Armeni & Indi, qui censentur Christiani, sed habent varios ritus, & diuersos à nobis. Contra quod (pergit ille) tamen facit, quia cum sint heretici, & per consequens excommunicati, sunt vitandi & puniendi & c. potest dici prout dicit glo. notabilis 20. dist. cap. 1. quod Papa eos toleret in ritibus eorum.

Ferd. Vasq. illust. contro. lib. 1. c. 8. nu. 12. Apparet sententiam nostram facere pro parte negativa, existimantium principes temporales nullam habere potestatem super animam cinium suorum, & consequenter non posse paruulos infantes Iudeorum, si subditi sint, à parentibus abducere ut baptizentur: quam opinionem tenuerunt gl. Io. Thento. in c. Iudeorum xxviii. q. 1. quia si possent eripi in paululum temporis, nullus esset Iudeus in mundo: & sic non posset adimpleri prophetia Esaiæ 10. & Rom. 9. c. quod reliquia Israhel salua fient. Hanc glo. sequitur Card. Flor. & Marianus in c. sicut de iureiur. quia nullus ad fidem est cogendus, eodem c. sicut & quia voluntarium militem Christus elegit xv. q. j. c. non est. Item quia iura communia volunt, quod nulla iniuria & nulla violentia debeat fieri Iudeis. Ut in l. Christianis C. de pag. & sacrific. eor. & in c. fin. c. Iudeos, de Iudeis q. 1. c. si quis. inde dicit Card. in C. de vxore, in fin. princ. de sepultura, quod quo ad sacramenta seruandum est, & c.

R

XI. Iulij

XI Iulij, posteaquam Legati Ordinum articulos, à Domini Commissariis oblatos, legissent, & cum articulis Ducis de Terranoua, deinde cum propriis suis, & pactis præcedentibus cōtulissent, magnopere se sua spe frustratos esse vident: quàm obrem ea quæ proximo scripto exponuntur, concipiunt, & altero die XII. audientia impetrata, primò ore retulerūt, deinde exemplum istius scripti exhibent.

SCRIPTVM.

*Reuerendissimi, Illustrissimi, Generose, Nobilis,
Sacrae Cæs. Maiestatis Commissarij.*

ILLVSTRISSIMVS Dux Arschotanus, & nos reliqui Ordinum Legati, perlegimus vtrosq. articulos, quos Celsf. & Dign. V. nudius tertius nobis exhibuerunt: Cur ita diuisi & separati sint, cum à neutra parte diuidantur, rationē suam habere potest. Sed quantum ad commendationem eorū attinet, tantum abest vt Ordines eos pro æquis habituri sint, vel vt æquos, prout putatur, obuiis vlnis recepturi; quin potius ecōtra metuamus, si vllū effectum consequantur, eos non aliò quàm ad maiores perturbationes & mutationes seruituros.

DE primo, quòd vt æqui non recipientur, inde patet, quòd in omnibus conueniant cum articulis, à Duce de Terranoua exhibitis: sic vt nullum quasi medium à Celsf. & Dign. V. propositū esse dici possit, sed de nouo articuli Ducis repetiti sunt, iidemque vestro assensu & auctoritate videntur approbari & confirmari. At isti articuli iam antè per Ordines reprobatī & recusati fuerunt, sicut ex literis eorum Celsf. & Dign. V. cognouerunt.

DE secundo, quòd maiores perturbationes & mutationes excitaturi sint, in primis inde metuitur, quòd cōtrā quàm Ordines vnquā cogitarunt, contrā quàm Dux de Terranoua ipse quibusdā ex nostris promisit, cōtrā etiam quàm Celsf. & Dign. V. & publicè & priuatim, tum Cæsareo & proprio nomine, aliquoties declararunt, se velle pacificationes priores sequi, nunc
tamen

*Vt constat ex
eis qua supra
XIX. & XX.
Maij acta
sunt.*

tamen in plerisque illæ infirmentur & aboleantur.

DEINDE cuncta quæ Ordines ad optimam formam Reipub. constituendam, ad communem tranquillitatem & securitatem confirmandam, circa comitia, honores, dignitates & officia; item circa tributa, vectigalia, bona, munitiones, & iuramenta instituerunt & ordinarunt, ea omnia tanquam nulla & iniqua reiiciuntur.

QUI putat ad pacem illa collatura, ut quicumque nunc regunt & præfident, remoucantur, homines alij Ordinibus non grati, vel qui iam antè exosi & graues subditis fuerunt, in ipsorum locum sufficiantur & restituantur; deinde cetera illa publica ita tractari velit, tanquam ad Ordines non pertineant, atq. solius Regis arbitrio cum suo Concilio relinquatur: is non videtur satis de statu rerum in Belgio informatus esse, vel præiudicio quodam anticipatæ & sinistrae opinionis impeditur.

QUAMDIU Principes & Domini nostri naturales vel eorum Gubernatores, humanitate, beneuolentia & moderatione quadam cum obseruatione mediocris iustitiæ erga subditos vsi sunt, tamdiu nec Ordines, nec priuati exactiorem & strictiorem rationem iurium & priuilegiolorum suorum, etiamsi in multis læderentur, habere & inire voluerunt.

ANNOTAT.

Ad istorum paragraphorum maiorem declarationem, optarem ab omnibus politicis legi non impium & impurum illum Florētinum Machianellum, sed qui contra eum scripsit, Gallum, cuius libri titulus est: *Commentarij de regno aut quouis principatu rectè administrando*: Marium Salomonium patritium Romanum de principatu, Ferdinandum Vasquium Hispanum in summo Dominice rei Regis Catholici pratorio Senatorem, Hieronymum Osorium, Lusitanum Syluensem Episcopum de gloria & nobilitate, Franciscum Hotomanum de Franco-Gallia, & Ioan. Bodinum de Repub.

Marius Salomonius de principatu lib. 5. circa finem: PHI. Dic age, iuris antistes, si quid habes amplius pro Rom. principe. I V R. Habeo adhuc quædam Vlpiani verba. PHI. Recita, si placet. I V R. Hæc sunt: Quod principi placuit, legis habet vigorem, utpote lege regia, qua de eius imperio lata est, populus ei & in eum omne imperium suum & potestatem concessit. PHI. Non dicit legibus solutum, excutiamus. Omne imperium suum nonne accipitis suis ipsius populi? I V R. Vtique. PHI. Et in seipsum vel in alios? I V R. Profecto.

Adde ea quæ notat Alciatus ad l. centum. ff. de verb. sign.

R 2

PHI. Po-

PHI. Potuit in principem plus iuris contulisse, quam ipse in semetipsum haberet populus. IV R. Minimè. PHI. Ubinam hominum quispiam est, qui suiipsum sit dominus ac servus? IV R. Nullibi. PHI. Si neque homo, neque populus suiipsum est dominus ac servus, pari ratione nec in seipsum quis habet imperium. IV R. Proculdubio. PHI. Ergo aliud imperium in principem quam dominium transtulisse necesse est. IV R. Videtur. PHI. Non dominus propterea princeps, sed minister potius. natura cōtraria sunt, dominatio & principatus. Hinc in Panegyrico Secundus de Traiano dixit: Sedemque obtinet principis, ne sit Domino locus. & de Divo Nerva idem: Non enim servulis tuis Dominum, sed principem civibus daturum. IV R. Quid amplius dicam, nescio. PHI. Præterea, quod principi placuit legis habet vigorem, Ulpianus ait: quia lege regia populus omne suum imperium transtulit. dic amice, Placere verbum, in bonam, vel in malam partem capitis? IV R. Apertius differe. PHI. Utrum licentiosum an non licentiosum Placitum dicitis? IV R. Placere verbum, receptum est boni viri arbitrio, sed in principe latius usurpatur. PHI. Ergo Principis Placitum mali viri Placitum intelligitur. IV R. Canillaris. PHI. Vera loquor, inter bonum & non bonum virum non est medium, veluti inter virtutem & vitium. Aut ergo populus imperium transtulit in principem ut malum virum, & absurdissimam rem dicitis, aut ut Placitis boni viri uteretur. & consequens est, ut boni viri non est legem transgredi sine iusta causa: sic à Principe publicæ utilitatis causa imperium collatum boni viri Placito exercendum; & eo modo quo in seipsum ipsemet populus uteretur exerceretque. Postremo in quem sensum accipitis illa verba: Omne imperium ac potestatem? an ita quod populus nihil sibi reliqui fecerit, an quod parem cum populo potestatem legibus ferendis princeps exerceret? IV R. Proclinior sententia est, quod nihil sibi reliqui fecerit populus: si quidem parem potestatem retinisset, nullum imperium super populum obtinisset princeps. PHI. In questionem renocas quod exacte inter nos discussum constitit, si tibi non excidit. Vniuersum simul populum, suo principe potterem, in singulos vero ciues ditionem habere ratio non consentit &c.

Ferd. Vsq. illust. controuers. lib. 1. cap. xxxvi. Item apparet ex nostra sententia principali, non minus inepte, quam noxiè usurpatum passim à nostris fuisse illum vulgarem dicendi modum, ut in Principibus sit duplex potestas, altera ordinaria, altera absoluta. Nam si recte inspexeris, absoluta potestas principibus non est, non magis quam priuatis hominibus. Principes enim contra ius nihil possunt, non magis quidem quam priuati homines, etiamsi plenitudine potestatis, aut potestate absoluta uti velint: quia nulla principum (sive illi Ecclesiastici sint, sive profani) potestas est ad malum, sed tantum ad bonum, non ad nocendum, sed ad consulendum, iuuandum, proficiendum, & denique ad meram ciuium seu subditorum utilitatem, non ad ipsorum regentium commodum. Ergo si quando princeps adiecerit illam clausulam, De plenitudine potestatis vel de potestate absoluta, perinde erit, ac si diceret, do

Vide etiam
Io. Bodinum
de Repub. li. 1.
c. 9. pag. 224.

ceret, de integra potestate sua, id quod in eo utile duntaxat sit, ut eius magis ac magis declaretur voluntas & animi deliberatio, non ut eius augeatur potentia: sicque illa clausula de plenitudine potestatis ubi adiecta fuerit, id efficit, ut quatenus potentia sese porrigebat, eatenus nihil omnino dempto porrigatur effectus, illius actus vel actionis, sed ultra non porrigetur, sicque est perinde, ac si diceret princeps se id facere ex certa scientia. Nam & clausula (ex certa scientia) inducit plenitudinem potestatis &c.

SE D posteaquam per Gubernatores & Consiliarios Regis iura & privilegia sua prorsus inuerti & auferri, noua iura introduci; item tributa noua, vectigalia noua indici & constitui, publica officia vendi, eaque imperitissimis & vilissimis hominibus commendari, iustitiam male & perperam ubique administrari viderunt: ibi Ordines non solum ad defendendos se & suos, arma aduersus illos suscipere, sed simul iura & privilegia sua maiori studio urgere & tueri, iuste & legitime inducti & coacti sunt.

ANNOTAT.

† Ad verb. Publica officia vendi] Idem Vasq. illust. cont. lib. 1. ca. 43. Hactenus quo ad primum art. de populo publica officia vendente. Quid autem quo ad secundum art. de principe? Et sane in eo sunt tres conclusiones. Prima, ut venditio ab eo facta mero iure valeat. Altera, ut non expediat fieri. Ultima, ut non quoque deceat fieri. ita Thomas opusculo 21. ad Ducisfam Brabantia. Caietan. in summa verb. Realitas. & Domin. de Soto in tract. de iust. & iur. lib. 3. quest. 6. art. 4. &c. Quid dicendum? Et sane ab hoc enigmate & elemento pendet vera istius rei cognitio, quam isti grauissimi patres non potuerunt non ignorare, ac subinde cessitare, cum in legalem disciplinam, sicque in possessionem alienam pedem intulerint. (ipsi enim Theologia professores erant.) Etenim ea equiparatio, quam ipsi inter populum liberum & principem facere volunt, regulariter minimè procedit. Ut enim unicuique suis de rebus, vel ad suam utilitatem spectantibus, disponere liberum & est, & expedit esse, ut plenè supra iam ostendimus: ita populo quoque de rebus, siue suis, siue ad suam utilitatem spectantibus (quale est in specie nostra) liberrimè disponere, & licet, & expedit; ut supra edocti fuimus: idque sibi utilius esse reputatur, & consultius, quod ipse maunlt; ut ostendimus supra: quibus adde glo. & D. in §. prater ea, inst. de act. dum sic cecinit: Id portat leuiter, quod portat quisque libenter.

Diuersum longe est in eo, qui agit rem alienam, aut alienam ad utilitatem spectantem, qualis est princeps, qui populi non tam dominationem quam ad-

ministrationem habet. Nec enim respublica propter principem creatur, sed princeps propter Rempub. instituitur, ut supra diximus, & nominatim ipsimet S. Thomas & Caietanus, & Sotus, ubi supra, fatentur; nec est verum, omne suum imperium à populo in principem translatum esse. Nam licet lege regia, relata in d. l. j. ff. de const. prin. generaliter ita, quod attinet ad verba ipsius, diceretur; tamen cum verba utcumque generalia, sint intelligenda & restringenda, vel amplianda iuxta subiectam materiam, etiamsi per hoc recedatur à proprietate sermonis & verborum, evenit ut verba d. l. j. ff. de const. prin. quatenus dictant omne suum imperium à populo in principem translatum fuisse, sint secundum subiectam materiam restringenda, quatenus subiecta materia patitur, & ei accommodantur aut accommodari possunt illa verba. Sicque qualis est natura principatus, talis esse debet illorum verborum utcumque generalium interpretatio. Principatus autem natura est, meram subditorum, non etiam regentium utilitatem respicere, & curare, nec alium scopum intueri aut intueri potest: ergo concessio imperij à populo principi facta, utcumque verbis generalibus, aut etiam generalissimis fiat; semper tamen sui natura, & ex subiecta materia limitata, & restricta ac alligata est ad meram civium, non etiam ipsius principis utilitatem; idq. tacite actum & exceptum videtur, ut dictis legibus & dictis locis habetur. Etenim omnis concessio, quamvis generaliter fiat, aptanda est ad mentem concedentis, vel concedentium; l. si quando, in princ. C. de inoff. test. & vani ac male sani capitis esset, non intelligere quod populus, qui ad meram suam, non etiam principis sui utilitatem, suam ei potestatem & imperium dedit, id nunquam ei concederet, quod damnosum ipsi populo esset. Ut sibi enim consuleret, non ut noceret, fecit, & c. Item paulo post:

Vnde apparet, Principis potestatem hac in re parem non esse potestati ipsius populi, sed longè inferiore: populus enim suis utilitatibus renunciare, & cum eis dispensare, & eas etiam, si libitum esset, prodigere liberrimè posset: ut iam docuimus, non secus quàm quisque priuatus in rebus suis. principi verò populi utilitatibus renunciare, easque prodigere, aut ledere nefas esset, ut ostendimus. Vnde (ut ad propositum reuertamur) si quod damnum ex publicorum honorum, munerum, officiorum venditione contrahere posset, aut euenturum verosimile esset: id principi (qui populum tueri, non ledere potest) nefas esset attentare: populo autem non utique, propterea quòd suas utilitates pratermittere, ledere & prodigere potest, & c.

QUICUNQUE nunc Ordines ad eam rem adiuuarunt, quicunq. pro necessitate Reipub. ab iis electi & promoti sunt, item quacunque pro conseruatione iustitiæ & tranquillitatis Reipub. decreuerunt iustæ defensionis suæ tempore, quo iure diuino & humano, administratio Reipub. apud eos fuit, ea ut
nulla

nulla, vel iniqua, negligere & reiicere, non potest non magnas confusiones & perturbationes, non solum apud vnam partem, sed etiam apud vtramq. parere: vel saltem si hic vnus ex vna parte alteri præponatur, fieri non potest, quin in se mutuo cōmoueantur & insurgant; cui facto per Cels. & Dign. V. non occasio & causa dari, sed ea omnibus modis præcaueri & auerti debet.

Nō est is status rerum nunc, in quo præcisè vel officium Regis, vel subditorum considerari potest; nempe quid vnus alteri præstare debeat; ad quod tamen si attenderemus, firmiora argumenta pro iis quæ egerunt Ordines, inuenientur, quàm sint ista, quibus alij acta ista refellere & labefactare conantur, modò quis ad illam † communem sententiam respicere velit, qua traditur, Principes propter subditos creatos & ordinatos esse, non subditos propter Principes.

ANNOTAT.

† Communem sententiam] *Ferdin. V. sq. Illust. controu. lib. 1. c. 1. nu. 10.* Omnes omnino principatus, regna, imperia, potentatus legitimos legum & hominum, ob publicam ciuium utilitatem, non etiam ob regentium commoda inuentos, creatos, receptos, admissosque fuisse, communi frequentissimâq. Philosophorum, & legumlatorum, & Sanctorum, & Doctorum sententia proditum & testatum est. Ita scriptum reliquit Plato, quem sequitur Cicero lib. 1. *Officiorum.* Idem vult Aristoteles lib. 5. *Ethic.* & 3. *Politic.* c. 2. Nicola. Boërius de auctor. magni consilij, in 1. addit. mag. nu. 131. vers. 7. ipse enim exemplo. Bart. in tract. de reg. ciuit. Plures auctoritates apud eum vide.

Marius Salomonius: Sine à Deo, siue ab hominibus Princeps sit, nolite existimare à Deo creatum mundum, & in eo homines, vt principum seruirent emolumentis. absurdum quidem supra quàm dici potest, propter principes factos homines opinari: nam liberos atque aequales nos Deus genuit: principes solum ad commoda populorum, quò facilius humanam atque ciuilem societatem innocenter custodirèt, mutuis inter se beneficiis iuuantes. Sunt autē nonnulli natura subditi, id est quibus vtile est, vt imperetur, vti liberis à parentibus, iuuenibus à senioribus, stultis à prudentioribus, ignobilibus à generosis, & his, non seruitutis iugo sed charitatis complexu, & quandiu ipsis conducere intelligeretur: vti eis, qui propter aetates, vel quid aliud, rebus suis superesse non possunt, velut prodigi, mente capti, & similes. Et inferius:

Principis est omnium, tam priuatim quàm publicè, repositam in se curam non ignorare, & quæ omnibus prouident, præponere his, quæ paucioribus, & quæ nequeunt omnibus sed quibusdam prodesse, etiam si vel vni conducant non negligere: & omnia ducat istorum gratia publicè & priuatim in ciuitate disposita,

disposita, & propter hanc ipsam, & non aliam causam se ad principatum euectum. Imperium, ait Arist. est gratia utilitatis subiectorum. lib. 2. de principat. pag. 57. & 68.

Joh. Baptist. Ficklerus de iure magistratuum in subditos: Populi, inquit, non à magistratibus primum dimanarunt, sed quicunque vel ab vno Principe, vel ab electis à se primatibus regi voluerunt; ij antiquiores suis Magistratibus fuerunt. Vnde consequitur non populos propter magistratum, sed contra magistratus propter populum fuisse creatos; sicut tutor pupillo, non pupillus tutori constituitur; & pastor ob gregem, non grex propter pastorem. Id cum per se satis manifestum est, tum ex omnium fere nationum historis confirmari potest. Hanc confirmationem apud ipsum vide.

SEd expedit eam moderationem huic negotio adhiberi, vt nec vnus nec alterius ius nimis stricte requiratur: sed ambo de iure suo aliquid remittant & concedant, donec mutua fides, mutua beneuolentia per legitimam gubernationem & obedientiam inter Sereniss. Regem Catholicum, Principem & Dominum nostrum naturalem, & nos subditos eius confirmata & stabilita fuerit. Hæc de politicis articulis.

QVod attinet ad articulos de religione, in primis mirati sumus, cur dictum nobis fuerit Cels. & Dign. V. vltra nihil à Duce de Terranova impetrare posse, quam quod iis articulis continetur; non enim media ab Excell. ipsius, sed à Cæs. Maiest. & à Cels. & Dign. V. eius Commissariis, Mediatoribus & Intercessoribus expectauimus: imò multo magis mirati sumus, non ea media nobis à Cels. & Dign. V. proposita esse, quæ ipse Dux de Terranova quibusdam ex nostris obtulit & addixit, & quæ ferè omnes Principes Catholici in suis ditionibus piissimè & prudentissimè seruant, ne cui subdito in religione graues sint, si civiliter & honestè secundum politicas leges inter conciuces & conrusticos suos viuatur, modò non auctor sit alterius exercitij, vel in eo loco alio exercitio vt cupiat. Et adhuc controuersia est in Imperio, an qui sic viuatur, expelli possit: sed & magis, non agrè etiam ferunt, si illi subditi, qui sunt Augustanæ Confessionis, è suis vrbibus & pagis singulis diebus festis exeant, & ad vicinam vrbem & pagum commeant, ibique conciones audiant, eaque quæ suæ sunt

ibique conciones audiant, eaque quæ suæ sunt religionis, ceremonias & Sacramenta exerceant, vt non habeant quod de exercitio conquerantur: Ad quod in hoc negotio similiter respiciendū fuit, ne illi, qui sunt alterius religionis, exercitio prorsus destituantur, cum sine illo conscientis suis satisfacere nequeant.

ANNOTAT.

* Piissimè & prudentissimè.] Quæ ad laudem Principum Catholicorū dicta fuerunt, ea videtur Concilium Dominorum Commissariorum sinistrè accepisse: quàm rectè, Doctores isti viderint. Ego autem continere me hîc non possum, quin iisdem Doctoribus amicè in memoriam reuocem, quæ ante annos quadraginta Aretius Catharus vir magni iudicij, de magistratu seculari, quā longè lateq; potestas eius pateat, scripserit: vt si non hætenus doctrina istius viri, & multorum aliorum, saltem nunc euentu quem prædixit; & exemplis quæ præ oculis sunt, rectius sentire incipiant.

Postquam sublimiorem, inquit, mundi potestatem in hoc terrestri seculo necessariam esse ostendimus, mundanumq; magistratum, & quo pacto Christianè & rectè eo vtendum sit: continuò docendum est, quousque eius potestas & iurisdicctio extendatur, quàm latè pateat, ne fortè plus a quo progrediatur, atque in Dei regnum & principatum impetū faciat. Sed illud primum sciendum est, quoniam vtrinque periculum imminet & detrimentū, si vel latius sese effuderit, vel arctius quàm par est, contrahatur. Tamen si tolerabilis sit, si minus diffundatur, quàm si nimium: vt si minus puniat quàm nimis: præstat enim fontem impunitum dimittere, quàm in fontem punire, quādo mundus improbis prorsus scatet, quibus carere non potest; bonorum autem copia destituitur.

In primis diligenter aduertendū est, filiorum Adami duo esse genera, quorum alterum ad regnum Dei attinet, sub capite Christo: alterum ad mundanum regnum, sub magistratu: atque vtrique suas esse leges, sua descripta iura necesse est: cum sine legibus nullius imperij, nullius Reipub. gubernacula rectè teneri possint; id quod res ipsa loquitur. Mundanum regnū eas habet leges, quibus corpora & fortune mortalium sunt subiecta: præter hæc nullum ius, nullam habet potestatem. Animum enim mundanis legibus constringi, nec vult Deus, nec ferre potest, qui solus in eum habet ius & imperium. Itaque vbi secularis magistratus, temere attētat ferre legem animis, manus immittit in Dei possessionem, vt seducat animos perdatq;. Hoc ipsa luce clarius reddemus, quo intelligant nostri Episcopi & Principes, quàm stultè agant, ne dicā impiè, dum suis legibus & Edictis conantur mortales cogere, vt sic vel sic credant. Si quis hominem suis decretis & legibus voluerit adigere, vt hoc vel illud credat, pro suo arbitrio: certissimum est non adesse verbum Dei, quod si absit, certius est Deo displicere quàm placere, qui fidem nostram nudam & pu-

S

ram

ram vult super solum eius verbum extractam.

Animis nemo aut debet aut potest aliquid precipere, qui viam qua ducit ad calum, eis commonstrare non nouerit. Id vero prestare nemo potest, prater solum Deum: unde in iis qua pertinent ad animam, nihil docendum est, aut suscipiendum, prater Dei purum verbum & aeternum. Prater ea quamuis stipites & stupidi sint, coguntur tamen fateri, nullum ius sibi esse datum in animas. Nemo enim hominū occidere animam, vita restituere, in calum attollere, ad inferos detrudere potest: quod confirmat Christus Matth. 10. Ne formidate eos qui interficiunt corpus, cum animā interficere nequeāt: quin magis formidate eum, qui potest & animam & corpus in gehennam perdere. His verbis satis arbitror constare, ab humana potestate & seculari magistratu exemptam esse animam, ac relictam solius Dei potestati. Iā dic amabo, quantum rationis aut prudentia in eo sit, qui statuit leges in eos in quos nihil iuris habet?

Quid quod potestas quauis tantum ibi agere potest, & debet, ubi videre, agnoscere, iudicare, sententiā ferre, addere & mutare potest? Nihil enim debet esse certius iudicio, in quo omnia clara, explorata, meditata esse debent: animi verò & cordis recessus & arcana soli Deo placent. qui solus Actor. 10: xapδovvōns appellatur: cui Propheta astipulantur quoque multis in locis. Ex quo sequitur vanum & arrogans esse imperare, aut velle vi cogere quenquam, ut sic vel sic credat & teneat. Quando violentia nihil proficitur, est alia via tetanda: horum stultam insolentiam satis mirari non possum, qui cum omnes fateantur Ecclesiam nihil iudicare de occultis, ipsi tamen conantur tam arcana, tam diuina, qualis est fides, iudicare, statuere. Iam & cuius suum discrimen & periculum in hoc situm est, quomodo credat: sibi enim videndum est ut recte credat. Ut enim nemo venire potest pro te, vel in calum, vel in orcum: sic nemo credere potest pro te, aut non credere. Et ut in nullius est potestate tibi calum & inferos claudere, vel aperire; sic nemo te ad fidem vel infidelitatem cogere potest. Itaque cum positum sit in sua cuiuslibet conscientia, quomodo credat, vel non credat, ut nihil detrahatur mundana potestati, ipsa debet esse pacata, & suarum rerum curam gerere: atque cuiuslibet simul permittere, ut credat quomodo aut velit, aut possit, neque ad credendum quenquam impellere. Nihil debet esse tā liberum quam fides & religio: ad quā nemo potest adigi, utpote qua sit opus diuinum in Spiritu sancto: tantum abest ut humana vis vlllo modo eam possit efficere aut exprimere. Hinc illud vulgatum, quo & Augustinus vsus est; Ad fidem nemo nec debet nec potest cogi: Ad hac miseri cecig, quam vani & irriti sint illorum conatus, no vident. Quantumvis enim siue precipiunt, siue insaniunt, non tamen vltra cogere possunt mortales, quam ut eos ore manūve sequantur. Cor enim nequeunt impellere, etiam si rumpantur.

Si cupis iam scire, cur sinat Deus Principes agere tam impiè & atrociter, accipe. Permisit eos Deus in improbam mentem, vultūq; extremam manum il-

lorum.

lorum conatibus addere, ut nostris Spiritualibus. Officio enim satisfaciendū, purumq; Dei verbum nunciandum erat: Verū eo spreto, assumpserunt formam mundanorum Principum, more eorum Rempub. administrantes, in his legibus, quæ ad corpus attinent: itaque vices suas belle permutarunt. Nam cū verbo Dei deberent pascere animas: arces, ciuitates, provincias externo dominatu, & populos occuparunt, animas vexantes infandis latrociniis. Pari ratione Principes & Optimates, quos decebat suos gubernare legibus æquissimis, omne ius & fas posthabentes, iam nihil norūt quàm deglubere, dilaniare, vectigal supra vectigal, tributum supra tributum imponere, negotia publica lupis committere. quo fit ut neque iustitie, nec veritatis nec fidei iam ullum vestigium apud eos restet. Itaque non mirum est, si res mortales pessum eēt, eas iis perturbantibus qui debuissent ad tranquillū statum reducere. Nam hi volunt ordine præpostero animis & conscientis imperare; illi rerum mundanarum curam gerere: ita sacra profanis miscentur, & vicissim alij aliorū sceleribus contaminantur, Deiq; atque hominū odium in se concitando, donec unā cum Episcopis, sacrificis, monachis præcipientes ruant: qui deinde ubi hæc viderint, tum tribuent Euangelio omnium malorum causam; pro laude & benedictis maledicta Deo cali referent: sic ea patientur, quæ meruit eorum scelestæ peruersitas. Ecce tibi super Magnates diuinum consilium, cui fidem nequaquam sunt habituri, ne tam seuerum Dei consilium istorum resipiscencia præpediatur.

At verò obiiciat aliquis: Nōnne D. Paulus Rom. 13. dicit: Omnis anima superioribus potestatibus pareat? Et Petrus: Omni humane ordinationi subditi sitis. Oportune venis: illi enim loci à me stāt. D. Paulus de magistratu & potestate loquitur. Iā autē audisti, neminē esse rectorē animorū præter Deū. Ergo Paulum de nulla obedientia intellexisse oportet, quam potestas non possit attingere. Ex quo facile potest intelligi, eum non loqui de fide, ne à mundana potestatis præceptis pendēret: verum de bonis externis, quæ in terris ordinaret. Id verò planē indicant eius verba, ubi scopum ac metam præfigit & potestati & obedientiæ, dicens: Soluite quod cuique debetis, cui tributū, tributum; cui vectigal, vectigal; cui metum, metum; cui honorem, honorem. Ecce obedientia humana & potestas super tributum, vectigal, honorem, metū, externas res se tantum extendit. Præterea cū ait: Non rectè factis metuendi sunt magistratus, sed præuē factis: eū rursus circumscribit suis finibus, ne castiget fidem & verbum Dei, sed malefacta puniat. Idem vult D. Petr. dum ait: Humane ordinationi. Porro humana ordinatio sese in calum vsque & ad animam extendere non potest, sed manet in terris, & curat terrena, ubi videre, cognoscere, iudicare, sententiam ferre, mulctare, et eripere homines possunt.

Hoc totum Christus ipse discreuit, & in fascem unū colligauit Matth. 22. Date Cæsari quæ sunt Cæsaris, & quæ Dei, Deo. Quod si manus Cæsaris exenderet se in Dei regnum & potestatem, nec esset diuersa ab eius, quid opus erat ponere horum discrimen? Etenim ut sæpe iam dictum est, anima non est

Omnis anima potestati subdita sit.

constituta sub potestate Caesaris. Neque enim hanc docere, aut ducere, neque occidere aut vivificare, nec ligare aut solvere, nec iudicare aut absolovere, nec retinere aut dimittere potest: quia tamen oportuit fieri, si sit illi potestas facta precipiendi, & leges super animas ferendi: quia quidem facere potest super corpus, fortunas, honorem: quandoquidem haec sunt subiecta eius iurisdictioni.

Atque haec omnia tam praclare quam succincte David complexus est, non paucis ante saeculis, Psalm. 113. Calum, inquit, cali Domino, terram autem dedit filiis hominum. i. copia quidem est facta homini divinitus in terrena, & quicquid pertinet ad terrenum regnum: in caelestia vero & quicquid pertinet ad supernum regnum, solus caelestis Rex dominatur. Quid? an non & Moyses idem voluit, cum inquit: Et dixit Deus, faciamus hominem qui dominetur bestiis terra, piscibus maris, volucris cali? Atque haec est summarum summa. Equum est Deo potius obtemperare quam hominibus: ut D. Petrus ait Act. 4. ubi seculari magistratui limites figit, & cancellos clare circumdat. si enim esset exequendum quicquid precipere tyranni, quid opus fuit dicere: Deo potius obtemperandum est quam hominibus? Quod si tuus Princeps aut secularis magistratus precipiat, ut sic vel sic credas, vel ut à libris sacris abhorreas, sic est dicendum: Non licet Lucifero proxime Deum suum thronum collocare, vir illustrissime: meum quidem est in his quae corporis & fortunarum sunt, tibi obsequi; manda vero mihi pro modulo tuae potestatis in terris, & me promptum inuenies tuis iussis exequendis. sin mihi imperes, ut pro aliorum arbitrio credam, ut libros abiiciam, imperata non faciam. Hic enim agis tyrannum, & transis terminos tuae iurisdictionis; dum imperas quod neque in tuo iure, neque in tua est potestate.

Si rursum obiicias: Neminem secularis magistratus compellit ad fidem aut religionem: sed curat tantum, prohibetque, ne homines à vero prava doctrina abducantur. Quomodo alioqui excluderentur haeretici? Respondeo, non Principes, sed Episcopi, quibus demandatum est à Deo, huic rei debent inuigilare. Nam haeretici non possunt cohiberi vlla vi externa: quare alia ratione cum iis agendum est, quam gladij severitate: Dei verbo hic res gerenda: quo si nihil proficies, frustra mundana vis adhibetur, etiam si omnia cruore repleas. Haereticus est quiddam spirituale, quod nullo ferro dissecari, nullo igne consumi, nulla mundana aqua clui aut submergi potest. Uno verbo Dei potest secari, exuri & submergi, D. Paulo testante, cum ait: Arma militiae nostrae non carnalia sunt, sed potentia Dei, ad munitionum demolitionem, quibus cogitationes deturbamus, & omnem sublimitatem elatam contra Dei cognitionem, omnemque mentem ad obediendum Christo cogimus. Præterea nunquam est cum fidei tum haereseos maior fortitudo, quam ubi citra verbum Dei agitur adversus illas nuda violentia. Omnibus id clarum esse potest, istiusmodi vim, non iustam tueri causam, sed repugnare iuri & aequitati, cum sine verbo feratur, sequi non possit tueri, nisi mera tyrannide & feritate, bestiarum more. Nam nec in mundanis causis reliquus sit locus violento progressui, quandiu iniustum ab iure vi-

Etuna

Etum fuerit. Quanto autem difficilior est, violenter agere verbo Dei, iureq;
remoto in illis tam arduis causis? Vide igitur quam belle Domini isti pruden-
tiam suam produnt. Hæresin propulsare volunt, nec tamen quicquam tentat,
quam ut aduersarios corroborent, se suspectos reddant, illos verò iustificent.
Quod si hæresin cupis abigere, oportet te eo stratagemate esse instructum, ut
primum omnium eam e corde diuellas, & redditis causis voluntariam amo-
liaris: violentia verò tantum abest ut propulses, ut etiam magis corroboret.
Quid ergo prodest, si hæresin in corde cõfirmes intus, in lingua verò solum de-
bilites & ad mentiendum cogas? Quod si aggrediare a Dei verbo, eo cor illu-
minabitur: ex quo deinceps sua sponte elabitur quicquid est vel hæreseos vel er-
roris. De hac via hæreseos amolienda Esaias intellexit cap. 11. cum ait: Per-
cutiet terram virga oris sui, & interimet impium spiritu oris sui. Hic enim
docet impij controuersiam absolui verbo & spiritus energia.

Atque ut omnia simul complectar, Principes & tyranni huius mudi igno-
rant, pugnare aduersus hæresin nihil aliud esse, quam configere cum Satana,
qui tenet corda obfessa, ut testatur Paul. Ephes. 6. Non est, inquit, nobis lucta
aduersus carnem & sanguinem, sed aduersus Principatus, potestates, domi-
nationes tenebrarum huius sæculi, aduersus spiritualem nequitiam in celesti-
bus. Quamdiu ergo e corde non euellitur & abigitur Satan, perinde est illi, si
vasa eius ferro aut igni perdam, ac si fulgur culmo impugnarem; quem admo-
dum Jobus testatur cap. 14. cum ait: Ferrum instar straminis a Satana repu-
tari, utpote cuius violentiam nihil pertimescat. Et si enim necarentur omnes
Iudei & heretici, aut affligerentur: nemo tamen ideo vincitur, vel ad Chri-
stum conuertitur.

Sed operapretium est videre mundi Principum curam preposteram: neutra
enim pars suum officium prestat. Episcopi curant ut Dei verbum negligant,
nec animas curent; & mundanis principibus suas vices demandet, ut interea
gladio verbi loco regnent. Rursum Principes mundani, ut fœnus, rapinam, a-
dulteria, latrocinia & id genus scelera, & committant ipsi & in aliis impu-
nita relinquant; admittant tamen ut Episcopi eadem persequantur schedis
excommunicatricibus, hocq; pacto calceum egregie inuertant, ferro animam,
corpus verò verbo gubernent, utq; mūdani domini spiritualia, spirituales ve-
rò mundana procurent. Estne aliud Satana opus in terris, quam quod tantas
prestigias & ludicra exerceat? Hi sunt Christiani Principes nostri, qui fi-
dem defendunt & Turcam deuorant. His scilicet Respublica mandanda, ut
moderentur omnia ista sua prudentia: nimirum qua se precipites agant, &
redigant populos & ciuitates in horrendam ruinam & calamitatem.

Optarim tamen equidem vehementer dare consilium fidele cecis istis, ni-
mirum ut sibi caueant ab uno breui Davidis dicto, quod habetur Psalm. 107.
Effundit contemptum super Principes. Per Deum sanctè iuro, si id verū, tan-
tillas vires in vos acceperit vestra negligentia, nulli estis, etiamsi singuli non
essetis inferiores Turca ipso potentia: neque vestra crudelitas & rabies vobis.

quicquam commodabunt, id quod vel iā nunc non parum cepit. *Vulgus* tandem sapere incipit, & Principum multa, quem contemptum *Propheta* vocat, potenter sanē incedit per plebem, estq; periculum ut ei possit obfisti aut remedium adhiberi, nisi esse Principes cœperint quod esse debent; auspicenturq; de integro pie dominari & mansuetē. Non tolerabitur nec potest iam vestra tyrannis ferri atque animi perversitas. Agite dum, viri principes, expergisci-
mini tandem, & hæc versantes animo quæ dixi, primū emendate vestram vitam. Sic enim Dei stat decretum, ut non diutius feratur vestra nequitia. hodie non est mundus ut quondam, cum homines quasi feras siluestres agita-
retis & venaremini. Quamobrem desistentes à temeritate & violentia cogi-
tate apud vos ut rectē iusteq; agatis, finite diuino operi (quod ipse Deus pro-
sus vult) necessarium cursum & progressum, quem tamen vobis inuitis obti-
nebit. Si heresis adest, ea est debellanda Dei omnipotenti sermone. Quod si
gladium plus a quo denudare conabimini, caute ne aduentet qui vos in va-
ginam gladium recondere iubeat.

MIRABILIS autem nobis visum est, adhuc Placitorū in iis articulis mentionem fieri, quibus ad religionem Regis subditi cogendi sint, quasi non satis sanguinis propter religio-
nem hætenus effusum sit, quin debeat adhuc, & in bellō & in pace, gladius corporalis in causa religionis, contra omnē pie-
tatem & iustitiam, dominari.

ANNOTAT.

Quoniam exteri fortē ignorant, quantum sanguinis in Belgio propter re-
ligionem annis iam quinquaginta effusum sit: adscribā hīc ea, quæ verē nar-
rat *Baleus Carfenna*, in Oratione quam de pacāda & componēda Republica
ad Belgas conscripsit. Eius verba hæc sunt: Nunc transeamus ad alterum,
videamurq; deinceps, quā in ministros ac vates Iesu Christi, qui reducere
nos in viam conati sunt, inclementer ac truculentē nos gesserimus. Ita enim
constabit omnem nos veterum ecclesie persecutorum patrum nostrorū men-
suram accumulasse. Sed hereo hīc planē, neque vnde exordiar, neque quā aut
quō progrediar, satis expedio. Tantis enim sese hīc pandit campus, vel
potius inexplicabilis labyrinthus, ut si nostra crudelitatis exempla hæc in
parte singulatim vel enumerare tantum velim, neque initium neque exitum
sim habiturus. Itaque succumbere potius tanto oneri, quā narrando exte-
nuare fidem eorum decreui, quæ vix fidem apud posteros nostros sunt inuentu-
ra, quæq; nisi à nobis gesta essent, ne ipsi quidem narrantibus aliis credere
velimus.

Tantum in uniuersum vos mēque ipsum monebo, Ut si per hos quinquā-
ginta annos tantum Christiani sanguinis hausimus, odio renascentis *Euange-
lij*, quantum ne omnibus quidem retrō sæculis patres nostri quamlibet impij;
tandem nos capiat pœnitudo, aut saltem lassitudo tantæ laniæ: Etenim no-
stra

stra crudelitatis satis non fuit, eos qui in nomine Christi, ardenti Zelo gloria Dei & nostra salutis, vltro ad docendum Euangelium se nobis obtulerunt, morte mulctare: sed & rapuimus è priuato in publicum (constitutis ad hoc publicis Inquisitoribus, quadruplatoribus, facibus ac pestibus humani generis) promiscuè omnes, quotquot nobiscum ad eandem luxuriam & impietatis profusionem non concurrebant. Utq; omnes sanctorum numeros implemus, in hac tã violenta, tam immani, tamq; Barbarica truculentia, nec sexus, nec ætatis nec condicionis aut infirmitatis vlla habita est ratio. Abrepta à nobis orantes in priuato honesta matrone, productaq; in publicum spectaculum, & per carnificem vel flammis concremata, vel viue in terram de fossa sunt. Adeo & legum & humanitatis simul omnis obliti fuimus.

Præterea & senes decrepiti, homines cæci, claudi, & imberbes iuuenes, ac pueri, vix dum pubertatis annos ingressi, puellæq; virgines, unâ cum matribus, & femine uterum ferentes, iamq; vicina partui, unâ cum foetu, horrendum non solum visu, sed etiam dictu, aut in profluentem proiecta, merseq; aut terrifico flammarum incendio consumpta sunt, id' que plerunq; indicta causa, sineque vlla legitima doctrina inuestigatione, aut forma iudicij.

Posteaquam deinde tetrum illud axioma; Cum hereticis nō esse disputandum; ab Inquisitoribus receptum fuit, tanquam per se notum: factum est, vt sine villo doctrinæ examine, audita tantum post accusatorem confessione doctrinæ, sola carnificis opera requireretur. Et cum iam populus partim quasi commiseratione quadam innocentium reorum, partim edoctus quodammodo de ipsa suppliciorum indignitate & causa, stomachari, mussitare, tandemque & concitari cœpit; itum est ad clandestinas & nocturnas innocentissimorum hominum lanienas: hoc est, ad publica impunitaq; latrocinia sine ordine ac modo: in quibus idem ferè accusator qui & iudex & carnifex fuit. Quinetiam negatum sèpius ereptumque piis martyribus id quod vnicum ipsis in morte indignissima solatium esse debuerat, vt neque de doctrina & causa mortis, neque de sua innocentia ad populum verba facere possent. Quibusdam enim eorum, antequam producerentur, inserta illigataque oribus ligna, iniecta'que pile, aut lingua præfecta, ne non modo de doctrina, sed nec de rebus quidē domesticis, vltimæque voluntate sua, alloquendi populum aut propinquos facultas esset. Nonnullis etiam nobilioribus, eadem de causa, tubarum ac tympanorum strepitu, clangorēque ad ludibrium non solum reorum, sed & populi, vox intercepta fuit. Taceo de fœditate, horrore & squalore carcerum, aliisque infinitis exquisitissimorum tormentorum cruciatibus, quibus plurimi excarnificati ac mutilati, multi in ipsis carceribus inter manus carnificum contrucidati, non pauci ita miserandum in modum excruciat, torti, tensiq; vt ad prodeundum miserè luxatis, distortis, distractisque membris, vires non superessent. Taceo quoque de diris & horrendis immanissimorum suppliciorum exemplis & spectaculis, deque summa deformitate herentium post mortem ad compita viarum in rotis, fureis, postibus ac patibulis corporum in escam faciendarum.

darum volucrum & ferarum. Horret enim animus, contremiscunt artus, concutitur totum mihi corpus vel sola ac tacita commemoratione tam inhumana, & plus quam barbara, vixque fidem apud externos posterósque nostrum habitura feritatis nostrae. Quid enim aut magis horrendum, aut tam incredibile videbitur, quam Belgas, gentem Germanicam, ingenio placidam, professione Christianam, non solum vicinitate, sed & consanguinitate, lingua, commerciis ac moribus Germanorum plane Germanam, oblitam innata moderationis (etiamsi maxime tam frequenter ac diuturnis vicinorum commerciis de religione restituta nihil unquam didicissent) aduersus innocentissimos Christianos, & sua ipsorum viscera, sentiendo, emulari potius Hispanorum effera tam sentiam, rabiemque, quam imitari Germanicam, hoc est, suam humanitatem ac moderationem maluisse. Et inferius:

Iam quid querar de numero trucidatorum? Numerari enim infinita quae possunt? Ut autem infinita videantur, quae sane quam simillima sunt infinitis, nostra quoque crudelitas effecit, per nocturna clandestinaque latrocinia assidue grassando. Si tamen diuinare per vos, atque simul ex Commentariis & memoria publica conicere, & conquirere licet aliquid, quod vnum reliquum fecit inclementia, reperiemus, ni fallor, intra Belgica nostra (ne quid de aliis dicam) quamlibet angustos limites, intraque iam supradictum annorum spatium, ob solam religionis professionem, haud minorem centum (quibus tamen nonnulli dimidio plures addunt) millium trucidatorum numerum. O sentitiam furorémque horrendum atque incredibile! Quis enim posthac, praeter nos ipsos, credere aut animo concipere, tam multa, tamque immitia crudelitatis exempla à Belgis, inque Belgas, eaque tam breui spatio temporis ac loci edita, poterit? Carent enim omnino pari exemplo cunctae omnium temporum ac tyrannorum historiae. Quamquam ut miserum hoc est in Belgis, ita mirum in Sattana non est, superasse sentitiam omnium aetatum furore ac rabie nouissimi temporis. Nam licet idem sit hic, qui etiam omnibus post homines natos temporibus, irreconciliabili odio ecclesiam persequutus est immitissimus draco ac serpens antiquus: tamen quia cogi nunc in angustias regni ac tyrannidis suae terminos, seque indies magis magisque constringi in exiguum temporis spatium videt, in furorem ac rabiem iam vertit iram odiúmque Christi & Ecclesiae: & quasi trucidandis singulis iam lassus leo, nil nisi compendia caduū requirit; ideoque nos quoque Belgas cum iniuria naturae ingenique Belgici, in extrema ista tyrannidis exempla prorumpere, inque propria viscera conuertere rabiem atque arma nostra manusque furiosas compulit. Haec ille.

Cum ergo ea, quae diximus, in utrisque articulis ita se habeant, nec ullo modo alius euentus ex iis, quam qui maiores turbas & mutationes allaturus sit, expectari possit; rogamus Celsi & Dig. V. si quid fortè moderatius adhuc & melius, pro pace & salute nostra, habeant, & proponere statuant,

ut id nobis hodie vel saltem in diem crastinum communicare velint. Agnoscimus quem honorem & reuerentiam Cels. & Dig. V. debeamus, ut minus honestum videatur, certum tempus definire: sed necessitas publica, & officij nostri ratio postulat, ut ex literis Ordinum iam antè cognouistis, ne diutius hoc negotium extrahi patiamur. Neque etiam nunc animus nobis est, in ullam vltiorem tractationem progredi, sed necesse putauimus istud adhuc quærere & intelligere: sin verò hi articuli vltima sit resolutio, quibus Cels. & Dig. V. volunt & censent Ordines contentos esse debere, id tribus verbis nobis significetis; ut quod porrò in mandatis habemus, perficiamus, & ad nostros redeamus. Actum Coloniae xij Iulij Anno 1579.

XVIII Iulij Legati Ordinum vocati fuerunt ad Dominos Commissarios loco consueto. ibi Cancellarius Treuirensis iniecta mentione scripti, ab ipsis proximè exhibiti, subiiciebat Cels. & Dig. eorū illo scripto immeritò reprehensos esse, quasi non eo modo egissent quo debebant; se magnis sumptibus huc aduenisse, magnis etiā sumptibus tamdiu hīc manere: præterquā quòd serior accessus legatorum Ordinum fuerit. comparuisse etiam ipsos huc cum Mandato imperfecto, nec solum de alio ipsis, licet sapius ad id admoniti essent, prouidisse; sed neque responsum sibi ad suas literas de prorogatione ab Ordinibus dari: ita ut iustam causam habuerint, & adhuc habeant, ab hoc negotio desistendi; verum pacis & concordiae amore ad ea se conuiuisse, quaecunque ad conciliandam & procurandam illam facere possunt, fideliter persecutos esse: tanto ergo grauius ferre se, si in eam reprehensionem venire debeant, quòd vni parti magis quàm alteri addicti sint. Quare paucis Cels. & Dig. eorum ad ea respondere velle. Hoc responsum de scripto dictum fuit. summa eius hæc erat: rationes reddebant, cur articulos diuisissent: videlicet cum quidam ex legatis dixissent, maiora sibi à Duce de Terranova in negotio religionis oblata fuisse, Cels. & Dig. eorum voluisse idem hoc negotiū illis cum Excell. ipsius transigendum relinquere. Quòd præcedētes tractatus & Pacificationes conquerebantur infirmari, & aboleri, monent illos, ut memores sint eius iuramenti, quod & Archidux Mathias, Princeps Au-

T raicus

raicus & Ordines, quoad obseruationem priorum tractatum, præstitissent, quàm multa nunc contraria iis agantur: non mirum ergo si hæreant, & solliciti sint, quomodo se circa illa, & alia, vt firma pax constituatur, gerere debeant.

QVIBVS sic in commune dictis, pergunt grauitè auctorem scripti reprehendere, ob ea, quæ ab illo de religione posita erant: quasi sermone illo nihil aliud quæreret, quàm faciem discordiis Belgij addere, vel eas alibi etiam excitare: non agnoscere se, vllum Principem Germaniæ ad aliud quid obstrictum esse, quàm quod ex gratia facere velit; non se etiam sanguinis effusionem quærere, sed eam auertere conari. Prolixius hæc tractata & recitata fuerunt: sed cum celèriter & non articulatè à Cancellario legerentur, non plura à legatis comprehendendi & retineri potuerunt.

VLTIMO nouos articulos exhibent; deinde cum Ordines eodem modo se submiserint, quo Sereniss. Rex, ac Maiestatis ipsius legatus paratus esset hinc manere, donec responsum à Cæsare ad ea quæ hætenus acta essent, acceperint, monent ne & illi hinc, ante responsum illud, discessum parent.

LEGATI Ordinum illis auditis, cum nonnihil consulendi causa deflexissent, visum fuit iis exemplar eorum quæ lecta essent, petere; & si illud recusaretur, in genere declarare, animum suum non fuisse, illo scripto tantum abest Dominos Commissarios, sed nec quenquam in eo cœtu offendere: Deinde indicarent scriptum illud suo omnium consensu & approbatione recitatum & exhibitum fuisse, non propterea vnum solum, qui seruitium suum concipiendo illi præstitisset, grauari debere. Quæ de Mádato dicta erant, item de transgressione priorum tractatum, per priora pro solutis habebant.

COEPIIT ergo Albada omnium nomine exemplum eorum petere, sed illud denegatum illis fuit: deinde pergit dicere, ipsos audiuisse, quàm malè proximum suum scriptum acceptum esset, ad quod tantum in genere replicatum vellet: Cum nullis melius de animo suo constare possit, quàm ipsismet, veriorque interpretatio potius ab iis, qui scripserint, quàm ab aliis petenda esset; declarant se pro necessitate rerum suarum, quæ sibi magis quàm vllis in isto Concilio notæ sint, ad ea scribenda permotos fuisse; nullam verò ne in minima quidem re cogitationem habuisse, qua Celsitudi-

nes.

nes & Dignitates eorum læderent aut offenderent: sed cum in articulis, quos exhibuerint, animaduertissent, se ab omni spe pacis excludi, si quædam ex dolore animi, quæ prævidebant pericula, deinde quæ ex speratis denegabantur, liberius proposuissent, cogitarent Cels. & Dign. eorum afflictis & miseris multa permitti & indulgeri, quæ in beatis & securis reprehendi & coerceri possent. Vltimò bona sua conscientia fretos, quòd de nemine lædendo vel offendendo cogitassent, non magnopere se obiectis & reprehensionibus illis commoueri & perturbari.

DEINDE inquit Albada, quia personam meam notari per auctorem scripti illius video, primùm dico nihil me scripsisse, nisi consensu & approbatione Illustrissimi Ducis Arschotani, & reliquorum legatorum, qui hîc præsentés sunt. Fateor quidem me argumenta illa suggessisse, propterea quòd res Germanicæ magis mihi notæ sint, quàm aliis. sed in eo nihil aliud facio, quàm quod facere obstrictus sum, vt vnà cum aliis inquiram, & proponam eiusmodi argumenta, quæ & petitionem nostram in causa religionis iustificent, & ad obtinendam eam, Regem inducere & commouere queant; non vt discordias, sicut accusor, excitem. Quapropter nunc iterum dico coram Cels. & Dignit. V. ea quæ ibi scripsimus, hodiè apud plerosque Catholicos Romanos Principes obseruari. Quod addidi in Imperio adhuc controuersiam esse, an qui talis sit, expelli possit; dico iterum me sæpius in Camera Imperij super hoc puncto disputationes & altercationes audiuisse; Et ante paucos annos hîc Colonix, † per legatos quorundam Principum, in grauioribus etiam terminis negatiuam eius assertam & defensam fuisse. Quare nec hîc quicquam falsi dixi, etiamsi multi Principes sint in contrarium, qui affirmatiuam asserant & sequantur.

ANNOTAT.

† *Ad verb. Per legatos quorundam principum.* Hi principes fuerunt Fridericus Palatinus Elector, Reichardus Palatinus, Philippus Landgrauinus Hesse, Carolus Marchio Badensis. Sed vt magis de veritate huius facti constare possit, referam propria verba, quibus legati eorum in scripto quodam, quod Senatus Colonienſi exhibuerunt, inter alia vsi sunt: Ex his, inquisit, manifestè apparet, & re ipsa in Germania imperio, atq; item in Gallia, Anglia,

Ex Germanica lingua in Latinam de verbo ad verbū versa.

Anglia, Scotia & aliis multis regnis ac nationibus iam ante compertum est, quod omnis istiusmodi violentia, gladius & patibulum non medium sint quo quisquam ab una fide in aliam conuerti possit, sed potius talia media, & omnes, qui ad ea suadent, ad summam diffidentiam, effusionem sanguinis, dissipationem & deuastationem ditionum & hominum, adque omnem calamitatem, quae inde sequitur, seruire & occasionem praebere.

Quapropter etiam prudens ille Caesar Carolus Quintus, cuiusque Caesar. Maies. frater pacificus Caesar Ferdinandus, istiusmodi media, tanquam illegitima & inidonea, ex Imperio Germania, & inter membra eiusdem prorsus aboleuerunt, in perpetuum relegarunt, & sub grauissima maximaque poena banni interdixerunt.

Econtra Christianum in Dei verbo, omniumque hominum intellectu fundatum medium, nempe amicabilem & Christianam ex verbo Dei collationem & colloquium ordinarunt.

Sed ut possit ad uniformem intellectum perueniri, perpetuam, semperque duraturam pacem, aequè inter Status ipsosmet, atque inter subditos eorundem Statuum ordinarunt, statuerunt & expresse concesserunt. Quae forma etiam illi Status, qui non nati vel electi Status immediate sint, sed vniuersales quoque liberae, & Imperij ciuitates, inter se possint pacem & quietem habere, & ab exilio conseruari.

Nam quae illa perpetuò duratura pax esset, quae quidem disponderet, quomodo unus Status cum alio in pace & quiete vinceret, permitteret autem subditos & vniuersitates inter se mutuo in contentione, dissidio & diuisione permanere? ita ut unus alterum pro suo arbitrio vexare, torquere, & ad religionem, quam in corde non haberet, per vim cogere possit.

Et ut ad causam ipsam perueniamus, non habet ciuitas Colonienfis, sicut nec alia libera & Imperij ciuitates, potestatem, (si illa sa manere debeat religionis concordia ad quam sub poena banni adstringitur) quemquam ex suis conciuibus ad Papisticam religionem sub poena excommunicationis, torture, verberum, carceris, exterminationis, aut sub alia vel corporis vel honorum vel honoris multa cogere & compellere, sed est medium istud ciuitati Colonienfi, sicut etiam omnibus Imperij ciuitatibus, sub poena banni omnino abscissum.

Quod autem quidam Iesuite aliaque mancipia sanguinariorum hominum spectabili Senatui persuadere conantur, ciuitatem Coloniensem esse veteris (ut vocant) religionis, ac propterea virtute concordiae religionis non teneri, ut ciues & incolae, qui Augustanae Confessionis sunt, toleret, sed potestatem habere eos eiiciendi: illud confecta falsitas est contra manifestum textum, intentionem & fundamentalem occasionem religionis concordiae. Nam illa disponit ex diametro contrarium, nempe ut Status, eorumque subditi, inter se in pace, quiete & concordia, alij cum aliis manere debeant. Si autem quis subditus per se non sub eo magistratu, cuius religionis non sit, ma-

neret.

nere vellet, quo is in suo honore & bonis incolumis maneat, permittit prae-
dicta religionis concordia illi, liberum discessum, & prorsus non contrario mo-
do, ut scilicet magistratus ille quenuquam pro suo arbitrio, ob nominatam
causam, expellere queat. Quemadmodum etiam status Augustana Con-
fessionis id non in alio usu habent, quam ut illi, qui sua religionis non sunt
(modo illi velint) apud se quietè resideant: qui autem manere nolunt, eos si-
ne ullo damno & iniuria abire sinunt. Hec ille.

NEC etiam Celsi. & Dign. V. sanguinis auctores facere
voluimus, sed ut semel sanctionum istarum, quae Placita vo-
cantur, ex toto abrogatio fiat, hoc petunt illi, qui alterius re-
ligionis sunt, quorum causam non minùs hîc nos, quam alio-
rum agere oportet: & si abrogatio ista non fiat, existimant im-
piè & iniuste fieri. Iis dictis finem loquendi fecit, nec quic-
quam ad ea replicatum fuit.

ANNOTAT.

† Ad verb. Ut semel sanctionum istarum.] Marius Celsus disputatione
in haereticis coercendis quatenus progredi liceat: Antiqui puriores ecclesia-
sticorum Canones omni sententia Placitorum aduersantur, vetantes ne spiri-
tuales ullam ob rem, nedum ob fidem aut haesin, quemquam occidere aut ei
manus afferre audeant, neque per se, neque per alios: Sed neque voluntatem
neque factum, neque consilium suum ad id accommodent; quin etiam alios,
qui id faciant, iudicent atque puniant.

Seuerus Sulpitius Martini Episcopi Galliae clementissimi vitam descri-
bens, ostendit eum in sanctionibus sanguineis abrogandis sedulo incubuisse, nec
vel in haereticorum, nedum in aliorum, qui veriori religioni addicti essent, mor-
tem consentire voluisse, quod libro sui voluminis tertio his verbis declarat:
Maximus Imperator pridè, ex Episcoporum aliquot sententia, decreuerat,
Tribunos summa potestate ad Hispanias mittere, qui haereticos, & alios
de religione suspectos, inquirerent, deprehensis vitam & bona adimerent;
nec dubium erat, quin sanctorum etiam maximam turbam tempestas ista
depopulatura fuisset: Sed Martino precipua erat cura, ne sanctio Impe-
ratoris exequeretur, vel Tribuni cum potestate gladiorum ad Hispanias
mitterentur: Pia enim erat sollicitudo ut non solum Christianos qui sub illa
occasione erant vexandi, sed ipsos etiam haereticos liberaret.

Ioh. Witlingius lib. de Magistratu. Legitur in fide dignis historiis tem-
pore Theodosij Episcopum fuisse Synada, qui usque adeo fertur infectatus
fuisse haereticos, quos Macedonios nominant, ut etiam è possessionibus suis
eos deturbaret: insuper Constantinopolim horum gratia profectus est, ubi
tunc Caesaris aula erat. ibi omnes Caesaris Praefectos aduersus haereticos sibi
adiunxit. Quod factum ea in historia Episcopo summè probro datum est, ut
ei, qui hac in re parum pie aut Christianè egerit. Ac postea non dissi-

mile factū de Episcopo Nestorio legitur, qui cū Constantinopoli electus esset in Præsulem, ad eundem Theodosium inter concionandum ita dixisse fertur: O Caesar, da mihi regionem ab hæreticis purgatam, & ego tibi calum daturus sum: sis mihi in auxilio in oppugnandis hæreticis, & ego tibi in Persis hostibus tuis deuincendis opem feram. Hanc Episcopi orationem multi cordati agre ferebant, & viri quanquam nemo hæreticorum faucebat vesania: tamen Episcopi leuitas, imò erga Casarem audacia nemini non displicebat.

Mutationes & additiones quæ in margine expōnuntur, ad præscriptū vnius ex legatū Ordinum de verbo ad verbum factæ sunt, cui satis fuisse videtur alterā partem sine altera cōtentā reddere.

Quam rem tamen prudentiores quidam non alio cessuram existimant, quam ut amba tandē partes altera post alteram, opprimantur, atq. in extremam seruitutem per si spānos redigantur.

Pro verbis illis, saluis sequentibus reposita sunt hæc in omnibus.

SEQVVTVR NOVI ARTICVLI DOMINORVM COMMISSARIORVM.

I.

PRIMO pacificatio Anno 1579, die 8. Nouembris Gandauinita & instituta, Vnio quoque Bruxellis 9 Ianuarij Anno 1577 subsecuta, Edictum insuper perpetuum Bruxellis 17 Februarij anno eodem publicatum, vna cum approbatione Regia, in omnibus suis punctis & articulis seruabuntur & executioni mandabuntur.

II.

ET quia præter ea, quæ à tempore primorum motuum acciderunt, post iam dictos tractatus Pacificationis Gandauensis, Vnionis & Edicti perpetui vtròq. citroque varia facta, dicta, & admissa fuere, tam in generali quàm in particulari, hac præfenti quoq. Pacificatione nō minùs posteriorū istorum factorum & dictorū, quàm eorum, quæ antea contigerunt, perpetua obliuio constituatur, ita vt eorum nulla amplius fiat mentio, exprobratio aut inquisitio, quasi ea nunquam accidissent, idq. sub pœna exemplaris correctionis subditis cōtrauenientibus, tanquàm perturbatoribus tranquillitatis publicæ, infligenda.

III.

REX Catholicus vasallis subditisque suis seruabit, manutenebit, & si opus videbitur, etiam de nouo confirmabit omnia & singula iura, vsus, consuetudines, immunitates, exemptiones & priuilegia quarumlibet prouinciarum, ciuitatum, oppidorum, communitatum, aliorumque priuatorum omnium, cum in genere, tum in specie, quemadmodum in Edicto perpetuo articulo decimo, & cū prouinciis Belgicis inauguratus extitit, promisit & iurauit.

IIII.

OMNES milites extranei, vtpote Hispani, Itali, Germani,

ni, Galli, Burgundi, Angli, Scoti, & cæteri omnes peregrini, qui propter hosce motus vtrinque accersiti sunt, prouinciis Belgicis, ab hac pace promulgata, intra terminum communi consensu constituendum, simul excedent & eodem tempore.

V.

Q V O D verò attinet ad alios milites non extraneos, etiam ad pleniorē exonerationem afflictorum subditorum, mandabit Rex vniuersum militem tam terra quàm mari, eodem quoque tempore exauctorari & dimitti, vt nimirum deinceps sibi priuatim viuant in tranquillitate, ordinariis tantum præfidiis retentis ac suffecturis, vt subditi quoque, ciues, & incolæ omnes citra cunctationem redeant ad mercaturas, opificia & negotia pacis: quibus se vxores, liberosque citra iniuriam proximi honestè sustentare valeant, & à publico armorum vsu, antea non consueto, & pacis tempori non conuenienti, desistant & abstineant.

De nouo hic additum post verbum terminū: communi consensu constituendum.

VI.

V N I V E R S Æ exactiones, impositiones, cæteraque inusitata vectigalia & onera præsentium barbarum occasione quomodolibet indicta, penitus cessabunt & tollentur: ita tamen quòd si quæ certorum onerum continuatio adhuc fore ex vsu publico iudicabitur, simulatque per Ordines Statuum eiusmodi quid demonstratum fuerit, Rex haud grauatim se Ordinum consiliis iuxta ac desiderio accommodabit.

VII.

P R A E T E R E A restaurabitur libertas commerciōrum, & transitus vbiuis locorum, per vrbes, pagos, pontes, portus earundem prouinciarum, non minus terra quàm mari, perque fluuios & flumina, prout factitatum fuit ante præsentis hosce tumultus: nouis autem vectigalibus atque impositionibus, absque Regis auctoritate eatenus per hos motus de facto institutis, incontinenti cessaturis.

VIII.

E T ne qua semina altercationum aut querelarum relinquuntur, omnes Ecclesiastici, necnon omnes seculares, tam extranei quàm intranei, recuperabunt pacificè bona sua secularia & ecclesiastica respectiue, mobilia extantia, & omnia immobilia, titulos, debita & actiones, ijsque statim vt ac frui poterunt, in eo nimirum statu ac qualitate, quibus in præsentia-

rum

*Omissa hic
sunt verba
illa in priore
articulo nono
posita: Et hoc
tum in Bur-
gundia, per
incogitātiā
ut arbitror,
& addita
verba illa: a
tempore Pa-
cificationis
usq. ad finē.*

*Pro verbis il-
lis: prout ab
exordio ho-
rū motū in
art. priore x.
reposita sunt
hæc verba:
prout tēpo-
re usque ad
verb. relictis
inclusiue.*

*Pro verb. Pa-
trix, quo uti-
tur art. prior
xi. reponitur
hic ista ver-
ba: Harum
prouinciarū,
&c. forte ut
Burgundi
quoq. compre-
bendantur.
Post verb. ar-
ticulos hæc
duo addita
sunt: Regi
& Ordini-
bus.*

*Mutatio ver-
borū, sed non
rei.*

rum illa ipsa reperientur; idq. omni dolo ac fraude semoti-
non obstante vlla hypothecatione aut quauis alienatione
tempore Pacificationis Gandauensis facta in contrarium: quæ
verò ante pacificationem Gandauensem acciderunt, eiusdem
dispositioni relinquuntur.

IX.

SIMILITER quoque subditorū quilibet etiam redinte-
grabitur in suis honoribus, dignitatibus, beneficiis, gubernaculis,
muneribus, functionibus & officiis, planè ad instar prout
tempore Edicti perpetui (illis quæ ante Edictū contigere, eius-
dem dispositioni relictis) extiterit: exceptis tantum iis, quibus
contra libertatem, iuraq. ac priuilegia patriæ de vlla functio-
ne prospectum fuisse demonstrabitur: Prouiso tamen quòd
eiuscemodi spoliati denuò redintegrandi tenebuntur præstare
iusiurandum, cuius in proximo sequenti articulo fit mentio;
prout facturi quoq. sunt cæteri ad nouas functiones & officia
in posterum cooptandi: reuocando, cassando & annullando
quicquid hinc inde factum, decretum, pronunciatumue fue-
rit in contrarium.

X.

NULLI admittentur ad vlla gubernacula prouinciarū, ci-
uitatum, castrorum & fortalitiarū, capitaneatus aut præfectu-
ras militum, nec ad cōcilia rerum Status, priuatum, financiarū,
aliaq. officia maioris momenti, præter naturales harum pro-
uinciarum, sub gubernaculis generalibus comprehensarū: qui
etiam ante receptionem, vltra antiqua & consueti iuramenta
Regi, tanquam eorum Principi naturali, præstari solita, in hos
articulos Regi & Ordinibus solenniter iurabūt, eosque pro-
mittent fideliter, sincereq. seruare, sub poena periurij & tan-
quam tales puniendi.

XI.

CAPTIVI vtriusq. partis omnes, qui ob dictos tumultus
adhuc detinentur, statim & absque vlllo pretio relaxa-
buntur: nisi iam antea de eo aliud inter eos fuerit conuen-
tum & concordatum.

XII.

COMES Buranus suæ libertati & patriæ intra tres menses,
postquam Princeps Auraicus ea quæ cum ipso tractabuntur,
impleuerit, restituetur.

XIII

XIII.

DECRETA, dispositiones, ordinationes per D. Archiducē Mathiam, suosq; collaterales & Ordines Statuum, à tempore vltimarum turbarum nomine Regis emanata, pro legitimis & validis habebuntur, suosque debitos sortientur effectus, quoad beneficia, dignitates, officia, aut alias quaspiam res quæ solent esse potestatis aut dispositionis ordinariæ illorum, qui tenent locum Gubernatoris dictarum prouinciarum, non autem in iis quæ propriæ personæ Regis reseruantur, aut si quæ factæ sint contra iura, priuilegia & immunitates patrias, tam in generali, quàm in particulari, vel alioqui in vllius iniuriam seu detrimentum redundarint.

XIII.

PARITER etiam quarumlibet vrbium, & aliorum locorum magistratus seu officiiati, suis functionibus destituti, alia via ac ratione, quàm iuris ordine legitimè seruato, aut aliàs cōtra priuilegia dictarum vrbium, aut præter ordinarios consuetosq; modos, cum primis restituētur & redintegrabuntur in dignitates officiaq; sua, nec non ad eorum creationē futuris temporibus procedetur, prout olim & sicut ex iuribus, moribus & priuilegiis cuiusq; patriæ, vrbis & loci decet, ne cui facta toleretur iniuria.

XV.

AUCTORITAS & obedientia Regi à subditis cum primis restituetur & seruabitur, qualis meritò iuxta præscriptum diuini & humani iuris, nec non priuilegia, vsus & cōsuetudines patrias, nec non Pacificationem Gandauensem, Vnionemque subsecutam, Edictum perpetuum, & præsentē tractatum esse debet, qualisq; olim seruata est; vt rectè nimirum administretur iustitia, subditi regantur in omni ratione, æquitatē, quiete & obedientia, idq; ad eam formam modumq; quo factum est ab omni memoria, tam defuncti Imperatoris Caroli Quinti eiusq; prædecessorum, quàm etiam Regis tempore vsque ad harum turbarum initia, sine cuius auctoritatis instauratione ac subditorum obedientia, nequaquam possibile est populum in vnione, concordia rectaque iustitia, quiete & tranquillitate manuteneri.

XVI.

SUPEREST de gubernaculis generalibus dictarum prouinciarum, quarū occasione Rex eliget Principem de sanguine,

V

ne,

*Post verbum,
patrias, adie-
cta sunt hac
verba: necnō
Pacificatio-
nem Ganda-
uensem vsq;
ad verbum
tractatum
inclusiue.*

*Pro verb. cō-
prehensis,
additur hac
verba: Paci-
ficationibus
supradictis,
&c.*

ne, qui, quæue, rerum experientia pollens, habeat dotes & qualitates ad eius generis arduum munus cum primis necessarias, & de quo, seu qua, subditi iustam causam satisfactionis sint habituri: gubernabit autem cum omni iustitia & æquitate, præsertim verò secundum vsus, iura, consuetudines & priuilegia dictarum prouinciarum, etiam comprehensis pacificationibus supradictis, & hoc præsentis reconciliationis Edicto, quod tenebitur promittere ac iurare.

XVII.

*Sublata sunt
ex priore
xviij. hac ver-
ba: Regij Se-
natus. Item
hac verba
post verb. so-
lita, ita mu-
tata sunt: de
his articulis
seruandis, &
addita verba
illa: Regi &
Ordinibus
sefe obliga-
bunt.*

Ad cuius quidem Gubernatoris generalis manus, citra vltiorem hæitationem, planè ac integrè tradentur omnes & singulæ ciuitates, vrbes, fortalitia, & alia loca, quæ ab vna alteraue parte quocunque titulo aut prætextu modò tenentur, vnà cum patrimonio ad Regem pertinente, tormentisq. bellicis, munitionibus, com meatibus, armis ac nauibus: vt nimirum ea loca, quæ ab omni memoria præsidium habuerunt, consilio Concilij Status naturalibus Belgicis, astringendis iureiurando, quo vltra antiqua & consueta iuramenta Regi, tanquàm eorum Principi naturali, præstari solita, de his articulis seruandis, Regi & Ordinibus sefe obligabunt; custodienda committat; aliàsq. de illis disponat, sicuti seruitio Regis simul & commodis ac securitati prouinciarum magis expedire arbitrabitur: & aliàs prout fieri decet, factumq. fuit ante motus præsentis.

XVIII.

PERMITTENTE nihilominus Rege (& quidem merè in huius reconciliationis gratiam) vt quod hactenus ex eius patrimonio, seu populi subsidiis desumptum & collectum fuit, id ita collectum receptumq. maneat, absque vltiore persecutione seu vexatione, cuiuspiam mortalium eatenus inferenda: ita tamen vt in posterum ab eiusmodi detentionibus, occupationibus & collectis desistatur.

XIX.

PACIFICATIONE Gandauensi, Vnione generali Statuum subsecuta, & Edicto perpetuo Bruxellensi, supra ab initio positis, saluis, Ordines Statuum renuntiabunt aliis omnibus fœderibus, pactis, mutuisque sponfionibus, contractis occasione dictorum tumultuum, tam intra quàm extra prouincias.

XX.

COMPREHENDENTVR hoc tractatu Regina Angliæ, & Dux Andegauensis.

D.E.

155

DE cæteris concernentibus expeditionem, confirmationem, publicationem, perpetuamq. & firmam obseruationem huius Pacificationis, postea agendum erit, cum omnia fuerint concordata & conclusa.

ARTICVLI DE RELIGIONE.

QVAE concernunt religionē, † quæ omnibus Principibus verè Christianis iure debet esse commendatissima, haud potest Rex vllatenus præterire, quin vestigiis Regum Catholicorum suorum Maiorum inhærendo, percipiat ac mandet, in prouinciis suis patrimonialibus retineri, seruarique religionem Catholicam Apostolicam Romanam, ab omni æuo non solum ibidem receptam, verum etiam sub qua earundem prouinciarum subditi olim tantopere floruerunt, & in qua tam dictum Regem quàm cæteros suos prædecesores olim prouinciis inauguratos mediante solenni iureiurando in Principes suos naturales receptos fuisse notoriè constat. Quæ quidem supra dicta religio, exclusa quauis alia, liberè, pacificè & absque vlllo impedimento per prouincias Belgicas posthac tradetur & exercebitur, prout etiam Ordines iam antea seipsos in Vnione generali mutuò ac solenniter obligarunt, & in Edicto perpetuo, ac literis frequentibus, Regi non minus post, quàm ante turbas præsentis se passuros & procuraturos addixerunt, & sicut etiam iam pridem scripsere ad S. Maieft. Imper. vsque adeò, quòd absque graui nota, vt ne dicatur confusione, vniuersi status politici, haud possint in re tanti momenti propriis scriptis vlla ex parte contrauenire.

QVOD verò ad Hollandiam, Zeladiam & oppidum Bommel attinet, dispositioni Pacificationis Gandauensis relinquatur: ita tamen, quòd interea temporis in iis ciuitatibus ac locis dictarum prouinciarum religio Catholica Romana restituetur, in quibus tempore dicti tractatus ibidem exercebatur.

SUBDITI, qui in reliquis prouinciis Belgicis, in hac tractatione comprehensis, à Catholica Romana religione recesserunt, Rex Catholicus ad præsentem Belgij statum respiciens, per Regium suum Commissarium cõcedet, vt ijs liceat in prouinciis istis sine aliqua coërtione aut molestia, occasione Placitorum religionis eousque suspendendorum, degere & manere,

Hic totus § additus est.

Immutata quadam sed nõ in melius.

nere, donec consilio Ordinum legitimè ac debitè in loco tuto, ubi suffragia libera esse queant, per Regem, seu eius gubernatorem generalem congregandorum, aliter dispositum fuerit super Placitorum moderatione: prouiso tamè, quòd interea temporis eiusmodi subditi à scandalis ac rerum perturbatione, ac omni usu & exercitio alterius, quàm Catholicae Romanae religionis prorsus abstineant: & interim etiam liberimè fruuntur omnibus suis bonis, tam mobilibus quàm immobilibus, iuribus actionibusque; & poterunt ea ipsa, qualiacunque fuerint, etiam aliò transferre, seu vendere aut alienare, prout eis videbitur: & quatenus bona sua retinere malint, poterunt etiam absentes ad eorundem bonorum regimen, administrationem & receptionem in provinciis sibi eligere. Quæstores Catholicos, quoscunq. volent: præterea toties, quoties voluerint, ad provincias iteratò redire, victuri tamè Catholicè iisq. ritibus ac moribus, quos personas Catholicas decet: eritq. huiusmodi redditus ac facultas, bona administrandi, per se cuiilibet bona fide permissus, statim atque Pastoribus, Officiatis & magistratibus locorum, ad quæ redire cupient, talis intentio ac voluntas insinuata fuerit. Ex qua quidem Regali indulgentia nulli non perquam manifestum redditur, quòd Rex nihil minus, quàm bonorum confiscationes, ruinam ac perniciem suorum subditorum appetat, nec etiam quòd rigore superiorum Placitorum ipsos perstringere constituerit, cum paratissimus quoque sit ea ipsa Placita cum Concilio Ordinum Statuum competenter temperare ac moderari, omniaque facere, quæ ad Dei Opt. Max. cultum, provinciarumque quietem ac tranquillitatem pertinent, ac benignum, amantissimum Christianumque Principem decent.

A N N O T A T.

Ad verba, Religionem, quæ omnibus Principibus iure debet esse commendatissima. Non possum me continere, quin tandem hoc loco cuiusdam viri gravis & p. Epistolam ex parte annotem, qua ille sententiam suam de Magistratu, quousque potestas eius se extendat, exponit: Est scripta ad quendam in Magistratu existentem, & incipit hoc modo: S. Laudo Deum, qui te hoc ultimo periculoso tempore tam Christiano zelo donauerit, ut & salutis anime tue seriam curam habeas, & in officio tuo ita versari cupias, ne quid contrarium diuinae voluntati perperres. Quo equidem permoneor, ut tibi ad summam & Christianam tuam petitionem, indicum & sententiam meam

de.

de officio civilis magistratus aperiā; sub ea tamen condicione, ne vel tu vel quisquam alius suspicetur, ac si in subsequenti iudicio, dum illū scribo & sentio, ratione muneris sui, ad regnum gratia Christi, vt in eo vi, mādatis & edictis agat, non pertinere, velim magistratum civilem à Christianismo prorsus excludere vel reicere. Hæc mea sententia non est, vt si in Iesum Christum verè credant, & Christianè viuā, nō possint, qui magistratu funguntur, Christiani esse: sed hoc dicere volo, quod spiritalis potestas, administratio & gubernatio spiritalis officij gratia & regni Christi, Christo Iesu filio Dei Domino nostro, quam is ad restitutionem deprauati hominis in salutem ipsius exercet, vni & soli competat: sicut etiam ille caput suæ ecclesiæ, & Rex sui populi solus est; simul etiam vt funditus cognoscatur, quid sit officium magistratus civilis, quousque id se extendat, & quomodo à gratia regno Christi, & à spiritali ipsius in animas & conscientias potestate longius quàm calum à terra discrepet, etiam si hactenus à plerisque eruditis aliter persuasi fuerint: Ex hoc quod a quo euenit quod magistratus hoc tempore in dominantem Regem Christum, in regnum & populum ipsius graniter deliquerint, & incurrerint. At postquam mundanus quoq; magistratus à Deo suam ordinationem & institutionem habeat, sit que Iesus Christus Dominus omnium magistratum, & Rex omnium Regum, quippe cui a Patre omnis potestas in calo & in terra data est, licet munus eorum terrenum non nisi in corpora & bona directum sit, nec ad spirituale regnum Christi pertineat, aut conscientijs vt eas regat destinātū sit: tamen illorum quisq; pro sua persona (modo Christiani esse velint & salui fieri) obstrictus est Regem regni Dei Iesum Christum, à quo potestas eorum, pronenit, diligere, diuinam ipsius veritatem confiteri, eamq; quantum in se est, vt Christiani promouere. Sed non debent in Christianismo vllam vim atque violentiam exercere, in causis fidei neminem (qui alioquin pacificus est) ledere, eicere aut occidere, ne Christo Domino suum officium eripiant, & in ipsius iudicium pœnāque incidant; qualia exempla hodiè non paucā pra oculis sunt. Sequitur nunc sententia mea.

MAGISTRATVS nostro tempore perperam edoctus, & malè instructus est, nimium quoq; in eo fecit, quod sibi hoc imponi passus est, vt in religione Christi, & in causis Christianæ fidei, ad eam tuendam & conseruandam, vi & gladio uteretur. Nam officio suo non incumbit, vt Christianam religionem, Verbum Dei & sacrosanctum Euāgelium Christi regat. Hoc officium ad alium Dominum & Rectorem pertinet, nēpe ad filium Dei Iesum Christum, Deum & Dominum nostrum, quem celestis Pater in Regem, & caput suæ ecclesiæ dedit & ordinauit. Psal. 22. Ephes. 1. Act. 20.

OFFICIUM temporariae corporalis gubernationis, aut mundani magistratus, à Domino Deo non propterea institutum est, vt religioni & cultui diuino noui Testamenti imperet, vel eum regat & administret, aut vt personas, quæ hoc officio funguntur, spirituales aut Christianos esse semper oporteat: sed pertinet illud ipsorum officium in ordinem rerum huius mundi. Quapro-

Notatione
muneris sui.
Si quicquam
vt Christianus
agere velit,
probet primum
se an
verè sit Christi-
anus: deinde
certus sit
per Spiritum
Christi, & ex
verbo Dei,
git, Deo gra-
tum esse.

pter D. Petrus magistratum humanam ordinationem nominat; qua munda-
na pax, humana iustitia, dilectio & civilis concordia, aut politia cōservatur,
vt homines vnā cōmorari possint, boni defendatur, mali coercantur. Rom. 13.

Gen. 9. cap.

Exod. 3.

Providit Deus Opt. Max. cum officio mundani magistratus humano ge-
neri, honestis ac probis hominibus, precipue suis filiis et Christianis (quanquā,
proh dolor, horum nunc pauci inueniantur, qui etiam coram mundo reiecta-
mentum, scoria & abominatio sunt, sicut populus Israel olim apud Egyptios
erant) vt hi temporaria pace perfruatur, apud malos irrequietos homines cō-
sistant illlesi, & quamdiu Deo placeat, in mundo quietem & locum habeant,
ad celebrandum Deum, Christo Domino suo seruendum, et ad peregrinatio-
nem suam iuxta Dei voluntatem perficiendam.

OFFICIUM mundani magistratus est externum mundanum officium
ordinis rerum terrenarum, habet peculiarem potentiam, peculiaria iudicia &
statuta, pertinet etiam ad peculiarem populum, & à celesti regno Christi, ab
ipsius spirituali gubernatione, potentia, iudicio & constitutione, quin etiam à
spirituali populo Noui Testamenti, aequè ac celum & terra discrepat: etiā si
populus Noui Testamenti, hoc est, veri Christiani, quantum corpora sua, tē-
poraria bona & conuersationem attinet, omnes sub eo comprehendantur, &
propterea magistratui ratione officij ipsius obedientes & subiecti esse debeant.

Diuus Paulus Apostolus Iesu Christi nihil in omnibus suis Epistolis scri-
bit de Christiano magistratu, quod nomen nuper prius inuentum, & ad quo-
rundam singulare commodum excogitatū est: sed hoc tantum docet in Episto-
la ad Romanos, vt Christiani, qui passim dispersi, & in vrbe Roma habita-
bant, magistratui obediant, in iis rebus & negotiis, quæ externū munus eorū
concernunt, prout ibi expresse scribitur, quomodo etiam magistratus ille, qui
tum temporis imperabat, Nero erat. Debent obedire, non tamen contra Do-
minū Deū, nec contra sacrosanctū Verbum ipsius Iesum Christū, & fidē. Quò
pertinet dictum Petri Act. 5. Oportet magis obedire Deo quàm hominibus.

Sic mandat quoq, Dominus noster Iesus Christus in Euangelio nihil am-
plius, quàm vt Christiani Cesari dent quæ sua sunt, nempe censuale denariū,
debit amq, obedientiā; & prout Paulus expresse dicit, Tributū, Vectigal, ho-
norem & timorem. Precipue autem dare Deo debent, quæ Dei sunt, utpote
summam charitatem, adorationem & verum cultū, fiduciam, veramq, obe-
dientiam verbi sui, vt in suo timore ambulent. Vult Deus cor & animum
habere, requiritq, veram scientiam & notitiam sui nominis, qui est Iesus
Christus Dominus noster. Requirit fructus bonorum operum, & testimonium
bonæ conscientie, ab omnibus Christianis, vt inculpatè coram se & mundo
incedant.

Quapropter magistratus malè edoctus, & perperam instructus est, quòd
ipsi se, ratione officij sui, in locum Dei, & in regnum gratiæ Christi collocari
sinerunt, vt in hoc regant & gubernent, in eo iubeant & vetent. Nam, vt an-
tè dictū est, in spirituali regno Christi, in ipsius Ecclesia, quod res Christi cō-
cernit,

cernit, nullus alius Dominus & Rex existit; nullus alius magistratus, quam Iesus Christus noster Dominus & Deus, quem Deus caelestis ipse pater super populum suum & Ecclesiam constituit. Ephes. 1. & 5. Psalm. 2. & 45. Mich. 4. Syr. 17. Quo tamen varia ministeria, quae 1. Corinth. 12. describuntur, sicubi in gratia Dei vigent, nullo modo sublata velim, sed ut cum illis unus Dominus & unus Deus, sicut etiam unus spiritus, unusque magister Christus in sua Ecclesia maneat.

Syrach 17. cap. Omnibus Gentibus toto orbe terrarum praefecit Dominus gubernatores, Israellem vero peculiariter sibi delegit gubernandum.

MUNDANVS magistratus male edoctus & perperam instructus est, quod se, officij sui ratione, pro diis secundum Iudaicum morem estimari & promoueri passi sunt. Nam si hoc ita esset, oporteret eos municipalia sua iura, proprias ac Imperatorias constitutiones missas facere: & quemadmodum ibi Iudei tantummodo secundum Moysis leges regebant; ita oporteret magistratum nunc secundum sacrosanctum Evangelium regere; quod tamen impossibile est. Nam mundus (ob quem praecipue magistratus a Deo est ordinatus) non patitur se ullo modo per sacrosanctum Evangelium regi, aequè minus atque fides cuiusvis est.

Psalm. 82.

MAGISTRATVS male edoctus & perperam instructus est, quod ipse, tanquam mundanus magistratus, potestatem habeat, imò obstrictus sit, ratione officij sui, hunc vel illum cultum Dei cum suis sacerdotibus & ministris per vim conservare, euertere, vel constituere, quippe cum hoc unicum officium Christi Domini sit, eorumque qui à se missi & ordinati sunt Apostoli & ministri S. Spiritus, qui suum spirituale regnum, suam Christianam ecclesiam & electum populum ipsemet, etiam in ministerio à se missorum servorum, gubernat & regit, de quo Ier. 1. Matth. 9. Sicut etiam ipsemet ministros abrogat, & constituit, secundum suum beneplacitum, pro quibus enixe orandus est. Matth. 10.

MAGISTRATVS perperam edoctus, & male instructus, & seductus est, quod ipse tanquam mundanus magistratus, cum suo munere, quod ad hunc mundum pertinet, & de hoc mundo est & iudicat, regnum Christi, quod non est de hoc mundo, regere & gubernare voluit. Contra illud loquitur Christus, cum ait: Meum regnum non est de hoc mundo; alioquin ministri mei pro me militarent, ne in manus Iudaeorum traderer.

Iohan. 18.

MAGISTRATVS perperam edoctus & male instructus est, quod ipse, tanquam mundanus magistratus, & ratione officij sui, potestatem habeat, Christianae fidei, cum iis quae ad eam pertinent, dominari, quae tamen benignum donum Dei est, & ut ante dictum, non cuiusvis res est. Non in ipsius officio nec potestate positum est, fidem iubere vel vetare, sicut etiam non potest ulli fidem dare aut adimere. Nec est in ipsius officio positum, contradictores doctrinae (modo non pugnam adhibeant, & alioquin pacifice vinant) exturbare vel eicere, nec Zizania malasque herbas eradicare, & gladio tollere, quod unius Christi, suique sancti Spiritus officium, etiam sub Apostolico ministerio est: is gubernat suum officium non corporali, sed spiritali gladio, & verbo Dei, de quo Matth. 13. scriptum est.

MAGI-

MAGISTRATVS perperam edoctus, & malè instructus est, quòd ipse, tanquam mundanus magistratus, ad corporalem gladium spiritualem appenderit, regnumq; Christi mundano gladio regere & gubernare instituerit. Perperam edoctus, & malè instructus est, quòd sibi persuaderi passus est spirituale regnum Domini nostri Iesu Christi, & mundanum politicum regnum, quæ ambo quidè in hoc mundo, sed quodq; in suo ordine proprium cursum habet, vnum esse, cum tamen tam longè a se inuicem distent, quam cælum & terra, caro & spiritus, mors & vita, temporarium & æternum.

Nam mundanum temporariū regnum, & officium, administrat Deus, & Dominus noster Christus, per hominum filios, prout terrā filiis hominū dedit, & cælū sibi ipsi reseruauit. Administrat & regit Dominus Deus hūc visibilem mundū per Imperatores, Reges, Principes & Dominos, per Tribunos, Consules, Rectores, &c. tanquā per superiores, vel per eorū missos Prefectos, Officiales, magistratus & humanas Constitutiones, iis corporalem gladium in manum dedit, & officium magistratus iniunxit: vt pacem & concordiam in hoc mundo conferrent, nationes & homines regant, tributa, vectigalia & commercia inferant, vias & itinera consiciant, regiones & vrbes administrant, imò viduas & pupillos tueantur, bonos defendant malosq; coercant, hereditates inter fratres diuidant, & alia faciant, quæ ad conseruationem humane huius ordinationis corporum & bonorum pertinent. Vnde etiā magistratus suum honorem, obedientiam & mercedem habet. Quinetiam eorum nomine magistratui obedientiam debemus, non solum metu pœnæ, sed etiam propter conscientiam.

Sed æternum, spirituale & celeste regnum Christi (quod hīc in hoc mundo, apud Dei filios, suum initium, progressum & augmentum in fide habet, illic verò demum in omni perfectione incipiet, nec ullo tempore interibit) administrat Dominus noster Iesus Christus, Dominus omnium Dominorum & Rex omnium Regum & præcellentium, cui Pater omnem potestatem dedit & ad dextram suam eum collocauit, solus & vnicus per seipsum, suumq; sanctum Spiritum. Hoc regnum, quippe Christi regnum (quod aliās etiā Christiana Ecclesia dicitur) non habet terrenum Regem, non mundanum magistratum nec vicarium, sed Dominus ipse est Rex in suo regno, æquè atque in caput Ecclesiæ constitutus est. Nulli alteri id regendum mandauit, honorem suum nulli alteri tribuit: Nec porrigitur hoc æternum ipsius regnum, dominatus, officium & regimen ad vllum temporarium dominatum, regnum aut populum, nec vnquā euertitur, sed omnia regna huius mundi extremo die cōminuet & euertet, ipsum autē in æternū permansturū est; Dan. 2. & 1. Cor. 15.

Regit hic Rex cum verbo gratiæ suæ, cum suo sacrosancto Euangelio animas & conscientias: ibi nullus coactus nec impulsus est, sed spiritualis libertas & promptitudo. Ecclesiæ Dei aperta est, Deus finit vnumquemque ingredi & egredi. Esai. 60. Ibi nulla vis est nec discordia: quod ante per figuram declaratum est, dum in adificatione templi Salomonis nullus malleus, nulla securis, aut

Isai. 42.

aut ferramentum auditum est, sed ibi est charitas, & concordia, gratia, pax & misericordia apud omnes suos filios, apud populum Euangelij & noui Testamenti, de quo Esaias propheta precipue, & sacra Scriptura noui Testamenti excellenter testatur. His autem dictis ministerium noui Testamenti nullo modo tollitur: attamen Apostoli & ministri Iesu Christi nullum aliud mandatum à Domino acceperunt, quam illud, ut de ipso doceant, testentur, Euangelium gratia annuncient, vnumquemque ad Christum Dominum inuident, poenitentiam in nomine eius predicent, praeellentem gratiam eius laudent, ineffabile beneficium obedientiae & crucis ipsius mundo aperiant, & breuiter & Christum Dominum secundum vtrumque statum suum crucis & gloria recte doceant noscere: ita ut Christo Domino regnanti Regi semper suum proprium munus remissionis peccatorum, distributionis S. Spiritus, regenerationis & dationis poenitentiae, gratia & absolutionis, &c. sine adiectione & commixtione omnium creaturarum aut elementorum pure & soli conseruetur. Eiusmodi fideles ministri Christi, qui solum ipsius gloriam laudant, & solum ipsum apud omnes externos cultus Dei monstrant, nullam vim habent nisi ad edificationem ecclesiae Dei. Non docent vllum ledendum, eiiciendum vel occidendum; nec miscent inter se spirituale regnum Christi, & mundanum politicum regnum, prout hodie à multis fit ad multorum ruinam & interitum.

Fideles ministri Euangelij & verbi Dei libenter imminui se patiuntur, dummodo Dominus eorum Iesus Christus magnificetur: nihil predicant nisi Christum illum Dominum. Ministri huius regis nihil predicant quam conscientiarum pacem. Curatores huius populi nihil docent, quam iustitiam, offerunt omnibus poenitentibus fide praeclatis hominibus Dei gratiam, charitatem & beneficium per Euangelium & verbum gratia ad salutem: contemptoribus verò Euangelij & Christi Dei verbi annunciant ad ipsorum damnationem Dei iram, iudicium & poenam.

Non habent externum gladium, non innocant etiam mundanum magistratum ad sui defensionem & protectionem: sed vtuntur gladio spiritus, quod est viuum verbum Dei; eo se tuentur; omniaque consilia demoliuntur, quae se extollunt aduersus cognitionem Christi & Dei, quo etiam inobedientes excludunt & ad ipsorum emendationem inuitant.

Hoc nunc est discrimen spiritualis & mundani regni, spiritualis & mundani magistratus, eorundem Officiariorum & ministrorum, quorum confusio & permixtio attulit hoc vltimo tempore, sicut etiam olim, omnem miseriam & dolorem. Nam eo ipso gubernans Rex Christus Dominus noster remotus est & ex suo spirituali regno eiectus, contumeliisque affectus fuit: imò est ei sua propria debitaque gloria & potestas ablata & subuersa, &c.

E O D E M die audientia à prandio petita, ex multis & grauib; causis legati Ordinum sequentem petitionem faciunt.

X

*Reuerendissimi, Illustrissimi, Generose, Nobilis,
Sacr. Cæs. Maieft. Commissarij.*

ILLVSTRISSIMVS Dux Arschotanus, & nos reliqui Ordinum legati, legimus & considerauimus articulos, qui hodie manè nobis exhibiti sunt: & quia inuenimus eos propius ad mentem & intentionem Ordinum accedere, volumus imprimis Celsis. & Dign. V. quammaximas gratias agere pro fauore, opera & labore, quæ Ordinibus & nobis amicè, gratiosissime, gratiosè & beneuolè in pace concilianda ostendunt & præstant. Sed cum Celsis. & Dign. V. non ignorent, etiam si nos articulis iis contenti esse vellemus, virtute tamen Mandati nostri amplecti nos eos non posse, sed esse multos alios, quibus non minus illi, quàm nobis persuasi & probati esse debent.

Ad eam rem nihil magis expedire arbitramur, quàm ut quamprimum non solum apud Ordines generales, sed etiam apud Status singularum prouinciarum super iis deliberetur. In eum finem secundum prouincias, quarum nomine huc comparuimus, aliquos ex nostris deputare proposuimus, qui fideliter hoc, quod supra diximus, exequantur: sed cum singulæ prouinciæ, & præsertim illæ, quarum Mandato hinc agimus, in singulos dies irruptionem Hispanorum expectet, fieri id commodè ad voluntatem & desiderium nostrum non potest, nisi tamdiu requies illis & cessatio ab armis concedatur. Quæ res etiam si rectè consideretur, & sincerè inter Seren. Regem Catholicum, Principem & Dominum nostrum naturalem, & Ordines reconciliatio & pax quærat, de ea Celsis. & Dign. V. tum etiam Illustris. Dux de Terranoua non possunt aliter iudicare.

Quapropter ut Celsis. & Dign. V. principium nunc pacis ineundæ iacere inceperunt, rogamus porro, ut eodem affectu & amore perficere eam studeant: & dum in hoc cum Ordinibus generalibus & particularibus incumbere ex toto animo proposuimus, quod pium, iustum & æquum esse putamus, hoc agere velint ut saltem ad duos menses cessatio ab armis indicatur. Ad quod etiam personam Cæs. Maieft. quæ au-

Arix

atrix & conciliatrix huius pacis est, tū etiam personas vestras, quæ Ecclesiasticæ sunt, & maximè personas, inter quas hoc bellum geritur, attendi cupimus; quibus omnibus nihil minus conuenit, quàm pati arma dominari, vbi seriò de pace agitur.

HÆC sinceris animis Illustrissimus Dux, & reliqui Ordinum Legati, Cels. & Dign. V. proposita volumus, nec dubitamus, quin Ordinibus ista grata futura sint: imò nisi ita fiat, adhuc dicere necessitas nos cogit, metuere nos in isto armorum horrore, & animorum perturbatione, nihil pacificum & frugiferum vsquam actum & conclusum iri. Dictum & exhibitum Coloniae 18. Iulij, anno 79.

Ad hanc petitionem, quæ prius ore dicta fuit, deinde in scriptis exhibita, Domini Commissarij ipsimet deputatis illis respondent, se & approbare eam, & omni modo adnifuros, vt Dux de Terranoua illi assensum suum præbeat.

LEGATI Ordinum hoc responso accepto, prædictos articulos vnà cum scripto illo ad Ordines per Nobilem quēdam, singulariter ad hoc electum, vt illo instante & urgente, resolutionem eorum super articulis istis obtinerent, transmittunt.

XXIX. Iulij, Domini Commissarij ad legatos Ordinum binas Imperatoris literas mittunt, vnas ad Ordines, alteras ad ipsos scriptas. His ab iisdē lectis, cū altere istę ad Ordines transmittendæ essent occasione inde arrepta, vt per eundem nuncium certi aliquid illis de indutiis concessis vel denegatis significare possent, petunt à prandio audientiam, qua concessa, illi qui deputati erant, Domini Commissariis in memoriam reuocant, quid xvij. ratione indutiarum petiissent; quæ spes etiam tum ipsis ad obtinendas eas data fuisset, quam incontinēti Ordinibus indicauerint: nihilominus tamen quicquid instent, nullum hætenus aliud responsum se accepisse, quàm quod Terranouensis de ea re ad Parmensem scripserit: se ostendisse iam antea, quantum momenti in indutiis positum esse putent, nec dubitare se, quin Ordines audivissimè responsum super iis expectaturi sint: rogare ergo ne diutius à Duce de Terranoua responsum illud extrahatur.

Ad quod Domini Commissarij legatis Ordinum respondent, ipsos petitionem eorum Terranouensi aperuisse, com-

X 2

muni-

municasse quoque ei scriptum illud, quo illa contineatur; insuper grauitè instituisse apud eum, vt locum ei daret: sed declarasse illum, hoc negotium non ad se, sed ad principem Parmensem pertinere, in cuius manu armorum potestas consistat; se tantum ad pacis tractationem Mandatum accepisse, nihilominus velle se super ea re ad Parmensem scribere. Quid autem responsi ab illo Dux de Terranoua tulerit, aiebant nondum sibi indicatum esse: Addebant porro se quoque literas ab Imperatore recepisse, in quibus procuratio indutiarum seriò ipsis commendetur; optare enim Maiestatem eius vehementer, vt de iis conueniatur: cuius rei gratia iam se concilium cõuocasse, ac propterea opportunè earum commemorationem à legatis factam esse, velle se incontinenti aliquos ex suis ad Ducem de Terranoua mittere, qui illum & de voluntate Sac. Cæs. Maiest. & ipsorum legatorum postulatione instruant, & quantum ad personas suas attineret, nihil se omisuros quod ad conciliandas & impetrandas indutias facere possent: Responsi, quod ab eo datum fuerit, se quamprimum legatos certiores facturos esse.

L I T E R Æ I M P E R A T O R I S
A D L E G A T O S O R D I N V M

*Rudolphus secundus diuina fauente clementia electus
Romanorum Imperator semper Augustus.*

ILLVST. Venerabiles, Magnifici, Generosi, Nobiles, Honorabiles, Deuoti, & fideles dilecti. Etsi non ita pridem vos per literas hortati sumus, vt nihil, quod ad salutarem pacem stabilendam pertineret, in vobis desiderari pateremini: tamen cum hætenus nequaquam eum cœptæ tractationis effectum secutum esse intelligamus, quem nobis pollicebamur, vestraque ac Reipub. salus maximè flagitet, quinimò Status Belgicos, à quibus missi estis, eandem tractationem ad certum ac tale tempus astrinxisse, quod nedum tam salutari operi rectè perar-

peragendo sufficiat, sed & ante plures iam dies expirarit, Nos pro paterna ea, quam hoc loci gerimus, cura pioque studio, haud omittendum duximus, quin vos denuo hortaremur, ut tam quo ad temporis illius prorogationem (de qua etiam ante plures dies cum ipsis Statibus per literas egimus) vestra auctoritate promouendam, quam aliàs tales vos exhibere velitis, ut nihil, quod ad pacis negotium feliciter conficiendum, sicque patriam vestram pristinae suae quieti & nitore restituendam, opportunum esse queat, in vobis requiri; sicque ea, quae pro vestro potissimum patriaeque vestrae commodo & salute instituta est, transactio, haud frustra suscepta esse videri possit. Id verò ita fiet, si honestis ac æquis condicionibus, quae à Commissariis nostris vel iam propositae sunt, vel proponuntur, vestra ex parte haud desitis. Quod cum à vobis omnino expectamus, tum verò non diffidimus Illust. Ducem Terranovæ, cui in eandem ferè sententiam scribimus, nihil, quod huc pertineat, in se desiderari passurum esse. De cætero benevolentiā ac gratiam nostram Cæsaream vobis benignè deferimus. Datum in arce nostra Regia Pragæ, die xiiij. Iulij, anno Domini millesimo, quingentesimo, septuagesimo nono. Regnorum nostrorum, Romani quarto, Hungarici septimo, & Bohemici etiam quarto. Signatum *Rudolphus*. subscriptum in dextero latere: *Ad Mandatum Sac. Cæs. Maiest. proprium*. In sinistro *V. Svieheuser. D.* Inferius *Phernberger*.

II. A VGVSTI venerunt ad legatos Ordinum, quidam Dominorum Commissariorum Confiliarij, qui illis indicabant, Cels. & Dig. eorum omnem operam adhibuisse, quò Ducem de Terranova ad concedendas indutias inducerent, sed quòd ad eas attendere noluisse, permotus sequentibus rationibus. Prima, quòd Mandatum eorum in principali negotio haberet pro insufficiente. Secunda, quòd putaret articulos ab ipsis Commissariis exhibitos tam esse æquitati & rationi consentaneos, ut spem haberet citius super iis pacem, quàm indutias fieri posse. Tertia, quòd non minorem difficultatem, nec brevius spatium, in convocandis & consulendis provinciis super cōdicionibus quibus indutiæ indici debeant, quàm super pace ipsa constituerit. Aiebant ergo: Domini Commissarij, licet indutias vnà cum legatis necessarias esse duxerint, tamen pro-

ter denegationem alterius partis non potuisse Celsitudine
& Dignitates eorum consilium & voluntatem suam ad effe-
ctum perducere.

Ad quod legati Ordinum actis more solito gratiis, primo
quod de Mandato obiectum erat, in eum modum, quo antea
aliquoties fecerant, dissoluunt; alterum de articulis pendere
id nunc ex arbitrio Ordinum dicebant, quibus probandi ve-
improbandi transmissi erant; sed quod & ibi & tertio Terra-
nouensis putaret, citius super pace, quam super induitiis agi &
conueniri posse, id ex eo confutari, quod quo ad inducias
absolutum Mandatum haberent, sed non ita in pace con-
stituenda: in reliquis referebant se ad ea quæ scripto suo
continentur.

VIII. Augusti, reuerso illo Nobili, quem supra dixi, ad
Ordines à legatis eorum missum fuisse, perlectisque literis
quas ille ipsis attulerat, quarum exempla quoque hic subiiciun-
tur, cum in iis mandaretur illis, ut insisterent petitioni, pro ob-
tinendis induitiis factæ, concipiunt sequens scriptum, & po-
stridie audiëntia petita, tenorem eius prius ore exponunt, dein-
de scriptum ipsum Dominis Commissariis exhibent.

LITERÆ ARCHIDVCIS.

Ex lingua
Gallica in
Latinam
translata.

Cognato meo Duci Arschotano, Principi Chimaici, Co-
miti Bellomontij, Marchioni Rentiaci, &c.
Equiti Ordinis aurei velleris, ac aliis
dominis Legatis Belgij, Co-
loniam missis.

C O G N A T E ac domini Dominus à Melroy attulit nobis
vestras literas, cum exemplis iis adiunctis: nobisque vber-
rimè retulit, quàm sedulò hactenus institeritis, ut hanc pacis
coceptam tractationem ad bonum & felicem exitum perdu-
ceretis, ex voto omnium, qui quieti publicæ dediti sunt: quo
de

de nos atque Ordines vobis multum obligati manemus: nihil ambigentes, quin eadem fedulitate, et promptitudine animi in eodem perseverabitis, usque ad finem eiusdem tractationis: unde conservatio harum ditionum pender, uti pro vestra prudentia facile poteritis animadvertere, & vivis rationibus exponere, ubi expedire videbitur. Postremi articuli, allati per dominum de Melroy, missi sunt ad omnes provincias, ad resciscendum eorum sententiam: siquidem hæc res quam proximè cōcernit vnum quemlibet in genere, & in specie, uti latius intelligetis ex literis dominorum ab Ordinibus deputatorum, ad quas nos referimus. Interim metuimus, nisi Domini Commissarii Imperatoris Maiestatis amplius largiantur, tum super facto Religionis, tum politia; vix est verisimile, ut provinciae possint induci, ad eos articulos acceptandum: uti prolixius poteritis intelligere ex verbali relatione dicti domini de Melroy, qui magna ex parte animos & inclinationes hominum in hac ciuitate perspexit. Itaque Principum Electorum est bene ponderare & expendere, quantum mali dissolutio huius tractationis, tum uniuerso orbi Christiano, tum familiae nostrae Austriacae, totiq; adeò Germaniae allatura sit. Interea mi cognate ac domini, Deum precamur, ut vos protegat ac tueatur. Antwerpiae Cal. Augusti, M. D. LXXIX.

Vester cognatus & amicus

Mathias.

I. van Asseliers.

LITERÆ ORDINVM.

Ex lingua
Gallica in
Latinam
versa.

*Domino Duci Arschotano, Principi Chimaici, Porciani,
Comiti Bellomontij, &c. Equiti Ordinis velleris
aurei, Reuerendis in Christo patribus Abbatibus,
S. Gertrudis & Maroliensi, ac alijs Dominis Le-
gatis Ordinum generalium Coloniae.*

DOMINI. Præter epistolam, xiiij. die Iulij scriptam, Do-
minus à Melroy, iuxta mandatum quod à vobis habe-
bat, tradidit nobis etiam vestras literas, xx. superioris mensis
scriptas, quibus iuncti erant articuli propositi per dominos
Principes Cæsareos Commissarios, ad ineundam pacem & re-
conciliationem cum Rege Hispaniarum, Principe nostro &
Domino naturali, ac responsum per vos factum. Ex quo cum
videamus & percipiamus vestram industriam, atq. bona offi-
cia, non possumus non vobis ex animo gratias agere, ac certò
promittere, nos perpetuò in memoria habituros hanc vestram
diligentiam, vbi occasio sese offeret. Itaque à vobis petimus
contendimusque, vt in ista diligentia velitis porrò pergere,
iuxta mandatum quod à nobis habetis, ac potissimum inhæ-
rere petitioni de indutiis, ea lege, vt illis durantibus vtraque
pars contineat se in ciuitatibus & munitionibus quas occupa-
uit ac detinet, vna & altera respectiue, & vtrique parti liceat
liberè meare & commeare, cuique ad sua, sine vltiore com-
municatione. Cæterum in præsentiarum non est nobis in-
tegrum adhuc respondere ad dictos articulos, per dominos
Cæsareos Commissarios propositos; siquidem ex eorum te-
nore non videmur posse consequi bonam & securam pa-
cem; quos tamen iam misimus Statibus particularibus vniuf-
cuiusque prouinciæ, vt super iis deliberent, nosque certiores
faciant suarum conclusionum; quas vbi acceperimus, ne
dubitate quin è vestigio daturi simus operam, vt vobis mit-
tantur: quò secundum nostram bonam ac sinceram in-
tentionem hæc ditiones ex his miserijs & calamitatibus
belli

belli semel eximantur, easque rursus cernamus in suo antiquo statu ac splendore. Deum rogamus ut vos, Domini, ex voto sospitare dignetur, & sua gratia cumulare: Vestris D.D. nos ex animo commendantes. Antwerpiae 11. Augusti, M. D. LXXIX.

V. Patern. & D.D. ex animo addictissimi Ordines generales Belgij.

Mandato dictorum Ordinum,

I. Houfflin.

SCRIPTVM.

*Reuerendissimi, Illustrissimi, Generose, Nobilis
S. Cæs. Maieft. Commissarij.*

ILLVSTRISSIMVS Dux Arschotanus, & nos reliqui Ordinum Legati, nudiustertius literas ab Ordinibus accepimus, quibus primum nobis significant, se articulos, quos Celsi. & Dign. V. nobis exhibuerunt, ad singulas prouincias transmississe, ut super iis iudicium & voluntatem earum cognoscant.

SECUNDO, posteaquam petitionem nostram quam eodem die, quo articuli exhibiti sunt, de induciis fecimus, æquam & necessariam prorsus inueniant, requirunt à nobis, ut virgere eas non desistamus; nondum enim literæ nostræ, quibus indicamus illas denegatas esse, ad eos tum peruenerant.

NHILOMINVS Illustrissimus Dux, & nos excitati istis literis, semel adhuc toties propositam de induciis petitionem renouare volumus, idque ex hac ratione maxime, quod Ordines nobis significant, permouendis & conciliandis subditorum animis, qua re principium ad pacificationem ponitur, nihil adeo feruiturum, quàm si illæ in præsentia ad tempus aliquod indicentur: ita etiam non ignorant Celsi. & Dign.

Y

Dign.

Dign. V. inducias per se in mansuetudinis officiis includi easque sapè non paruas tantum iras, sed & magnas atque difficiles restinxisse, & benevolentiam facile conciliare.

QVINTIMO considerata persona Seren. Regis erga subditos suos, quorum obedientiam & amorem Maiores civis & Maiest. illius ipsamet inaugurationis tempore & postquam maximum cognovit, & experta est, qui nunc multis annis communiter ab exercitu Hispano vexati, direpti & oppressi sunt: his aliquot hebdomadarum inducias in eum finem petitas, ut securè & quietè super pacis condicionibus convenire & deliberare possint, denegare, non putant possibile esse, modò ex parte Regis sincerè reconciliatio & pax, & non potius media ad prorsus perdendos & subiugandos ipsos quarantur.

QVIBUS multis? nec nos tacere possumus, iam ab initio nobis duram visam fuisse induciarum recusationem, & durior adhuc ea visa est, quæ postremò facta est: nec dubitamus quin etiam Sac. Cæs. Maiestati displicebit, multoquæ adhuc magis Cels. V. propter personas quas sustinent, displicere: cui hoc solum nunc addere volumus ex Mandato Ordinum, nisi illæ concedantur, quæ alioquin pacem præcedere, & ad eam viam præparare solent, metuere ipsos omnem cogitationem subditos de pace abiecturos, quod & antè indicavimus: cum contra induciis concessis, spem novæ benevolentia concipient, animisque à bellicis curis & timoribus nonnihil liberatis, simul inter se ea solum, quæ ad pacem facere poterunt, sine dubio deliberaturi & sciscituri sint.

ANNOTAT.

† Ad verb. Duram visam fuisse] Claudius Coterius De iur. militum lib. 3. cap. 21. Nemo inducias non sanctas piâsque constitebitur, tum quod a bello (per quod omnia profanantur, bona rectaque pereunt, iustitia procul exulat) sit omnimoda cessatio; tum quod paci iusti & boni cõservarici illæ multo sunt viciniore. Eam ob rem placere non potest Frothonis Danorum Regis adversus Sclavos bellum parantis responsum quamvis scitum sit notatūque non indignum. Illud autem datum est Strumio Sclavorum Regi per legatos inducias petenti, quas ei denegavit Frotho affirmans hostem induciis nunquam instrui debere. Sed nos tametsi ex induciis aliqua perversa iniquaque frequentier.

Saxo. hist.
Dano lib. 5.

quenter eueniant, non ea de causa reiicienda esse concedimus. Et sanè non in-
iuria forsàn aliquis putaret eas in virtutum officiis sitas esse, cum maximè
medium quoddam inter bellum & pacem existere videatur. Hinc ego lubens
essentior patiòrque vel in fortitudinis officiis (quibus vir fortis non omnia pe-
ricula subire debet, sed ea tantum quibus ob maius bonum fortissimè illi agen-
dum est,) contineri. Fatebimur etiam in mansuetudinis officiis includi posse
inducias, cum inter iracundiam iracundia que cessationem quendam medio-
ritas esse videatur. Ad hæc non paruas iras tantum, sed & magnas atque
difficiles restinguunt, & beneuolentiam qua nos humani dicimur, faciliè
conciliant, &c.

Aristot. lib.
1. Magna
Morat.

CONDICIONES induciarum iam antè quoque expo-
uimus, ex in iisdem literis repetuntur; nimirum, quandiu
illæ durant, vna & altera pars se contineat in locis, ciuita-
tibus & munitionibus, quas occupauit & detinet, & vt
utrique ad ea liberè meare & remeare, in iis agere & conuer-
sari liceat, communicatione vnus partis cum altera penitus
interdicta, &c.

GRATIOSISSIMI Domini. Hæc est Ordinum seria
adhuc de induciis petitio, ex rationibus quas suprà diximus.
Eas rationes vt pro vestra prudentia perpendatis, & vnà cum
Duce de Terranoua communicetis, eiusque Excell. ad lo-
cum petitioni illi dandum indicatis, Illustrissimus Dux Ar-
chotanus & nos Ordinum Legati obnixissimè petimus.

VLTIMÒ, Celsi. & Dign. V. latère non volumus, etsi gene-
rales Ordines non expresse terminum nobis prorogauerint:
tamen sicut antea, ita & nunc iusserunt nobis hîc subsiste-
re, donec responsum super articulis Pacificationis ab ipsis ac-
cipiamus.

XXI. Augusti, cum Legati Ordinum nullum respon-
sum ad scriptum illud acciperent; deinde intelligerent Do-
minos Commissarios, se non consultis aut rogatis, non so-
lum ad Ordines generales, sed etiam ad singulas prouin-
cias, & præcipuas earundem ciuitates scripsisse: præter hoc,
Ducem de Terranoua quoque, qui pars erat, suas literas
ipsorum literis coniunxisse, mittunt aliquos ad eosdem

Y 2

Com-

Commissarios, qui cōmuni nomine responsum Terranouensis vrgerent; deinde communicationem literarum quas misissent postularent. quo facto, Celsiorum deputatis istis declarant, sibi non minùs moram Ducis de Terranoua, quàm legatis ipsis displicere, se aliquoties iam pro responso ad illum misisse, & à prandio iterum mittere velle. Quod ad literas attineret, effecturos se, vt exempla earum habeant: illa legati tertio die post acceperunt, & est earum literarum tenor, prout sequitur.

LITERÆ DOMINORVM COMMISSARIORVM,
AD ORDINES GENERALES.

*Sacrae Cæs. Maiestatis ad negotium Pacificationis
Belgicae deputati Commissarij.*

*Illustres, Reuerendi, Generosi, Nobiles,
Prudentes & Circumspecti.*

QUEMADMODVM vbique gentium percrebuit, quibus quantisque calamitatibus, & afflictionibus patria vestra aliquot annis iactata, concussa & vastata fuerit: ita nemini obscurum esse potest, quàm verè paterno affectu & studio Sacra Cæs. Maiest. huius ad eò calamitosi & diuturni in vestris visceribus ardentis belli facies extinguere hactenus tentauerit. Cumque sua Maiest. inter cætera remedia, quibus patriam vestram ab hoc flagranti incendio liberatam, pristino splendori, legibus atque institutis patriis restituere conata est, nobis grauissimum onus & curam eius rei perficiendæ imposuerit; omninò duximus nostri esse officij, quantum in nobis esset, tantis malis maturè occurrere. Ac proinde ante quatuor integros menses, sepositis nostris nostrorumque subditorum negotiis, nos huc contulimus, eoque affectu, quo & Regi Catholico, & vobis, & toti Imperio ac Reipub. Christianæ ex animo bene volumus, nec laboribus nec molestiis, nec sumptibus pepercimus, nihilque prætermisimus quod ad pacem

cem conciliandam necessarium vel utile esse arbitrati sumus. Quamquam autem legatos vestros non tantum in initio huius actionis aliquandiu expectauimus; sed & deinde illos cum minus sufficienti, & ad sex hebdomadas restricto Mandato comparentes sapissime adhortati sumus, ut plenius Mandatum & temporis prorogationem procurarent, eoque nomine etiam ad vos scripsimus, & certo nobis persuasimus, in vobis moram nullam futuram: tamen præter spem & expectationem nostram, nec ad literas nostras à vobis responsum accepimus, nec Legatis vestris sufficientius Mandatum transmissum, nec temporis prorogatio facta, nec interim ab innouationibus & mutationibus pacis conciliationem difficiliorem reddentibus, in Belgio cessatum est. Quæ res causam non iniustam nobis tribuere potuisset, spem omnem pacis constituendæ protinus deponendi, & ad euitandos inutiles sumptus & molestias, hinc discedendi, nisi & Cæs. Maiest. mandatum, & pietas Christiana erga subditos Belgij, qui diuturnis intestinis bellis miserè atteruntur, nos hîc detinuisset, & ad tractationem hanc continuandam commouisset: in qua eò tandem progressum est, ut in politicis negotiis huiusmodi media proposuerimus, & à Regis Mandatario Duce de Terranova obtinuerimus, quæ nemo non iustissima, & ad tollendas omnes hæcenus allegatas sumptorum armorum causas, commendissima censere potest; nisi quis adeò diuini & humani iuris & promissionis, per Ordines & subditos tam sanctæ totiesque iteratæ, immemor esse velit, ut obedienciam & auctoritatem, ad retinendam Reipub. tranquillitatem, modis omnibus necessariam, Regi prorsus denegandam & auferendam esse arbitretur. In negotio quoque Religionis, ipsemet Regius Mandatarius, nomine Regis vltro nō minùs, sed potius plus quam in Pacificatione Gandauensî, Vnionem secuta, & Edicto Bruxelensi conuentum, frequentioribusque, tam ad Sacr. Cæs. Maiest. quam ad Regem Catholicum, & alios Principes literis promissum, totiesque iuratum fuit, subditis concessit. Quod cum ita sit, & per horum mediorum acceptionem omnes politicæ controuersiæ propter quas grauissimum hoc bellum

Quod hic dicitur multis in locis à legatis Ordinum solutum inuenitur.

Non ex parte Ordinum solum, sed ex parte altera longe magis.

Iudicium & Deo & illis committimus, qui hæc acta lecturi sunt.

Ex qua parte in fractio illorum primum facta est superius declaratum extrat, & plenior hic est Pacificatio Gandauensis quam præsens concessio. Solutur in responso Ordinum.

Y 3

incho-

inchoatum esse allegatum fuit, planè cessaturæ sint: insuer
 etiam in negotio religionis Regi vi & armis plus extorquere
 velle, quàm prioribus iuratis pacificationibus promissionibus
 quæ consentaneum est, ac Regius Mandatarius vltro perici
 sit, nec æquum nec necessarium sit, & ipsa patriæ vestræ
 lamitas omninò postulet, vt difficillimo eius tempori, &
 gruementibus maioribus periculis, quàm ocyssimè, & sine va
 mora succurratur: Miramur non immeritò, quàm ob rem
 huiusmodi media, ante tres hebdomadas vestris legatis por
 cta, & per eosdem tunc temporis vobis procul dubio tran
 missa, hætenus nihil responsi acceperimus: cum quæ nostra
 subditorum nostrorum negotia, solius huius tractationis ca
 sa, per tot menses seposita & suspensa, planè non admittat
 vt hîc diutius frustra nos detineri patiamur; facere non po
 tuimus, quin denuò media proposita vobis transmitteremur
 & nomine Sac. Cæs. Maiest. vestrum responsum exigere
 mus. Diligenter igitur & sedulò vos adhortamur, vt quàn
 primùm ad media, his literis nostris adiuncta, tale responsum
 nobis transmittatis, vt & Cæs. Maiest. & omnes Imperij Sta
 tus, & nos ex eo certò deprehendere & intelligere possimus
 vos malle, sopitis odiis, armisque sublatis, in pace tutò viuere
 quàm funesti & calamitosi belli incommoditatibus & peri
 culis diutius agitari. Ad quam pacem maturè & solidè con
 ficiendam & corroborandam, necessarium erit vt legatis ve
 stris, vnà cum dicto responso, sufficiens quoque Mandatum
 mittatis. Quod si feceritis, vti facturos confidimus, vobis ipsis
 & patriæ vestræ officium optimum, & planè necessarium præ
 stabitis Deus Opt. Max. vos diu seruet incolumes, & ad pa
 cem oblatam obuiis vlnis amplectendam flectat & inclinet.
 Datum Coloniz v. Augusti, Anno M. D. LXXIX.

LITE

LITERÆ COMMISSARIORVM AD
PROVINCIAS PARTICVLARES.

*Sacra Cæs. Maieſt. ad negotium Pacificationis
Belgicæ deputati Commiſſarij.*

REVERENDI, Generoſi, Nobiles, Spectabiles & Prudentes, Quid hætenus ex Sac. Cæs. Maieſt. mandato, ad patriam veſtram, ex diuturni & calamitoſi belli incendio eripiendam & liberandam, cum Regis Catholici, Principis veſtri naturalis, Mādatario, Duce de Terranova, & Legatis Ordinum Belgij egerimus, & quæ pacis Media propoſita ſint, per eorundem Ordinum Legatos, vel deputatos Antuerpiæ congregatos, vobis ſignificatum eſſe non dubitamus. Et licet ſuperfluum fortè videri poſſet, eo nomine ad vos, aliarumque prouinciarum Belgicarum particulares Status literas dare: cum tamen à Sac. Cæs. Maieſt. nobis mandatum, noſtriſque officij ſit, vt quacunque ratione hoc pacificationis negotium promoueamus, & ab Ordinum deputatis Antuerpiæ congregatis, nec ad priores noſtras literas, nec ad media pacis, ante aliquot hebdomadas propoſita, reſponſum hætenus acceperimus, & noſtræ ac ſubditorum noſtrorum cauſæ hætenus ſepoſitæ, & ſuſpenſæ, ac tantum non neglectæ, non admittant, vt nos hîc diutius fruſtrâ detineri patiamur; facere non potuimus, quin & vobis, & aliarum prouinciarum Belgicarum particularibus Statibus, poſteriorum literarum noſtrarum ad Ordines ſcriptarum & mediorum propoſitorum copias transmitteremus: certò enim nobis perſuadeamus, veſtram promotionem apud Ordinum deputatos, Antuerpiæ exiſtentes, tantum pondus & momentum habituram, vt eo maturius & celerius ab iſdem reſponſum accepturi ſimus. Diligenter igitur & ſedulò vos adhortamur, vt ea cura & diligentia, quam res tanti momenti, & totius patriæ veſtræ ſalus exigit, negotium hoc perpendatis, ſimulque

*Hoc dependet
ex Dei consi-
lio & volun-
tate, qui mul-
to aliter hoc
tempore agit
quàm homi-
nes existi-
mant.*

simulque cogitetis, bellum hoc siue trahatur, siue impetu breuiore finiatur, in eam tandem necessitatem prouincias facile adducere posse, vt ad difficiliorem multo, quàm nunc offertur, pacem compellantur, atque tanto magis apud Deputatos Ordinum Antwerpiae congregatos, ea qua oportet, dexteritate negotium hoc vestrum promoueatis & sollicitetis, vt quamprimum ad media his adiuncta, paci & tranquillitati ac quieti patriae vestrae conueniens responsum, & Legatis suis & vestris hic existentibus, sufficiens Mandatum transmittatur, vt ita Dei Omnipotentis ope pax vobis & patriae vestrae restitui, & funesti ac calamitosi belli fax extingui possit: neque ab eo proposito alicuius diffidentiae opinione, si quæ fortè ab aliquibus, felicitati vestrae minùs fauentibus, vobis suggeratur, vos abduci patiamini: cum Regis Catholici animum ad pacem non solum faciendam, sed & seruandam & continuandam, ita omninò affectum sciamus, vt non dubitemus, Imperatoria maximè intercedente auctoritate, quin ea sic muniri possit, ne quicquam periculi in posterum vnquam vobis vniuersis & singulis sit metuendum vel expectandum. Deus Opt. Max. vos seruet incolumes, vobisque pacem iamdiu exoptatam concedat. Datum Coloniae die v. August. M. D. LXXIX.

NOTA. In literis ad Hollandos & Zelandos scriptis, inserta est hæc clausula post verb. transmittatur:

QVOD eo promptius & libentius vos facturos confidimus, cum per hos pacis articulos Gandauensis Pacificatio vobis rata & firma maneat, & sic idem, quod hætenus petiistis, vltro vobis offeratur.

Et in literis ad Flandros, Geldrenses & Zutphanienses scriptis, ista clausula post idem verbum, transmittatur, inserta est:

QVOD eo promptius & libentius vos facturos confidimus, quod in vestris visceribus ardentis belli faces, prouinciæ vestrae vastitatem & interitum comminantes, ante oculos vestros versari & quotidie augeri intelligimus.

XXV.

XXV Augusti, Domini Commissarij quosdam ex suis Consiliariis ad Legatos Ordinum mittunt, qui tradant illis responsum, quod præcedenti die à Duce de Terranova acceperant: traditione facta, addunt illi Celss. & Dign. eorum nihil amplius ab Excell. ipsius impetrare potuisse; arbitrari se porro superuacaneum fore, si Legati Ordinum petitioni illi pro induciis diutius inhæreant: sed citius & facilius super pace tractari posse.

RESPONSVM DVCIS

DE TERRANOVA.

*Reuerendissimi, Illustrissimi D. Electores Principesque
Generosi, Nobilesque Domini Cas. Maiest.
Delegati longè dignissimi.*

AD EA quæ circa inducias armorumque suspensionem ab amplissimo vestro confesso iam aliquoties, ad requisitionem Ordinum Belgij Legatorum, proposita fuere, Dux de Terranova Regius mādātarius nihil tam ex animo desiderans, quàm ea omnia quæ ad veram solidamque pacem in eundam quoquo modo spectare dignoscuntur, re ipsa promouere, breuiter respondenda duxit ea quæ sequuntur.

PRINCIPIÒ, quòd sicut armorum suspensio primus gradus esse prætenditur, ad pacis serenitatem consequendam: ita declarat, quòd etiam ab ipsomet exordio præsentis negotiationis in eam semper fuerit propensissimus: vt nec dubium, quòd sponte illam concessurus fuerat, si modò rerum publicarum status ac dispositio tunc temporis præ se tulissent: quòd de pace tandem subsequutura, si non planè certam, saltem verisimilem spem tunc iuste concipere potuisset: nec dubitare quisquam debet, quin in præsentiarum adhuc eadem illis mens sit ac voluntas, casu quo spes aliqua vberior, quàm hactenus etiam nunc affulgere inciperet.

CETERVM cùm status Belgij neque in hunc vsq. diem, suis huc destinatis, de sufficenti Mandato, etiam ad frequen-

Z

tiora

tiora Dominorum Commissariorum monita, prospexerint, ita ut propter hanc & alias causas, nec hoc quidem tempore vlla spes adhucdum sese ostendat, imò ne quidem post transmissos articulos pacis, iamdiu per Belgium satis superque late diuulgatos, non potest non sibi persuasum habere, eius rei præcipuum impedimentum prouenire à militibus præsidariis, libertatem suffragiorum ciuium & incolarum haud dubie prohibentibus.

QVOCIRCA ad pacis negotium oportunè iam præparandum nihil tam necessarium videtur, quàm ciuitates, obtrusis vel sinistris persuasionibus inuectis, præsidii citra moram exonerare, ipsosque ciues & incolas suæ libertati permittere: ut nimirum seposito omni metu horroreque belli, possint de salute propria, atque adeò etiam tranquillitate publica verum animi sui sensum apertè dicere & explicare.

PORRÒ ut ne qua excusatio retorqueatur, quasi videlicet dictæ ciuitates milite præsidario egeant, ad tutelam sui contra exercitum Regium, paratus erit Regius Mandatarius eo casu in postulatam armorum suspensionem, sub condicionibus ac securitatibus communi partium consensu statuendis, consentire; dummodo tamen interea temporis abstineant à noua collectione militum, simul & coactione subditorum ad nouas vniones, huic præsentì reconciliationi ac tranquillitati publicæ contrarias, prout etiam ex parte Regis idem cauebitur & præstabitur: quæ quidem res tam æqua ac iusta videtur, ut citra tergiversationem recusari nequeat. Datum Coloniae xxiiij. Augusti, Anno 1579.

XXIX Augusti, Legati Ordinum, receptis ab iisdem Ordinibus literis, quibus molestiam suam declarabant, quam ex denegatis induciis acceperant, cum non dubitarent eam molestiam auctum iri, ubi Ordines secundò eas recusatas esse intellexerint, ne quid omitterent quod causæ suæ aliquo modo seruire posset, visum iis fuit exemplum earundem literarum Dominis Commissariis exhibere, ut & vnà cum illo ea quæ sequenti scripto continentur, ore exponere, prout ab iis factum fuit.

LITE.

L I T E R Æ O R D I N V M.

D O M I N I. Accepimus literas vestras, tam eas quas tertio, quàm eas quas x i. huius mensis scripsistis : ex quibus cum intellexerimus inducias, per vos nostro nomine petitas, recusatas esse, nō possumus non id ægerrimè ferre : quandoquidem eæ medium dedissent, facilius ad pacem perueniendi, & per earum recusationem, quam dudū acerbiter incola Belgij ob belli continuationem animo conceperunt, ea nullo modo poterit sopiri : quoniam hæc denegatio videtur satis apertè declarare, quòd in hoc pacis negotio non procedatur bona fide vel seriò ; & quòd Rex Hispaniarum non admodum proclivis sit ad commodum, quietem, & tranquillitatem harum ditionum : tamen in exonerationem nostri coram vniuerso mundo, ad singulas prouincias misimus puncta & articulos, præfatam pacem concernentes, super quibus expectamus hīc resolutionem earundem prouinciarum. Datæ Antwerpia x x i i i. Augusti, anno M. D. LXXIX.

*Ex lingua
Gallica in
Latinam
translata.*

S C R I P T V M.

*Reuerendissimi, Illustrissimi, Generose, Nobilis
S. Cæs. Maieſt. Commissarij.*

I L L V S T R I S S I M V S Dux Arschotanus, & nos reliqui Ordinum Legati, cum facilè coniiciamus Cels^{bus} & Dign^{is}. V^{is} non nihil eam moram, quæ nunc ab Ordinibus, post exhibitas vltimas pacis condiciones, interponitur, grauem & molestam esse ; omittere nullo modo potuimus, quin iisdē Cels^{is} & Dig. V. exemplum earum literarū, quas hesternò die accepimus, communicemus ; vt ex iis causam istius moræ cognoscant & perspiciant.

R E S O L V T I O quidem à Statibus singularum prouinciarum de die in diem super iis expectatur : sed postquam prima nostra petitio de induciis à Duce de Terranova denegata nobis fuerit, quid inde euenturum Ordines metuant, non obscure literæ eorum indicant.

Z 2

Q V I D

QUID ergo erit, ubi responsum Ducis de Terranova ad secundam nostram petitionem de iisdem induciis acceperint & perlegerint? cum in eo nihil ferè sit, si penitiùs consideretur, quod non plus ad irritandos, quàm ad leniendos & conciliandos eos faciat.

NARRATIVR quidem de propensione quam Excell. eius ad inducias ab initio habeat, sed tamen res ipsa ostendit, cum toties eas petierimus, graueſque causas attulerimus, cur illæ concedi debuerint, nihil nos vnquam, imò ne tum quidem, cum exercitus Regius nulli rei, quàm vexadis & depopulandis agris intentus eſſet, impetrare potuimus.

SPES pacis satis superque calamitates subditorum ostendunt; quid enim iis posset eſſe gratius, vel magis neceſſarium? eandem spem pacis maior pars populi, qui Catholici Romani sunt, declarant: multæ ciuitates, multi nobiles ad eam ineundam paratos se offerunt: idem suis literis Ordines, & nos eorum nomine ſæpiùs ſignificauimus. Solum medium iſtud peti- tum eſt, quo ſolet ſuper pacis condicionibus agi, ſed in hunc uſq. diem recuſatur. Quid putamus ſubditos cogitatu- ros? hoc nimirum, quòd ex literis, hîc exhibitis, Celſi. & Dign. V. per- cipient, deinde eſſe aliquos qui exiſtiment Ser. Regi ex no- ſtris diſcordiis & mutuis lanienis plus boni, quàm ex concor- dia & pace nobis data prouenturum.

UTCVNQVE ſit, uberrimâ ſpem præbere ſe, & præbuiſſe haſtenus ad pacem dicimus, ſed deeſſe tempus & locum: item deeſſe quietem & tranquillitatem, quæ in tam magna rerum confuſione, tam vehementi animorum alienatione & perturbatione, ad rem tantam opus eſt: ita qui rectè & Regi & ſubditis conſultum volunt, non inducias vnius aut alterius menſis, vt nos petimus, ſed potiùs totius anni ſuadere & indulgere debebant.

NEQVE id ſub ea condicione, qua ſoli Ordines ſuas ciui- tates præſidiariis militibus exonerarent, quæ paucæ numero ſunt: pleræque enim prouinciæ & ciuitates nullum militem habent, ſed qua Hiſpani & Malè-contenti ad paria facienda ſimul teneantur & obſtringantur.

N V N C

N V N e verò cum requiratur ex nostra parte id solum fieri, præterea cum eo casu primum, hoc est liberatis ciuitatibus nostris præfidiariis militibus, de condicionibus, sub quibus induciæ constituendæ erunt, agere incipiemus. quàm alienum hoc ab omni pacis studio subditis videbitur, nemo prudens est qui non intelligat. Quod ad nos attinet, seriò dicimus vehementer nos dolere eiusmodi mediis proponendis viam ad pacem impediri.

Q V I N E T I A M summoperè miramur, vbique Mandati mentionem fieri, quasi per insufficientiam illius impedimentum aliquod vel induciis vel paci obiciatur, ex subditis tamen erunt, qui sub eius prætextu aliud aliquid quæri existimabunt: nos verò arbitramur frustra difficultatem de eo fieri, nam habet omnia sua substantialia, quæ habere debet, nec quicquam relatio, in eo facta ad Instructionem nostram, ad rem pertinet, quia iam antè non semel, sed aliquoties declarauimus, nos non aliam habere Instructionem, quàm quæ articulis à nobis exhibitis continetur; quod etiam ostendere & docere tum parati fuimus, & incontinenti etiam nunc ostendere & docere parati sumus. addidimus quoque si necesse est, & negotium eò deductum fuerit, nos effecturos, vt singulæ prouinciæ, quæ per nos hîc acta sunt, grata & rata habeant. Id etiam Cels. & Dig. V. hucusque cognouerunt ex literis Ordinum, per nos exhibitis, & cognoscent, si vel articulos, iam antè exhibitos, Ordines approbauerint, vel quid vltèrius conuentum vel concessum fuerit. Postquam Illustrissimus Dux, & nos putauimus expedire, vt exemplum literarum, quas diximus hesternò die nos recepisse, Cels. & Dig. V. exhiberemus, simul visum nobis fuit, reliqua ista adiicere, quæ vt æquis animis eadem Cels. & Dig. V. accipiant, amicè, humillimè, humiliter & officiosè postulamus. Actum Colonia xxix. Augusti M. D. LXXIX.

I. Septembris aliqui Consiliarij à Dominis Commissariis ad legatos Ordinum missi, requirunt ab iis visionem originalium literarum, quarum exemplum postremò exhibuissent. Illi animaduersa causa istius visionis, vnà cum earum literarum

rum traditione, rogant ne Celsi. & Dign. eorum offendantur verbis illis; *Bona fide & serio* &c. quibus Ordines in iisdem literis vtuntur; non enim respectu Dominorum Commissariorum, sed aduersariorum suorum dicta esse. Cum replicaret Consiliarij illi indefinite verba ista poni, ex sequentibus Legati ostendunt alium intellectum eorum verborum esse non posse; urgentes deinde vt eam declarationem in scriptis faceret, rogant vt quod ore proposuissent, ore etiam sibi responderi paterentur, non esse suum scriptum, sed tamen non aliter se verba illa, quam prout ostendissent, intelligere.

XI. Septemb. cum Legati Ordinum literas ab Archiduce & Ordinibus accepissent, illas literas ex causis, quæ sequenti scripto exponuntur, Dominis Commissariis altero die exhibuerunt.

SCRIPTVM.

*Reuerendissimi, Illustrissimi, Generose, Nobilis,
Sacrae Cæs. Maiestatis Commissarij.*

CELSITVDINES & Dign. V. Illustrissimus Dux Archotanus, & nos reliqui Ordinum legati, amico & submissis animis celare non possumus, nos hesterno die binas literas, eiusdem ferè argumenti, vnas à Seren. Archiduce Austriae Mathia, Gubernatore & Capitaneo nostro generali, alteras ab Ordinibus accepisse: in quibus præter causas, quas repetunt, iam antè quoque excusatae moræ, vnà etiam statum consultationis, quæ super Pacificationis articulis per singulas prouincias haberi debeat, exponunt.

NULLA quidem prouincia est, nullus subditus, qui non ex toto animo reconciliationem cum Seren. Rege, Principe & Domino nostro naturali, inire desideret; nullus, qui non pacem publicè & priuatim persequendam esse existimet: sed talia dicta & facta nostrorum aduersariorum referunt, quæ iisdem prouinciis & subditis non solum impedimentum ad eam præstent, sed simul etiam alia studia in animis eorum excitent,

itent, quæ magis ad arma defendendi sui gratia, quàm ad pacem spectare videntur.

S E D hæc malumus ex allegatis literis (quarum exempla hic exhibemus) quàm ex nostro sermone cognosci & audiri: hoc vnum tantum addere nos oportet, cum ex iisdem literis Celsi. & Dign. V. simul perspicient, prædictos articulos Pacificationis, non ita Ordines approbaturus esse; nobisque inungant, ut alia media, quæ apud utramque partem ad effectum perducere queant, postulemus.

P R O P T E R E A easdem Celsi. & Dign. V. obnixissimè ro-
atas volumus, ut, si fieri possit, præueniendo, antequam scilicet resolutio per Status singularum prouinciarum fiat, eaque
ue transmittatur (ita enim multis obstaculis & impedimen-
s obuiam ibitur, quæ postea non tam faciliè remoueri pote-
ant) huiusmodi media proponere nobis dignetur, † quæ sub-
ditis plenam securitatem maioremque libertatem, quàm quæ
dhuc concessa est, animis & conscientijs eorum adferat, cir-
ca quæ duo difficultas omnis versatur.

ANNO T A T.

† *Ad verb. Quæ subditis plenam securitatem.*] *Ioh. Bodinus de Repub. lib. 1. c. 8. Inter omnes conuentiones quæ fiunt inter Principes, non est vlla quæ maiori securitate opus habet, atque est ea quæ fit cum subdito, qui contra principem suum coniurauit: hoc casu eius sum sententia, ut conuētio fiat cum principibus vicinis, qui subditorum patrocinium suscipiant, vel alias patria cedant. Nam nihil est quod magis animis principum aduersetur, quàm scisci cum suis subditis per vim, iis quæ seruare fidem. Exempla apud eum vide.*

*Auctor Commentariorum De regno: Verum ne illud quidem, inquit, satis est, si Princeps sedulo incumbat ut pacem restituat patriæ; quippe facta re-
iosè seruanda est: nisi fortè pace insidiosa tanquam reti uti volumus, quo in-
utos & securos capiamus. Sed qui in ea sententia sunt, ne illi venerabile fi-
ei nomen haud magni pendent. Nunc ut pax firmè & constanter seruetur,
tilem & commodam ius esse oportet, quibus cum facta est, ut eam non tan-
em libenter, sed studiosè etiam colant. Duram & perniciosum cordati viri
intius ferre non possunt.*

I N quibus etiam optamus, ut Celsi. & Dign. V. non tam
d ea, quæ in suis vel aliis ditionibus, pacto & lege conuenta
& statuta

Non potest esse
uniformis &
simplex lex om-
nibus peraque re-
bus publicis, sed
variae leges pro
variis locis, per-
sonarum, tempo-
rum circumstan-
tiis variae sunt ac-
commodatae. Pla-
to lib. 1. de leg.

& statuta sunt, respiciant, sed quæ expedit nunc propter præ-
sentes necessitates in ditionibus nostris conueniri, & statui-
non enim omnium pactorum & legum eadem causa & occa-
sio est, nec par ratio & necessitas est in omnibus locis. Sed &
negotium istud per se tale est, in quo nemo aberrare aut pec-
care potest, qui alterius commiseretur, vel indulgendo, &
permittendo quid, patientiam cum eo habeat. Dictum & ex-
hibitum Coloniae xii. Septemb. Anno M. D. LXXIX.

ANNOTAT.

† Ad verb. Patientiam cum eo habeat] Hilarius libro ad Constantinum
Augustum: Deus cognitionem sui docuit potius quam exegit: & operatio-
num celestium admiratione, præceptis suis concilians auctoritatem, coactam
confitendi se aspernatus est voluntatem: Si ad fidem veram istiusmodi vis
adhiberetur, episcopalis doctrina obuiam pergeret, diceretque: Deus vniver-
sitaris est, obsequio non eget necessario, non requirit coactam confessionem. Non
fallendus est, sed promerendus: nostra potius, non sua causa venerandus est.
Non possum nisi volentem recipere, nisi orantem audire, nisi profitemem signa-
re: simplicitate quærendus est, confessione discendus est, charitate amandus
est, timore venerandus est, voluntatis probitate retinendus est. At verò quid
istud? quod sacerdotes timere Deum vinculis coguntur, pœnis iubentur, car-
ceribus continentur, plebs in custodiam catenati ordinis constricta disponitur,
virgines nudantur ad pœnam, sacra Deo corpora publico exposita conspe-
ctur, ad fructum spectaculi & quæstionis aptantur.

Augustinus contra Epist. Fund. Illi in vos seuiant, qui nesciunt cum quo
labore verum inueniatur, & quàm difficile caueantur errores. Illi in vos se-
uiant, qui nesciunt quàm rarum & arduum sit carnalia phantasmata pia-
mentis serenitate superare. Illi in vos seuiant, qui nesciunt quanta difficul-
tate sanetur oculus interioris hominis, ut possit intueri solem suum: non istum,
quem vos colitis celesti corpore, oculis carneis & hominum & pecorum ful-
gentem atque radiantem, sed illum de quo scriptum est per prophetam: Ortus
est mihi sol iustitiae: & de quo dictum est in Euangelio; Erat lumen verum,
quod illuminat omnem hominem venientem in hunc mundum. Illi in vos se-
uiant, qui nesciunt quibus suspiriis & gemitibus fiat, ut ex quantulacumque
parte possit intelligi Deus: postremo illi in vos seuiant, qui nullo tali errore
decepti sunt, qualis vos deceptos vident.

LITERÆ

LITERÆ ARCHIDVCIS.

283

Cognato meo Duci Arschotano, Principi Chimaici, Comiti Bellomontij, Marchioni Rentiaci, &c. Equiti Ordinis aurei velleris, ac aliis Dominis Belgij Legatis, Colonia. *Ex Gallica lingua in Latinam translata.*

COGNATE & Domini. Perquam graue nobis fuit, ex literis, xxvj. diei superioris mensis, tam ad nos quàm Ordines generales scriptis, intelligere Ducem Terranouanum nolle in aliquas inducias consentire, saltem sub æquis conditionibus: id quod augebit opinionem, quam pleræque præcipuæ provinciæ & ciuitates conceperunt, hanc scilicet tractationem pacis non haberi, nisi vt interea temporis procurètur diuulsiones & dissensiones inter provincias & ciuitates, quò tãto faciliùs utræq. possint supplàtari, prout ipso facto fieri cernitur. Quà ad rem etià facere videntur literæ dicti Ducis Terranouani, ad singulas provincias, atq. adeò ad præcipuas ciuitates, vnà cum articulis, per Dominos Electores vltimò propositis, missæ, comites earum literarũ quas iidẽ Domini Electores scripserunt: Veruntamen cũ provinciæ & ciuitates, quæ hætenus constantes persisterunt, satis intellexerint aduersariorum stratagemata, & actus: non credimus eas in posterũ ob huiusmodi illecebras vacillaturas, quin potius inde occasione accipiant, sui stabiliendi, arctiusq. simul coniungendi, quò tanto meliùs hostiũ insidiis possint resistere. Videmus sanè exiguam admodũ spem affulgere, quòd ex hac cum Terranouano tractatione possit aliqua bona & secura pax obtineri, nisi Imper. Maieft. ac Domini Electores, interponentes suam auctoritatem, vberius concedant, proponantq. condiciones æquiores, & quæ praticari possint in iis districtibus vbi occasione turbarum (quia hæc pax tamdiu protracta est,) negotiũ religionis magis magisque accreuit: quod est vnicum remedium citius perueniendi ad optatũ scopum. Siquidem facilè potestis considerare, quòd expectare resolutiones vniuscuiusq. provinciæ, singulorumq. membrorum eius, easdemq. postea cõmunibus suffragiis conciliare & concordare, res erit admodũ difficilis, propter diuersitatem ingeniorum & opinionum. Ne quid di-

a

cam,

cam, quod in longum protrahetur, quod potestis expone
illis, quibus pro rei utilitate videbitur convenire. In reliquis
referimus nos ad ea quæ ex literis Ordinum intelligetis. in
terea mi cognate & domini mei, Deum precamur, ut vos sua
protectione dignetur. Antwerpiae 1111. die Septembrii
M. D. LXXIX.

Tuus cognatus & amicus

Matthias.

J. van Asseliers

LITERÆ ORDINVM.

*Ex lingua
Gallica in
Latinam
versa.*

Dominis, Domino Duci Arschotano, Principi Chimaici ac
Porciani, Comiti Bellomontij, Equiti Ordinis aurei vel-
leris: Reuerendis in Christo patribus Abbatibus S. Ger-
trudis & Maroliensi, aliisque Dominis Legatis Ordini
um generalium Belgij, Colonia.

DOMINI. Accepimus literas vestras XI. & XXVI. Au-
gusti, vnâ cum exemplo literarum, quas domini Com-
missarij, tam nobis quàm Statibus particularium prouincia-
rum, scripserunt, ac responsione Ducis Terranouani, super
indutiis & armorum suspensione, &c. ac dolet nobis, quod, non
obstante summa diligentia ac seriis postulationibus vestris,
idem Dux Terranouanus noluit acquiescere iisdem indutiis,
nisi sub condicionibus iniquis, & quæ solum maiorem mate-
riam & occasionem præbent augendi dissensiones intestinas,
quo solum spectant, ut veremur præsentationes & moræ Hi-
spanorum, præsertim cum indies detegatur, tum ex epistolis
interceptis, tum ex iis quæ ad nos perferuntur ex regionibus
peregrinis & confessionibus captiuorum, Hispanorum men-
tem nullo modo esse, ex his regionibus abire, sed solum id si-
mulare, ut eo facilius promoucant dissensiones intestinas, &
imponant imprudentioribus, quemadmodum quotidie mul-
tis in locis contingere videmus: vnde alij occasione accipiunt
maioris diffidentiae, & procurandæ suæ defensionis. Videt enim
tracta-

Status Principis Parmensis cum Artesiensibus & Hanno-
 ensibus, ac Ducis Terranouani nobiscū inter se differre: quę
 uersitas & separatio facit, vt haftenus nō potuerit haberi re-
 sponso, aut deliberatio prouinciarū particulariū, super scripto
 per Illust. dominū Archiducem Matthiam, nec super articulis
 per dominos Commissarios propositis, sine qua impossibile est
 vobis finalem resolutionem capere, ac cōmuni nomine vobis
 aliquā mutationē seu moderationem dictōrū articulorū mit-
 tere, idq. etiam post termini expirationē, & in praiudicium ac-
 celeretiam (vt aliās scripsimus) eorū, cū quibus tractauimus.
 Ab hinc tamē quinq. aut sex dies iterū scripsimus particulari-
 bus prouinciis, neq. desistemus sedulō iterum eis mandare, vt
 sua suffragia ac resolutiones accelerēt. Ceterū vti hīc aliquid
 morę metuimus, præsertim in hoc rerū statu, & quod suffra-
 gia prouinciarū particularium futura sint tam diuersa, vt ægrē
 poterint conciliari, vehementer equidē optassemus, ad vitan-
 das moras & longiores dilationes, admodum perniciosas, tum
 Regiæ Maiest. tū quieti publicæ, vt Cæs. Maiestas ac Domini
 Commissarij dignati fuissent interponere suam auctoritatē,
 & pro magnitudine vulneris, ac ad præcidendum progressum
 confidentiæ, quæ indies crescit in animis subditorū, plena qua-
 dam mensura procedere, ac talem moderationē proponere,
 quę practicatu ac factu possibilis sit, sine discrimine & pericu-
 lo omnium prouinciarū, & cuius medio vnusquisq. possit esse
 securus & tranquillus. Id quod etiā poteritis exponere præfa-
 tis Dominis Commissariis: nos cū primū noua acceperi-
 mus à particularibus prouinciis, eorū vos certiores faciemus:
 interea cupimus, vt in negotio principali conformetis vos iu-
 xa præcedētes nostras literas. Intra triduum vel quatrimum
 tū Duci Terranouano, quā Commissariis Cæsareis mitte-
 mus responsum ad illorū scriptum. His, Domini, Deum roga-
 mus, post officiosam nostri commendationem, vt vos diu ac
 feliciter conseruet. Antuerpiæ v. i. Septemb. M. D. LXXIX.

Vobis beneuolē addicti amici Ordines generales Belgij.

Mandato dictorum Ordinum

I. Houfflin.

a 2

XV. Sc

XV. Septemb. legatis Ordinum per quosdam Consiliarios indicatum fuit, Dominis Commissariis non consultum videri, antequam resolutione Ordinum super prioribus mediis acceperent, ad alia media progredi: Cui responso, cum nihil ipsis præter opinionem suam accidisset, acquieuerunt.

XIX. Septemb. Legati Ordinum literas à Statibus Brabantiae acceperunt, quibus binæ subiunctæ literæ, vnæ ad Dominos Commissarios, alteræ ad Ducem de Terranova datæ, inclusæ erant, quas incontinenti ad illos transmiserunt.

LITERÆ AD DOMINOS
COMMISSARIOS.

*Reuerendissimi, Illustrissimi, Generose, Nobilis
Sac. Cæs. Maiest. Commissarij.*

EFFICIT diuturni huius belli calamitas, ac totius agri Brabantici vastatio, qua à Duce suo Rege Hispaniarum, seu eius per Belgium præfectis, nimis iniquè premitur, vt non solum pacis condiciones propositæ, sed etiam ipsa pacis cogitatio gratissima nobis sit, mireque animos subditorum recreet: tum verò summæ esset ingratitude ac inhumanitatis, operam, quam hac in re tanti Principes amplissimi que viri ditionibus istis hætenus præstiterint, leuem existimare, nos certè eam semper fecimus maximi, atque eo nomine Cels. & Dig. V. summas gratias agimus, obnixèque rogamus, vt rem tanti momenti aliqua ex parte bene inceptam, felicius perficiant neu deferant. Sed cum salus istarum prouinciarum inferioris Germaniæ ad Sac. Cæs. Maiest. ac Cels. & Dign. V. & utilitatem subditorum suorum magnoperè pertineat, animum inducant, dignenturque (quod ordinem suum atque splendorem deceat) causas proprias nonnihil seponere, & quoad eius sine periculo & graui incommodo fieri poterit, negligere, quò celeberrimæ huius Reipub. composita pristinoque nitori restituta, beneficium apud Deum Opt. Max. laudem verò

immor-

in mortalem vbiuis terrarum referant. Dolemus profectò negotium hoc tantam moram secum trahere: sed quorsum ar-
 nuuit Ducem de Terranova populum, qui beneuolentia &
 equabilitate Principum suorum, seu Ducum, seu Comitum,
 seu Dominorum retineri consueuerit, tamdiu tam illiberali-
 ter, durisque, nec vlla ratione accommodatis condicionibus
 listinere? nisi id studio habuerit, vt statim omnium animos
 in ipso limine ab hac Pacificatione redderet alienos, intelli-
 gentque nihil se ex Regis clementia sperare debere, quod non
 elut mercatu licitando extorqueatur, non concedendum, si
 enegando sine proprio detrimento queat auferri. Quemad-
 modum etiam cum vniuersa plebe nos ipsi satis mirari non
 ossumus, illi Pacis huius negotium adeò non esse cordi, vt
 in paciscendis induciis ne tantillum quidem auctoritati Im-
 peratoriæ, ac Celsis. & Dignitatum vestrarum (quarum hæ-
 arbitrij partes erant,) censuerit deferendum: nimirum vt in-
 rudescente bello, multitudinem armorum strepitu impedi-
 am, frementemque, ab omni spe pacis reuocaret, ac nequic-
 quam eo etiam magis impelleret, quos ea ratione ad tranquil-
 tatem componi potius, quàm vel intestinis dissidiis, quæ in
 desperationem plerosque adigunt, aut vi ac furore Hispano-
 um, quem iamdudum etiam mortis periculo contemnere di-
 cicerunt, deterri: Tum verò in ipsis pacis condicionibus a-
 edò ægris animis, morbi que vim quotidie alentibus, parum
 præsidij est, siue ad securitatem publicam ex proposita guber-
 nationis ratione, siue ad vitæ commoditatem ex moribus &
 præfinita religionis obseruatione respicias, vt difficile futurum
 sit, hîc varia multumque dissidentia hominum ingenia atque
 studia, in vnâ sententiam opinionemque adducere, & vbi-
 que inter se consentientia reddere. Quanquam autem hæc
 omnia magni ponderis, multa que alia sint, quæ ad concilian-
 dam hanc pacem momenti plurimum habeant: annitimur
 tamen, quantum in nobis erit, & præsens rerum status patitur,
 vt negotium hoc quàm citissimè promoueatur, vtque Comi-
 tiis Ordinum Ducatus Brabantia pleraque sic temperentur,
 quò Imper. Maiest. ac Celsis. & Dig. V. toti que orbi Christiano

manifestum fiat, nos saluti, tranquillitati & vtilitati publicae
omnia, nihil verò priuatis affectibus tribuisse; cognoscatque
Rex Catholicus, Brabantiae Dux & Princeps noster, nos non
minus suae Maiest. quàm omnibus retrò Ducibus ac dominis
nostris clementissimis subditos deuotosque manere: praefer-
tim cum haecenus nihil ab Ordinum Legatis isthic postula-
tum sit, vel ad populi libertatem ac securitatem, vel ad Regis
auctoritatem omnemque politiam, quod non (quantum ad
ducatum Brabantiae attinet) ex priuilegiis iureque patrio, atque
etiam pactis, conuentis & quidem iurato debeatur. Porro
Celsi. & Dign. V. humiliter, humillimè officiosèque precamur,
vt interea Ducem de Nouaterra sic mitigare velint (si Cels.
Maiestatis desit auctoritas) vt aliam, quam haecenus fecit, pa-
cis, hisce ditionibus (quae eorum commercia officiorumque
commutatio & cum aliis vicinitas est) conficiendae rationem
ineat, ingeniisque ac moribus incolarum nonnihil concedat,
nec ad accuratam rigidamque & summam Hispanici mode-
raminis regulam (cum ita non cōsueuerint) omnia metiatur:
ita futurum est, vt huic Reipub. pristina redeat tranquillitas,
eaque diuturna, quam perpetuò Sac. Cels. Maiest. ac Celsi. &
Dign. V. summa cum gratitudine animorumque propensione,
obseruantia & obsequio acceptam feremus, post Deum Opt.
Max. qui eam nobis pro immensa sua bonitate ac gratia lar-
giatur, atque Celsi. & Dign. V. in multos annos seruet incolu-
mes. Antuerpiae sext. Id. Septemb. M. D. LXXIX.

Celsi. & Dign. V.

Addictissimi

*Ordinum Ducatus Brabantiae deputati, nunc
Antuerpiae congregati.*

Mandato praedictorum dominorum

Signat.

And. Hessel.

LITE

LITERÆ AD DVCEM
DE TERRANOVA.

*Illustrissimo Domino, Domino Duci Terranova-
no & c. Regis Catholici Legato, Colonia.*

*Ex lingua
Gallica in
Latinam
translata.*

GRATISSIMÆ nobis fuerunt eę literę, Illustrissime Do-
mine, quas nobis dignatus es xiiij. Augusti scribere, quo-
iam nos adhortantur ad pacem tam optatam perficiendā, ad
quam & vt possimus hos Ordines cum Rege nostro Princi-
pe & domino videre reconciliatos, non sumus minus proni,
quā ab omni æuo insignia gestauimus singularis fidei erga
omnes Duces Brabantię, ipsius antecessores, Dominos nostros
lementissimos, qui etiam illā in nobis fidem, amore quodam
& beneuolentia paterna, agnouerunt, donec eorum absentia
mercenariis ministris dedit commoditatē & facultatē alendi
inter nos sinistras suspiciones, dissidia, odiū & rigorem, contra
ira & priuilegia patrię. vnde ab omni tēpore in republ. orta
sunt multa incōuenientia & ataxię curatu perquā difficiles,
& quę vix diuertere possunt, vbi tēpestas clauo vim adferre in-
cipit, adeo vt non sit opus nos admodū monere & inclinare ad
pacem: siquidem omnibus mediis possibilibus adnisi sumus,
tam consequi & promouere, simul etiā calamitates populares
atque indicant, nō ex voluptate hoc bellū geri, modō articuli &
cōditiones propositę tales essent, vti tua Excell.^a eas suis literis
acit; quippe quę possint idoneam satisfactionem & securita-
tem vnique pręstare: Quin potius propter diuersitatē ani-
morum, quę est inter incolas huius regionis, & qui indies ma-
gis ac magis exasperantur, vehementer veremur eas pro tali-
bus non habitum iri suffragiis nostrorum Statuum & mem-
ororum, quę quanta fieri potest diligentia promouere stude-
mus, vt referantur ad Comitia Ordinum generalium, conferan-
tur cum suffragiis aliarū prouinciarum, & procuretur bona &
equabilis resolutio, quę Dominis Principibus Electoribus, ac
aliis Commissariis Cæs. Maiest. transmittatur. Interea obnixē
& humiliter tuā Excell. rogatam volumus, vt dignetur dictos
articulos ita tēperare & moderari, quō incolę possint certō sibi
persua-

*Plutarchus
in Cesare:
Triumphus
ex patria ca-
lamitatibus
& ciuili san-
guine partis,
fatus & a-
cerbus est.*

persuadere, & animaduerrere, tibi non minùs commendatam
& cordi esse pacem securam & diuturnam, ad ipsorum quie-
tem & patriæ prosperitatem stabilire, quàm solam absolutam
auctoritatem Regiam promouere, & cõciliis, magistratibus ac
muneribus adhibere eos, quos arbitrantur offensos esse pro-
pter mutationes exortas, & qui propterea etiam vindicta &
vltione pleni sunt. Profectò Domine hac in parte summa est
diffidentia: proinde dignetur V. Excell. nobis credere, verum
ac vnicum Regiæ Maiest. seruitium & obsequium in eo resi-
dere, vt benignitas & clementia ipsius dispensetur, pro modo
profunditatis huius vulneris, neque quis sibi polliceatur victo-
rias & trophæa ex dissidiis intestinis, quæ inter nos practican-
tur, quæ multis mutationibus obnoxia sunt. Nullum priua-
tum interesse est, quod aliquis nostrum habere possit, nec mi-
nima intentio retrocedendi vel difficultatem iniiciendi huic
tractationi, quæ nos incitat ad hæc dicenda, verùm singularis
affectus ad eam promouendam, vt quæ res in eum statum ve-
niat, quò ambæ partes sibi mutuo possint occurrere, & fœde-
re iungi. Nouit Deus Opt. Max. quem rogamus vt id sua
gratia nobis largiatur, tuæque Excell. opus tam sanctum do-
net perficere, fausta & longa vita comite, vnà cum laude &
gloria immortalis, qua ipsum afficient omnes harum tam mi-
serè afflictarum prouinciarum incolæ: quemadmodum etiam
nos, quantum in nobis erit, perpetuò tibi beneuolè & humi-
liter deuinctissimi manebimus. Antuerpia v i i. Septemb.
M. D. LXXIX.

*Tua Excellentie officiosè addicti clientes
deputati, & alij Statuum Brabantie,
Antuerpiæ congregati.*

Mandato dictorum Dominorum

And. Hessels.

XXIIII

XXIIII. Septemb. Legati Ordinum ad concilium vocati sunt, vbi Domini Commissarij per Cancellariū Treuerensem breuiter repeti & exponi illis faciunt, cum commemoratione operæ & diligentia, quam negotio isti adhibuissent, ea quæ à tempore quo media exhibita erant, accidissent: quippe incontinenti se media ista, additis suis literis, ad Ordines generales & particulares, deinde ad præcipuas quasque ciuitates transmisisse, vt super iis iudicium & voluntatem suam declararent: cumque nullum responsum acciperent, secundò se ad eos scripsisse, præfixisseque illis tempus trium hebdomadarum, sed & eas quoque iamdiu finitas esse, nec tamen certam resolutionem ab vlla se prouincia vel ciuitate accepisse, nisi à sola ciuitate Buschoducensi, quæ media ista approbasset, ex aliis quasdam prouincias & ciuitates ad literas istas respondisse, sed quæ magis excusationem moræ, quàm explicationem iudicij & voluntatis suæ super mediis istis continerent, illam verò suam resolutionem ad Ordines generales reiecisse: Vltimò missas ad se esse literas à Statibus Brabantia, ex quibus facile animaduertunt, media ista in eum modum quo proposita sint, non magnopere ipsis grata & accepta esse: quorum iudicium apud alias prouincias magnum momentum habiturum existimabant, ac propterea talem resolutionem non futuram qualem expectarent, longioremque moram intercessuram, quam res suæ ferre possint; sed & pestem incipere hinc grassari, quæ iam quorundam ex se familias inuasisset, cuius occasione sola abire tandem cogentur: negotium tamen per se tale esse, ad quod facile resolutio fieri possit, quippe quod ipsorum proprium sit, domesticum & internum, non alienum: rogare ergo Legatos, an non responsum aliquod ab Ordinibus ipsi accepissent, vel quando illud expectarent; addentes se adhuc breuem iis terminum præfigere velle, intra quem nisi resolutio Ordinum adueniret, se de abitu cogitatueros.

Ad quod legati respondent, præmissa solita gratiarum actione, moram istam non solum Celsi. & Dign. eorum, sed & ipsis grauem esse: causas tamen istius moræ iam antè se explicasse; fuisse etiam in Geldria literas istas interceptas, quibus

b

media

media ista inclusa erant, propterea serius etiam ibi comitia indicta esse: idem fortè accidisse in aliis prouinciis: ac licet intellexerint, multas prouincias suum iudicium iam pridem super iis mediis interposuisse, generalem tamen resolutionem ab Ordinibus nullam fieri posse, nisi omnes prouinciæ suum iudicium super iis ad illos transmiserint: orabant ergo non tantum vt moram illam non ægrè ferrent, sed vnà etiam ne grauarentur tamdiu hîc permanere, donec resolutio ista ab Ordinibus fieret, atque huc transmitteretur, expectare se in dies illam, nec desinere suis literis monere & rogare Ordines, quo quamcitissimè expediatur. De nouo termino Ordinibus præfigendo, ipsorum gratiæ & arbitrio relinquebant, rogantes tamen vt terminum illum non nimis coarctarent, ne deliberatio præproperè facta, aliquid incommodi isti negotio adferret.

X X V I. Septemb. cum Legati Ordinum sub vesperam literas ab iisdem Ordinibus accepissent, quibus adiunctæ erant literæ ad Dominos Commissarios, & Ducem de Terranova datæ: has binas literas altero die, cum simul in cōcilio essent, vtrisque exhibuerunt, regantes vt eorum quæ in literis illis continerentur, rationem habere vellent; se enim in mandatis habere, vt præter instructionem suam, super iis quoque agerent & procederent.

L I T E R Æ O R D I N V M A D
S V O S L E G A T O S.

Dominis, Domino Duci Arschotano, Principi Chimaici & Portiani, Comiti Bellomonty &c. Equiti ordinis aurei velleris, Reuerendis in Christo patribus Abbatibus S. Gertrudis & Maroliensi, ac aliis dominis Legatis Ordinum generalium, Coloniae.

V E S T R A S, Domini, literas xiiij. huius mensis datas, cum scripto adiuncto accepimus, & ex iis intelleximus egregiam operam, quam isthic nauatis, eoq. nomine vobis gratiam habent.

*Ex lingua
Gallica in
Latinam
translata.*

habentes, etiam atque etiam à vobis petimus & contendimus, ut vestrae instructioni inherentes ac insistentes, vos comparetis ac omnia dirigatis, iuxta literas, quas non ita pridem scripsimus, tam Duci Terranouano, quam Dominis Principibus, Caesareis Commissariis, quae exempla his adiuncta sunt, vnà cum copia literarum nostro nomine Imperatori missarum, xx. Iulij M. D. LXXVII. quarum fit mentio in literis quas dictis Principibus mittimus. Interim valete in Domino, nosque vobis commendatissimos habete. Antuerpia x. Septemb. M. D. LXXIX.

*T. Excell. Pat. & DD. beneuolè & obsequiosè
addicti Ordines generales Belgij.*

Mandato dictorum Ordinum

J. Houfflin.

LITERÆ ORDINVM AD DOMINOS

NOS COMMISSARIOS.

Reuerendissimi, Illustrissimi, Generose, Nobiles, prudentes & Circumspecti.

QVOD ad literas Celsæ & Dignæ V. nondum responderimus, non nostra culpa, negligetia aut cessatione accidit; sed quia propter magnitudinem negotij, & prouinciarum diuersitatem, hætenus neque de formula certi mandati, prioribus literis requisiti, neq. in approbatione, contradictione aut moderationem propositorum articulorum (de quibus posterioribus literis Celsæ & Dignæ V. agitur) conuenire potuimus.

E TENIM quod ad Mandatum attinet, natura rei principalis talis est, ut antecederem partium disceptationem & communicationem exigeret, nec limitibus seu formula certi Mandati ab initio circumscribi aut concludi potuit, & liberum atq. absolutum Mandatum, in re tam graui, deputati destinati Coloniam, propter nimium onus atq. periculum, detrectassent accipere, uti

b 2

etiam

etiam in talibus prouinciarū causis, inter horrida bella fum-
mam rerū absque præparatione & referendi necessitate par-
ticularibus committi, nec ratio nec consuetudo patitur.

CUM QVE articuli, à vestris Celsi. & Dign. transmissi, om-
nes ex æquo respiciant, primo quoq. tempore eos omnibus &
singulis communicauimus, vt singulorū arbitrio & voluntate
intellecta, communi consensu de communi causa statueretur,
atque tam Duci de Terranova, delegato Maiest. Catholicæ,
quàm vestris Celsi. & Dign. aliquid certi responderetur: &
quamuis Princeps Parmensis, & pleriq. alij, in contemptū au-
thoritatis Cæsareæ, & vestri celeberrimi conuentus, non desti-
terint per particulares conuentiones moliri distractionē pro-
uinciarum, atq. subditos maioribus exagitare dissensionibus,
quæ nobis non leuem malè suspicandi causam, & occasionem
capiendi alia consilia præbuerunt, nihilominus tamen deside-
rio & enixo studio sinceræ pacis, quo tenemur, à cōstantia pro-
mouendi communē tranquillitatem publico fœdere non de-
fleximus, continuò instando vrgendoq. apud prouincias, vt su-
per dictis articulis quàm celerrimè deliberarent, atq. intentio-
nem suam significarent, ita vt in nobis nulla mora sit, sed rei
pondus, multitudo prouinciarum, naturalis opinionum varie-
tas, & contraria maleuolorum hominum studia, tarditatē in-
uexerint, quam V. Celsi. & Dign. re penitus inspecta, & ob
causas supradictas, non iniquo animo laturas confidimus.

INTERIM verò ex animo agnoscimus, & perpetua grati-
tudinis memoria celebramus, benignum atq. paternum affe-
ctum Cæs. Maiest. erga has calamitosas ditiones, & vestrarum
Celsi. & Dign. in pacandis illis præclaram diligētiam, studium
atque laborem, tametsi res malo quodam fato nondū in eum
statum perducta sit, quem ratio temporum & rerum postulat.
Maius enim, vt veremur, est malum, & altioribus radicibus
prouinciarum corporibus infixum, quàm vt remedia, in dictis
articulis comprehensa, curationi sufficiant, nisi Regia Maiest.
effuso benignitatis sinu, dignetur maiorem in subditos suos
exercere liberalitatem, & hætenus angustis exstillantia venis,
longiore progressu in magnos amnes extendere.

N A M

NAM vt cum bona venia vestrarum Celsi. & Dign. & sine præiudicio prouinciarum, è multis pauca attingamus, si iuxta nonū articulū omnes hactenus absentes, vel amoti ab officiis pristinum ordinem, statum ac dignitatem recuperent, atq. auctoritatem imperiūq. consequantur, quid reliquis expectandum est? quàm cum summa rerum omnium perturbatione vincula, proscriptiones, exilia & cædes, patefacta via Hispanis, odio ditionum adhuc flagrantibus, recuperandi eas quādo- cunque voluerint, administrantibus Rempub. eorum amicis, sociis & confœderatis, qui eorum beneficio restituti patriæ & dignitati pristinae, sine illis arbitrabuntur vitam sibi non satis securam fore, & huius periculi procliuiorem occasionem reddunt separata & particularia cum Hannoniensibus & Artesiensibus, in propriam eorum perniciem ac præiudicium, vicinarum prouinciarum subtiliter excogitata fœdera, & ad Hispanorum, si fortè (vt Græci à Troia) simulatè abire incipiant, voluntatem & obsequium conscribendi exercitus obligationes.

NEC NON XVI. & XVII. articulorū decreta de tradendis ilicò omnibus ciuitatibus, fortalitiis, armis & munitionibus Gubernatori generali, ex arbitrio Regis Catholici designando, quod superioribus annis in conuentu Bredensi soli Hollandi Zelandiq. recusarunt, & in fœdere Gandauensi expressè pro securitate sua contrarium stipulati sunt, & conueniunt, ita vt per articulum illum decimum septimum, cōtrapacem Gandauensem, Principi Aulico prærogatiua gubernationis adimatur, & Holladis, Zelandisque, ac Bommelèsibus, eorum confœderatis, imperetur ciuitatū, castrorum & munitionum (in quibus securitatem suam habent positam) restitutio, & insuper denegetur omnibus prouinciis in vniuersum ea securitas, sine qua Hollandi, Zelandiq. soli cum vicinis reconciliari noluerunt, & qua sublatâ, prouinciales, fragilitate solius iuramenti muniti, sese inimicis recenter reconciliatis committerent: quod humana fugit ratio, & natura abhorret.

ET ENIM compertum est, quàm parum in regnorum & principatuum causis iurisiurandi plerumq. habeatur ratio, &

quàm faciles sint dispensationes pontificiæ, maximè si Maieſt Imperij imminuta dicatur, aut iniuſtitia fœderis cum rebellibus ſubditis initi allegetur, aut color extirpandarum hæreſum prætedatur: cuius occasione ante annos aliquot vidimus Galliam pacatam, miſerabili ſtrage ſubitò conturbari, & cadaueribus occiſorum repleri.

Et quamuis Edicto perpetuo publicato Dominus Ioannes Auſtriacus pacem Gandauenſem confirmauerat, quid per ſecretas molitiones occupandorum caſtrorum & fortalitiſſimorum, nec non per clauſteſta conſilia cum Ducibus Germanorum militum conatus eſt, niſi pacem illam Gandauenſem abrumperet, & neglectis pactis publicis, liberum dominatū per omnes prouincias acquirere?

In quem finem etiam nunc ſpectare videtur frequens, & per multos articulos cum pacē Gandauenſi coniuncta commemoratio, dicti Edicti perpetui, quod ab Hollandis, Zelandisq; ab initio conſtanter apertèque repudiatum eſt, ab aliis ſine magna diſcuſſione incautè admiſſum fuit: vnde cauſa omnium calamitatum noſtrarum proceſſit, & fax ſequentium bellorum accenſa fuit, propter generalem & ſimplicem promiſſionem & obligationem de conſeruanda religione Catholica Romana, quæ illi Edicto inſerta fuit, & in vim cuius Ioannes Auſtriacus mox ab initio Ordines ad arma ſumenda religionis ergò impellere tentauit, & ipſe Rex ſuperſtruendo (cū omnes Ordines Baroni de Selles, Cōmiſſario Maieſt. Cathol. ſe offerrent paratos, ſecūdum terminos pacis Gandauenſis & religionis obſeruantiam & obedientiā ſuperioritatis exhibere) pacē illam Gandauēſem, tanquā infamem ac ſcandalis obnoxiam, reiecit atq; improbauit, reductiſq; Hiſpanis, aliſq; exteris, crudeliſſimū bellū redintegravit, vt abſolutum imperiū & religionis obſeruantia, qualis tēpore Caroli Quinti Imperatoris fuerat, reſtauraret, vt res ipſa oſtendit, & euidentius conſtat ex communicatione cum dicto Barone de Selles habita, cuiusq; inſtructione, & literis regiis, per eū allatis, quæ cum literis Ioannis Auſtriaci publicè impreſſæ, in omniū manibus verſantur: vnde prouinciales animaduertentes poſſeſſio-

essione & vsum pacis Gandauensis à Rege denegari, & apertò bello atq; incitatis diffidiis intestinis hoc agi, vt qui à Romana eligione declinauerant, & ad veterē morem ritumq; fidei, qui tempore Caroli Quinti fuerat, regredi nollent, vel expellerentur vel opprimerentur, derelictis cancellis dictæ pacis, quā retinere non licebat, in tantasturbas reciderunt, vt ad euitandam totius Reipub. subuersionem, necesse fuit vltius procedere, & primò per literas mutux securitatis, deinde per cōcordiam eligionis, aliaque pacta ciuium tranquillitati prospicere.

Ob quod magno odio digni sunt & detestabiles, qui provinciales aut Ordines inconstantia, & quodammodo periurijulpant, quòd admissio exercitio alterius religionis, intra terminos dictæ pacis Gandauensis non constiterint, cum Rex, Regij Duces & Consiliarij, prætextu dicti Edicti perpetui, & quarundam literarum (de quibus mox dicitur) prius pacem illam, tãquam infamem reiecerint, atq; vsum illius armis adinere, omniaque ad acerbitatē veteris inquisitionis renocarentauerint, sic vt Ordinibus, aut prouincialibus etiã, cum maxime vellent & optarent, cum quiete & tutela Ecclesiasticorum non licuerit dictæ pacis condicionibus adherere, vt vltiora, incōmoda atq; inconuenientia quæ acciderunt, declinare, propter contraria regionum Ducum atq; militum studia, deò vt (præter liberum arbitrium prouincialium, in mutando pacem illam quam inter se contraxerant) Regis Catholiciueritas, necessitas Reipub. & declinatio imminentium periculorū, quæ ex illato bello, & incitatis subditorū diffidiis, meuebantur, mutationē induxerint. quod meritò ad excusationē Ordinū valere debet. Nihil enim imputatur ei quē impetitorientior, aut cui noua causa superuenit, aut quoties publiceccessitas ad euitandas ciuiles dissensiones, & declinanda hostis exercitus pericula mutationē exigit: Nam Reip. quieti omes leges attemperandæ sunt, omnesq; dispositiones & cōuentiones intelliguntur rebus sic stantibus, & in eodē statu manētis. Illi enim solū fidem fallunt, & inconstantia crimē contrahūt, qui cum eadē moueant quæ erāt tēpore fidei datæ, nō cessat id de quo actū est, non etiam si mutatio supervenerit,

aut

aut aliquid inciderit quod impediat, maximè si (vt est in proposito) causa mutationis & impedimenti ab eo cum quo agitur, processerit, & præsens periculum tumultuum quod ex reuocatione illa pacis Gandauensis Regij sperabant, certissimè immineat.

Ex quibus causis etiam deducitur, quod de literis Ordinum ad Regē scriptis adducitur: Nam si fortè olim, ante pacem Gandauensem, particulares Ordines Regi Catholico per literas obtulerunt religionis statum tempore Caroli Quinti vigentem, id vniuersitati prouinciarum non præiudicat, & sequens pacis Gandauensis interpositio atque omnium rerum mutatio efficit, ne subditi, tam ingentibus malis circumuenti, tot bellis aliisque casibus vexati, nunc ex interuallo angustiis talium literarum, quarum executionem & obseruationem temporis ratio prorsus constituit impossibilem, coarctari possint aut debeant.

P. O. S. T. verò pacem Gandauensem quicquid prætendatur in contrarium, non putamus aliquas reperiri literas, communi Ordinum consensu scriptas, quæ rectè expēsæ, terminos dictæ pacis Gandauensis egrediantur, vt per Iustificationē Ordinum aduersus assertionem Ioannis Austriaci, publicis monumentis clarissimè demonstratum est. quinetiam si deputati Ordinum post pacem Gandauensem liberalius, aut Imperatori, aut Regi scripsissent, per hoc tamen non subuerteretur publicum fœdus Gandauense, absque speciali cōsensu singularum prouinciarū, à quibus illud solenniter probatum & acceptatū fuit, nec impedirentur Ordines, post atrox bellum sibi à Rege illatum, & diu continuatum, tumultusq. inde secutos, à prioribus consiliis discedere, atq. ad alia confugere, quæ necessitati vel utilitati Reipub. conueniunt, & ad ciuium cōcordiam retinendam requiruntur; vti anno iam elapso & amplius, metu instantis mutationis, apud Cæsare protestati sumus, in solenni illa & per Ordinum concordiam approbata respōsione, quam Maiest. suæ Imper. transmisimus, per aulicum suum Consiliarium Baronem de Stubing, cuius exemplum his adiunximus, & quæ in tanta rerum mutatione præponderare debet antec.

antecedentibus epistolis, quarū causa in hoc rerum statu variationem accepit, & cum Regia Maieſt. adeo fixo iudicio pacem Gandauensem ſemel improbauerit, & tantis bellorum ſumptibus haecenus eradicare tentauerit, iuſtam dubitationē habemus de blandimētis, quæ ſpecie dictæ pacis nobilitati & populo ſiunt, verentes ne inter tot ſtipata exterorum agmina hoc ſolū agatur, vt per captionē populi incitatis maioribus diſſenſionibus inſidiæ ex æquo parentur omnibus.

N A M ſi Rex pacem illam, rebus prouinciarū meliori loco conſtitutis, improbauit, quis credet poſt tot calamitates ditionibus illatas, & tantos belli ſumptus factos, Regem ex animo pacem illam Gandauensem nunc ex interuallo probabilem iudicare, & ſubditis ſeriō offerre?

E T contraria argumenta manifeſtè ſuppeditant dictorum articulorum inuoluta conceptio, & dictæ pacis derogatio, non ſolū circa auctoritatem Principis Auraici, & ſecuritatem Hollandorum & Zelandorum; verumetiam per Edicti perpetui accumulata obſervationem, & expreſſam præſcriptionem, quæ duobus articulis de Religione conceptis inferitur, per quam ſubditi reliquarum ditionum nō obſcurē anguſtioribus vinculis, quā priorum pactorum concluduntur, coarctanturque omnes, ſecundum prætenſam Edicti perpetui obligationem, ad profeſſionem & uſum fidei Romanæ, vt oſtendit effuſa diſpoſitio articulorum, & ſequens exceptio, qua pax Gandauensis reſpectu religionis ad ſolos Hollandos, Zelandosque ac Bommelenſes reſtringitur: & quanquam ſequenti articulo prætextu benignitatis, alij qui à fide illa receſſerunt, tolerantur, id tamen cum ea reſtrictione indulgetur, vt ſolū ſecuritatem habeant aduerſus rigorem regionum Placitorum, & ſi ex ditionibus diſcedant, bonorum ſuorum curam Catholicis adminiſtratoribus relinquere, & reuertentes Catholicè vitare, & curatis Eccleſiarum & Magiſtratus locorum de ea re fidem facere cogantur; quod paci Gandauenſi proſus eſt contrarium, ſecundum quam liberum eſt omnibus, abſque aſtrictione & profeſſione vnus vel alterius religionis venire, morari, conuerſari, recedere & reuerti, &

c

commit-

committere administrationem rerum suarum cuiuslibet pro arbitrio, ita ut verbis, ad augendum intestina dissidia, vulgo speciosa fiat pacis Gandauensis ostentatio, reuera autem in totum beneficium illius subuertatur, reuocatis omnibus ad veterem morem, secundum quam vigeant aduersus quoslibet Inquisitiones, excommunicationes, aggrauationes, reaggrauationes, brachij secularis inuocationes, & similia, quæ rebus & temporibus accommodari non possunt, sine immortalibus prouinciarum ac ciuitatum inimiciis, sine seditionibus & cædibus ciuium, & euidenti reliquiarum, tam religionis quam auctoritatis discrimine.

Ex quibus perspicue intelligunt Celsi & Dign. V. subitanam illam rerum mutationem Ordinibus nimium esse periculosam, ac proinde necessitatem Reipub. maiorem quandam dictorum articulorum moderationem exigere, longè ultra terminos pacis Gandauensis, ne exemplo superiorum temporum non multo postea iisdem vel maioribus agitemur tumultibus, aut cum summo insidiarum periculo moram dumtaxat aliquam his malis producamus.

Et ut ad alia veniamus, omnes vident quantis ambagibus inuoluitur, & in quam longum tempus differatur, innocentis Comititis Burani restitutio ac liberatio, videlicet donec Princeps Aulicus adimpleuerit ea de quibus cum eo transigeretur, per singularem capitulationem, ad quam propter fidem datam vniuersitati prouinciarum, & post expirationem termini, communi cautione præstituti, compertum est Excell. suam non posse descendere, quemadmodum intelligimus ipsum Vestris Celsi & Dign. per literas respondisse: Vnde quantum periculi ex dictis articulis & patri & filio, non sine grauissima prouinciarum omnium perturbatione, immineat, facile est discernere.

ILLUD quoque animaduersionem desiderat, nullam neque pro Regina Angliæ, Duce Alençonio, aliisque confederatis, imò nec pro ipso Archiduce Matthia idoneam capitulationem illis articulis contineri.

DE IIS quæ gesta decretaque ipsius Archiducis & Ordinum,

dinum, in quàm fragilibus relinquuntur fundamentis, inuolucra exceptionum additarum ostendent.

QVÆ omnia repræsentanda atque oculis subiicienda duximus, vt Celsi. & Dign. V. causas malorum nostrorū propius intuerentur, intelligerentq. nec leues, nec improbables difficultates circa dictos articulos incidere, præsertim in ista summa animorum exacerbatione & diffidentia, diuersitate capitulationum Principis Parmensis, Ducisque de Terranoua, atque dubitatione & incertitudine omnium rerum.

ET dum secundum promissa, Parmensis Hannoniensibus atque Artesiensibus facta, exercitus Hispanorum intra terminum præstitutum non decesserit, & in prædictis articulis de tempore, quo abire debeat, nihil determinatè conuenerit, multiq. non iniuste & ex indiciis non obscuris suspicentur, illorum propositum ac institutum esse ditiones istas non derelinquere, quodq. omnia per simulationem fiant, vt lenocinio pacis subditorum animis erectis, maiores turbas ac seditiones concitent, atque ita viam parent procedendi ad prouinciarum penetralia, cum miserabili omnium seruitute & oppressione.

CVM QVÆ in mora sit periculum, nec ita celeriter, vt rerum status postulat, suffragia prouinciarum obtineri & conciliari possint, præclarissimum & vniuersæ Reipub. Christianæ utilissimum studium esset, si Cæs. Maest. & Celsi. & Dign. vestræ auctoritatem suam interponerent, & ex officio propositis idoneis & efficacibus remediis aduersus incommoda superius relata, aliaque illis similia Regem Hispaniarum, aut Ducem de Terranoua eius Commissarium, inducerent ad condiciones æquiores, securiores, & statui præsentis Reipub. magis conuenientes, & tales, quæ in vniuerso profint, & quas reuera tabulas pacificatorias appellare, & æternitati cum omnium securitate consecrare liceat. In quo si (quemadmodum confidimus) Celsi. & Dign. vestræ apud Regem operam diligentiamque impenderint, laudem consequentur apud omnes homines immortalem, & Ordines ac prouincias perpetuo obsequendi studio arctioribus vinculis sibi astringet:

nos interim non cessabimus prouinciarum vota suffragiaque
requirere, ac per primam opportunitatem transmittere. Deus
pacis auctor Cels. & Dign. V. in inchoata pace perficienda
confirmet, & in felicitate diutissime conseruet incolumes. Ex
Antuerpia 1. Septemb. Anno Domini M. D. LXXIX.

Cels. & Dign. vestrarum

Deditissimi Ordines Belgij.

Ad mandatum supra dictorum Ordinum

I. Houfflin.

RESPONSIO ORDINVM GENERA-
LIVM GERMANIÆ INFERIORIS, AD
*propositionem Illustris Domini Senfridi Preiner Baronis in
Stubing, & aulici Cæs. Maiest. Consiliarij, & legati, data
Antuerpiæ XX. mensis Iulij M. D. LXXVIII.*

PRÆLATI, Nobiles ac prouinciarum ciuitatumque Ger-
maniae inferioris delegati, qui vniuersos Ordines repræ-
sentant, immortales Sacrae Cæs. Maiest. summa cum ani-
mi submissione atque obseruantia agunt gratias, quod post
violatas à Ioanne Austriaco pacis conditiones, secundo lega-
tionem huc destinare, & Illustrum Dominum Seyfridum
Preiner Baronem in Stubing, & aulicum Maiest. suae Consi-
liarium, legatum ad se mittere dignata sit, qui pro officio &
candore suo studioque, quo has ditiones prosequitur, singu-
larem beneuolentiam & amorem Sacrae Cæs. Maiest. erga
istas inferioris Germaniae prouincias, nec non sinceritatem,
curam & sollicitudinem pro salute & tranquillitate ipsarum
ditionum, à Maiest. sua exhibitam, cum luculenta beneficio-
rum (quæ nulla vel temporis diuturnitate vel calamitatum
magnitudine obliterabuntur) commemoratione clarissime
exposuit.

E r

Et cū omnia amplissima sint, quæ Sac. Cæs. Maieſt. pro salute harum prouinciarum procurauit, tum illud etiam maximi ponderis, & præcipui momenti existimant, quod sua Maieſt. Hispaniarū Regem cohortata est, vt suæ Maieſt. rem omnem permitteret, & ab armorum consilio desisteret: deinde quod Sacri Imperij Principes Electores admonuerit, vt in personis propriis in conuentu Wormatiensi conuenirent, & per seipsos deliberarent de rationibus, quibus tandem hæ prouinciæ in pristinum statum restitui possent, & quid de postulatis vtriusque partis constituendum foret.

Quod verò ad præteritas oblationes attinet, recordantur Ordines, atque in recēti memoria habent, tenorem literarum & scriptorum, quibus vt Regi Catholico reconciliarentur, vt certam formā Reipub. ac religionis retinerent, ac tranquillam vitam ducerent, professi sunt ante annos aliquot, se neque ab obedientia Maieſt. suæ, neque à religione Catholica Romana recessuros, quemadmodum etiam superiori anno post pacem Gandauī initam, & Cæsareæ & Regiæ Maieſt. literis denuò declararunt, se in eadem obedientia ac religione secundum terminos dictæ pacis permanſuros, si reuocato intolerabili Hispanorum aliorumque exterorum Imperio, quietē & securē possessiones suas cum vxoribus & liberis retinere possent: Quinetiam post violatas ab Austriaco pacis cōditiones, & bello miserabili infestati, & cū antea sæpe decepti, propter insidiarum periculum ab vltiori cōgressu abhorrerent, ne quid intentatum relinquerent, quod ad pacem fulciēdam & restaurandam pertineret, Baroni de Selles, Regis Catholici legato, eadem, quæ prius obtulerunt, addita aperta significatione & necessaria protestatione imminentium periculorum, tum in religione, tum in dicta obedientia, si Regia Maieſt. differendo pateretur subditorum diffidentiam, & desperationem longius procedere: Verū Maieſt. sua nunquam in tempore dignata est humiles supplicationes & lacrymabiles preces suorum subditorum admittere, & exaudire: quinimò quod est miserabilius, pro beneuolo clementique responso, ab Ordinibus certissime expectato, & nouissime à Domino

de Selles constanter affirmato & promisso, iustissimas preces Ordinum reiecit, pacta, transactaque Gandauensia solenniter approbata, irrita fecit, & suos subditos crudelissimo bello aggressus est, remittendo auxilia militaria, vndecumque contracta, ad exequenda turbulenta ac perniciofa Ioannis Austriaci consilia.

Q u o factum est, vt tanta Reipub. perturbatio, tantaque malorum (quæ bellum secum trahit) inundatio, cum magna animorū ab alienatione secuta sit, vt meritò dubites an priora illa promissa & oblationes (præsertim relatione facta ad tempora Caroli Quinti, quæ nunc serò à Maieft. sua vrgētur) hoc periculoso tempore adimplere vel possibile sit, vel etiam expediat: & præterea cum Maieft. sua inita pacificationis Gandauensis pacta obseruare detrectet, non omnino mirum videri debet, si subditi vicissim sese à vinculis dictorum pactorum respectu Regis liberatos existiment.

E t cum per belli calamitates cura religionis stabiliendæ difficulter retineatur, dolent & ingemiscunt Ordines, labi oportunitatem & tempus, quo commodè remedium adhiberi possit, præsertim inualecente licentia militari, & morum dissolutione, quæ ex progressu funesti belli inducitur, cuius auctoribus, non populo aut Ordinibus irascendum est, quibus in hac rerum peristasi magis ciuium suorum concordiam procurare necesse est, quàm contentione tutandæ religionis Hispanorum insolentiam confirmare, & trophæum contra se ipsos erigere, vt in tanta animorum desperatione & infinita multitudine diuersam religionem sequentium, vrbes eorum exagitata, seditionibus & cædibus ab exteris tandem diripiantur & euertantur: adeò enim sui compendij cum Ordinum dispendio studiosi sunt aduersarij, vt per religionis abusum prouinciarum seruitutem & calamitates stabilire conentur, & incitato religionis dissidio, popularibus seditionibus (quas per varias prodiones moliantur) vires Ordinum debilitent atque infirmant, & tandem absque discrimine, tam Catholicos, quàm eos qui à Romana Religione discesserunt, minori negotio aggrediantur & opprimant, redintegrata

Hispa-

Hispanorum tyrannide, ac intolerabili imperio, secundum perniciosum consilium Secretarij Escouedo, in quo præcipuam spem & principalem scopum actionum suarum con-
stituunt: ita ut metuendum sit, ne Ordines, inter duo ma-
la constituti, cogantur quali quali remedio ciuium concor-
diam retinere potius, quàm Rempub. deferere, & exteris in-
stantibus, vitam, vxores, liberos, & possessiones euidenti peri-
culo exponere.

Ex quo fit perspicuum, non Ordinum culpa, sed mora
& perniciosis consiliis, quibus Regia Maiestas imprudenter
acquiescit, omnia in deterius, & quasi ruinam collabi. Quo
enim studio, qua sedulitate Ordines superioribus annis (cū
res tempusque ferebant) cum Regis obedientia religionem
artam testam conseruare conati sunt, Deus inspector animo-
rum nouit, & res ipsa, quæ anno sexagesimo sexto gesta est,
ante aduentum Albani luculenter testatur; quibus autem
calumniis & iniuriis improbissimorum quorundam homi-
num, præsertim Albani & sequacium suorum, sanguinem
subditorum sitientium, Maiest. sua malo quodam fato in-
transuersum acta, & ab omni clementia abalienata fuerit,
cum doloris acerbitate recordantur omnes: vnde enim quie-
tis & tranquillitatis remedia sperabantur, inde maximæ mo-
lestiarum & turbulentissimæ tempestates emanarunt.

Hi si itaque consideratis, Sacr. Cæs. Maiest. facile anim-
aduertit, per Ioannem Austriacum, aliosque malè consulen-
tes, ditiones istas in maiorem confusionem recidere, atque
disturbari occasionem exequendarum priorum oblationum,
sublata causa ex qua factæ erant: nam oblationes illæ factæ fue-
runt, cū Ordines sperarent Remp. calamitatibus liberatam
iri, Regem perniciosis consiliis abiectis; à bello abstenturum,
Ordines conuenturos ut de communi vniuersæ Reipub. bono
cōmunicarent, quæ neque ad humiles preces subditorū, neq.
ad frequentes & serias Imper. Maiest. aliorumq. Principum
intercessionēs obtineri potuerunt, culpa eorum qui improbe,
temerè, imprudenter, ferociter & inhumaniter in his rebus
versati

versati sunt, & statum politicum omnimodo perturbarunt, quibus propterea omnia imputanda sunt.

QVEM AD MODUM etiam mirum videri non debet, si in hoc rerum statu subditi Regem non tam religiosè veneratione, à quo bello gravissimo provinciæ impetuntur, & maioribus cladibus afficiuntur, quàm vnquam à maximo inimico pertulerunt. Etenim defensio iuris naturalis est, & si vasallo ob negatam iustitiam licet dominum deprædare, & inter dominum & subditum mutua sit obligatio, nullum vituperium Ordinibus ascribendum est, si post obtentam erga Principes suos fidei & constantiæ laudem, malè tractati, pro defensione libertatis & vitæ, aduersus eum arma sumant, à quo armis & bello inuaduntur.

ET cùm omnes eorum beneficiorum maximè meminisse soleant, quæ in calamitatibus acceperunt, summa est occasio, qua Cæs. Maiest. & Principes sacri Imperij benemereri possunt de ditionibus Belgicis; & simul non minus sibiipsis, quàm illis prodesse, si missis suppetiis militaribus, afflictos Belgas, vicinos & membra sacri Imperij, aduersus exterorum vim atque ferociam promptè tueantur, atque illos quæ inferiorem Germaniam oppugnant, & Illustrissimum Archiducem Mathiam Cæs. Maiest. germanum fratrem, illarum provinciarum moderatissimum gubernatorem, cum ignominia tum ipsius, tum ipsorum Ordinum deturbare conantur, ab armis deterreant, tutelam atque protectionem Belgicarum ditionum suscipiant, quæ promptissima ratio conseruandi imperij Belgici, vel Regi Catholico, vel domui Austriacæ, antequam deserti Ordines de exteri principis auxiliis certiora concludant consilia.

QVÆ quidem consilia, de exteri principis auxiliis, non ignorant suis incommodis non carere, tamen eiusmodi sunt quæ eos præsentis calamitate & belli metu possunt liberare: quod utinam Cæs. Maiest. & sacri imperij Principes etiam sibi faciendum proposuissent, hoc est, provincias imperio confederatas, & quarum ruina magnam imperij partem inimicis patefaciet, præsentis auxilio confirmare potius, quàm

Com-

Commissariis rem gerere. Nam etsi non dubitent Maieſt. Cæſ. ſedulò procurare ea quæ exiſtimat facere ad pacem, his prouinciis reſtituendam; tamen cùm re ipſa Ordines experiantur, quàm parum ſpei ſit ponendum in rebus ad eò incertis, & in voluntate inimicorum poſitis, humiliter orant ſuam Maieſt. vt ignoſcat Ordinibus, quòd in iis ſuæ Maieſt. conſilio & voluntati obſequi minus poſſunt: Nam cùm etiamnum incertum ſit Ioannes Auſtriacus quantum ſuæ Maieſt. tribuat, & quid de ceſſatione ab armis & reliquis mandatis ſuæ Maieſt. facturus ſit, facilè putant intelligi poſſe, quàm non conueniens neque conſultum ſit de induitiis & armorum ſuſpenſione mentem & voluntatem declarare: ſed cùm ab initio Ordines ſemper Pacificationi non inſidioſè operam dederint, & nihil aliud deſiderent, quàm conſeruata patriæ libertate, in pace viuere, apertè profitentur Ordines ſeſe pacis tractationem minimè reiicere, ſed eam ſummoperè deſiderare, quæ tot ærumnarum & calamitatum, quæ proueniunt ex bello, omnium malorum larua, promptam leuationem adferre poſſet. Quamobrem non potèſt non Ordinibus eſſe gratiſſimum, quòd iterum ſua Maieſt. Commiſſarios Cæſ. præcipuæ auctoritatis ac neutri parti ſuſpectos, ad ſeſe deſtinauerit, quòdque pacis tractationem per Oratorem ſuum apud Regiam Maieſt. in Hiſpaniis etiamnum proſequatur, & omni maiori ſtudio vrgeat: quæ in re ſolicitudinem & curam, quam ſua Cæſ. Maieſt. ſuſcepit, & nec intermiſſuram ſperant, pro prouinciarum ſalute humiliter agnoſcunt, indies magis ac magis ſe ſuæ Cæſ. Maieſt. pro tam immenſis beneficiis obligatos conſitentur; id vnum poſtulant, vt veniam det, ſi nihilominus interea ſuæ ſecuritati proſpectum velint, ita tamen, vt iura inclytæ Auſtriacæ domus, & fœdera à prouinciis cum ſacro Imperio inita, quantum fieri poterit, conſeruentur; quæ ſanè vt neque Regis Hiſpaniarum auctoritatem, ſi tandem ad ſubditorum ſupplicationes & preces adhibeat æquas aures, nullo modo imminui patientur.

Et cùm ex his quæ dicta ſunt, & quæ Legatus coram ſuis
 d oculis

oculis animaduvertere potuit, Illustri Cæs. Ma. Legato satis quàm æquum & iustum sit, desiderium Ordinum constare possit, hoc vnum petunt & rogant Ordines, vt Legatus fideliter suæ Cæs. Maiest. exponat, quæ ad salutem & conseruationem prouinciarum inferioris Germaniæ pertinebunt: & quòd in eam rem operam diligentem pollicetur, summas agunt gratias, quas referre Ordines parati sunt.

LITERÆ ORDINVM AD
DVCEM DE TERRANOVA.

*Domino, Domino Duci Terranouano, Catholici
Hispaniarum Regis Commissario,
Coloniæ.*

DOMINE, Accepimus epistolam tuam, v. Augusti scriptam, comitem illius quam nobis scribunt Domini Principes Electores & Commissarij Cæs. Maiest. quibus tua Excell. tum illinos hortantur ad recipiendum & amplectendum articulos pacis huc missos: Equidem optassemus maturius nos respondisse, tam tibi quàm illis: sed quia pro rei magnitudine oportebat omnia communicari cum prouincijs particularibus, ad intelligendum eorum suffragia, & intentiones; non potuimus finalem resolutionem capere, quia propter diuersitatem prouinciarum, & multitudinem opinionum dicta suffragia sunt retardata, atque ita ea adhuc expectamus: statim autem vt acceperimus, non differemus officio nostro satisfacere, ac respondere, quemadmodum Regiæ Maiest. honori, Belgij nostri bono & tranquillitati maximè expediet. Interea volumus tibi liberè indicare seductiones vel coitiones Principis Parmensis aliasque negotiationes particulares maioris diffidentiae causam esse, magnaque repagula & impedimenta determinationi & vtilitati publicæ iniicere.

Et quanquam confidimus tuam Excell. ac dictos Principes

*Ex lingua
Gallica in
Latinam
translata.*

cipes haftenus processisse, ac procedere bona fide, & integra
 affectione erga suam Maieft. & has afflictiffimas ditiones: me-
 tuimus tamen vt per dictos articulos, ea forma qua concepti
 sunt, malum tamdiu radicatum possit curari, dictaq. prouin-
 cia sincerè reconciliari suæ Maieft. tam propter impossibilita-
 tem efficiendi, & executioni mandandi quosdam ex dictis ar-
 ticulis, sine maiori dissensione intestina & laniena subdito-
 rum, quàm propter plurimas restrictiones & obscuritates, quæ
 in iisdem articulis reperiuntur; denique propter diuersitatem
 tractatum tuæ Excell. ac Principis Parmensis, aliasq. rationes,
 quas amplius scribimus dictis Principibus: Confirmantes nos
 nihil amplius desiderare, quàm Dominum nostrum & Princi-
 pem recognoscere, & nostras personas, vxores, liberos ac facul-
 tates in quiete ac tranquillitate constituere, modò ea sit forma
 durabilis, & capitulatione tuta, idq. per condiciones clariores,
 & tali beneuolentia & rotunditate refertas, quæ possint reipsa
 auferre omnem diffidentiam, vnde promanat omnis sinister
 intellectus inter suam Maieft. & subditos.

Et quoniam vltiores moræ sunt periculosæ, & quod ve-
 rendum est, ne in hac rerum perplexitate aliquid temporis ad-
 huc elabatur, antequam particulares prouinciæ concluderint,
 & suffragiis inter se conuenerint: hac occasione & propter
 alias graues causas rogamus, vt placeat T. Excell. virtute po-
 testatis suæ, cum auxilio & consilio dictorum Dominorum
 Principum latius sese dilatare, & dictos articulos temperare
 oblationibus & condicionibus verè regiis, æquioribus & ma-
 gis practicabilibus, iis potissimum locis vbi occasione tur-
 barum, dilationum ac protractionum res eò reductæ sunt,
 vt impossibile sit vno tempore eas restituere, vel per pactio-
 nem vel per vim: Hoc addito, si dictæ dilationes, negotiatio-
 nes & tractationes particulares continuentur, timemus di-
 ctam diffidentiam incrementum accepturam, & suam
 Maieftatem grauius damnum quàm lucrum facturam:
 quod tamen lucrum nonnulli captant & sperant ex separa-
 tionibus & tractatibus supradictis. Quod restat, declara-
 mus si Regiæ Maieftati placeat suis subditis reipsa obuiam

d 2 ac,

ire, vera quadam clementia, plenaque mēfura, per remedia
conueniētia, iuxta magnitudinem vulneris, quòd ita nos præ-
stabimus, in omni æquitate & obedientia, cum tali amore &
affectu, ex quibus in perpetuum poterit securitatem cōcipere.
His, Domine, Creatorem precamur, vt tuam Excell. sua pro-
tectione conseruet. Antuerpia x. Septemb. M. D. LXXIX.

*Tua Excellentia quamofficiosissimè addicti
Ordines generales Belgij.
Mandato dictorum Ordinum
I. Houfflin.*

VIII. Octobris Domini Commissarij literas Imp. quæ
Ordinibus Belgij scriptæ erant, vnà cum binis literis, quas
ipsimet ad Ordines dabant, legatis eorundem Ordinum, vt
per eos ad ipsos procurarentur, transmittiebant: At cū Le-
gati dubitarent, num fortè literæ illæ responsum continerēt
ad eas Ordinum literas quas ipsi diebus præteritis exhibuif-
sent, visum illis fuit exempla earum postulare, vnà cum ex-
emplo illarum quas iam ante secundò se ad Ordines scripsis-
se, Celsi. & Dign. eorum xxviiij. Sept. referebant, vt ex iis co-
gnoscerent, quid porrò sibi iuxta præscriptum, quod vltimis
literis ab Ordinibus acceperant, faciendum incumberet.

EODEM die Dux Arschotanus reliquis Legatis ostendit
literas quas ciuitas Valencenæ ad Dominos Commissarios, &
ad Ducem de Terranoua perscripsisset; item respōsum quod
vicissim illi ad easdem literas prædictæ ciuitati dedissent. Has
literas vnà cum articulis, quorum in illis mentio fit, propter
historiam subiungere quoque placuit.

SEQUENTI X. Octob. binarum vltimarum literarum,
sed non secundarum, exempla Legati Ordinum à Dominis
Commissariis acceperunt. At cū in iis viderent nihil Or-
dinibus ad literas eorum responsum esse, ea quæ subiecto scri-
pto continentur, audientia impetrata, ore proposuerunt; dein-
de ad petitionem subdelegatorum in scriptis (ipsi enim Do-
mini Commissarij præsentēs non erant) exhibuerunt. Se-
quuntur prædictæ literæ.

LITE

215
LITERÆ DOMINORVM COM-

MISSARIORVM AD ORDIN-

NES GENERALES.

*Sacra Cæs. Maieſt. ad negotium pacificationis
Belgicae deputati Commissarij.*

Illustres, Reuerendi, Generosi, Nobiles & prudentes.

POSTEA QVAM Cæs. Maieſt. Domino nostro clementis-
simo placuit, nobis in hoc Belgicæ pacificationis negotio
ices suæ Maieſtatis committere, simusque à sua Maieſt. mo-
iti & iussi, huc Coloniam, ciuitatem vobis vicinam, tātæque
tractationi commodissimam, ad Dominicam Lætare huius
nni labentis nos conferre, simul etiam significatum, eundem
terminum & locum vtrique parti à sua Maieſt. præfixum &
onstitutum fuisse, quantum in nobis fuit, & voluntati suæ
Maieſt. vti æquum est, parere, & partium expectationi satisfacere
desiderantes, omnibus nostris & ditionum nostrarum
negotiis sepositis, paucis diebus post dictum à S. Maieſt. diem
nos huc omnes contulimus, vestros legatos, quos magis tem-
pestiuè adesse conueniebat, per mensem integrum patienter
expectauimus, re deinde cœpta, non leuem moram negotio
peperit, quod eos qui nomine vestro aderant, sufficienti
Mandato, eodemque ad sex tantum septimanas restricto, ca-
ere compertum; cuius defectus, & quidem substantialis, ne-
que in hunc vsque diem, ad crebriores tam diligentes & se-
rias nostras monitiones, à vobis suppletus fuit, nec temporis
prorogatio impetrari potuit, quod ipsum Regium Mandata-
rium statim ab initio dubium reddere, nobis etiam voluntatis
vestræ magnum scrupulum iniicere potuisset. Nihilomi-
nus tamen temporis lucrum affectantes, & causam, quantum
ad nos spectat, promouere studentes, de pleniori vestro Man-
dato confisi, cum partibus tractationem iniuimus, eademque
spe Regium Mandatarium hucusque suspensum tenuimus:
partium deinde propositionibus & allegationibus auditis, iis
quoque quæ antea inter vosmetipsos inita & conuēta fuere,

d 3

diligen-

214
diligenter perpensis, capita quædam pacificationis xviii. mensis Iulij proposita sunt, per quæ cum vobis omnes offensæ condonentur iniuriæ, damna, impensæ, vectigalia, præterea & onera horum rumorum & tumultuum causa inuecta tollantur, obliuioni quæ omnia tradantur, & vos Regi catholico, vestro principi & legitimo magistratui, omni rigore sublato, plenissimè reconciliemini, & pristina tranquillitati & quieti restituamini; vobis denique patriæ quæ vestræ rota Regis offeratur benignitas & mansuetudo, eadem quæ ferè omnia ampliora & mitiora quoque, quàm quæ proximis annis horum tumultuum causa à vobismetipsis in pace Gandauensi, & Vnione generali subsecuta, constituta, promissa, solenniter iurata, postea in Edicto perpetuo denuò renouata & confirmata fuerit, largiantur; Omnino nobis persuasum erat, maximè cum has tam luculentas, honestas & tolerabiles sanè condiciones Cæs. Maiest. suis sacris monitionibus plurimum commendare videbatur, vobis easdem non posse esse nisi gratissimas, vestram propterea declarationem beneuolam & obsequiosam magno desiderio in tertium vsque mensem nunc expectauimus, & ne in aliquo nostro deessemus officio, si fortè dictæ condiciones vobis debito tempore non fuissent redditæ, vel fortè in via deperditæ aut suppressæ, quinta die Augusti ad vos, & particulares prouincias, primarias quæ ciuitates eisdem articulos cum literis nostris, quæ diligenter omnia præsertim vestram eius quæ tam oportunam assequendæ ad animum vobis reuocarent, transmisimus: vestros etiam deputatos presentes sapius de maturanda & acceleranda resolutione assidue moneri fecimus. Tertia denique vice ad prouincias particulares & ciuitates alias in eundem effectum xxix. mensis Augusti dedimus literas, ad quas soli ciues Buscoducenses pacis cupidos, iisdem quæ condicionibus contentos sese nuper declararunt. Et quamuis aliæ quædam prouinciæ & ciuitates nobis significarint, quod ad Illustrissimum Principem Dominum Matthiam Archiducem Austriæ &c. amicum nostrum singularem, Dominum quæ gratiosissimum, & Status generales Antuerpiæ cõgregatos, resolutiones suas miserint, nihil tamen certi

certi de iis ad nos præter omnem expectationem hætenus re-
atum est. Spem autem nostram & eorum omnium qui iam
bonam de pace constituenda opinionem conceperant, non
parum minuerunt literæ quas his diebus à deputatis Ordinum
Ducatus Brabantiae, Antuerpiae congregatis (à quibus nō mi-
nima totius huius negotiationis auctoritas dependere existi-
matur) de dato vj. Id. Septemb. accepimus, quibus negotium
hoc, nostra quidem opinione, fermè completum, aliqua ex
parte tantummodo cœptum putant, & has condiciones totas
repudiare, aliamque omnino pacis conficiendæ rationem po-
tulare videntur.

Cum igitur etiamnum ad tam frequentes nostros horta-
us & monitiones nihil certi nobis per vos responsum sit, gra-
te admodum nobis esse cœpit, cum tanti temporis dispendio
imptuum gravissimorum, prouisione Maiestatis Imperialis
nostroque neglectu, diutius hîc immorari, his vobis significare
voluimus, nos abitum omnino parare. Ne autem aliquam
culpam in nos referendi prætereundæ possitis occasionem, vo-
bis vltimum hunc terminum peremptorium constituimus &
assignamus, vt categoricè, clarè & apertè vestrorum animorum
conceptum intra xvij. diem mensis Octobris, proximè se-
quentis, huc mittatis, & an articulos propositos, & iam pridem
transmissos, acceptare velitis, rescribatis: quò nos laborum, fa-
tidiorum & sumptuum minus poeniteat, tantoque melius &
citiùs totum hoc negotium confici possit. Sin verò vel media
proposita repudiaueritis, vel nihil ad ea intra terminum præ-
fixum responderitis (cùm vix aliud nostro iudicio à quo-
uis magistratu, per bene affectos subditos, honestè peti pos-
sit) absque omni vltiori cunctatione, nullaque alia à no-
bis expectanda tractatione, nos, hoc conuentu soluto, hinc
discessuros vos certiores reddimus; cùm insuper etiam pro-
pter indies magis ingrauescentem pestis contagionem, quæ
etiam familiares nostros iam inuasit, hîc diutius moram tra-
here non possumus. Neque etiam hic terminus nimis angus-
tus censerî potest, cùm proximis iam aliquot annis pleraque
omnia tractata, discussa, ventilata, interim sæpius repetita,
& rumi-

& ruminata, composita, decisa & iurata fuerint, Imperato
iam antea relata, earumq. occasione huius tractationis con
missio iterum impetrata, à sua Maiest. dies vobis maturè si
tis dictus, tanto nunc tempore coram nobis hæc negotia ag
tata, tertius iam cedat mensis, quo pacis condiciones vestre
Legatis sint exhibitæ, neque miles Regius, neque aliud quic
quam vobis impedimento esse potuerit, quo minus conveni
re securèque de rebus vestris agere potueritis: Imò & vos ian
antea congregatos, interim quoq. particulares prouinciarum
conuentus habitos esse, partim ex Ordinum ducatus Braban
tiæ, partim ex aliarum quarundam prouinciarum & ciuita
tum scriptis intellexerimus, neque de rebus vobis ignotis ve
obscurioribus agendum fuerit, sed plerumque omnia in factis
vestris propriis sint posita, & à vestra omnino pendeat volun
tate: Populum etiam continuis his calamitatibus attritum
nihil nisi feruentissimis desideriis & suspiriis pacem exoptare
constet, quam tanto facilius vobis, quanto populum propen
sorem & Regem principem vestrum benigniorem experimi
ni, parare potestis, modò vestra auctoritate, quod facillimè
præstare poteritis, & vos facturos omnino confidimus, erran
tem populum in viam mansuetudinis reducere velitis. Vos
vestraque consilia diuinæ clementiæ commendamus, & quæ
cunque beneuolentiæ officia in posterum quoque de nobis
omnibus & singulis sperare iubemus. Dat. Colonia xxvi.
mensis Septemb. anno Dominicæ incarnationis &c. Lxxix.

*Statuum generalium Belgij
Deputatis, Antwerpia
congregatis.*

ALTE

217

ALTERÆ LITERÆ DOMINORVM
COMMISSARIORVM AD ORDINE-
NES GENERALES.

*Sacræ Cæs. Maiestatis ad negotium pacificationis
Belgicæ deputati Commissarij.*

Illustres, Reuerendi, Generosi, Nobiles & Circumspecti.

LITERAS vestras x. Septemb. Antuerpiæ datas, xxvij. eiusdem, postquam literæ nostræ his adiunctæ scriptæ, signatæ, & tabellario tradendæ essent, à legatis vestris accepimus, utque, post moram tam diuturnam, nihil aliud à vobis & prouinciis Belgicis, quàm certum responsum, & mediorum propositorum acceptationem auidè expectauimus; ita ex literis vestris nihil minus quàm certam Belgicarum prouinciarum resolutionem & desideratam acceptationem colligere potuimus, sed potius prouinciarum responsum in aliam, nescimus quam, opportunitatem reiectum, & interim non pauca propositorum mediorum, & præcedentium transactionum capita, plenissimo stylo in dubium reuocata, & pleraque sinistrè interpretata, omnemque ferè spem pacis conciliandæ nobis ablatam esse intelleximus. Quanquam autem ea quæ in literis vestris comprehensa sunt, bonis & firmis rationibus impugnari & elidi possent, tamen nec operæpretium nec nostrarum partium esse arbitramur, tam amplum nouæ disputationis vel altercationis campum ingredi, vel noua media, quasi hætenus nihil actum esset, proponere, nouamque tractationem æquè incerto euentu inchoare. Cum igitur nec à Regio Mandatario intelligere potuerimus, quod amplius, quàm in mediis propositis & transmissis comprehensum est, concedere velit, nec nostra nostrorumque subditorum negotia admittant, nos hic diutius immorari, non possumus non adiunctis nostris literis inhærere, ita tamen, ut terminum in iisdem expressum, usque ad vltimum diem præsentis mensis Octobris prorogemus: infra quem terminum, si certam resolutionem prouinciarum Belgicarum,

e

gicarum, & acceptationē mediorum propositorum non acceperimus, tractationi huic finem imposituri, Sac. Cæs. Maie-
 stati omnia fideliter relaturi, & sine vltiori mora hinc disces-
 suri sumus. Sin verò prouinciæ Belgicæ infra eundem termi-
 num dicta media acceptauerint, nobisq̃ue id per literas signi-
 ficarint, suisq̃ue Legatis Mandatum ad hanc pacificationem
 confirmandam & stabiliendam necessarium miserint, vt vos
 semotis quibuscunq. affectibus, & diffidentia omni seposita,
 promoturos confidimus, nos rursus tam diligenter & sedulò
 cum regio Mandatario Duce de Terranoua, Legatisq. vestris
 de confirmatione & inuiolabili obseruatione eiusdem pacifi-
 cationis agemus, & quicquid ad eam rem necessarium vide-
 bitur, ea dexteritate promouebimus, vt non dubitemus, in-
 fidias vel suspiciones illas de quibus mentionem facitis, nul-
 lum hîc locum habituras. Interim vobis quæcunque beneuo-
 lentia officia offerimus. Datum Colonia 111. die mensis
 Octobris, anno M. D. LXXIX.

*Statibus generalibus Belgij
 Antuerpia congregatis.*

*Ex lingua
 Gallica in
 Latinam
 translata.*

LITERÆ CIVITATIS VALENCENEN-
 SIS, AD DOMINOS COMMISSARIOS.

*Reuerendissimi, Illustrissimique Electores, & Principes
 sacri Imperij, Generosi, Nobiles & potentes Domini
 Commissarij, Sac. Cæs. Maiestatis.*

DV M hîc occupati sumus, ad deliberandum super arti-
 culis pacis & reconciliationis, quos Excell. & Dign. ve-
 stræ, Catholicæ regis Maiestatis nomine, proposuerunt de-
 putatis Ordinum generalium Antuerpiæ congregatis, quosq̃
 iidem Deputati ad nos miserunt xv. huius mensis, in hoc
 oppido redditæ nobis fuerunt literæ vestræ, vnâ datâ quinta
 Augusti, & alteræ xxix. eiusdem mensis, vnâ cum arti-
 culis

culis pacis, & adiunctis literis Illustrissimi Domini Ducis Ter-
 ranouensis; quibus nobis iniungitis, vt quamprimùm resolu-
 tionem super illis articulis capiamus, & eam ad Excell. &
 Dign. vestras Coloniam mittamus, quemadmodum illis lite-
 ris plenius continetur. Quibus vt satisfaciamus, dignabimini
 intelligere, quòd ex nostra parte in hoc oppido semper secuti
 sumus, obseruauimus & retinuimus pacificationem Gandavi
 factam, Vnionem postea secutam, atque Edictum perpetuũ,
 in omnibus eorum punctis; nihil magis cordi habentes, quàm
 viuere in bona pace, quiete, tranquillitate, & omni bona de-
 uotione ac obediẽtia erga suam regiam Maiestatem, nostrum
 Principem naturalem & supremum Dominum. Et quoniam
 sua Maieft. Catholica dictis articulis promittit manutenere,
 & obseruari facere dictam pacificationẽ Gandauensem, Vnio-
 nem & Edictum perpetuum, in omnibus suis punctis, prout
 etiam priuilegia, vsus & consuetudines cuiuslibet prouinciæ
 ac ciuitatis, facere recedere Hispanos, & alios milites exte-
 ros, multaquẽ alia capita, dictis articulis fusiùs commemora-
 ta: nunquã satis magnas gratias agere possemus suæ Maieftati,
 pro hac clementia, fauore & amore, quo prosequitur suas di-
 tiones & subditos, ac Excell. & Dign. V. pro labore & mo-
 lestia, quæ hac de causa susceperunt, ad procurandum com-
 modum & quietem harum ditionum. quo nomine in perpe-
 tum nos deuinctos vobis agnoscimus. Quia verò nonnullam
 diuersitatem comperimus inter eosdem articulos, & eos
 quos sua Maieftas conclusit cum Artesio, Hannonia, aliisque
 prouinciis confœderatis, nobis expedire videretur (sub hu-
 mili tamen reuerentia & correctione) pro meliori & secu-
 riori pace & vnione prouinciarum, vt Sacr. Cæs. Maieft.
 Excell. & Dign. V. dignentur id efficere, vt ea diuersitas
 tollatur, iidemque articuli in vnã conformitatem redi-
 gantur: Possuntquẽ Excell. & Dign. V. certò sibi persuadere,
 nos nihil magis desiderare, quàm pacem & reconciliatio-
 nem cum sua Maiestate, Principe nostro naturali & supre-
 mo Domino amplecti, illique omnem debitam obedientiam
 exhibere. Quia verò hoc oppidum vndique circumclauditur

ditione Hannoniensi, contiguumque est Artesio, Insulis Duaco & Orchiaco confœderatis, ac ciues dicti oppidi præcipua sua bona & redditus annuos habeant in dictis prouinciis reconciliatis, & ex eadem ditione Hannoniensi nobis ordinaria annona subministretur, & aliæ annonæ ac merces, aliunde aduenientes, non possint ad nos venire, nisi transitum faciant per dictam Hannoniam; & quia propterea est cum primis vtile opus & necessarium, pro commodo & conseruatione huius oppidi, conseruare bonam vicinitatem & amicitiam cum eadem Hannonia, hoc addito quod præfati omnes articuli, tam vni quàm alteri, videntur tendere ad vnum eundemque finem & scopum, nempe, subditos harum ditionum recipere in reconciliatione cum sua Maieft. suo Principe naturali & supremo Domino: firmam spem ac fiduciam concepimus, quod Excell. & Dign. V. ex his satis clarè nostrum desiderium, & bonam intentionem intelligentes, arbitrabuntur sibi à nobis factum satis esse, neq. ægrè ferent si temporis spatium vtamur, ad capiendum maturum consilium, & postea resoluendum, suo tempore & loco amplecti eandem pacem & reconciliationem, quæ iam inita & publicata est ab Artesiensibus, Hannoniensibus & confœderatis vicinis nostris, tempore & loco per dictam tractationem dato & præscripto nobis, aliisque omnibus prouinciis & ciuitatibus, ad eam acceptandam. Quo tempore pendente speramus etiam videre effectus rerum ibi promissarum & concordatarum.

REVERENDISSIMI, Illustrissimiq. Principes & Electores sacri Imperij, Generosi, Nobiles & Potentes Domini Commissarij Sac. Cæs. Maieft. rogamus Deum, vt vobis sua beneficia conferre pergat, & largiri impletionem vestrorum nobilium & piorum votorum cum omni felicitate. Valencenis xix. Septemb. M. D. LXXIX.

Humillimi & morigeri seruitores, Præpositus, Iurati, Scabini, Consilium, Corpus & Communitas oppidi Valencenensis.

LITE.

221

LITERÆ EIVSDEM CIVITATIS AD

DUCEM DE TERRANOVA.

*Domino, Domino Duci de Terranova, Principi Castel-
Vetrani, &c. Regiæ Catholicæ Maiest. Commis-
sario, Domino nostro. Colonia.*

DOMINE, xv. huius mensis accepimus tuæ Excell^{te} li-
teras, datas xi. Augusti, comites literarum domino-
rum Legatorum & Commissariorum Sacr. Cæs. Maiest. vñ-
cum articulis ex parte suæ Maiest. Catholicæ oblati, ad con-
stituendam pacem & reconciliationem cum his ditionibus,
super quibus tua Excell. nos monet & hortatur, quamprimū
& intra tres hebdomadas mittere nostram resolutionem.
Itaque omnibus bene intellectis & examinatis, ac communi-
catione habita cum nostro Concilio, respondemus nos per-
quā humiliter gratias agere suæ Maiest. Catholicæ pro sua
gratia, fauore atque etiam cura & affectione paterna, quam
demonstrat se habere & gerere erga bonos suos subditos, ac si-
mul etiam tuæ Excell. & dictis dominis Legatis pro labore &
molestia, quæ dignati sunt sumere, & in iis perseverare mul-
tos menses, ad tractandum istud reconciliationis negotiū, pro
utilitate & quiete harum ditionum. In primis verò quod sin-
gulariter habuerint memoriā huius oppidi & provinciae. Quæ
cū semper sese bene & pacifice gesserit, iuxta pacificationē
Gandauensem, Unionem & Edictum perpetuum, contra quæ
nihil attentavit aut usurpavit, nihil etiam magis in votis habet
post tanta mala & calamitates illatas, per mutationes & bella
præterita, quā obuiis vñis semel amplecti pacem securam
ac perpetuam reconciliationem cum sua Maiestate Catholi-
ca, nostro supremo Domino & Principe naturali, vt ipsi red-
damus omnem debitam obedientiam. Ad quem finem con-
sequendum, dicti domini Legati miserunt ad nos dictos arti-
culos conceptos & propositos in ciuitate Coloniensi, quos in-
uenimus rationi & æquitati perquā consonos. Ceterū quia
ab aliquot diebus provinciae Artesij, Hannoniæ, Insulæ, Duacū

e 3

& Or-

& Orchiacum, Mechlinia ac aliqua oppida particularia conueniunt, receperunt, atque adeo publicarunt alios pacificatorios articulos, quibus iam absolute reconciliationem cum Rege Catholico inierunt; & quia ab omnibus partibus sumus vicini dictis prouinciis reconciliatis, & quod magis est, pure & plenè circumclusi dicta prouincia Hannonienſi, quodq. propterea noſtra intereſt, pro vtilitate & conſeruatione huius oppidi, retinere amicitiam, bonam vicinitatem & ſocietate cum noſtris vicinis: hoc addito, quod omnes ſuprà memorati articuli, tam vni quàm alteri, videntur tēdere ad vnum eundemq. finem & ſcopum, qui eſt in ſumma, vt ſubditi Belgij inſeant reconciliationem cum ſua Maieſt. firmam ſpem & confidentiam concepimus, quod tua Excell. & dicti domini Legati ac Commiſſarij Imperiales hinc ſatis clarè noſtram voluntatem & bonam intentionem intelligentes, habebunt de nobis ſatisfactionem; neque ægrè ferent, ſi ſpatium temporis acceptemus quò maturè conſultemus, & poſtea deliberemus amplecti eandem pacem & reconciliationem modò factam & publicatam à noſtris vicinis, quos habemus hīc noſtris portis cōtiguos. Idq. opportuno tempore & loco & intra terminum, qui tam nobis quàm aliis prouinciis ac ciuitatibus in dicto tractatu eſt præfixus, ad amplectendam eandem pacem & vſurpandum eundem fructum & beneficium. Quo tempore pendente, ſperabimus etiam videre effecta rerum ibi promiſſarum & concordatarum. In quam ſententiam ſcribimus etiam præfatis dominis Legatis & Commiſſariis Cæſ. Maieſt.

DOMINE, poſt noſtri humillimam commendationem Deum precamur, vt tuam Excell. in vitæ felicitate & proſperitate conſeruet. Valencenis xix. Septemb. M. D. LXXIX.

Tua Excell. humiles & addicti ſeruitores Præpoſitus, Iurati, Scabini, Concilium, Corpus & Communitas oppidi Valencenſis.

ARTI-

223
ARTICVLI PACIS ET RECONCILIATIONIS STATVVM ARTESIAE, HANNONIAE, *Ex lingua Gallica in Latinam translati.*
Insularum, &c. cum Hispaniarum Rege Catholico, publicati
Montibus Hannonia, XIII. Septembris M. D. LXXIX.

I.

PRINCIPIO decernimus, vti tractatus Pacificationis Gandauensis, Vnio, Edictum perpetuum & ratificatio ex nostra parte subsecuta, maneant in sua vi & pleno robore, vtque re ipsa in omnibus suis punctis & articulis effectui mandentur.

II.

ET vt melius restituatur confidentia nostrorum subditorum, & mutetur in bonam vnionem & concordiam, ad honorem Dei, conseruationem religionis Catholicae Apostolicae Romanae, obedientiam nobis debitam, simul etiam pro vtilitate & tranquillitate nostrarum ditionum, cōcessimus, & concedimus, obliuionem perpetuam ab vtraq. parte omnium eorum quae possunt esse dicta vel facta, quocunq. modo, ratione aut casu, à tempore primorum motuum & illorum causa: ita vt nulli iudici, aut procuratori fisci, nec aliis liceat deinceps vlli ea exprobrare, aut in aliquem ob ea inquirere, non magis quam si nunquam accidissent, ordinando, vt in hunc finem omnes sententiae, decreta & arresta pronunciata, tam in his ditionibus quam quibuscunque aliis, quae sub nostra iurisdictione sitae sunt, causa motuum praeteritorum, aboleantur & extinguantur radicitus ex Registris, ad exonerationem absolutionemque omnium eorum que adhæserint vni aut alteri parti contrahenti. Ad quem finem interdiximus & inhibuimus, interdiximus & inhibemus omnibus indifferēter, cuiuscunque gradus, qualitatis aut cōdicionis, ne quid exprobrent sibi mutuo occasione praeteritorum. In qua tamen obliuione nō sunt comprehensi communes inimici nostri, & dictarum reconciliatarum prouinciarū banniti, relegati vel in ius vocati, quod conspirauerint in aliquam ciuitatem.

III.

RATVM quoq. habuimus, ratumq. habemus, quicquid in dictis

dictis prouinciis reconciliatis prouisum, collatum & concessum est à fratre & nepote nostro Archiduce Matthia, Ordinibus & Concilio Status, quousq. scilicet potestas ordinaria nostrorum Gubernatorum & locum tenentium generalium in Belgio nostro sese in hunc diem extendit. Et quantū ad prouisiones, nobis specialiter reseruatas, ad instātem requisitionem & supplicationem dictorum Statuum, eas similiter confirmauimus, & confirmamus pro hac vice, nisi nobis cōstiterit personas eas quibus prouisio facta est, nō esse catholicas & ut decet qualificatas, ad obtinendum dictas prouisiones, & munera exercendum; ea tamen lege, nisi repugnet pacificationi Gandauensi, Vnioni, Edicto perpetuo, iuribus, priuilegiis & libertatibus prouinciarum, tam in genere quā in specie, reseruatis nihilominus omnibus prouisionibus, quæ fortē factæ fuerint à xvij. die Maij, vltimò elapso, quæ habebuntur pro nullis, non comprehensis etiam prouisionibus Conciliorum Status secreti & finciarum.

I I I.

N E Q V E inquiremus, vel inquiri curabimus, in quenquam ob demolitionem arcium & fortalitorum, eaq̃ue arces & fortalitia non poterunt in prouinciis reconciliatis denuò ædificari, aut noua erigi, sine expresso consensu Statuum cuiuscunque prouinciæ specialiter.

V.

I T E M concedimus, statuimus & ordinamus, ut omnes & singuli nostri milites, Hispani, Itali, Albani, Burgundiones & alij quicunque extranei, non grati Statibus, hunc præsentem tractatum acceptantibus, discedant ex nostris inferioribus ditionibus, siue Belgio, præsertim ex ducatu Lucēburgico, intra sex hebdomadas, proximas ab horum publicatione, aut citius, si corpus exercitus, de quo infra dicitur, prius confici & erigi poterit, & quæ ad discessum eorum requiruntur, prius parata sint: Certè ut in omnem euentum discedant intra dictas sex hebdomadas, (quādoquidem dicti Status promiserunt nobis diligentissimè, cum delegatis nostris sine fraude curaturos, uti dictus exercitus paratus sit in diem discessui exterorum præfinitum)

finium) & intra sex alteras hebdomadas sequentes ex Ducatu Burgundiæ, ita ut reuertendi in dictas prouincias inferiores aut Belgium ipsis potestas adimatur, aut ulli alij induci possint, quamdiu extraneo bello vacamus, & generaliter nisi opus sit, & urgeat necessitas, præfatis Statibus nota & probata. Quemadmodum etiam dicti Status curabunt educi omnes Francos, Anglos, Scotos & alios extraneos, in quos imperium & auctoritatem habent.

VI.

Dicti quoque milites Hispani, Germani, Itali, Burgundiones, & alij quicunque exeuntes ex arcibus & oppidis, cogentur relinquere omnem com meatum, tormenta bellica, & munitiones ibidem existentes. Et quantum ad tormenta bellica, ex arcibus sumpta, reddetur & restituentur prima opportunitate in locum unde desumpta sunt, præclusa omni licentia auerendi ea, quamquam extra prouincias, easque arces & oppida cum dicto com meatu & munitionibus ibidem existentibus, nos commitemus: illas quidem quæ sunt sub gubernatione Hannoniæ intra viginti dies à publicatione huius, reliqua verò, vbicunque sita sunt, intra alios viginti proximos dies hominibus indigenis inferiorum prouinciarum, siue Belgij qualificatis, secundum earum priuilegia gratis Statibus prouinciarum reconciliatarum respectiue.

VII.

Quo tempore discessus & abitus præfatorum extraneorum pendente, nos cum dictis prouinciis reconciliatis nostris sumptibus & expensis conficiemus corpus quoddam militum ex indigenis prouinciarum, & aliis gratis nobis, ac iisdem prouinciis, ea tamen condicione, quod præfata prouincia nos suo subsidio iuuabunt, iuxta articulum xx. subsequenter, ad manutenendam religionem Catholicam Romanam, & debitam nobis obedientiam, ex forma Pacificationis Gandauensis, Unionis, Edicti perpetui, & huius præsentis tractatus in omnibus suis articulis.

VIII.

MANDAMUS quoque Statibus & Gubernatoribus, tam
f gene-

generalibus quàm particularibus, Conciliis & Magistratibus
Luxemburgicis & Burgundicis, manutenere & non pati di-
minui, aut præiudicari in re vlla, Edicto perpetuo, & huic tra-
ctatui, in vllis suis punctis & articulis, item non permittere vl-
lis militibus transitum aut ingressum, in præiudicium harum
prouinciarum, & de his omnibus præstare iusiurandum &
instrumentum publicum idoneum & sufficiens: quemadmo-
dum etiam Status reciprocè ex sua parte facient suum debitum
officium, ad eundem finem, vt commercia & communicatio-
nes sint tuta & libera inter dictas prouincias, sicuti fuerunt
præteritis temporibus, cum omni securitate.

IX. **U**t omnes captiui vtriusque liberentur, statim post pro-
mulgationem præsentium, quatenus erunt in ipsorum pote-
state, sine vlllo redemptionis pretio.

X. **Q**uantum ad bona detenta, arrestata & contrectata,
hinc inde à Pacificatione Gandauensi, tam in inferioribus
nostris prouinciis, quàm in Burgundia & alibi: quilibet redi-
bit statim in bona sua immobilia: in mobilia verò quilibet
etiam redibit, quatenus non fuerint alienata, auctoritate &
mandato iudiciali, vel per magistratus, ad id coactos tumultu
populari. In quibus comprehenduntur bona captiuorum, de-
tentorum à Gandauensibus, & aliis factionis eorum. Quo ad
reditus, & onera super iisdem bonis, obseruabuntur ea quæ
disposita sunt **XIIII.** & **XVI.** articulis Pacificationis Gan-
dauensis, habito respectu ad diem natiuitatis S. Ioh. Baptistæ
anni M. D. LXXIX.

XI. **M**anutenemus etiam, & manutenemus, omnes
Gubernatores modernos prouinciarum, vrbium, locorum &
castellorum reconciliatorum, cōstitutos ante discessum quon-
dam nostri dilectissimi & charissimi fratris Domini Ioannis
in oppidum Namurcense, vti etiam illos quibus prouisum est
de gubernationibus per mortem vacantibus. Sed quantum ad
gubernationes constitutas per modum prouisionis, propter
captiui-

captiuitatem & detentionem quorundam Dominorum, illi commissi ad huiusmodi gubernationes continuabuntur, vsq. ad restitutionem & reditū dictorum Dominorum captiuorū: ita tamen, vt si dicti captiui fortē moriantur, tum provideatur iuxta articulum xvij. promittim⁹que nullos ex his destitue- re, quatenus secuti fuerint partes Ordinum durantibus his motibus, & manutenuerint religionē Catholicam Romanam iuxta formam pacificationis Gandauēsis, Vnionis postea inse- cutę, & Edicti perpetui; nec faciāt posthac quicquā quod præ- iudicium adferat huic præsentī tractationi & reconciliationi.

XII.

ET ad maiorem securitatem, ordinauimus & ordinamus, iuxta formam xj. articuli Edicti perpetui, vt status prouincia- rum reconciliatarum, omnes cōstituti in dignitatibus Gubernatores, magistratus, ciues & incolæ ciuitatum & pagorum vbi erunt in præsidio milites, similiterque iis milites, ac etiam in- colæ ciuitatum & pagorum vbi non est præsidium; denique omnes alij in functione aliqua, munere vel officio militari, aut alio versantes, præstent iusiurandum, se conseruatu- ros religionem Catholicam Romanam, & debitam nobis obedi- entiam, iuxta dictam Pacificationem, Vnionem postea subsecu- tam, Edictum perpetuū, & hunc præsentem tractatū, & quod non recipient, mutabūt vel admittēt respectiue præsidium, absq. scitu Gubernatoris generalis, & prouincialis, & Concilio sta- tum cuiusque prouinciæ, aut ipsorum delegatorum: sic qui- dem vt necessitate repentina ac graui urgente, dictus Guber- nator prouincialis provideat fortalitiis, vbi solet haberi præ- sidium militare; ita tamen, vt milites nobis sint sacramento deuincti, nobisque militent in qualibet prouincia.

XIII.

PROMITTIMVS quoque non grauare, nec grauari face- re ciuitates, aut agros dictarū prouinciarum reconciliatarum aliquo milite extraneo vel intraneo, nisi ipsimet incolæ id ex- petant, belli aut periculi alicuius causa, aut solitum sit ibi- dem esse ab omni tempore, quo casu erit præsidium ex indi- genis Belgij; Statibus respectiue gratis.

VOLVMVS & statuimus, vt in omnibus ciuitatibus & pagis, vbi Magistratus extraordinariè renouati sunt ab exordio motuum, restituantur in integrum, secundum cōsuetudinem & priuilegia cuiusque loci obseruata tempore quondam inclytæ & glorioſæ memoriæ Imperatoris Caroli Domini & Patris nostri. Item vt res ita constituantur, vt dictis magistratibus sua constet auctoritas, illisque pareatur, vti decet, ne recidatur in noua denuò pericula.

PROMITTIMVS etiam, nos semper præfecturos gubernationi generali Belgij nostri, Principem vel Principissam nostri sanguinis, qui, quæ ue dotes & qualitates, ad tam arduum munus necessarias, & de quo, vel qua subditi iustam causam satisfactionis sint habaturi, vel ex omni ratione contentos se præbere debeant. Gubernabit cum omni iustitia, & æquitate, secundum iura & consuetudines dictarum prouinciarū, iurabitque solenniter se manutenturum Pacificationem Gandauensē, Vnionem postea subsecutam, Edictum perpetuum, & hunc præsentem tractatum, in omnibus suis punctis & articulis, & notanter religionem Catholicam Romanam, nobisque debitam obedientiam, præsignificabimusque dictis Statibus, vti soliti sumus, aliquo tempore ante creationē dicti Gubernatoris, quem elegerimus. Volumus autē, vt nepos noster Princeps Parmensis, pro summo voto quod habemus ante omnia procurandi quietem & securitatem nostrorū subditorum, omni officio & industria promoueat, & executioni mandet discessum extraneorū, & restitutionem locorū, vtq. eodem tempore admittatur & recipiatur in gubernatorē generalem Belgij nostri, ad tempus sex mensium, obseruatis solennibus consuetis, & pro maiori satisfactione & cōfidentia nostrorum Statuum & subditorum, habeat pro suis domesticis indigenas prouinciarū, & quā minimū poterit extraneorū: & quo magis illis gratificemus, cupimus vt numerus dictorū seruorum extraneorum non excedat xxv. vel xxx. Quibus etiam extraneis non conferetur aliqua administratio negotiorū publicorum ha-

rum harum prouinciarū. Habiturus tamen est talem corporis custodiam, quam alij Gubernatores, Principes vel Principissæ nostri sanguinis habere soliti sunt, arcuariorū nempe & hallabardariorum indigenarū ad id qualificatorum. Cum quo nepote nostro dicti Status ex hoc tempore mutuam cōmunicationem habēbunt, ipsiq; significabunt omnia quæ agentur, & pertinebunt ad executionem eiusdem tractatus, & quæ inde dependent. Fient quoq. omnia Edicta, Madata & prouisiones per nos & nostro solummodo nomine, finitisque præfatis sex mensibus, casu quo non prouiderimus dictæ gubernationi in personam eiusdem Principis Parmensis, aut alterius, qui qualitatibus supradictis præditus sit, eadem gubernatio, ne quis tumultus aut confusio oriatur, administrabitur per Cōcilium Status interea, dum expectabitur dicta noua prouisio.

XVI.

Qv o d quidem Concilium Status constituetur à nobis ex duodecim viris, nostro arbitrio eligendis, tā proceribus & Nobilibus, quàm togatis, vt moris fuit naturalibus harum prouinciarum, ex quibus duæ tertiæ gratæ sint Ordinibus dictarum prouinciarum, & adhæserint ipsorum partibus, ab exordio motuum vsque ad finem. Quarum duarum tertiarum quinque habebunt à nobis commissionem more solito, & tres reliqui simplicem prouisionem pro termino trium mensium, quibus elapsis eos poterimus (si ita nobis videtur,) continuare aut eligere ac constituere alios qualificados, vt suprā, vt locus apertus relinquatur prouinciis adhuc reconciliandis.

XVII.

Ex sententia verò & conclusione maioris partis dictorum Consiliariorū, qui tenebuntur præstare id ipsum iusiurandum quod iam antè diximus, omnia expedientur vti tempore dicti honoratissimi Domini & patris nostri Imperatoris Caroli, & peculiari nota signabuntur ab vno aliquo dictorum Consiliariorum, vt obuiam eatur malis sæpius deprehensis.

XVIII.

OMNIBVS gubernationibus, quas deinceps ad sex vsque annos proximos continget vacare, in dictis prouinciis reconciliatis,

ciliatis, præcipuè præfecturæ militum, admovebimus naturales nostrarum inferiorum provinciarum, aut extraneos, tam vnos quàm alteros Statibus dictarum provinciarum respectuè gratos, capaces, idoneos & qualificados, secundum earum priuilegia. Quantum verò ad Concilia nostra, secretum, financiarum & alia officia magni momenti attinet, similiter promovebimus naturales dictarum provinciarum, aut certè alios non naturales, dictis Statibus gratos & acceptos: qui antequam recipiantur, tenebuntur iurare sollemniter in verba huius tractatus, & medio iureiurando promittere, casu quo deprehendant agi quidquam in eius præiudicium, de eo facere certiores Status provinciarum, sub pœna periurij & infamiæ.

XIX.

RATIFICAVIMVS quoque, & ratificamus, omnes constitutiones reddituum annuorum, pensiones & alias obligationes, securitates & impositiones, quas dicti Status ex consensu singularum provinciarum constituerunt & contraxerunt, constituent & contrahent in eorum commodum, qui illis auxilio fuerunt, vel pecuniam numerarunt necessariis, & soluenda debita contracta, causa belli & motuum præteritorum, iuxta articulum xvij. Edicti perpetui.

XX.

Nec onerabuntur in futurum ullis gabellis, contributionibus & impositionibus, aliter aut alia forma & ratione, quàm onerabantur tempore & imperio quondam Domini & patris nostri Caroli Quinti, & ex consensu Statuum cuiuscunque provincie respectuè.

XXI.

OMNIA & singula priuilegia, usus & consuetudines, tam in genere quàm in specie, manu tenebuntur, & si qua violata sunt, reparabuntur & restituentur.

XXII.

DICTÆ provincie reconciliatæ tenebuntur renunciare omnibus obligationibus & foederibus factis à principio mutationum & motuum præteritorum.

XXIII.

Et quia Status sentiunt se obligatos charissimæ forori nostræ Se-

232
stræ Serenissimæ Reginæ Angliæ & Illustrissimo Andegauen-
sium Duci Regis Christianissimi fratri, ob suppetias ab iisdem
acceptas : nos mittemus intra duos menses proximos, ex eo
tempore quo nepos noster Princeps Parmensis & Placentiæ
ingressus fuerit gubernationem generalem, personam quan-
dam idoneam ad eos, ad præstanda omnia humanitatis offi-
cia, continuabiturque confœderatio, & pristina amicitia cum
dicta sorore nostra reciprocè.

XXIII.

ET ad augendum affectum & benevolentiam quam prin-
cipes debent subditis, & contrà vt subditi magis inclinent ad
venerationem & debitam obedientiam principi suo naturali,
dicti Status humillimè à nobis petierunt & supplicarunt, vt
prima occasione & primo quoque tempore mittamus in Bel-
gium vnum ex liberis nostris, quem verisimile sit nobis suc-
cessurum, in nostras prouincias, vt ibi educetur & instituatur,
iuxta morem ipsorum, in omni pietate & virtute conuenien-
ti. Qua in re habebimus eum, quem oportet, respectum.

XXV.

CONSENTIMVS etiam, vt omnes prouinciæ, castella-
niæ, ciuitates & personæ particulares nostri Belgij, qui volent
reconciliari nobiscum, iuxta formam & condicionem huius
præsentis tractatus, à nobis ad id admittentur, & gaudebunt
eodem beneficio quo dictæ prouinciæ reconciliatæ, modò vo-
luntariè eò descendant, intra tres menses, post realem disces-
sum Hispanorum ex toto Belgio.

XXVI.

CONCESSIMVS quoque, & concedimus dictis Stati-
bus, vt possint supplicare suæ Sanctitati, nostro charissimo ac
dilectissimo fratri, nepoti & cognato nostro Imperatori, Ar-
chiepiscopis Colonienfi & Treuerensi, ac Duci Cliuensi, tan-
quam zelatoribus boni & tranquillitatis Reip. Christianæ, vt
placeat eis operam dare, vt tractatus iste & pactum conuen-
tum in omnibus suis punctis ad effectum perducatur, implea-
tur, & sine vlla violatione obseruetur.

SI verò

Si verò in executione & consummatione huius pacificationis, & quod ab eo pendet, oriatur aliqua difficultas & controuersia, definienda post publicationem eius: nos & Status dictarum prouinciarum reconciliatarum deputabimus respectiue Commissarios, qui omnia intelligant, componant & executioni mandent. Interea hoc obseruandum est, quod per verba, *Grati Statibus &c.* posita in multis articulis huius tractatus, non excludentur naturales Belgij, qui adhæserint vni aut alteri parti contrahentium.

Vt autem omnia & singula puncta, & articuli suprâ scripti, facti & conclusi in dicta nostra ciuitate Atrebatensi xvij. die Maij ultimò præteriti, illustrati, repurgati & resoluti in nostro oppido Montensi xii. die Septembris anno M. D. LXXIX. bene & realiter obseruentur, compleantur & executioni mandentur, & vt omnia, iisdem articulis contenta, sint rata, firma, perpetuò permanentia & inuiolabilia: iussimus hunc præsentem tractatum signari per nostrum charissimum & fidelem cognatum Comitem à Mansfeldt, & alios delegatos nostros suprâ nominatos ex vna parte, ac per Gubernatores ac delegatos dictarum prouinciarum & alios confœderatos, ex altera parte: promittentes ratificare omnia literis nostris patentibus, in debita & consueta forma, intra tres menses ab hodierno die. Datum in nostro oppido Montensi, xii. die dicti mensis Septemb. M. D. LXXIX.

RESPONSVM DOMINORVM COM-
MISSARIORVM AD LITERAS

VALENCENENSIVM.

Sacra Cæs. Maieſt. ad negotium pacificationis

Belgica deputati Commissary.

LITERÆ vestræ, xix. Septembris datæ, nobis ante paucos dies sunt redditæ. Ex quibus magna animi voluptate intellexi-

telleximus, vos pacem & reconciliationem cum Rege Catholico, Principe ac Domino vestro naturali, neutiquam recusare, sed tantum causas quasdam allegare, quare consultius videatur, vos eos potius articulos quos Arthesij, Hannonienses & eorundem confœderati inierunt, quam media, hîc proposita, recipere. Quod cum ita sit, & vtrique articuli, vt verè scribitis, ad eundem scopum reconciliationis tendant, merito liberum vobis relinquimus, vtrum condiciones pacis hîc propositas, vel Arthesijs & Hannoniensibus concessas, acceptare velitis, eiusdemque sententiæ etiam regium Mandatarium Ducem de Terranova esse, ex eo intelleximus; tantum id vobis significandum duximus, quod si media hîc proposita, omnibusque nondum reconciliatis prouinciis & ciuitatibus Belgicis transmissa, acceptare, & in ea re nostra opera vti volueritis, necessarium esse, vt ante finem huius mensis Octobris nobis indicetis: nam eum terminum peremptorium ad hoc statuimus; quo elapso hinc discessuri, & tractationi huic finem imposituri sumus. Interim vos sedulo & diligenter adhortamur, vt in sententia vestra, qua pacem & reconciliationem cum Rege Catholico inire statuistis, constanter persistatis, & ab ea nulla ratione, quantumuis speciosa, vos dimoueri patiamini. Quod reliquum est, non tantum à Deo petimus & optamus, vt is in pace oblata acceptanda & perficienda vos confirmet, sed & omnia beneuolentiæ officia vobis promptè offerimus. Datæ Colonia v. Octob. 1579.

Spectabilibus, prudentibus & circumspèctis Iuratis Scabinis, Senatui totique Communitati ciuitatis Valencenæ.

RESPONSVM DVCIS DE TERRANOVA AD LITERAS EORVNDENI.

*Ex lingua
Gallica in
Latinam
translatum.*

DOMINI mei. Vehementer gauisus sum ex epistola vestra, scripta xix. superioris mensis, intelligere bonam vestram intentionem & voluntatem, vt secuta pace perpetuò reconciliemini cum sua Maiest. supremo vestro Domino & Principe naturali, ad exhibendum illi debitam obedientiam,

g

tiam, & quod rationi & æquitati consonos iudicatis articulos, à principibus Commissariis Cæs. Maieſt. exhibitos, vobisq; missos. Quæ res non potest mihi non esse gratissima, meritòque laudo tam bonam ac sanctam resolutionem. Verùm quia propter considerationes, vestra epistola comprehensas, videmini differre in præſentiarum dictos articulos recipere, obſtante alia particulari tractatione, à vicinis vestris inita, & iam publicata, his volui vobis ſignificare, & certos reddere, quia vtraque res tendit ad vnum eundemque scopum, vos non poſſe peccare neque aberrare, ſi promptè declaratis vos recipere dictos articulos, fidemque vobis facio & promitto per præſentes, quòd huiusmodi receptione nullo modo vobis præiudicium, aut intereſſe aliquod fiet, neque ſecludemini à tractatione cum vestris vicinis iam inita, quibus vos cupitis conformes reddere. Sed recipiendo dictos articulos, habebimini eodem cum illis loco & gradu, gaudebitisq; omnibus beneficiis & gratiis per dictam tractationem ipsis conceſſis, vel adhuc concedendis. Cuius rei pro mea erga vos benevolentia, & vestra tam bona intentione volui vos certiores facere, atque etiam hortari, ne velitis vti termino per dictum tractatum conceſſo, atque ita differre vel remorari declarationem vestræ bonæ conſuſionis hac in re, ſed promptè recipere articulos, ad vos miſſos, tum ne dicta dilatione voſmetipſos oſtendatis differre à vestris vicinis, qui modò ſeſe ad eundem finem, licet alia via declararunt, tum ad maiorem fauorem promerèdum penes veſtrum principem naturalem, quicum reconciliari deſideratis, & etiam penes hos Dominos Commiſſarios, qui ſeſe Mediatores conſtituerunt, ac tantum temporis moleſtiæq; vti noſtis, ſubierunt; quibus etiam vestra tam prompta conſuſio valde grata erit, eademq; opera exemplo futura aliis ad idem faciendum, vt citius perueniatur ad pacem generalem, ab omnibus vnanimiter deſideratam. Deum rogans Domini mei, vt illam nobis concedat ita bonam & duraturam, vti ego & vos deſideramus. Datum Colonia 1111. Octob. 1579.

8
Scri-

235

SCRIPTVM LEGATORVM
ORDINVM.

*Reuerendissimi, Illustrissimi, Generose, Nobilis
Sacr. Cæs. Maieft. Commissarij.*

ILLVSTRISSIMVS Dux Arschotanus, & nos reliqui
Ordinum legati, litteras illas, quas placuit Celsis. & Dign.
V. ad Ordines generales scribere, quarum exemplum nu-
diustertius nobis traditum est, perlegimus, & vt rogati & iussi
fuimus, easdem litteras ad illos transmissimus: sed cum præter
spem nostram acciderit, quod in iis nihil Ordinibus ad gra-
uamina ista, quæ plus quam manifestè se in articulis pacifi-
cationis exhibitis reperire ostendunt, responsum sit, nec vlla
Ordinibus spes detur maioris alicuius moderationis & gra-
tiæ, super qua firma pax inter Seren. Regem & ipsos consti-
tuatur, sed potius in contrarium omnis illa spes iis per litteras
istas præcidatur, solliciti ne inde maior aliqua alienatio à
Rege, vel sinistra suspicio de hoc tractatu apud deputatos
prouinciarum, quarum conuentus breui habebitur, suboria-
tur, qua re non solum omnia ista quæ hætenus acta sunt, in
nihilum redigentur, sed grauiora tam ab vna quam ab altera
parte consiliis & factis accidere necesse sit: propterea Celsis.
& Dign. V. iterum enixissime rogatas volumus, ne grauentur
vel nouis literis ad Ordines datis, vel scripto nobis tradito, vt
illius eos certiores ante conuentum istum faciamus, obstacu-
la & impedimenta illa, quorum Ordines in literis suis men-
tionem faciunt, per nouam declarationem tollere, mediisque
proposita ita moderari & reformare, vt ex iis firmiorem secu-
ritatem omnes subditi, deinde maiorem reuerentiam erga
Deum & Regem, dum in animis suis vtriusque Maieftati sa-
tisfacere poterunt, consequantur.

Ad quam rem similiter submissis animis intercessionis ve-
stræ officium imploramus, cuius respectu Celsis. & Dign. V.
haud mouere debet, quod Dux de Terranova circa quædam
se difficiliorem præbeat, sed vestræ gratiæ incumbere puta-

*Pro hac noua
declaratione,
nouisq; mediis
qua à Domi-
nis Commissa-
riis Legati
Ordinum his
petunt, tradi-
tum iis postea
est scriptum
apologeticum
Ducis de
Terranova.*

g 2 mus

mus ea ad minimum consentire, quæ conditio & status Re-
pub. nostræ præsens necessario exigere & flagitare videtur.
Actum Coloniae 13. Octob. M. D. LXXIX.

XXVI. Octob. cum ciuitas Arnhemensis literas ad
Dominos Commissarios, quibus ad binas primas à Celsis &
Dign. eorum scriptas respondent, transmisisset, eas legati Or-
dinum, exemplo earum lecto ut rogati ab ipsis erant, inconti-
nenti illis tradi faciunt. Cum verò iisdem literis adiuncta esset
copia secundarum literarum, quarum exhibitionem factam
non esse supra exposuimus, visum mihi est, ne quid historiae
desit, has literas hinc inferere, quibus alia, ad alias prouincias
& ciuitates datae, sine dubio similes fuerunt. iisque deinde
respondum Arnhemensium subiicere.

LITERÆ COMMISSARIORVM
AD CIVITATEM ARNHEMENSEM.

*Sacrae Cæs. Maiest. ad negotium pacificationis
Belgicae deputati Commissarij.*

Spectabiles & prudentes:

NEMINI obscurum esse arbitramur, quanto studio,
quantisque molestiis & laboribus hoc onus Belgicae pa-
cificationis, à Sac. Cæs. Maiest. nobis impositum, hucusque
prosecuti fuerimus, neque à quoquam in malam partem ac-
cipi vel posse vel debere, si longiori vestra cæterarumque pro-
uinciarum & ciuitatum (ad quas iam dudum articuli pacifi-
cationis, omnium iudicio tam æqui & tolerabiles, XVII. Iulij à nobis Legatis Ordinum exhibiti, vobis proculdubio
communicati, postremò verò à nobis sub dato v^{ro} huius de-
nuò transmissi) protracta mora, cum magno nostro nostro-
rumque incommodo frustra hinc tempus terere, non leui affi-
ciamur tædio.

QVAM

QUAMOBREM vos iterum hisce nostris literis monere volumus, prout monemus & hortamur, vt hanc optimam vestræ salutis, Reipublicæ quoque vestræ tranquillitatis & pacis perpetuæ stabiliendæ occasionem verè vobis cordi esse, & nec villo vel diffidetiæ vel sinistræ alicuius persuasionis affectu mentes & animos vestros ita fascinari vel obnubilari patiamini, quò præsentem vobis vltro oblatam, tamque plausibilem & iucundam quietis & felicitatis vestræ opportunitatem vobis præripi permittatis.

Et quia veremur, ne frequentiores illæ Antuerpienses turbæ impedimento sint, & in futurum esse possent, quominus res hæc tam ardua debita celeritate expediat, ob id vos seriò hortandos duximus, quòd vltiore quauis mora remota, etiam nobis huc Coloniam, cuiuslibet alterius prouinciæ vel ciuitatis longiori protelatione non attenta, super antè memoratis vobis transmissis pacificationis articulis vestram resolutionem & sententiam, vti speramus huic negotio conuenientem, in forma authentica quamprimùm, aut saltem intra spatium trium septimanarum, à datis præsentium computandarum renuntiari curetis. Hoc ipso facietis rem in primis vobis vestræque patriæ salutarem, Cæs. Maieft. & nobis gratam. Datum Colonia xxix. August. Anno M. D. LXXIX.

Subscriptum:

Jacobus Archiepiscopus Treuir.

Gebhardus.

Iulius Episcopus Wirtzb.

Otto Henricus Comes in Schwartzenberg.

Wernher herr zu Gimneich.

Superscriptum:

*Spectabilibus & prudentibus Burgimagistris,
Scabinis, Consulibus, Senatui totique Com-
munitati ciuitatis Arnhemensis.*

RESPONSVM CIVITATIS ARNHE-
MENSIS, AD LITERAS DOMINO-
RVM COMMISSARIORVM.

REVERENDISSIMI Illustrissimiq; Principes Electo-
res, ceterique nobilitate generis clari viri, Cæs. Maiest.
Legati, Coloniae de pace Belgicis provinciis, post earum deua-
stationem & inauditas calamitates acceptas restituenda, cum
regis Legatis tractantes. Gratias agimus Celsi. & D. V. immen-
sas, quod propriis ditionibus propter publicum bonum & salu-
tem uniuersorum neglectis, nullos labores detrectetis, nec vl-
lis sumptibus parcatis, quod res feliciter coepta ad optatum tan-
dem finem perducatur. In quo diuina æterni patris suffragante
gratia perficiendo, ut porro benignissima erga afflictos Belgas a-
nimorum propensitate perseueretis, suppliciter & enixe rogamus.

QVOD autem literis vestris Coloniae quinta die & rur-
sus vicesima nona mensis Augusti ad nos datis tam serò re-
spondemus, causa alia non est, quam quod statuere prius nec
potuimus, nec debuimus quid, ante conuentum Ordinum
totius Gæltiæ ducatus & comitatus Zutphanie nunc hic ce-
lebratum, respondendum esset, saluo fœdere cum aliis pro-
uinciis, & præcipue cum vicinis Traiectensibus & Hollandis
inito. Quæ causa nemini non maximi esse momenti haud du-
biè videbitur. Quemadmodum enim ante omnia ex more &
consuetudine maiorum cauendum est, ut Ordines huius pro-
uinciæ unanimi consensu de conditionibus pacis oblata de-
liberent, nec quisquam eorum priuato & præcipiti pacis desi-
derio è communi consilio vniuersitatis discedere tentet; ita
simul providere debemus, ut iuxta pacta conuenta in fœdere,
etiam cum confœderatis nostra sententia omnimodo cõsen-
tiant, nec alia expetatur pax, quam quæ communi provincia-
rum suffragio in vnum eundemque finem cum stabili & per-
petua patriæ salute dirigatur. Quamquæ enim non pauci sunt
quorum animos præsens calamitas adeo excæcauit, ut qualicū-
que modo rebus suis liberè frui permittatur, non solliciti quid
hostis porro machinetur, pacem omnibus modis exoptent &
petant:

perant: attamen qui ex inundatione Albani & Austriaci didicerūt, quā fides & iuramentū nostris præsita, venalia sint Hispanis, certissimum patriæ exitium denuntiant, si cæcō iniquissimæ pacis desiderio vinculum fœderis dissolui patiamur.

I D E O Q V E vt dissoluatur, nihil non tentant Hispani, vt pote cū vnicā victoriæ spem in dilaceratione pridem bene vnitæ Belgicę ponant, neq. in aliū scopum illos collimare hodie videamus. Hinc est ille subiectus pacificationis articulis manu scriptus speciosus appēdix (vt ad nostras & multorum aliorū manus eiusmodi exemplar peruenit.) in illorū animos, qui cæteris plus sapere velle videntur, se insinuās ad perfidam defectionem, quasi ostensa scientiæ boni & mali arbore, eos inuitat hisce verbis: Hos articulos pacis si quæ prouinciæ seu ciuitates, nec non particulares cuiuscunque ordinis homines, acceptare velint, ab omni exercitus Regij iniuria immunes erunt, neque ciuitates vllō militari præsidio grauabuntur, neque vltius virgebuntur, quā vt Regi conditionibus suprā dictis fideles & addicti permaneant, &c. Et ad maiorem perfidiæ occasionem dandā subiicitur: Et quicunq. sibi inde amplius cauēri cupiēt, Ducem de Terranoua, pacificationis causa huc missum, adire poterunt, qui cuiusuis ita affecti desiderio abundē satisfactorus est.

E X quibus verborum illecebris, quā hęc ab Hispanis oblata pax insidiarum plena sit, quāque detecta fronte ciuile bellum inter malē adhuc in causa religionis recōciliatos mouere tenter, nemini iam dubiū est.

Q V O D euidentius patebit examinanti ipsas huius oblatae pacis conditiones, quæ nō solum pacificationi Gandauenfi, & Edicto perpetuo, ab ipso Rege solenniter approbatis & confirmatis, verum etiam iuri & naturali æquitati contrariæ sunt, vt viuis rationibus, vbi opus erit, demonstrari poterit.

I N primis, verō ab omni naturali iudicio & humanis rationibus alienum est, tam durā & intolerabilem legē innumerosæ ecclesiæ religionis reformatæ præscribere, vt relicta patria, liberis, parētibus, cognatis & paternis bonis, à procuratore scilicet administrandis, in voluntarium eat exilium, dissipanda per totā Europā, vbi fortassis nullum sit tam amplum regnum

regnum quod hanc exulantium multitudinem hospitio velu
excipere, aut si velit, capere posse videatur.

HÆC diligenter expendēda & examināda nobis fuerant,
in primis verò cauendū, ne quæ dantur pacis leges omnia, quæ
ad sinceram pacificationem stabiliendam hæctenus impensa
sunt, irrita faciant, nosq. simul elusos huiusmodi pactorū tenore
cum summa nostra ignominia frustra tandē conqueramur.

Q V A N Q V A M enim diuturno bello nos vicinarumq. pro-
uinciarum subditi ita attenuati sumus, vt pacem tandē petere
debeamus; tamen mori satius est, quàm tales pacis cōditiones
recipere, quæ Belgas in eas reducant angustias, vt qui bello
vinci nō potuerint, eorum alij vxores, liberos & omnia, scien-
tes volentes, Hispanis mox, vbi volent, redituris, aut saltem
eorum coniuratis subiiciant; alij verò in exilium sponte patria
relicta discedant.

Q V I N potius Mandati formam, quam Ordines prouin-
ciarum suis legatis de pace tractaturis communi consensu de-
derunt, etiam cum vitæ periculo obseruare decretum est, præ-
fertim cū nihil omnino in ea, quod ad æquas pacis conditio-
nes, eamq. in perpetuum ad honorem Dei, & debitam Regi
à subditis obedientiam stabiliendam facere vllō modo videat-
ur, desiderari possit.

E I V S M O D I concessa pace redintegrabitur pristinus Bel-
gicarum prouinciarum status, cum æterna laude Imperatorij
nominis & Electoriæ dignitatis, simulq. cum salute totius
imperij Romani nimis vicino hoc bello Hispanorum tyran-
nidem iam multis annis perpesti.

Q V A P R O P T E R supplices rogamus & obtestamur Cels.
& D. V. vt nostrarum calamitatū misertæ dignentur Hispano-
rum tergiversationes & moram tandem abrumpere, restituta
nobis pace quæ Deo, quæ Dei sunt, & Regi quæ Regis sunt
exhibeat & subiiciat. Datum Arnhemij. xvi. Octob. Anno
M. D. LXXIX.

Cellf. & D. V.

Obedientiſſ.

Magistratus & Cives Arnhemij metropolis Velu.

XXX.

XXX. OCTOB. legati Ordinum ad Concilium vocati fuerunt; quò cum quidam eorum comparuissent, indicatum illis fuit, Ducem de Terranova scriptum quoddam, quod loco responsi esse vellet ad literas Ordinum, quæ postremò tum ad Dominos Commissarios, tum ad ipsum missæ erant, in Concilio exhibuisse. Ac licet Domini Consiliarij cum neutra parte in ullam disputationem vel ipsi descendere velint, vel partes inter se mutuo in eam venire approbent, præsertim cum ipse Dux declarauerit, se nihil amplius, quàm quod exhibitis articulis continetur, concessurum, nec Cels. & Dign. eorum quicquam etiam in iisdem articulis immutare statuerint, sed super illis resolutione Ordinum generalium expectare: omittere tamen non potuisse, quin Scriptum illud legatis Ordinum communicarent.

Ad quod illi respondent, se scriptum illud relegere velle; cui si ex tempore respondere possent, se id facturos esse: sin minus, ad Ordines transmissuros.

SCRIPTVM DVCIS

DE TERRANOVA.

*Reuerendissimi, Illustrissimique Domini Electores,
Principesque generosi, nobiles Domini, S. Cæs.
Maest. delegati longè dignissimi.*

QUANTVMVIS variæ subsint causæ, & quidem grauissimæ, propter quas vix operæpretium fore crediderim, ad contenta literarum, mandato Ordinum Belgij Antuerpiæ congregatorum, iampridem decima superioris mensis Septembris, ad amplissimum vestrum confessum datarum, ac deinceps mihi communicatarum, prolixius aut curiosius respondere: tamen veritus, ne qua erroris facti grauior forsan impressio vsquam locorū, præsertim verò apud incautiores, ex iis quæ adeò temerè asseruntur, quomodolibet causari queat; credidi ad functionis meæ debitum omninò nihil tam pertinere, quàm nedum vitiosos scopulos eiusmodi contentiosæ scriptionis detegere: verum etiam ad cōfortationem illorum qui reuera pacem in Domino sitiunt, ipsam demum facti veritatem,

Hoc scriptum ad extremum seruatum est, quo nec Ordinibus vel ipsorū Mandato legatis eorum responsi dedit ad illud tempus aut oportunitas esset.

ratem, ab omni circumuentionis fūco deterfam, breuiter ob oculos ponere.

PRINCIPIO quod attinet ad speciosas illas excusationes subterfugiorum transmissionis Mandati plenioris, utpote ad utrumque effectum, tam conclusionis quam tractationis, suffecturi, verè miranda res est, quòd Ordines Belgij adeò sobriè meminerint, non dicam propriæ salutis, sed decori & respectus, quem multis nominibus debent Sac. Cæs. Maiest. tanto intercessori, atque adeò etiam amplissimo huic vestro confesui, cuius indefessam sollicitudinem, coniunctam cum tanta æquanimitate, nemo satis laudauerit vnquam. Fuere enim ante sesquiannum dicti Ordines omnium primi, qui pertæsi ærumnarum ac sumptuum bellij iam supplicarunt sue Maiest. Cæsareæ, quatenus ne dedignaretur obsequiū fauorabilis intercessionis laboranti populo Belgico apud S. Maiest. Catholicam clementer impartiri. Cæsar autem supplicibus non solum alacriter moram gessit: quinimò & instituto hoc celeberrimo conuentu, nihil non eorum prouidenter disposuit, quæ ad negotium congruæ reconciliationis subditorum cum suo principe supremo ac naturali, ritè tum inchoandum, tum etiam feliciter consummandum oportuna fore credidit. Rex autem Catholicus, pro consueta animi sui mansuetudine, Cæsareo consilio acquiescens, me suum Mandatarium, non minus amplo quàm sufficienti procuratorio, legitimè instructum, huc ad præsentem conuentum destinauit; professus utique coram vniuerso orbe terrarum, omninò nihil acceptius sibi hoc Christianæ Reipub. ambiguo statu obuenire posse, quàm si interuentu amicabilis compositionis Cæsareæ, ac mediante sedula cooperatione vestrarum Cels. vel tandem motibus Belgicis reuera securus ac lætissimus finis (Deo auspice) imponeretur. Quo quidem tempore, licet supra dicti Ordines, tanquam qui priores implorarent auxilium eiusdem Maiest. Cæs. meritò debuerant etiam priores in arenam pacificationis descendisse, necnon legitima ac sufficientia Mandata suis Mandatariis concedidisse: tamen secus accidit; quandoquidem ipsi non nisi iusto interuallo, post meum in hanc ciuitatem aduentum, suos Mandatarios destinauere, & hos quidem longè sterilioribus Mandatis suffultos, quàm quæ vilius rectè sentientis iudicio sufficientia reputari meruerint.

Grauius.

Grauius autem illud est, quod post tot menses iam elapsos,
 quantumvis humaniter ac frequenter iam præmoniti, & antea
 requisiti, ne hoc quidem tempore, de ampliori Mandato trās-
 mittendo, vix vllam spem faciant. Ex quibus proculdubio
 vehemens oritur suspicio, aut deputatos Ordines, non tam
 pacis quàm belli contrahendi arcana consilia clam populo
 meditari, aut de legatorum suorum probitate & candore mi-
 nus quàm deceat, confidere. Nam sustinere quod natura rei
 principalis, ipsa quæ ratio & consuetudo repugnent, quominus
 in hoc tam arduo negotio largiendum fuerit Mandatum libe-
 rum & absolutum; denique ipsos præterea legatos eiuscemo-
 di amplum & illuminatum Mandatum, casu quo sponte etiam
 obtusum extitisset, haud dubie repudiaturos fuisse: ac insuper
 quod natura rei talis sit, quæ antecedentem partium discepta-
 tionem requirens, nequaquam ab initio circumscribi certis-
 quæ cancellis concludi potuerit: Nemo profecto tam leuiter
 versatus est in negotiis regnorum, aut rerum publicarum gra-
 uioribus, qui non vltro iudicet, eiuscmodi allegata haud a-
 liud præ se ferre, quàm speciosa quædam verba, & quidem fo-
 liis (vt dici solet) leuiora caducis. Nam vt breuitatis ergo, ra-
 tiones contrariæ, & vetustiora exempla omittantur, tantum
 consideretur quænam rerum facies, quæue pacis initia, cuius-
 ue generis Mandata, qualis quæ tractatio, & postremo quàm
 facilis & expedita suprema totius negotij conclusio, tempore
 pacis Gandauensis, nuper extiterit; comperietur sanè, nec pro-
 uincias particulares tunc temporis cum tâto apparatu, vt nunc
 fit, consultas fuisse; imò vix vnicum mensem vniuerso nego-
 tio impartitum extitisse. Quid mirum? cum eo tempore Or-
 dinum deputati, ipsorum quæ deputatorum primaria capita,
 non minus quàm ipsemet simplex popellus, pacem ex intimis
 animi præcordiis appetebant. Quæ quidem mens ac voluntas,
 si modo penes Ordinum deputatos in hæc vsque tempora per-
 seuerassent, iam vtique exoptata reconciliatione potiremur,
 nec circa angustiam Mandati procurationis adhucdum labo-
 raremus, potissimum legatis Ordinum maiori vt numero, ita
 propter excelsoiorem nobilitatem Ducis Arschotensis, etiam
 maiori splendore ac dignitate, quàm quæ olim Gandau fuer-
 int, indubitanter nunc præditis: & quod præcipuum est, etiam
 causam sibi commissam prosecuturis coram amplissimo isto

h 2

vestro

vestro confesso. Cuius sanè æquabilis rectitudo & summa integritas, comitata perinsigni rerum agendarum prudentia & dexteritate, longè notior est ac maior, quàm ut fas fuerit vllatenus suspicari, coram eiusmodi Cæsar. delegatis, populo Belgico vllum fucum fieri, aut præiudicium generari potuisse.

A N N O T A T.

Ordines in suis literis grauissimas causas adferunt, cur legatis suis absolutum Mandatum dare non potuerint. Has ut auctor huius scripti confutet, vocat quidem eas speciosas excusationes subterfugiorum, fortè memor eius cõsily, quod Princeps Parmensis Literis suis dederat, quæ Litere suprâ insertæ sunt; sed pro argumētis, quibus id docere debet, ab exclamatione incipit: Miranda res est, &c. & ad ea digreditur, quæ non solum à proposito aliena sunt, sed quibus putat se posse Ordinibus odium aliquod cõciliare. Deinde conatur à comendatione Mandati Regij, Mandatum Ordinum enervare: Esse illud non minus amplum quàm sufficiens, &c. Legati Ordinum pro reuerentia & modestia, quæ erga regium legatum sibi vrendū putarunt, nunquam quicquam aduersus Mandatum ipsius proferre voluerunt, veruntamē non ignorarunt id quod sibi in suo Mandato obicitur, pari vitio (si vitium censeretur) illius quoque Mandatum laborare, multaque iam concessa esse, quæ ex illo Mandato concedere non potuerit, & non nisi à Rege ratificata vllas vires obtinere. Ratio hæc est, quod Mandatum eius his duabus rebus expressis verbis limitetur: Ut subditi religionem Catholicam Romanam, Regisq. auctoritatem & obedientiam seruent: de posteriore, nulla quidem per se est controuersia, ut ex his Actis diuersis in locis constat: sed plus quàm manifestum est, circa prius præcipuam difficultatem versari. Nam cum vna pars subditorum Romanam religionem non omni parte sinceram esse indicet, & iniustam quoque omnem coactionem, quæ religionis nomine sit: humanam pacem frustra sibi suscipiendam censent, si pacem Dei, quæ non nisi in vero Dei cultu, & obseruatione mandatorum eius consistit, obtinere nequeant. Quamdiu enim ira Dei obnoxij manserint (quod sanè erit, si cõtra conscientiam suam diutius priori religioni adhaeserint) à calamitatibus, quas eius nomine à Deo immisas esse credunt, liberi ac immunes non euadent. Cum ergo in Mandato illo regio Duci Terranouensi nulla potestas detur, ad concedendam vllam libertatem circa aliam religionem, quàm quæ Romana est: alterutrum necessario sequitur, aut Mandatum eius ad conciliandam pacem directum & accommodatum non esse; sicut multa Acta declarant: aut saltem nō magis sufficiens, quàm legatorum Ordinum mandatum existere. Quæ præterea hic dicuntur, nihil nisi verba sunt sine vlla probatione. Quæ hætenus à legatis Ordinum acta sunt, ea iam antè Ordines suis literis approbarunt: ubi etiam plenè cõsiliū & conclusionem super oblati articulis ceperint, sine dubio Mandatum tale daturi sunt, quale vel reiciendis iis, vel approbandis sufficiens erit.

Ad

† *Ad verb.* Nam ut breuitatis ergo, &c.] Hoc ipsum **FACTI** est, omnesq; legati Ordinum, qui hic sunt, quorum quidā etiam actui isti presentes interfuerunt, dicunt se æquē restrictum tum Mandatum habuisse, quā est illud, quod nūc est, & de singulis, quæ inter ipsos agebantur, utrinq; ad Mandatores suos relationem fecisse. Deniq; omnibus deliberatis & cōclusis, omnes provincias particulatim consultas fuisse: Æquē breue etiam tempus in hoc tractatu Ordines desiderarunt, quod ex Mandato eorum perspicitur: sed acta ostendunt, per quam partem id steterit; qua cunctatione effectum quoque est, propter mutationes quæ interea temporis utrinque acciderūt, ut nunc & difficilior & longior sit deliberatio & conclusio.

EIVSDEM quoque ponderis, seu considerationis esse videtur mordax illa querimonia, quæ supradictis literis distringitur in Excell^m principem Parmensem, Gubernatorē & Capitaneum generalem, quem deputati Ordinum Antuerpiæ congregatorum, eo potissimum nomine criminantur, tanquam is sit, qui in contemptum (ut aiunt) Cæs. Maiest. ac huius denique celeberrimi conuentus auctor fuerit, nedum distractionis prouinciarum, quinimodē & grauissimorum dissidiorum inter subditos excitatorum. Opinor sanē de Arthesia, Hannonia, Insulensibus, Duacensibus, Valenchenſibus, imō & Mechlinia, ac cæteris cordatioribus dicere ipsos voluisse. En quid non audet animus malē affectus? quid enim opus erat hanc Camarinam mouere? poterat (me hercle) taceri hoc, præsertim cū ipsimet deputati non ignorent, vndenā vera causā & origo distractionis earundem prouinciarum nuper manarit. Imō ne eius quidem rei oblitos arbitror, quā ipsemet Princeps Auraicus, vnā cum suis sectatoribus, tum grauitertum verē ab Arthesiensibus & sociis, partim publicis, partim priuatis scriptis insimulentur, de violatione pacis Gandauensis, Ediſtiq; perpetui ac Vnionis subsecutæ, atque isthinc causam distractionis prouinciarum reuera manasse, nequaquam verō à Principe Parmensi, quem notoriē constat hocce in negotio, haud aliud vnquam molitum fuisse, quā quod prouinciis varietatem excessuum (qui passim cōtra Deum, ac ipsum quoque bonum publicum, non sine manifesta collusionē capitū dictorum deputatorum passim in prouinciis committebantur) diutius ferre & tolerare, præ animi honesti magnitudine, nequeuntibus, necnon eam potissimum ob causam ad serenitatem reconciliationis cum sua Maiest. Catholica, quasi suo pte motu aspirantibus, vltro occurrendum

iudicari, atque catenus ad nutantium solamen, & confortationem manum auxiliarem porrexerit. Quis enim Regi fidus minister? præsertim verò Deum timens, suaviq. (religionē in antiqua & auita puritate colēs) oblata eiusmodi occasione, tam pingui & oportuna, non idem præstiturus fuerat? potissimum certioratus de studiosa fabricatione nouæ Vnionis Traiectensis, quam certò constabat nonnullos belli, quàm pacis appetentiores, haud alio fine, scopoq. & intentione tunc temporis procurare, quàm vt ne futuræ reconciliationi (de qua in-præsentiarum nobis cura) etiam sua obstacula & scopuli deforent.

ANNOTAT.

Ad excusationem facti Parmensis, alia causa & origo distractionis prouinciarum ponitur, nempe Violatio pacis Gandauensis. Vt veritas huius negotij cognoscatur, quod in facto magis, quàm in iure est positum; sciendum est omni iniuria subditis per omnes prouincias sine discrimine ab Hispanis affectis, primum Ordines pacificationem Gandauensem vt se communibus viribus aduersus iniurias Hispanorum defenderent, vnanimiter cõclusisse: sequuta sunt Vnio & Edictum perpetuum. quæ tamen non omnes prouincia approbarunt: postea Rex, quicquid circa religionem actum erat, reuocauit. Cum eius occasione varij tumultus in diuersis prouinciis orirentur, ex necessitate Reipublicæ per maiorem partem Ordinum noua conuentio inita fuit, quæ appellatur Declaratio pacificationis Gandauensis, de dato 1577. 10. Decembr. in qua utriusque religionis subditi alij alios in fidem & clientelam mutuam suscipiunt. Circa politica quoque ordinationem faciunt, quæ iura & privilegia sua conseruarent, & aduersus contrarios conatus principum suorum, maxime verò Gubernatorum, quos ipsi constituerent, tutarentur; quæ ordinatio Capitulatione cum Seren. Archiduce Matihia facta cõprehenditur. Tertiò, religionis concordia, per maiorem partem quoq. Ordinum decreta & publicata fuit. His ita positis, concedimus quidem, priuatos aliquos nobiles in locis hic memoratis, discessionem ab Ordinibus fecisse, qui se Male-contētorum nomine appellarunt: sed quod Ordines earum prouinciarum vel prouincie ipse, imò vlla in iis ciuitas, ante factum Parmensis, ab vniuersitate apertè discesserit, de eo notoriè contrarium constat. Et sanè prudentiores omnes, illorum priuatorum Nobilium discessionem, non violationi pacis Gandauensis, sed odio & inuidia erga alios, qui plus apud populum in honore esse videbantur, vel potius ambitioni eorum attribuunt. Quicquid sit, manifestissimum est, distractionem prouinciarum, non aliunde quam ex sollicitationibus & promissis principis Parmensis, & nobilium illorum, populo male instructo, ortam esse: Nam cum huc Ordinem legati missi sunt, iam apud Ordines aderant adhuc legati

legati plerarumque urbium Hannonia & Arthesia, imò ex indigenis eorum unus quoque in legatum nominatus & electus fuit, speciatim Valencena & Mechlinia (quarum hic quoque mentio fit) legatis Ordinum, vna cum aliis, Mandatum suum dederunt. Hac ita in FACTO vera sunt. Quae porro addit de Deum timente, de antiqua & auita puritate religionis coleda, de suauitate oblata, pingui oportuna occasione, quid vna pars subditorum sentiat, variis in locis declaratum est. Quod ad Vnionem Traiectensem attinet, de qua hic in fine loquitur, istud affirmare non vereor, quòd citius calamitatibus & miseriis nostris finis imponetur, si eius conuentis & decretis nos accommodemus, quàm si vel articulos cum Hannoniensib. & Arthesiis initos, vel qui hic exhibiti sunt, approbemus & recipiamus; nec leuiter eam, cognito Hannoniensium Arthesiensiumq. proposito & consilio, institutam esse, ostendant sequentia testimonia, quae hic adicere placuit.

F. Quintius Gracie vrbes ad mutuam concordiam cohortans, aduersus consentientes inquit: Nec Rex quisquā satis validus nec tyrannus est, discordia & factiones omnia oportuna insidiantibus faciunt.

Philippus Comineus De rebus gestis Ludonici x i. Quemadmodū expedit principi hostium suorum, si duo vel plures sunt confederati, amicitiam quoquo modo dirimere: ita ij qui contra vim alicuius potentioris sunt confederati, in primis cauere debent, ne vllis pollicitationibus aut arte aliqua à se mutuo diuellantur, auxiliumq. alter alteri detrahat: quod cum sit, non illius modò, qui ita desertus est, fortune omnes ac facultates, sed etiam alterius non multò post occasione data in discrimen adducuntur. Item paulò post:

Quoties illi qui fœdere coniuncti sunt, secessionem faciunt & se dissipari patiuntur, dubitari amplius non debet, quin paulatim omnes cladem aliquā accipiant: idq. pertinet tam ad principes, quàm ad ciuitates: & quoniam eius rei plurima existunt documenta, longiore sermone nihil opus est. Hac ille.

Ex ordine sequuntur illa, quae iuxta dispositionem articuli noni, circa mutuam hinc inde restitutionem officiorum & functionum publicarum, parum discretè taxantur, nec id solum, quinimo & prauis suspicionibus animi subditorum praoccupantur, vt nec Ordinum deputati reuereantur hoc loco inculcare de vinculis, proscriptionibus, cædibus, exiliisque, casu quo contingat ministros publicos (qui partes Regis constanter secuti fuerunt) rursum, & quasi postliminiò ad vetera exercitia suarum functionum redire. Cæterum considerato opus, quàm manifesta iniquitate & iniustitia hæc tam inciuilis prætentio laborat. Prouisio namque officiorum ab omni æuo spectauit exclusiue ad S. Maieft. tanquam supremum principem, ac verum patrem Patriæ: eadem sua Maieftas olim ante præsentis motus prouidit iis quos iudicauit ad munera publi-

publica capeſſenda præ cæteris magis idoneos, quorum maior pars durante hac fluctuatione adhæſit Ordinibus & populo: minor autem, imò & pauciſſimi adhæſere ſuæ Maiest. Accedit præterea, quòd Ordines, nulla licet auctoritate ſuffulti; tamen de facto proceſſerunt ad priuationem illorum qui regias partes tutati ſunt. Rex autem quod iure potuit conſimilis deſtitutionis nota etiam perſtrinxit omnes illos qui ſuas partes ſequi recuſarunt, vſq. adeò, quòd hinc inde fulmina priuationum in publicum manarint: quorum tollendorum ac purgandorum gratia, quid obſecro potuit ad veram animorum conglutinationem, iteratò ſtabiliendam, iuſtius & æquabilius excogitari, quàm hinc inde priuatos & deſtitutos, rursus mutue redintegrationis conſolatione liberaliter recreare, prout iuſtiſſimè non minus, quàm prudentiſſimè diſponitur articulo ſupra dicto nono: Et proinde velle nunc arcere à priſtinis ſuis functionibus ſolos Regi fidos miniſtros; quid hoc aliud foret quàm prorsus eneruato omni vigore & ſucco articuli primi, diſponētis de vniuerſali obliuione omnium eorum quæ hætenus proceſſere, veteres ſuſpiciones, odia, ſimultates & diffidentias ter maximo præiudicio ſalutis & tranquillitatis publicæ denuò inſtaurare? Foret enim miniſtris regis tum graue, tum probroſum nimis, ad eum modum à ſuo Rege ac principe deſeri; vt ne hoc ſilentio præteream, exemplum turpiſſimum fore, & omnino nihil tam pugnare cum officio, imò & compendio ſuæ Maiest. quàm ad euſcemodi contumeliam ſuis inferendam quoquo modo conniuere. Nam id ſi faceret, quis obſecro negarit, quin vltra alia grauiſſima diſpendia, in poſterum reſultatura, etiam omnium iudicio cenſendus foret, aperte conſiteri armorum & cauſæ iniuſtitiam, haud dubiè à parte ſua hætenus ſtetiſſe? Quamobrem ſi deputati Ordinum, proprij honoris conſeruandi gratia, nolint videri in armis contra ſas & equum fuiſſe, ratio ſanè dictat, tantundè vt permittant Regi ſuo Principi naturali, à quo & eius maioribus ſubinde tam ingētia beneficia accepēre. Eſt profectò modus in rebus, nec ſemper prodeſt principis exiſtimationem affricāſſe nimis, quàm cordati ſubditi iure aſtringuntur, non minùs quàm propriam mordicus tueri, & quàm latiſſimè tum domi tum foris propagare. Eſt enim honos & reputatio ipſius Principis haud leue decoramentū populi; ſicut etiā lege diuina vetitum, prin-

cipi

cipi populorum, tanquam subditorum censuræ exempto, maledicere, aut illius famam vllius defectus aspergine quomodo libet apud posteros maculare: quod indubitanter secuturum foret, casu quo Rex suos ministros ad eum modum floccipendens, culpam belli nedum præsentis, quinimo & præteriti, saltem per obliquum pateretur nomini suo ascribi, tanquam ministris suis, parum abest quin noxæ deditis, cæteris autem contrariis, & iis quidem solis, veluti ob rem præclare gestam, gloria & honore coronatis.

ANNO TAT.

Ad nonum articulum ostendant Ordines in suis literis, quàm periculosum subditis futurum sit, si omnes hactenus absentes, vel amoti ab officiis, pristinum statum & dignitatem recuperent, &c. Quæ pro causis & mediis adferunt, omnibus subditis Belgij ita nota & perspecta sunt, tam firmè etiã animis eorum impressa, vt si omnes Oratores Hispaniæ contrarium iis persuadere conentur, nihil prorsus effecturi sint. Notandum tamen est, quod dicant Si omnes, &c. quo modo loquendi eos sine dubio intelligunt, qui impiè & iniuste in officiis suis versati fuerint, qui direptiones bonorum suorum iura & privilegia sua, vnà cum Hispanis inuenterint, crudelitates & oppressiones ipsorum approbauerint, vnàq; cum iis exercuerint; imò pars capita & media omnium calamitatum & miseriariû patriæ suæ fuerint. Sed hæc quia FACTI sunt, non aliis æque ac subditis ipsis constare, & difficulter in his Actis probari queunt. Quinetiam nominatum de iis agere, nimis esset odiosum, & apud externos supernuacaneum.

Vbicumque tamen isti profugi & remoti versantur, ibi indigene quoq; experiantur qualis sit animus & conatus illorum, quomodo propter sua priuata odia & commoda, non cessent hodie adhuc omnia consilia & auxilia agitare, & querere, vt Hispanos in propriam patriam suam perniciem promoneat & reducant. Quid multis? res ita se in veritate habet, multas esse provincias quæ ita vexatæ & oppressæ à quibusdam suis Officiariis fuerint, qui nunc partim sua sponte male sibi conscij, discesserunt, partim legitimo modo amoti sunt, vt potius omnia extrema perlaturi sint, quàm pati eos ipsos qui tales extiterunt, officia sua recuperare. Præterea omnes isti acerbissimi persecutores fuerunt eorum: qui alterius sunt religionis; nec vsquam in articulis propositis admittitur, posse hos vnà cum aliis dignitatibus & officiis præfici. Cum ergo Ordines in id inoumbant, Vt non vni parti tantum, sed vtrique consulatur, quis negare poterit, non iuste eos illorum nomine qui Romani Catholici non sunt, metuere, ne postea vincula, proscriptiones & cades illos maneant? Quanto æquius & rectius Rex Gallia cum suis subditis egit, qui omnes sine discrimine religionis ad dignitates & officia peruenire concessit, & in omnibus curiis parinúmero utrosque esse voluit, vt vtrique certi essent, nihil sibi quàm quod in-

stum & rectum est euenturum. Articlos istos. Pacificationis Gallica adscribere hic non grauabor.

ART. XVIIII.

Et quoniam ius reddere, iudiciūq; rectē constituere, vna est ex precipuis rationibus, quibus subiecti continentur in pace & concordia: nos recipientes postulationem nobis oblatam, tam à Catholicis cōfederatis, quā ab iis qui sunt religionis quam pratendunt reformatam, constituimus iam antē, & nūc quoque constituimus, Vt in Curia nostra Parlamenti Parisiensis, instituaturs confessus iudicum, compositus ex Praesidibus duobus, & sexdecim Consiliariis, partim Catholicis, partim supradictae religionis. Quae officia eorum qui sunt eius religionis creabuntur à nobis eam ob causam & erigentur, additis iisdē stipendiis, honoribus, auctoritatibus & prerogatiuis, quae sunt ceterorū Consiliariorum eiusdem Curiae, quò is confessus supremo loco ac pro imperio decreta aliis derogantia constituentium cognoscat & iudicet de litibus, & controuersis iam motis, & quae postea mouebuntur, in quibus Catholici cōfederati, aut qui sunt religionis quam pratendunt reformatā, subiecti territorio Curiae nostrae, aut erunt partes principales aut fidei iussores, nihil ut inter sit, agāt an conueniantur, de causis ciuilibus agatur, an de criminalibus, & utrum haelites peragantur scripto an appellatione quae verbis constat: si tamen ita videbitur partibus, aut vna ex his id desiderabit. Atque iste confessus ita compositus & constitutus, vt dictum est, mittetur à nobis in urbem nostram Pictaniam, vt illic sedeat & ius reddat subditis nostris Catholicis cōfederatis, & qui sunt dictae religionis, Pictanienfibus, Angolismenfibus, Alnisifibus & Rupellenfibus, eadem forma et condicione, quae fuit cū sederet in Curia nostra Parlamenti Parisiensis, idq; per tres menses singulis annis, incipientibus à primā die Augusti, vsque ad vltimum diem Octobris.

ART. XIX:

Quod attinet ad territorium Curiae nostrae Parlamenti Tolosani, constituetur confessus vnus Iudicum in vrbe Monspessulo, cōstans ex duobus Praesidibus & octodecim Consiliariis, partim Catholicis, partim iis qui sunt dictae religionis. Ex quibus Catholici eligentur à nobis ex curiis nostris Parlamenti & Consilij aulici: quae autem erunt illius religionis, nunc primū creabuntur ac donabuntur iisdem stipendiis, honoribus, auctoritatibus & prerogatiuis, quibus Praesides & Consiliarij illius Curiae nostrae Parlamenti Tolosani.

Eoq; in confesso creabuntur etiam Aduocatus vnus, & Procurator vnus generalis: scriba publici, duo, vnus ciuilis, alter criminalis: Accensi & omnes alij Officiales, non tantū quibus ille Confessus indigebit, sed etiam quibus indigebit Cancellaria, quae ibi à nobis constituetur. Eruntq; omnes hi Officiales, partim ex Catholicis, partim ex iis qui sunt supradictae religionis.

Cognoscet autem & iudicabit is Confessus supremo loco, & pro imperio decreta aliis derogantia constituentium de litibus & controuersis iam motis, & quae postea mouebuntur, in quibus Catholici cōfederati, aut ij qui sunt religionis,

regionis, quam pretendunt reformatam, subiecti territorio Curia nostra Parliamenti Tolosani, aut erunt partes principales aut fideiussores, sine agant sine conueniantur, sine sint causae civiles sine criminales, & sine lites peragantur scripto, sine appellatione qua verbis constat: si tamen ita videbitur partibus, aut si una ex his id desiderabit &c. Videantur etiam Articuli sequentes.

Aduersus ista auctor scripti huius, in hoc § quadam in specie praclara adferre videtur, sed qualia reuera sint, consideremus. Primo dicit: Pronuisionē officiorū ab omni æuo ad Regiam Maiestatem pertinuisse. Sed id factum xxiā ti, verum est, sed non simpliciter, uti ostensum est in Annotatione, quae facta est ad §. Sic etiam tributa, &c. in scripto incipiente Vtunque, &c. quod exhibitū fuit xix. Iunij, & de quibus officiis simpliciter providere potuit, ad ea non semper idonei promoti sunt, non ex voluntate & scientia Regis, uti facile credimus, sed per falsam suggestionem & commendationem eorum qui apud Maiest. ipsius fidem habuerunt. Nam quis vnquam a multis retrō annis ad officium aliquod peruenit, nisi qui cognationem in aula habuerit, vel non donis apud Gubernatores vel intercessores aulicos emere ac impetrare id coactus fuerit? qua de re etiā ante per legatos Ordinū quereba facta est. Quod postea subiungit Ordines sine auctoritate aliqua, &c. prior distinctio iterū hic repeti debet: deinde quae auctoritas durāte hoc bello, & alioguin per se Ordinū fuerit, iam ante diuersis in locis ex doctrina & sententia praestantissimorū virorum ostensum est. Vtcrius non libet mihi pro mea persona materiā istā persequi: vnum tamen tacere non possum, Regem ad minimū hanc exceptionem addere debuisse: Si viri boni & iusti sunt, quales in ordinando eos sua Maiestas illos esse putauit: item super condicione ista Prouincialium iudicium, vel saltem ipsius Consilij admississet: tum Articulus ille secundum iustitiam rectius positus fuisset, & Rex suae auctoritati & Ordinū timori consulisset. Ad alium intellectum verba Ordinū trahi non debent, isq. etiam talis est, qui a nullo viro prudente & iusto reprehendi poterit. Magna pars enim eorum qui in plerisque prouinciis remoti sunt, ob iniurias quibus subditos affecerūt, remoti sunt: imō praecipua causa sunt, quod hac alienatio & discordia inter Regem & ipsos nata fuerit. An ergo restitutio eorum ad veram animorum conglutinationem iteratō stabilitādam, seruitura sit, ut auctor scripti huius sibi imaginatur, iudicabunt illi qui sine affectu hac Acta perlegent. Fidos Regi ministros Ordines reiiciendos esse minimē censent, sed ne fidi illi habeantur, qui ex iniuriis & sanguine subditorum non commodum Regis, sed proprium suum querunt, qui, ut propheta inquit, populo ut pane vescuntur. Cuiusmodi hominibus si reditus ad sua officia denegetur, dici propterea nequit, vigori & fisco primi articuli detrahi, sed in contrarium potius vigore & succum illius exprimi. Quorsum enim pertinet iste articulus, quā ut sit obliuio eorum quae utrinq. acta sunt, ac remotio ista vnum ex actis praecipuū est. Ita etiam officia ista temporaria sunt, non perpetua, aliena, non hereditaria, in quo etiam minus peccatum est, quā ubi alij aliis vitam vel bona eripuerunt.

puerunt. Deinde finalis causa istius oblivionis est, ut in posterum firma pax & concordia inter subditos conservetur. Sed is finis non poterit obtineri, ubi illi quos Ordines intelligunt, priorem potestatem recuperaverint. Augustum, quid atque firmum est societas generis humani; ad illam tamen stabilendam, vel evertendam, inquit Plato, maximum habet momentum Magistratus. Item paulo post: Bonus Magistratus efficit, ut vitam felicem homines vivant, quantum potest aliquid in hac vita esse felicitatis: malus e contra, vitam per se miseram plane reddit. *ἀέτιον*.

Sed unde cognoscitur bonus magistratus? Id iam antè demonstratum est; qui nimirum, eodem Platone teste, suam salutem Reipub. salute, opes utilitate eius terminet: à qua sententia isti longissimè recesserunt: quare frivola sunt illa, quæ de molestia et probro eorundem ministrorum inducitur, de Regis ignominia, si eos desertos patiatur: quasi scilicet Maiestas eius nō pluris aestimare debeat iustitiam, concordiam & salutem totius Reipublicæ quam honorem & commodum privatorum aliquot hominum. Illud quidem maioris ponderis esse videtur, quod propterea censendus foret se apertè armorum & causæ iniustitiam confiteri. Et si hæc confessio à præsentī questione diversa sit, nihilominus, o Rex, clementia tua ignoscat nobis. Maiestatis tuæ estimationem nunquam ledere vel imminuere in animum nostrum induximus. Sed in hoc conventu Legati nostri ostendere coacti fuerunt, & si opus est latius se ostendere posse existimant, Gubernatores & Duces Hispanos arma contra subditos tuos Belgas iniuste sumpsisse: hos verò iuste se contra illos defendisse. Quod Maiest. tuæ nomine nunc exigitur, Ut Belgæ tui in communi eam impietatem & iniustitiam (FACTA demonstrant) quam Hispani commiserunt, fateantur; id omni rationi & æquitati adversum est: sed nec debet Maiest. tuæ honor totius Belgij, præter misérias & calamitates quas ab illis pertrulerunt, minus charus esse, quam paucorum quorundam Hispanorum, & eorum qui illis adhaeserunt. Ad odium ergo Ordinibus conciliandum, omnia sequentia præter propositum referuntur, cum de Rege nostro nunquam nisi cum maxima reuerentia & demissione, sed de subditis eius Hispanis, eorumq; asseclis, non aliud quàm quod verum sit dixerimus. Cetera quæ ad hanc materiam pertinent, iam antea explicata sunt.

QUIBUS proxima sunt decreta articulorum xvj & xvij, statuentium de ciuitatibus, oppidis, castris, fortalitiis, armis & munitionibus, Gubernatori generali ex arbitrio suæ Maiest. designando tradendis: quorum decretorum licet tam exuberans sit æquitas, quod vel cælitus deprompta videri queant: tamen nec reprehensionis acrimoniam evitare potuere, quæ iis potissimum nixa videtur rationibus, quod olim in conventu Bredensi, soli Hollandi eiusmodi quid recusarint: quod etiam Principi Auræico prærogatiua gubernationis hac via adima-

adimatur; quod non nisi sobria futura securitas provinciarum in vniuersum, tamquam ex sola (vt aiunt) fragilitate regij iurisiurandi, suum munimen & affecurationem consecutura. Posterius, quod in regnorum ac principatum causis permotica ratio iurisiurandi haberi soleat, ipsosque denique pontifices, circa absolutiones à iuramento plerumque indulgentiores se exhibere, quàm vt magnoperè illos fatigare sit necesse. En quibus coloribus, vt ne dicam prætigiis, infelix populus à gustu seu approbatione articulorum propositorum alienatur! Quasi verò difficile sit iudicio penetrare, quorsum hæc malesuada consilia, scriptaque indecòra tendant! Verùm omittantur ista, tantumque serio expèdatur, quàm prorsus congruat iuri & rationi, Quod sua Maiestas Catholica paratissimus, in signum veræ ac perpetuæ reconciliationis, Ordinibus ac populo reddere vniuersa, quæ hactenus vllò iusto prætectu sibi competierunt, etiam vice versa nunc beneficio præsents reconciliationis pari passu recuperet sua: alioqui quid profuerit suæ Maieft. nihil non Ordinibus & populo clementer indulgisse, deque suo iure plurimacessisse, & postremò etiam mero pacis studio, arma in vniuersum deposuisse; si nihilominus iis rebus ac præeminentiis spoliatus manere cogatur, quarum contemplatione arma potissimum suscepit. Sed quid opus est huic negotio prolixius immorari, quandoquidem res ipsa tantoperè sit iusta, debitaque ac prorsus ordinaria? Quod etiam si in pactis articulorum silentio tecta aut præterita mansisset, tamen realiter præstanda, imò & suæ Maieftati, tanquam naturali ac iurato principi patriæ, in testimonium redintegrati amoris, atque adeò & obedientiæ debitæ, ab Ordinibus & populo sponte offerenda fuerat: Prout etiam illa, quæ à deputatis Ordinum literis inferuntur, circa defectum securitatis provinciarum, longè vaniora sunt, quàm vt vlla confutatione egeant; eo maximè quod ipsemet tenor eiusdem articuli decimi septimi, tanquam prouidus interpret suimetipsum, luculenter testetur, quanta dexteritate ab amplissimo vestro cōfessu prospectum sit, ne quis fucus aut dolus ab eiusmodi obsequio redintegrandarum ciuitatum, & fortalitiõrum, Ordinibus vel subditis vllò vnquam tempore pertimescendus veniat. Non enim simpliciter disponitur, quasi res illa, quæ forsan suspicionibus non nihil obnoxia videri poterat, solius Gubernatoris generalis arbitrio absolute concedita-

consecratur : Sed quòd teneatur ex consilio grauissimorum Senatorum supremi Concilij rerum status, ea ipsa loca quæ ab omni memoria præsidium habuere, rursus custodienda credere naturalibus patriæ, & quidem astringendis peculiari iureiurando, de conceptis hisce articulis firmiter obseruandis. Quocirca si illi, quibus hæc ipsa fortalitia committerentur, naturales erunt subditi; si denique eiusmodi tales per Gubernatorem generalem cooptandi erunt, de gremio subditorum iuxta consilium Senatorum Concilij Status, qui & ipsi met quoque Senatores naturales erunt : Quis tandem poterit reperiri adeò suspicax doli, cui saluo pudore liceat profiteri, vltimum hîc locum probabili suspitioni relictum iri? At esto, quòd ne hæc quidem perabundans cautela ad plenissimam securitatem sufficere iudicetur; tamen propterea nec oppugnandus erat præsens iste articulus; quandoquidem si ad plenitudinem securitatis vltra ea quæ in dicto articulo tum præuisa tum prouisa reperiuntur, quicquam adhuc pro cumulo desiderabatur: Cui dubium quin ad ipsum, qualecunque tandem fuerit, largissimè suppleri potuerit ex dispositione articulorum postrema? Quo loco visum fuit amplissimo vestro confessui, non sine iustis de causis ea quæ spectant ad certitudinem stabilis ac firmæ obseruantix huius Pacificationis, vsq. in finem consummati negotij principalis reseruare.

ANNOTAT.

Primò Ordines ostendunt, quæ articulis xvj. & xvij. continentur, aduersari pacificationi Gandauensi, cuius tamen obseruatio in initio addicitur, & ita antè quoque à Rege approbata fuit. Secundò, grauissimas rationes adferunt, ob quas æquum esse existimant, vt reliquis prouinciis non minus quàm Hollandiæ & Zelandiæ securitas ista constitutur: præter quas etiam hoc tempore non minima reputari debet, quòd religionis mutatio æquè in illis, quàm in his prouinciis facta sit, multorumque animi à Romana religione, & olim & nunc, auersi sint. Quandiu ergo Rex persuasus erit, suam religionem solâ esse veram, subditorum falsam, nec bona conscientia tolerari eam à se posse; quis non videat, ad liberandum prouincias à cura impendentium malorum, solum pactum, quomodocunque muniatur, non sufficere? præsertim qui nouerit, quâ diuersa remedia, ad illud infringendâ, vulgus Doctorum vtriusq. iuris suggerat: deinde æquè atque nos exploratum habuerit, non defuturos quoque inestigatores & ministros, ad ea quæ metuuntur exequenda. Huius sanè petitionis æquitas verius celitus deprompta dici potest, quàm æquitas istorum articulorum, de qua nunc acturi sumus, si prius hoc admonuero, nō noui esse quod

Vide Ioh. Bodinum de Republica lib. 1. ca. p. nu. 221.

255
hic Ordines petunt, sed quod & subditi Gallia ex simili causa à Rege etiā suo olim petierunt, & obtinuerunt; prout patet ex art. LIX. quem hic adiungere non grauaor.

ART. LIX.

Catholici confœderati, & qui sunt supradictæ religionis, consistim post publicatum hoc Edictum nostrum efficere tenebuntur, vt omnia præsidia vrbium, locorum, arcium & domorum, quas occupant, tã quæ sunt nostræ quàm priuatorum, & maxime Ecclesiasticorum, cedat earum rerum possessione, easque restituant omni ex parte liberas, vt sint eodem in statu, quo erant tempore pacis, ante hos & superiores tumultus. Nihilominus tamen certis rationibus moti, commisimus custodia eorum Catholicorum confœderatorum, & hominum supradictæ religionis, octo vrbes, quæ sequuntur: Aiguesmortes & Beaucaire in Prouincia Narbonensi; Perigueux & le Mas de Verdun, in Aquitania, Nions & Setres, urbem & arcem, in Delphinatu: Pissore in Aruernia; & Senielagranda tour & omnem ambitum eius, in Prouincia. Quo nomine frater noster, Rex Nauarra, princeps Codaus tribunus militum, Damuillens, & ij quibus earum rerum custodia mandabitur, cauebunt periculo fidei & honoris sui, fore vt diligenter ac fideliter illæ nobis custodiantur, &c.

Videamus nunc quid ad hæc auctor huius scripti respondeat. Præcipuum eius argumentum in vers. Quod sua Maiestas, &c. consistit. Vt Rex populo sua restituit: ita vice versa Rex sua recuperare debet. Apud imperitum vulgus speciosum hoc argumentum est, & verum quoque, sed alienum a nostro proposito. Diuersa enim hæc sunt, pacisci et conuenire, quid altera pars alteri restituere debeat, & efficere, vt quod pactum & conuentum sit, eius fides non ad momentum, sed in perpetuum conseruetur: Fatemur quidem æquum esse, si subditis sua omnia à Rege restituantur, vt & rex quoque sua recuperet: sed vicissim æquum esse dicimus, ad conseruationem eorum quæ per pactum promittuntur, vel restituntur, ob causas supradictas securitatem subditis dari, ne paulò post vna cum illis quorum restitutionis spes datur, vitam, libertatem & bona sua amittant. Quæ pro confirmatione securitatis subditorum hic adiiciuntur vers. Non enim simpliciter, &c. non videntur ad eam persuaendam sufficere: nam præter Gubernatorem, qui à Rege qualem velit, siue gratus siue ingratus sit Ordinibus, constituetur, Concilium quoque, non ex incorrupto iudicio Ordinum, sed ad suggestionem sine dubio eorum qui Regis partes secuti sunt: deinde non ex aliis, quàm qui Catholici Romani sunt; exclusis in perpetuum iis qui alterius sunt religionis, ordinabitur. Eligentur etiam ad præsidia naturales, sed qui eorum consilio & voluntati subseruiant: ac licet illi Ordinibus quoque iuramentum præstabunt, vno tamen iuramento Regi magis, quàm his obstricti erunt. Ergo, &c. Omnia quæ dicuntur, colorem quendam habent, sed populus proditis Machiaueli mysteriis, ad omnia quæ non manibus suis comprehendit, factus est diffidentior. Quanquam etiam in hac securitate constituenda, nullum Regi damnum, aut præiudicium nasci possit. Nam

Ioh. Bodinus
d. ca. 9. pag.
226.

*cum sola iurisdictio & protectio ad Maiest. ipsius pertineat, eam subditi obedi-
entissime ad bonum suum, ob quod potestas a Deo constituta est, ferre parati
sunt. Nec unquam firmiori presidio principes muniti sunt, quam si amorem
& benevolentiam suorum subditorum habeant.*

LEVIORIS præterea momenti sunt illa, quæ prolixa verborum serie inter cætera literis subnectuntur, de actionibus inclytæ memoriæ quondam Ioannis Austriaci. Nam ille quisnam, qualis & quantus, dum vixit, reuera semper fuerit, quæque sua intima consilia studiaque olim extiterint, haud opus est, mortalium dubiis testimoniis pugnando conuincere, postquam misericors, omnipotens & ineffabilis Deus tot & tantarum illustrium victoriarum oportuna largitione, satis superque orbi terrarum, quasi digito ostenderit, quam opinionem de zelo, de pietate, deque illæso animi candore eiusdem inuictissimi Austriaci, ac postremò etiam de iustitia suæ causæ nos mortales (qui specie recti adedò frequenter fallimur) concipere voluerit: tantum illud subiecero, quòd si Ordines Belgij reuera, quæ publicam concernunt salutem, saperent, simul & nouissima prouiderent, nequaquam se continere possent, quin immaturum obitum tam excellsi & magnanimi viri, perpetuo luctu prosequerentur. Illud autem silentio præteriri nequit, quòd penè eodem contextu suggeritur, de Edicto perpetuo ab Hollandis Zelandisque olim apertè repudiato. Quasi verò ex ea re non potiùs Hollandorum perinsignis contumacia, quæ iustitia defectionis à suis confœderatis, plus quàm euidenter detegatur. Ratio autem in promptu est, quòd vniuerso Belgio notorium sit, Edictum, de quo agitur, non èlam sed palam, non in priuatis sed particularium prouinciarum comitiis, sed in publicis & in iis quidem generalibus vniuersorum Ordinum Belgij, nimirum in ipsa ciuitate Bruxellensi (vbi etiam Hollandi Zelandique suos peculiare nuncios & legatos in numero competentis, sua libera suffragia depromentes, tunc temporis ibidem præsentibus habuere) tandem post varias cõmunicationes vltro citroque cum ipso tunc superstiti Seren. Ioanne Austriaco habitas conceptum, contextum ac deinceps solènter cõmologatum fuisse. Vnde liquidò constat, non minùs ipsos Hollandos, sociosque, quàm cæteros Ordines ad eiusdem Edicti, ex pluralitate suffragiorum rito ac legitimè stabiliti, inuiolabilem obseruantiam quouis iure

iure astrictos fuisse. Est enim iure non minùs cautum, quàm ex naturali ratione eidentissimum, haud esse in potestate paucorum, qui sint de collegio, dum lubet, se eximere à vinculo seu nexu publici decreti. Quod maiori ac saniori parti comitiorum placuit, præsertim verò cùm inficias ire nequeunt, se nedum cum aliis deliberationi interfuisse: verùm etiam ad perorationem vsque patienter auditos fuisse. Quid multis? quoquò se vertant supradicti deputati Antuerpienses, fateantur necesse est, parum sincerè minùsue consultò se facere, qui suggestione eiusmodi leuissimorù argumentorum, studeant apud imperitum vulgus hosce articulos, optima fide ad Belgij salutem propositos, tanquam captiosos, aut minimè tutos diffamare: siquidem longè facilius sit populum anxiiis opinionibus semel imbuere, quàm imbutum postea dedocere.

ANNOTAT.

Quæ Ordines de Domino Ioanne Austriaco scribunt, eorum veritas ex illis libris peti debet, qui super factis eius iam pridem editi sunt: nimis enim molestum & longum esset, omnia hîc explicare. Quæ in contrarium in laudè illius hîc dicuntur, in medio relinquo. Sed ad rē ipsam venio. Vers. Ratio autem, &c. Hæc ratio cum tota probatione sua quàm absurda sit, ex eo liquet, quòd Hollandi Zelandiq; vnā partem Status, reliquarū prouinciarum alterā, inter quas pacificatio Gandauensis inita fuit, cōstituerint. Ab ea quoq; non esse recedendum, nec quicquam ei contrarium faciendū esse, inter se mutuo pacti erant. Quis ergo non intelligit potuisse Hollandos Zelandosq;, nulla repugnante ratione, aduersus Edictū illud, propterea quòd priori pacto in multis præiudicauit sese opponere, nec villo iure obstrictos fuisse, etiam si altera pars plures numero essent, sententiam eorum sequi? Sed vt semel dicam, nihil aliud in hoc scripto queri videtur, quàm speciosis argumentis veritatem facti obfcurare, & si fieri posset, non solum populum ipsum Belgicum in se mutuo, sed & totum mundum aduersus Ordines concitare.

Eodem spectant, quæ de Barone Sellio, olim regio Cōmissario, de quæ sua instructione ac literis regiis, simul & ipsa iustificatione Ordinum, ob pacem Gandauensem minùs rotundè seruata, ac deniq; ob religionem Catholicam nimis temerariè variis in locis, etiam extra limites Hollandiæ, Zelandiæque violatam & conculcatam, longè prolixius quàm solidius demonstratur. Nam ipsa veritate verius est, quòd sua Maiest. necnon & Austriacus Gubernator generalis, nihil vnquam ardentioribus votis optarint, quàm pacem Gandauensem, Vnionemque subsecutam, vnā cum Edicto perpetuo,

k

ad cō

adeò solenniter firmato, in omnibus suis articulis, nullo prorsus excepto, ad amissim omni tempore, & quauis occasione inuiolabiliter seruare; nec dubium quin effectus omni ex parte subsequatur fuerat, nisi Princeps Auraicus, vnà cum suis affeclis, nondum satiati turbis annorum præcedentium, ilicò post gubernaculis Austriacum inauguratū, cœpisset animum conuerrere, non solùm ad calumniosissimas quasq. & reuera contortas articulorum dictæ pacis interpretationes; verum etiam ad perpetua insidiarum conamina, tam contra personam Gubernatoris Austriaci, quàm cæteros ministros regios, à se suisq. studiis (vtri suspicabatur) alieniores, quàm ferre poterat. Qua de causa optimus Rex, planè inuitus, & prorsus contrà quàm animo secum constituerat, cogebatur arma iteratò resumere, gladioq. ultore iniuriam sibi, ac fratri Austriaco, recenter à malè reconciliatis subditis illatam (quoad eius in se fuit) propulsare. Vnde etiam occasio nata, quòd dicto Barone Sellio, in Belgium ab se destinato, Ordinum deputatis notificari curauit, non tam ipsam pacem Gandensem sibi displicere, quàm iustissimis de causis se diffidere, quòd Princeps Auraicus vnà cum suis, eadem pace secundum verum & genuinum intellectum vnquā rectè vsuri forent. Quod ignorare nequibat, quàm parum sincerè tractati fuerāt Harlemenses, Amsterdamses, ac pleræque aliæ ciuitates, iugum gubernationis Auraicæ recenter tunc subire coactæ, vt ne taceam de plerisque dogmatis emissariis, ad seducendum populum in religione, & consequenter quiduis audendum, contra salutem publicam ter maximo numero, contra iurata pacta Gandensis pacis, in viscera Catholicarum prouinciarum sparsim submissis. Verùm esto, quòd Rex ob causas suprà dictas, seu alias quaspiam grauiore, præsertim verò ob minus candidè adimpleta promissa, tam religionis quàm auctoritatis sibi debitæ, à pace Gandensi, se tunc forsan alieniorem ostendisset: tamen quid responsuri sunt deputati ad obligatoria pacta, quibus obstricti fuere suis comprovincialibus, atque adeò etiam Deo Omnipotenti, quem solenniter iurantes pacta Vnionis generalis, sibi tum testem, tum ultorem constituere, casu quo paterentur extra Hollandiam circa religionis Catholicæ obseruantiam vllam infractionem obrepere? quatinus re an fidem sociis promissam opere compleuerint, ipsi vide-

rint: imò si lubet, in testes appellentur Arthesienses, Hanno-
nienses, Duacenses, Insulenses, Valepchenfes, Mechlinienses,
Buscoducenses, & plerique alij, quos gratia Dei illustratos,
nulla profectò atas, pro merito virilis constantiæ erga nostram
auitam religionem, vllò vnquam tempore laudauerit satis.
Sunt enim illi qui decreta pacis Gandensis, Edictique perpetui
& Vnionis subsecutæ, ad amussim seruantes, summo iure nunc
conqueruntur, à cæteris Ordinibus, contra omnem rationem
se desertos fuisse, & ob id nec magno odio digni, multò autem
minus detestabiles (vt verba sunt literarum) iudicandi viden-
tur illi, qui de Ordinum inconstantia, vt ne addam de periuri-
o, subinde suas querelas coram populo deponunt. Prout etiã
minimè decet, culpam adeò notoriè propriomet vitio contra-
ctam in Regē, suosq. Duces & Consiliarios, vel alios quolibet
reijcere, sed potius succedanea emendatione, quod peccatum
est, humiliter & obsequiose corrigere. Sed quid agas? noua re-
ligio nouos inuexit mores, vtinam ne peiores. Nemo sanè vi-
deri vult labem contraxisse; vnde nec mirū superos in populo-
rū flagellis adeò rigorosè & inclemēter adhucdū perseuerare.

SUPEREST autem paucis confutare rationes, quibus iu-
stificatio causarum alteratæ veteris religionis potissimū for-
tificari videtur. Principio namque asseritur, nouam causam
superuenisse. Illud autem quotiescumque accidit, toties obli-
gatum à vinculo, cui astrictus reperiatur, iure solutum cense-
ri. Pulchra (me herclè) futura excusatio, si modò ne pariter iu-
ris foret notorij, omninò frustra pro excusatione excessus al-
legari superuenientiam causæ nouæ, quam quis ipsemet suo
vitio seu dolo causare nequaquam erubuerit. Nam qui dolo
seu lata culpa desit possidere aut ea posse ad quæ ex pacto te-
nebatur, haud dubiè condemnandus venit, perinde ac si pos-
sideret & posset. Etenim quæ latior culpa committi potuit;
quàm quòd deputati Ordinū, post exclusum Gubernatorem
Austriacum, tunc rerum absolutè potiunt, summam regi-
minis vltro concedidere Principi Auraico & suis? quorū mo-
res & impetuosa studia nouandæ religionis nequaquam igno-
rare potuerunt. Accedit præterea quàm manifestè colluserint,
tam circa temerariam destitutionem pænè omnium magistra-
tuum Catholicorum, quàm etiã subdolan inuentionem Pa-
cis (vt aiunt) religionis. Qua quidem fenestra semel aperta,

quid enim tunc Ordines minus commisisse iudicandi sunt, quàm si ex proposito in omnem apostaticam licentiam habentis laxatis, ipsam demùm religionem Catholicam quorumlibet sectariorum cupidini totaliter prostituere animus fuisset? Reliqua verò, quæ ampliandæ iustificationis ergò accumulatur, de necessitate publica, de quæ ciuiliū dissensionum euitatione, aut declinatione periculorum hostilis exercitus: illa ut nec succum præ se ferunt, ita nec responsum merentur. Nam quæ potuit tanta fuisse necessitas publica, quin si Ordines aut magistratum gerere, aut vigilantis Gubernatoris generalis officio fungi didicissent, potuissent utique, si modò ferriò conari libuisset, populum in officio, imò & ipsum quoque Principem Auraicū intra cancellos sui iuramenti continuisse? Neque enim ipse tantus erat Auraicus, quin freno tempestiuè adhibito, tum regi, tum etiam ab ausu temerario coërceri potuerit; neque etiam tam beneficè de Ordinibus vnquam ipse meritis, quòd beneficiorum respectu insolescens, sibi vllam proteruiam vel contumaciam excusabilem fore ausus fuisset sperare. Siquidem probè adhuc memor, in quantas olim angustias, post ereptam Zelandis insulam & ciuitatem Xirisensem, coniectus fuerat. Et quantoperè hoc ipsum, quod interea tum ad vitam, tum fortunas sibi accreuerit, Ordinibus Statuum, velit nolit, acceptum ferre cogitur.

OMNIVM ferè prædictorum fragilissima sunt, quæ circa extenuationem literarum, ab Ordinibus iam antea, tum ad Cæsarem, tum Regem super articulo religionis datarum, non sine manifesta perplexitate scribentis, quodammodo ex occasione & non nisi obiter inferuntur. Fuerit enim literarum dictator quicumq. velit, haud dubiè consultius fecisset, si ne quidem illas attigisset. Nam ut plurimæ aliæ omittantur: tamen omnium ad instar esse poterit sola illa Epistola, quæ auspicio vniuersitatis Ordinum Belgij, & quidem de expresso eorūdem Mandato, per Cornelium Weelemans ex oppido Bruxellensi, octaua die mensis Ianuarij, anno natiuitatis Domini 1578, etiā post inchoatos posteriores motus, necnon aduentum Archiducis Mathiæ, ad Cæsarem scriptæ reperiuntur: cuius quidem Epistolæ clausulam, huc respicientem, ad pleniorē veritatis facti elucidationem, hoc loco de verbo ad verbum inferere libuit: Et in primis Maiest. suam precamur, vt nos aduersus
fictas

fictas inimicorum nostrorum calumnias, apud Regem Catholicum, principem nostrum clementissimum, favore suo iuuare, & quo cœpit amore prosequi dignetur; sanctæ Maiest. tuæ affirmantes & pollicentes, nos nunquam fuisse, nec esse, nec fore alterius sententiæ, quàm vt hîc Catholica sanctæ Romanæ Ecclesiæ religio colatur; & suæ Maiest. regiæ semper constet auctoritas; quod superioribus nostris literis Maiest. tuæ candidè sumus professi, & in primis cupimus esse persuasum, &c. En ipsamet verba literarum, quorum tanta est claritudo & perspicuitas, quòd citra præsumptionis temerariæ grauiissimam notam, haud possint vllatenus in dubium reuocari. Cæterum quàm probè & quàm plenè Deputati Ordinum speciosis suis pollicitationibus, Cæsari tanto principi spontè obtrusis, satisfecerint; miserabilis & confusa rerum facies, quæ nunc in Belgio apparet, eheu nimis luculenter testatur. Illud autem omnem discretionis metam transcendit, quòd cum sciant eiusmodi literis se quodammodo lethaliter iugulari; tamen conuicti turpitudinis, errorem agnoscere, seu (vt dici solet) manus dare recusant.

ANNOTATIO AD TRES PRÆCEDENTES § §.

Quid Selly instructio continuerit, quid etiam litera Regia, quia illa publicè extant, ampliorem probationem non desiderant; sed & superius legati Ordinum de facto Selly diuersis in locis conqueruntur. Mirum ergo est, quòd auctor huius scripti asserere audeat, Veritate verius esse, Regè pacificationem Gandauensem, &c. inuolabiliter obseruare voluisse. Imò ne nunc quidem in hoc conuentu Rex eius animi fuisse videtur, vt pacificationem Gandauensem confirmaret: Quod patet non solum ex Mandato Regij legati, sed etiã ex articulis ab ipso exhibitis. Itē ex articulis, quos primo loco Domini Commissarij ediderunt, sed postea in vltimis articulis, ad importunitatem & instantiam quorundam ex legatis, approbatio eius, iuxta eorundem præscriptū, verbis aliquatenus facta est. Culpa quæ hîc principi Auraiico imputatur, ea non ad veritatem, sed ad inuidiam & odium ei conciliandam posita est. Omnia enim facta ipsius contrarium ostenderunt, adeò vt plerosque Catholicos Romanos, quibus vnà cum aliis libertas & salus patriæ cura est, in admirationem & amorem sui traxerit, propter moderationem qua erga ipsos eorūmq. religionem vteretur: E contra multos, suæ religionis homines, sollicitos reddiderit, ne per illam suam pietatem, tum sibi tum communi causæ quam promouendam, & defendendam suscepisset, noceret ac decisset. Ratio de Harlemensibus & Amsterodamensibus addita, remotior est à proposita questione. Nam mutatio qua

rio quæ in illis ciuitatibus facta est, ea longè post interuenit. Reliqui etiam, qui in testes vocantur, fortassis celerius quàm putabunt, ex iusto Dei iudicio percipient, quod melius sibi fuisset, hac laude Hispanorum caruisse, quàm propter ea & sibi & aliis tantas calamitates supra priores accersuisse. Sed ut summam ad illud, quo tendunt omnia auctoris huius scripti argumenta, respondeam, optare tantum cum laborasse ad causam suam Deo Omnipotenti probadam, quantum contendit hominibus eam speciosam reddere. Nam utique cuiuscat istud, Violationem pacis Gandauensis non per Regem, sed per Ordines factam esse (etiam si contrarium eius ex publicis scriptis pateat) eosdemq; Ordines contra atque prius promiserat, libertatem conscientiarum publicæ & priuatim, in aliis quoq; prouincijs, extra Hollandiam & Zelandiam permisisse (cuius nihilominus rei causam necessariam deinceps, & scripto ad Cæs. Maiest. & hic in antecedentibus Actis reddiderunt) antea tamen eque facile coram Rege Regum, & Domino dominantium, ter maximo Deo, euicturus sit, ob eam rationem licere Regi ac Domino nostro naturali, siue Placitorum rigore, siue armorum crudelitate, ad observationem suæ Religionis anite, subditos suos cogere? Item an liceat Maiest. suæ, quæ suis ad bonum data creditur, & quos patris atque pastoris vice fouere ac moderari debuerat, dulcissime patriæ suæ deuastatione, bonorum ereptione, uxoribus liberorumque violatione, & uitæ amissione subditos punire, qui à religione illa discesserint, quam in suis animis diutius approbare, quod persuasi sint eam humanis traditionibus & superstitionibus periculosis confersam esse, reformati? Hoc sanè euincere illi opus, hic labor non exiguus futurus est. Ad hanc uero sententiam Regi omnibusq; cordatis Magistratibus euellendam, Annotationes præcedentes aliquantum seruire possunt, & ueritati atque æquitati omnino consona videntur, quæcunque ibi ex diuersis tum antiquis tum neotericis scriptoribus allegauimus, quantumcunque licet è contrario inducere conentur immundi illi spiritus, qui, ut Apocalypsis non obscure indicat, more ranarum Egyptiacarum, molestam & diram coaxationem in auribus Principum & Regum edere non cessant, quoadusque eos iterum ad prælium congregent magni illius diei Dei Omnipotentis. Ceterum & his ipsis, & illis, quibus ad arma classicum canit, longè consultius ad salutem foret, serio cogitare, Deum tandè aliquando vindicaturum in ipsorum capita sanguinem innocentem, qui propter testimonium Iesu iam annis 60. proximis effusus est, & quem adhuc effundere statuerunt, singulosq; de omnibus cogitationibus, dictis & factis coram tribunali iusti iudicis Christi Iesu exquisitam daturus rationem.

POSTREMO autem, quæ sequuntur de blandimentis (ut aiunt) ostentatæ pacis Gandensis, deque liberatione Comitibus Burani, ac insuper de priuata tractatione instituenda cum principe Auraico, simul & eneruatione decretorum Archiducis Mathiæ, ac tandem etiam de ommissa capitulatione securitatis pro

pro regina Angliæ, Archiduce Mathiâ, Duce Alençonio, aliisq. confœderatis, haud sanè aliò spectare videntur, quàm in vniuersum bonis iuxta ac malè affectis prouinciarum subditis, hos ipsos articulos tanta maturitate digestos reddere, nedum inuisos, quinimo & detestabiles. Est enim vt nihil facilius quàm crudis interpretationibus dulcissima quæque exacerbare, necnon & rebus clarissimis caliginosas nebulas offundere. Ita sanè miranda res est, cuiusnam impulsu, aut quorum intemperantia consiliorum, hæc tam cauilliosa in vulgus spargantur. Nam si ad suspecta blandimenta pacis Gandauensis respondendum fuerit, quis vnquam se ostendat tam alienum à fiducia de proximo, qui arbitretur hoc loco iustam rationem subesse diffidendi de Rege, qui educto milite peregrino, armisque depositis, haud posset ex longinquo, etsi maximè velit, Ordinibus negotium ex abrupto facessere? Dispar autem ratio est in prouincialibus, qui soli gubernaculis prouinciarum præficiundi, quodcumque volent, arma ad tutelam sui semper ad manum sunt habituri, nec supplantari poterunt. Longè autè minoris considerationis est ipsa particularis tractatio cum Auraico, ex qua proculdubio resultatura fuerat relaxatio Comitum Burani sui filij; casu quo princeps circa filij salutem studiosior tractationem nō reieciisset. Quis enim conferat beneficium in inuitum, aut quæ ratio est quòd propter peculiarem causam principis Auraici, hominis notoriè peregrini, publica causa prouinciarum suspensa hæreat? Prout etiam ridicula sunt, quæ de enervatione decretorum Archiducis Mathiæ adducuntur: Cùm certum sit per articulos sibi parem auctoritatem indulgeri, quam legitimorum Gubernatorum generalium quisquā ante ipsum habuerit. Quæ res si nondū sufficiat, necesse est, quòd Ordines fateantur, se dictum Archiducem olim non tam pro Gubernatore generali, quàm cū exclusione Regis pro principe & hero suscepisse: quod sanè piaculum foret cogitare, absit ita factū fuisse ab Ordinibus, vt prætenditur. Quod verò attinet ad omissam capitulationem pro regina Angliæ & sociis, quodque educti militum Hispanorum præfigendi termini certitudine careat, haud sanè fieri nequit, quin is qui Ordinum literas dictarit, aut parum diligenter tenorem articulorum excusserit, aut planè secum constituerit cauillando (vti dici solet) nodum quærere in scirpo. Nam & de regina Angliæ

Hi colores apud cordatos exigui momenti sunt: reliqua etiam quo pertineant, nemo non perspicit, & iam antè discussa & dissoluta sunt.

Angliæ ac Duce Andegauensi expressè disponitur, quòd sub tractatu erunt comprehensi, quodque de capitulatione securitatis tractabitur suo ordine & loco, & alioqui de termini præfixione decernitur, quòd communi partium consensu statuendus erit. Quæ quidem supradicta responsio meritò suffectura videtur: ita vt ne quidem operæpretium existimetur ad controuersum articulum religionis quicquam peculiariter respondere: quandoquidem à me speretur, quòd Cels. vestræ non ignorent eiusmodi articulos, non tam à Rege, quàm à solo Deo, qui incommutabilis est, omnino dependere, vtq; etiam adhuc probè meminerint illorum, quæ superioribus mensibus circa contenta eiusdem articuli, ex opinione ac desiderio suæ Maiest. Catholicæ, à me satis superque latè exposita fuere.

XXXI. Octob. legati Ordinum literas ab iisdem Ordinibus acceperunt, quibus adiunctæ erant literæ ad Dominos Commissarios datæ; quas iuxta Mandatum illorum incontinenti Cels. & Dign. eorum ipsimet tradiderunt.

LITERÆ ORDINVM AD

LEGATOS SVOS.

Dominis, Domino Duci Arschotano, Principi Chimaici, Porciani, Comiti Bellomontij, &c. Equiti Ordinis aurei velleris: Reuerendis in Christo patribus, Abbatibus S. Gertrudis & Maroliensi, ac aliis Dominis Legatis Ordinum generalium Belgij; Colonie.

ACCEPIMVS epistolas vestras, tam xxvij Septemb. quàm x. xiiij & xiiij huius mensis datas, vnà cum scriptis adiunctis, quorum in iis fit mentio. Ad quas iam singulatim vobis non respondemus, propter subitaneum discessum huius tabellarij: vobis autem officiosè gratias agimus, pro bene nauata opera ac crebris istis significationibus; orantes sedulò, vt in ea velitis porro pergere, epistolamque his inclusam tradere Do-

re Dominis principibus Commissariis Cæsar. qui isthic sunt, & iuxta tenorem eius vos comparare, interea dum expectatis ulterius nostrum responsum, intra paucos dies ad vos mittendum. Dominus Deus largiatur, ut vobis ex animo succedant, quæ piè & sanctè desideratis. Festinanter Antuerpiæ xxij. Octob. M. D. LXXIX.

V. Ex. PP. & Dignitatib. officiosè addicti
Ordines generales Belgij.

I. Houfflin.

L I T E R Æ O R D I N V M A D
D O M I N O S C O M M I S S A R I O S.

*Reuerendissimi, Illustrissimi, Generose, Nobiles
& circumspecti.*

L I T E R A S principales Cels. & Dign. vestrarum xxviij. Septembris & iij. Octobris scriptas, nondum accepimus, sed tantum exempla illarum quæ literis Ordinum Brabantiae adiuncta fuere: & quantum in dies illas expectemus; tamen quia omnium prouinciarum deputati, cum potestate statuendi de summa rerum, xxv. præsentis mensis Octobris Antuerpiæ adfuturi sunt, & omnes mortales erecti ac alacres, desiderant euentum actionum, in vestro celeberrimo conuentu habiturum; officij nostri putauimus, absque ulteriore cōtractione Vestras Cels. & Dign. de futura illa, atque adedò instante Ordinum communicatione ac resolutione certiores facere, atque rogare, ut cum hætenus studio reconciliationis, & pacis constituendæ inter Regem Catholicum & ditiones Belgicas, per tot menses neque sumptibus, neque laboribus pepercerint, nunc in extremo actu dignentur non vsque adedò præcisè, & tã paucis diebus (ut dictæ literæ continent) discessum suum concludere, sed paulò diutius subsistere, donec Ordines se resoluant & resolutionem suam transmittant. Quod ut intra paucos dies post finem Octobris fiat, sedulò curamus. Nam inter-

est prouinciarum maximè, semel finem imponi huic pacificationis negotio, atque omnes intelligunt pacis serenitatem belli calamitatibus potiore esse, modò sit tolerabilis ac securus: ideoque persuasum cupimus Vestris Cels. & Dign. ea quæ præcedenti nostro responso continentur, à nobis nullius detorsionis aut sinistra interpretationis consciis bona fide scripta esse, non ad impediendam sed ad promouendam pacem, atque ut maturè remedia adhibeantur malis atque periculis, quorum prorogatio dubitationem in amplectenda pace prouincialibus posset iniicere. Neque desiderauimus, quasi hactenus nihil actum esset, propositionem nouorum articulorum, sed propositorum moderationem & securitatem ampliorem, tam pro iis qui Catholicam religionem Romanam, quam qui aliam religionem profitentur. Nam quamuis & Cæsaris & Cels. & Dign. vestrarum maxima sit auctoritas, & firmum propositum sumere obseruandi omnia; tamen propter experimenta superiorum temporū, non sine ratione vltius prouinciarum quieti prospectum cupimus. Nam ut alia prætermittamus, notum est quàm parum valuerint preces & intercessionis Imper. Ferdinandi, & Maximiliani, ac omnium propemodum principum Europæ, ad cohibendum furorem Ducis Albani, aduersus innocentes, & nos, quorū gratia & beneuolentia receptus fuerat; & quàm irrita fuerint apud Principem Parmensem postulata moderni Cæsaris ac vestrarum Cels. & Dign. de cessatione armorum, & induciis, durante communicationis tempore: ita ut speremus Cels. & Dig. V. sollicitudinē nostram in auertendis periculis quæ instare videntur, non prorsus improbaturos; præsertim cum si aliquid minus firmum aut detortum in responso illo nostro inueniatur, & ostendi possit, parati simus meliores rationes absque vlllo contendendi studio admittere, & per omnia rationem sequi atque iustitiæ acquiescere. Et quod termini prorogatio ac plenioris Mandati transmissio dilata fuerint, existimauimus Cels. & Dig. V. nunc satis contemptum esse, id accidisse, neque per negligentiam, neque per contemptum Maiestatis Imper. aut vestrarum & Cels. & Dignitatum, quas meritò sacrosanctè colimus & veneramur; sed ob causas & difficultates, in dicto responso nostro comprehensas, quas auxerant funesti belli acerbitates, & plerique consilii aduersariorum nimium patrocinant; item alij imperatis eo-

eis eorum temerè acquiescentes, qui à nobis desciverunt, augendo discordiam provincialium. Et proinde rogamus Cels. & Dign. V. benigniùs omnia accipere, & interpretari velint, atque in constantia propemodum pacis publicæ præstandæ dies aliquot, ultra terminum in dictis literis præfinitum, Colonia morari, donec absolutum Ordinum responsum acceperint, & quæ in negotio Pacificationis restant, peregerint, atque absoluerint. Nos pro multiplici & singulari benevolentia, provinciis Belgicis exhibita, omni studio ac conatu gratiam referre perpetuò conabimur. Antuerpiæ xx Octob. 1579.

Vestrarum Cels. & Dign. addictissimi

Ordines & Status provinciarum Belgij.

Ad mandatum præfatorum Ordinum.

XIII. Nouembris, legatis Ordinum ad concilium vocatis, domini Commissarii per Cancellarium Treuerensem paucis coram se declarari faciunt, qua spe huc aduenissent, qua fide negotio isti præfuisent, quantum nunc temporis lapsum esset, nec tamen ad varias ipsorum admonitiones resolutionem Ordinum aduenire: res suas proprias diuturniorem moram ferre non posse: quapropter statuisse se finem huic negotio imponere, ut ex scripto, quod ipsis Recessus loco prælegi deberet, cognoscent.

Atque tum lecto eo, legati respondébant, se cum dolore repentinum illum & inopinatum Cels. & Dign. ipsorum discessum intelligere: rogare ut exemplum istius scripti sibi communicaretur, & deliberandi super eo tempus in alterum diem vel saltem ad meridiem usque daretur. Exemplum igitur concessum fuit: eo à prandio accepto, & à legatis perlecto, subiectum illi scriptum conceperunt; altero die hora septima, ut præfinitum erat, exhibuerunt. Ac licet in scripto isto suo, quatuor tantum dies, ad magis Cels. & Dign. eorum permouendas, postularint; ore tamen simul declarabant, se incontinenti nobilem aliquem cursorem ad Ordines missuros, quem sperarent intra sex dies reuersurum. Ad eam petitionem responsum iis fuit, fieri posse, ut quidam ipsorum maneat, quosdam verò abitum parare.

RECESSVS DOMINORVM COMMISSARIORVM.

OPTARENT Sac. Cæs. Maiest. Commissarij, grauissimum hoc Belgicæ Pacificationis negotium, tantis laboribus, molestiis & sumptibus, per tot menses tractatum, ad eum finem, quem & sua Maiest. & proculdubio boni omnes expectarunt, perducere, & pacem, pristinumque nitorem Belgio Dei ope & suæ Maiest. auctoritate, dominorumque Commissariorum opera & labore restitui potuisse. Nihil enim iis gratus contingere potuisset, quàm si ingentis sumptus & operæ laboriosissimæ, negotio huic impensæ, dulcissimum hunc fructum, videlicet Belgij cum Rege & Principe suo legitimo reconciliationem, veramque pacem, quietem & tranquillitatem producere, & Deo, pacis auctori, Christianæque reipubl. atque æternitati offerre & consecrare licuisset.

CUM verò huius voti sui compotes fieri non potuerint, patienter id quod mutare non possunt, ferendum, & tractationi huic non eum, quem cuperent, sed quem possunt, finem imponendum censent. Ut autem varia sunt hominum iudicia, & quidam fortè temeritati adscribent, quòd graue hoc onus, nulla conciliationis spe apparente, susceptum & non protinus repudiatum sit, quidam fortè maiorem diligentiam, concessionem vel indulgentiam necessariam fuisse, dominosque Commissarios aliquid prætermisisse affirmabunt: quidam verò existimabunt nondum huic tractationi finem imponendum, sed illos, qui còsiliu mutaturi, moram purgaturi, & condiciones pacis hîc propositas acceptaturi essent, vel diutius expectandos, vel viam illis aperiendam & demonstrandam fuisse, qua sine ullo impedimento, vel scrupulo ad optatam pacis metam tandem peruenire, & huius tractationis fructum aliquem, quamvis seriùs, percipere aliquando possent: Ita Domini Commissarij, ad Cæs. Maiest. & suam auctoritatem tuendam & conservandâ, & quorundâ iudicia conuellenda, aliorû verò ignorantia, & tardiori pacis acceptationi succurrendû, non potuerunt prætermittere, quin loco recessus, & còclusionis huius tractatus, ea quæ sequuntur, tã Catholici Regis Mandatario Duci de Terranova, quàm Legatis Ordinum Belgij exponerent.

ET primò quidem silentio prætereundum non arbitrantur, quòd

quod eo ipso tempore quo suæ Cæs. Maieftati placuit, onus sedandi hos motus Belgicos humeris eorum imponere, ex tantis turbulentissimarum tempestatū procellis ac fluctibus, quibus Belgium agitari, & tantum non submergi intellexerunt, aliquem timorem metumque conceperint, malum hoc tam altis radicibus multorum mentibus infixū esse, ut illi efficacia & salutaria remedia adhibere, & tot vulnera, tantum non lethalia, per hanc tractationem curare & sanare, vel impossibile, vel difficillimum futurum esset.

Et eam ob rem, aliasque non leues ob causas, variis excusationibus tam arduum onus submissē & diligenter deprecari, & euitare conati sunt. Cæterum sua Maieftas tanto, tamque verè paterno erga calamitosas Belgicas ditiones affectu & amore flagrauit, ut à sententia sua nullis excusationibus se dimoueri passa sit, sed toties clementissimè ad Dominos Commissarios eo nomine scripserit, ut suæ Maieft. piæ voluntati diutius resistere nec potuerint, nec debuerint. Eo autem libentiùs hoc onus sibi imponi passi sunt, quod populos Belgicos vicinos suos lamentabili hoc bello, per tot annos misere attritos, commiseratione dignos existimarunt, ijsque ex animo condolerunt, & spem non vulgarem pacis conciliandæ ex eo conceperunt, quod Regem Hispaniarum nihil aliud ab Ordinibus & subditis Belgij petere & exigere intellexerunt, quàm ut Catholica Romana religio conseruetur, & Regi sua auctoritas & obedientia integra maneat & præstetur, quodque ex literis Ordinum Belgij octaua Ianuarij, anno 78. ad Cæs. Maieft. datis (quarum exemplar sua Maieft. ipsis transmisit) cognouerunt, Ordines Belgij suæ Maieftati sanctè affirmasse & pollicitos esse, quod nunquam fuerint, nec sint, nec futuri sint alterius sententiæ, quàm ut in Belgio Catholica sanctæ Romanæ Ecclesiæ religio colatur, & sua Regi constet auctoritas. Cum igitur in hoc totius controuersia statu, à Regis sententia sancta promissio Ordinum Belgij non differre videretur, tanta spes pacis constituendæ affulsit, ut Domini Commissarij eò promptius & alacrius hoc munus susceperint: præsertim cum Ordines Belgij in Wormaciensi etiam cōuentu anno præcedenti celebrato, tam aliorum Principum & Ordinum Imperij, quàm ipsorum Dominorum Commissariorum legatis, patriæ suæ calamitates diligenter exponi, ipsorumque auxilium

xilium & fauorem implorari, & tam Catholicæ Romanæ religionis conseruandæ desiderium, quàm fidem & obseruatiam suam in Regem Hispaniarum alligari curarint, & postea etiam pari ratione, quæadmodum per Regem factum, Cæs. Maieft. causam hanc submiserint, & in Coloniensem hanc tractationem consenserint. Quis enim non sperasset, parte vtraq. circa hunc controuersie statum in eandem sententiam concurrente & consentiente, pacem Dei ope conciliari posse? Quis Ordines & subditos Belgicos, tantas patriæ suæ calamitates, & Cæs. Maieft. & Imperij Ordinibus, ipsorumque dominorum Commissariorum legatis exponentes, eorumque auxilium implorantes, vel auctoritati eorum quorum auxilium implorant, parum delaturos, vel ad hunc conuentum, per Cæs. Maieft. indictum, legatos suos serius, & sine legitimo Mandato missuros, vel quicquam, quod ad proprias calamitates quàm ocysimè amouendas prodesse posset, prætermisuros, cogitare vel diuinare potuisset?

Quis non sperasset, Ordines & subditos Belgij oblationis, allegationis & sanctæ promissionis suæ memores futuros, nihilque facturos vel petitorios, quod illis consentaneum non esset? Quis Ordines & populos Belgicos tam diuturnis bellis attritos & fatigatos, cessantibus etiam & sublatis sumptuum armorum caulis, promptiores ad calamitosum hoc bellum continuandum, quàm ad pacem, benignè oblatam, amplectendam futuros existimasset? Quis denique submissionem vtriusque partis, Cæs. Maieft. pari ratione factam, & expressam, huius Colonienfis tractationis, ad probationem tâtooperè mutandam & restringendam, & Cæs. Maieft. & Dominorum Commissariorum verè paternum affectum, studium atque laborem irritum fore, sperare vel credere potuisset?

Quamquam autem Domini Commissarij omnibus his de rebus optima quæque sperantes, eo ipso tempore, quod Cæs. Maieft. tam ipsis, quàm partibus præfixit, & sic ante septem integros menses, sepositis suis, suorumque subditorum negotiis huc se contulerunt, & ad hanc tractationem inchoandam prompti paratique fuerunt: tamen ex parte Ordinum Belgij nullos hic legatos inuenerunt, & ob id cum solo Regis Mandatario Duce de Terranoua, hinc præfente, nihil tractare vel agere potuerunt.

Et

Et licet post aliquot hebdomadas legati Ordinum comparuerint, Mandatum tamen minus sufficiens & ad sex hebdomadas restrictum exhibuerunt, & in hodiernum vsq. diem plenius Mandatum, quantumuis non semel petatum & exactum, illis transmissum, tempusque prorogatum non est. Quæ res tam in ipso huius tractationis exordio, quam in progressu spem de pace conceptam plurimum labefactauit, & suæ Cæs. Maiest. dominorumque Commissariorum pium & diligentem conatum, & laborem, magna ex parte irritum fecit. Nam ut ex priori vtriusque partis declaratione, religionem Catholicam Romanam, & auctoritatem Regis concernente, & ex pari eaque indefinita potius, quam ad certum tempus restricta submissione, magna pacis spes affulsit: Ita vel in ipso limine huius conuentus, ex Mandati defectu, prioris declarationis & submissionis mutatio apparuit, & spes pacis, præsertim vniuersalis, magnoperè debilitata, vel potius planè sublata est. Cum enim Ordines Belgij ne de Mandato quidem, legatis huc mittendis dando cōuenire potuerint; sed Arthesij, Hannonienses, & quidam alij, priori declarationi, & promissioni de conseruanda Catholica Romana religione inhærentes, ad petendum & defendendū alterius religionis exercitium, nullos huc legatos mittere voluerint, sed cum Principe Parmensi, aliisque regiis ministris, de pace tractare & transigere maluerint: Alij verò liberum illud exercitiū, præcipuè legatis mandari debere contenderint, illisq; illegitimum, insufficiens, incertum ad Instructionem non exhibitam se referens, & submissionem indefinitè factam, ad sex hebdomadas restringens, Mandatum dederint, & præter alias manifestas mutationes, & innouationes, inter se nouas confœderationes, statim in initio huius tractatus, & intra terminum, legatis suis præfixum, erexerint, & sic tacitè, & ipso facto Mandatū suis legatis datum, vel reuocarint, vel plurimum labefactarint, & terminum prorogare debuerint, vel sine consensu extraneorum Principum (cum quibus se tractationem iniisse scripserunt) nō potuerint: certè tot, tantiq; defectus Mandati, & tantæ distractiones & mutationes non potuerunt non spem omnem de vniuersali pace concilianda prius conceptam, Dominis Commissariis eripere, eiusque viam planè præcludere. Hinc enim factū est, quod nec cum Arthesijs & Hannoniensibus, aliisq; nullos hinc legatos

legatos habentibus, quicquam de pace tractare, nec illis salua fronte & instructione sua, & inuito Regis Mandatario, auctores esse potuerint, vt cum Rege suo se non reconciliarent, vel à pace cum Regis ministris inita resilerent. Hinc etiam factum est, quòd cum reliquarum prouinciarum legatis, legitimo & sufficienti mandato carentibus, nec de indutiis & indutiarum condicionibus, nec de causa principali quicquam certi, vel intra breuissimum terminum, eisdem legatis præfixum, vel postea tractare & concludere potuerint. Estque summa admiratione dignum, quòd illi qui intra plurimos menses, & in hodiernum vsque diem, de formula certi Mandati, suis legatis dandi vel mittendi, conuenire non potuerunt, totius huius grauissimæ controuersie decisionem intra cancellos sex hebdomadarum concludere, & coarctare conati sunt; præsertim cum legati Ordinum eiuscemodi non tam media, quàm extrema prioribus promissionibus & pacificationibus illis quas ipsi legati xij. Iunij totius huius tractationis fundamentum esse allegarunt, parum conuenientia proposuerint, vt vel sensus communis dicteret, tam arduam controuersiam intra sex hebdomadas conciliari & decidi non potuisse. Quanquam autem hæc omnia Dominis Commissariis iustissimam causam præbere potuissent, saltem post præfixas sex hebdomadas, vel post xij. Iulij (quo die legati Ordinum dixerunt, quòd in vllam vltiorem tractationem progredi nollent) omnem pacis spem abiiciendi, & protinus hinc discedendi. Ne tamen officio suo villo modo deessent, vel quicquam prætermitterent, quod commissioni & instructioni Cæs. consentaneum, & ad vicinas ditiones Belgicas, miserè concussas & afflictas, à belli flagrantis incendio liberandas prodesse posset, non sine tædio, labore & sumptibus grauissimis, per septem integros menses hic manserunt, tractationemque continuarunt, vtque ex prioribus pacificationibus, variisque scriptis & actis intellexerunt, Ordines Belgij non tam ad nouam religionem inducendam, eiusque exercitium defendendum, quàm ad amouendum seuertius quorundam imperium, expellendum extraneum militem, priuilegia conseruanda, libertatem commerciorum restaurandam, & insolitas collectas & exactiones auertendas, & similes politicas ob causas arma contra Regem eiusue ministros sumpsisse: ita summo studio & labore has belli & sumptorum ar-

morum

morum causas, per propositas pacis condiciones è medio tollere conati sunt, vt ita cessante causa, effectus quoque cessaret. Et non dubitant quin omnes boni & pacis studiosi confessuri sint propositos politicos pacis articulos non sinistrè sed dextrè & candidè acceptos & interpretatos, ad tollèdas omnes hactenus per Ordines Belgij allegatas calamitosi huius belli causas commodissimos esse, maximè cum Domini Commissarij ad promouenda illa quæ ad firmam & inuiolabilem huius Pacificationis obseruationem, & sic ad vtriusq. partis plenam securitatem fortè adhuc necessaria vel vtilia censeri possent, se non semel obtulerint. Et si quis existimet præter politicas controuersias etiam seueriora cõtra alienæ religionis homines decreta causam huic bello dedisse, is quoq. si articulos pacis per Ducem de Terranoua in causa religionis propositos sincero animo legat & perpendat, non potest non fateri, per eosdem talem quoque seueritatem ita mitigatam, vt nemo iustè conqueri possit, Regem sub prætextu religionis, vel in corpora subditorum sæuire, vel bona illorum appetere & cõfiscare, vel etiam ipsorum consciētis vim inferre velle: ita vt nullam elabendi, & corpora, bona vel conscientias saluandi viam habeant, nisi contra ordinarium Magistratum, & sic cõtra ipsius Dei ordinationem cum innumerabilium corporum & animarum periculo bellum gerant.

Qvæ cum ita sint, Domini Commissarij mirantur, non immeritò, quam ob rem ad exquisitissimas pacis condiciones omnem belli continuandi necessitatem, & comminatæ priuationis & desertionis prætextum è medio tollentes, & vel ipsis legatis Ordinum xvij. Iulij fatentibus, propiùs ad mentem & intentionem Ordinum accedentes, intra sedecim hebdomadas ab Ordinibus certum responsum, quamuis aliquoties petitum & exactum, non acceperint; eo excepto, quòd soli Buscoducenses, sanioribus vñ consiliis, responderunt easdem pacis condiciones sibi placere, & Transisulani xij. Septembris responderunt, se resolutionem suam, Dominis Commissariis proculdubiò placituram, ad generales Ordines misisse: & Valencenienfes se Regi & Principi suo legitimo reconciliari, & condiciones pacis Arthesijs & Hannoniensibus concessas, acceptare velle, non obscurè indicarunt. & in initio Septembris Antuerpienses & Brabantia ac Geldria Status, Ordinesq; ge-
m nerales

nerales aliquam spem certi responsi opportuno tempore transmittendi dominis Commissariis fecerunt. Et tandem Tornacenses, Tornesienses, & Nouiomagenses responsum suum Antuerpiam transmissum esse huc scripserunt: & postremo etiam ipsi Ordinum deputati, Antuerpiæ congregati, in literis suis vicesima Octobris datis, aliquot dierum dilationem petierunt. Sed cum Buscoducensium causa iam dum transacta sit, & Minorum Commissariorum præsentiam non requirat, & Valencenienses, vicinis suis Arthesiis & Hannoniensibus cum Rege reconciliatis, se maluerint adiungere, quàm Minorum Commissariorum opera uti; & Transisulanorum, Tornacensium, Tornesiensium, & Nouiomagensium resolutio ex Antuerpia nondum huc sit missa: illisquæ & aliis pacem amantibus etiam hoc conuentu dissoluto, per viam paulo post demonstrandam, succurri possit, & Ordinum Brabantia generaliumquæ Ordinum deputati, in literis suis sexto Idus & decima Septembris Antuerpiæ datis, ab acerba & odiosa veterum altercationum renouatione & resuscitatione, & quorundam iustissimorum, & ad inducendam veram anteaactorum obliuionem & æqualem omnium reconciliationem, planè necessariorum articulorum, ipsiusquæ Edicti perpetui, & sic præcipui ferè fundamenti totius huius tractationis, sinistra interpretatione & impugnatione non abstinuerint, nec opportunum tempus responsi transmittendi expresserint, nec vllam ferè spem articulorum acceptandorum Dominis Commissariis reliquerint, nec illis intra præfixum peremptorium terminum, nec intra tredecim hos dies eundem terminum sequentes, responsum promissum transmiserint: nec cuiquam obscurum esse possit, quid multi, ad arma potius quàm ad pacem propensi, de hac tractatione, articulisquæ hinc propositis minus candidè loquantur, scribant, confingant, & publicè etiam impressis famosis libellis per totum Belgium, & vicinas regiones spargant; & quid in quibusdam locis, ciuitatibus & prouinciis minus pacificè factum & conclusum sit: nec Arnhemienfes in literis suis decima sexta Octobris datis dissimularint, quòd malint mortem subire, quàm condiciones pacis hinc propositas (quas acerbissimè & odiosissimè impugnarunt) acceptare: Nec Domini Commissarij quicquam vltius, præsertim in causa religionis à Rege vel Duce de Terranoua obtinere, vel

illi

illi inuito extorquere possint; nec ipsorum negotia, per tot
 menses seposita & suspensa admittant, nec reputationi & au-
 ditoritati Cæs. Maieft. cōsentaneum sit, vt se hīc diutius frustra
 & sine vllō fructu detineri patiātur: nihil aliud restare vident,
 quā vt tandem tractationi huic finem imponant, hinc disce-
 dant, & totum negotium Deo Opt. Max. & Sacr. Cæs. Maie-
 stati, cui omnia fideliter relaturi sunt, & ipsis partibus com-
 mendent. Diligenter interim & sedulō Ordinū legatos ad-
 hortantur, vt quantum in ipsis erit, ex suorum animis diffiden-
 tiam, exasperationem & omnem sinistram suspicionem, à suā
 Cæs. Maieftatis & Dominorum Commissariōrum animis &
 proculdubio etiam à Catholico Rege, alienissimā, eximere,
 ipsisq̃ persuadere conentur, vt à diuturnis tēpestatibus pro-
 cellisq̃ bellorum, ad humanioris vitæ quietem & tranquil-
 litatem transitum faciant, & citra longiorem moram, maxi-
 mo suo commodo & incredibili calamitosæ multitudinis &
 vniuersi orbis lætitia, suā Cæs. Maieftati vel Regi Catholico,
 vel ministris eius significant, se articulos pacis hīc propositos,
 acceptare velle, vt ita post dissolutum etiam hunc conuentum
 dulcem eius fructum percipere, perq̃ue pontem hīc constru-
 ctum, vel demonstratam salutarem tabulam, ex tam vasto in-
 finitorum malorum pelago, & præsentissimo naufragio, ad ve-
 ræ quietis & tranquillitatis portum transire vel enatare, & sub
 placido & miti Regis sui imperio & gubernatione, pristinā
 felicitatem recuperare, & veræ ac diuturnæ pacis innumeris
 commoditatibus frui possint. Quod Domini Commissarij
 Belgicis ditionibus ex animo optant & precantur: & vtrique
 parti beneuolentiam, amicitiam, & promptum gratificandi
 studium offerunt: Nihil amplius ab iis petentes, vel expe-
 ctantes, quā vt suā Cæs. Maieftatis & Dominorum Com-
 missariōrum, pro salute Belgij susceptum laborem, studium,
 sumptus & operam non vulgarem æqui boniq̃ue consulant,
 & sincerè ac candidè potiùs quā sinistrè, & in deteriorem
 partem interpretētur, vt in pacem, vel condicionibus hīc pro-
 positis, vel si malint ea via, quā Arthesij & Hannonienses
 ingressi sunt, conficiendam omnes neruos intendere, omnem-
 q̃ue operam collocare non desistant. Publicatum Colonia
 xij. Nouembris; Anno Dominicæ incarnationis millesimo
 quingentesimo septuagesimo nono.

SCRIPTVM LEGATORVM

ORDINVM.

Reuerendissimi, Illustrissimi, Generose, Nobilis

Sacr. Cæs. Maiest. Commissarij.

QVÆ heri Illustrissimo Duci Arschotano, & nobis reliquis Ordinum legatis, partim ore, partim de scripto dicta & recitata sunt, ad ea ut ad plenum respondeamus, nec breuitas temporis, nec qualitas Actus, cum Recessus loco sit, patitur: alioquin sola etiam obseruantia & veneratio, quam non tantum personis, sed & scripturis vestris præstare cupimus, satis efficax est, ut ab omni contradictione & disputatione nos contineat.

TANTVM MODO hunc nobis amorem, & veniam dari postulamus, si profiteamur dolere nos, & conqueri, finem huic conuentui imponi, ubi primum fructum eius cognituri & percepturi eramus. Spem enim habemus vix vnum aut alterum diem præteriturum, quin generalis Ordinum resolutio aduentura sit; ex ea in primis omnia ista dissoluerentur, quibus nunc in hoc Recessu Ordines grauari videntur: deinde iustitia vel iniustitia petitionis eorum cognosceretur; tertio, intercessionis vestræ officium & potestas tum demum vigorem & effectum suum consequeretur.

HACTENVS enim circa ea, in quibus controuersia, post exhibitos pacificationis articulos, inter Seren. Regem & Ordines præcipue consistit, nimirum circa securitatem subditorum, & religionis libertatem, Cels. & Dign. V. partes suas nondum interposuerunt: de quo non solum in Actis, sed & in hoc ipso Recessu patet.

TACERE quoque non possumus, utcumque ex causis supradictis, ab omni examinatione illius scripti abstinendum nobis esse censeamus; Cels. & Dign. V. discesum tamen eo nobis grauiorem esse, quod is non cum gratia & fauore, qualem non solum apud Sac. Cæs. Maiest. sed & apud Cels. & Dign. V. item apud omnes Status Imperij, Ordinibus & nobis saluum & integrum manere cupimus, propositus videatur, propter

277
pter rationes & argumenta, quæ in scripto illo ad longum referuntur; utinam etiam non causam indignationis & offensionis alicuius apud multos præbeant.

A N N O T A T.

Afflictis Belgis in hoc conuentu non subleuata est afflictio, sed aucta: ab una parte Doctoribus iuris causam eorum iniquo zelo sinistrè interpretantibus: ab altera Theologis omnem concordiam in religione dissuadentibus, omnesq; tam principes quam priuatos Cathol. Rom. ad arma continuada, omnemq; crudelitatem in illos exercendam incitantibus. Quam pia tamen & æqua Belgarum sit petitio, ex præcedentibus Actis perspicietur; sed ut simul etiam spiritus eorum qui se præ cæteris Catholicos Romanos profiteatur, cognoscatur, de aliis viris bonis, qui inter eos sunt (quorum magnam multitudinem esse apparet, qui vnà nobiscum sanguinaria ista consilia detestantur, & libertatem patriæ suæ sine respectu huius aut illius religionis defendendā censeant) non loquor: visum mihi est ex iis libris, qui pendente hoc Conuentu, hic Colonia editi sunt, quedam commemorare, quæ tamē nec sine horrore legere nec sine molestia describere potui.

Primum edita est Cornelij Callidij Chrysopolitani sacrifici Iesuitæstri Consultatio, qua ille non solum ostendit Regi non licere cum subditis suis Belgis pacem facere, sed & Hispanos retinendos, & subditos omni suppliciorum genere persequendos, & plectendos esse vult, quod per nullos etiā fidelius, quam per illos ad effectum perducere posse existimat. Quapropter Hannonienses & Arthesenses quoq; tamquam impares tantæ carnificinæ & laniinæ ridet, qui hoc onus in se solos recipere voluerunt. Sed quedam ex impia ipsius Consultatione recitemus.

Non amplius, inquit, cunctandum, vel contendendum erit verbis, quæ non nisi moram bello & Belgicæ tranquillitati iniiciunt: sed strenuè agendum erit armis, quæ sola victoriam Regi ad suæ possessionis recuperationem, & pacem Belgio ad sedandam & extinguendam suam rebellionem reportare norunt. In litera E. 1. pag. 2.

Debet Rex ingentem & immensam militum vim & copiam, qualem Belgium vix capiat, primo quoque tempore conscribere, colligere & in vnum coagere: nam summa vi & extrema violentia ibi opus est, vbi summum ius, neq; iustissima obedientia amplius locum habent. In eadem litera E. 2. pag. 1.

Ad hunc exercitum comparandum implorabit subsidia Imp. & principū Germaniæ; item Romani pontificis & Italiæ, &c.

Si ciuitates pacem oblatam renuant, &c. tum Regis Assyriorum Nabuchodonosor consilium & mandatum, & ipsorum executionis per Holofernem suæ militiæ principem, modum & exemplum celeri de hostibus victoria accommodatissimum, in rebelles, hæreticas & infideles ciuitates Catholicæ. Rex imitandum & complendum (ut quod in cogendo ingenti exercitu ex parte non minima imitatus erit) minus & nullatenus dubitabit. E. 4. pag. 2.

Refert se ad initium historiae Iudith: sed audi quid amplius addat: Nec est quod quis obfistendo clamitet, sic ipsum Regē sibi utpote suis hereditariis provinciis damna illaturum. Verū longē consultius est, crines & capillos corpori detondere & demere, quā illis seruatis, noxa & pessima scabie, imō lepra (nam hac inscripturis corruptela hereseos frequēs & vsitato significatur) corpus infectum perdere. Repurgato enim corpore, sublata & fugata sanie, citō repullulabunt & facile renascentur crines in cute.

Sic oppugnata & expugnata una & altera ex precipuis, vel tertia ciuitate, quae oblatam pacem contempserint, spreuerint & respuerint, tanta animaduersione, tanta austeritate, tanta acerbitate, ne dicam immani & plus quam barbara & fera crudelitate ibidem agat Cathol. Rex, in omnes a maximo ad minimum vsque, in fontes pariter & insontes, (dictū durum) ut nemini parcat, nullius etatem vereatur, dignitatem, cōditionem vel sexum respiciat, aut impubis vel tenella etatis misereatur: ut omnī aures hac audientes tinniat, corpora horrore concutiantur, artus contremiscant, in verticem crines erigantur, vultus concidant, & facies pallore immutentur, quo ceteris ciuitatibus &

Per vitulum
Caluinū in-
telligit, eoq;
qui doctrinā
eius appro-
bant, Callf.
Per simiam
Martinū Lu-
therum deno-
tat, omnesq;
eos qui Augu-
stinā Confes-
sionem ample-
ctūtur. Simia
enim lingua
Belgica iuda-
zen vocatur.
Quae una ex
causis nostra-
rum calamita-
tatum reuera
existit cru-
delitas in ve-
ritatis studio-
sos vsurpata,
eius crudeli-
tatis omisso-
pheta hic in
contrariū pro
causa mēda-
citor cōstituit
oppidis Belgij timor & tremor incutiat. F. 1. pag. 1.
Caveat sibi Aquila à Vitulo, sub alis suis indies magis ac magis in Taurum immanem & truculentum accrescente, ne bifurcatum diadema de capite eius, cornibus ferri instar induratis, deturbet & deiiciat, qui fulgentia Christianissimi Lilia ut plurimum cōculcauit, & feroces Catholici leones penē omnes subegit. Amoribus verō Simia iam senescētis, quin praesens senio ferē delirantis (utpote cum ratione apertē pugnantis) & ad interitum ultro tendentis & accelerantis, nullum illi amplius periculum, nullus hic metus. G. 4. pag. 1.
Secundō edita est Oratio Ioannis Lensai contra falsos Patriotas, qui inter alia laudat Catholic. Rom. religionem, quod sanguine sanctorum se inebriauerit. Sed audiamus propria ipsius verba. Horum, inquit, quoniam ingentem esse hac tempestate numerum non nesciunt boni Patriota, Romanam religionem plausibiliter accusare se non dubitant, cū per eam reuocari dicunt exilia, reaccendi rogos, patibula restitui, atque ab inferis (ut aiūt) veteres illas omnes poenarum formas excitari. Atqui si sapiunt, hinc potius collaudanda religio est, si eius beneficio hac aduersus Reip. corruptores reuocantur. Sic enim illa colitur iustitia, quae eleuat gentes, sic exterminatur peccatum, quod cū impunitū iustitiae neglectu relinquitur, miseranda consequitur etiam florentissimorum deiectio populorum. Inde enim si verū fateri volumus, nostrae quoties manat deiectio originis origo. Paruae quaedam scintilla, quae initio, si vigilatum esset, opprimi potuerant, hoc nobis tantum incendiū patriae procreauit, quantis omisso tum per annos iam complures magno Catholici principis studio extinguī non potuit. At sit hoc fortassis ira Dei, iustum supplicium de praetermissa iustitia repescente; ut quia qui praerant rebus, cū possent, nollent, iam cū & maxime velint non possint. Semper enim eos admonuit vera religio officij huius sui, ut intelligerent iustitia se ministros esse, neque sine causa gladium circūgestare,

gestare, sed vindices in iram Dei esse aduersus eos qui nequiter agunt. Item paulo post:

At nos eam ipsam, quam sic despiciunt atque execrantur & conspuunt, tanti facimus, ut solam veram Christi ecclesiam esse minimè dubitemus. Ideoque nihil esse mirandum, si dignitatis eius, si libertatis & amplitudinis summam semper habendam esse rationem arbitremur: si pro eius honore atque auctoritate tantum zeli, tantumque virtutis suscipiatur à Catholicis principibus, ut illam suis armis omniq; conatu defendant. Repugnandum enim omnino est pro defensione domus Dei. Decertandum est omni ope ac viribus pro ea matre, quæ nos in Christo genuit, fuit, educavit. Quacunque fluctu vis infurgat, quacunque tandem tempestas oriat, retinenda est hæc tanquam arca Noë, extra quam repertus quisquis est, insanis seculi huius undis obruitur, &c.

Spiritus non
Christi, sed
Antichristi.

Tertiò impressus hic est Cunei Episcopi Leonardiensis tractatus, de Christiani Principis officio, &c. Hic in primis nullam superstitionem nec errorem in Rom. ecclesia agnoscit, caterorum omniū, qui in ea Ecclesia non sunt, vsum & doctrinam detestabilem hæresin vocat, quæ per principes viros puniri & eradicari debeat. c. 2.

Causam hæresos ponit, cessationem à priori crudelitate: Hollandia, inquit, Zelandia, Frisia, Flandria, Brabantia, quo tempore Regia apud eos vigerunt Edicta, paucos sanè, sparsim hic & ibi latentes, hæreticos habuerunt, hæresi per frenum Catholica potestatis ita cohibita, subacta & contracta, ut vix in latebris & angulis hiscere vel mutire audiretur, quemadmodum etiam nunc Italiam, Siciliam, Hispaniam, Portugalliam & alias florentissimas Respublicas, propter vigentem disciplinam, ac superioris potestatis vigilantiam & diligentiam, minus hoc malo laborare cernimus. Caterum postquam nostri dormire coeperunt, ac sublimioris potestatis timor sublat, tunc velut apertio puteo abyssi fumus iste, quo aer sic obscuratus & infectus est, tanta copia sicut magna fornacis ascendit, ac hæretici velut locusta & zizania tanto numero multiplicati sunt, &c. c. 4. pag. 39.

Tempus reuelationis & intellectus Dei non agnoscit.

Non vult suos Catholicos Romanos ullam unionem, vel societatem cum iis qui sunt alterius religionis, inire posse, sed eos pro Ethnicis & publicanis habendos esse. Aduersus huiusmodi confederatos Catholicos illud Pauli dirigit: Nolite iugum ducere cum infidelibus; quæ enim participatio iustitiae cum iniquitate? &c. Omnes alij, qui Romani non existunt, mors ei sunt, infernus, mendacium, bestia in Apoc. 13. Lupi, fures, latrones, leprosi, peste laborantes, Belial: Econtra Romani, vita, calix, veritas, agni, iusti, sani, Christus, &c. c. ix. per tot.

Tuū scriptū ostendit, te vnum esse ex istis infidelibus. Nescis sanè cuius spiritus.

X. Cap. sequenti ostendit, non posse principem aliquid subditis hæreticis, pro pace & tranquillitate concedere, videlicet ut vel in locis quibusdam liberum sua superstitionis (ita loquitur) exercitium habeant, vel ut impune in ea viuere, eamq; profiteri possent. Quia hæresis pessimum & nocentissimum in Repub.

Repub. malum sit, Principem ad puniendum & profigendum hoc malum diuino iure teneri, & huius impietatis participem esse, si non diligenter obstituerit. Item paulo post:

Peculiaris est in heresi causa, quæ in aliis criminibus locum non habet: hæc enim quoniam sanctissima fidei hostis est, inimica & aduersaria, debent religiosissimi principes, qui sunt tutores & defensores Ecclesiæ, vicissim se hostes inimicis Ecclesiæ ostendere, & velut indicto diuinitus bello, pro hostibus se contra hereticos gerere, sicut huius rei figura filiis Israël contra Madianitas dictum est: Hostes vos sentiant Madianita, & percutite eos, quia & ipsi hostiliter egerunt contra vos, ut deciperent insidiis per idolum Phogor & Corbi filiam Ducis Madian. quæ procul dubio typum hæresis gessit, &c.

Incipit deinde exclamare: Quid igitur Belgæ Principi vestro Catholico tantopere molesti estis? quid petitis ab eo, quod Deus illi prohibet? quid postulatis permitti, quod Deus illi permittere vetat? & vobis non expedit? &c. Postea concludit:

Quasi scilicet per arma hæresis curaripossit.

Sic Princeps Christianus nihil, postulantiibus hac parte concedere debet, nullam populi, vel terræ suæ partem, sub vinculis & potestate principis tenebrarum in heresi, velut in Ægypto relinquere, sed omni parte pessimam hanc lepram, cancrum & venenum mortiferum curare, &c.

Apocal. 16.

Hæc sufficiant ad eum finem quæ in principio indicauimus. Nihilominus præterire non possum, quin tribus his crudelissimis spiritibus, præter testimonia illa, quibus supra conati sumus Regem Catholicum, omnesq; mundi principes, a sanguinariis istis mediis, ad moderatiora renocare, ex abundanti exemplâ veterum quorundam Imper. & Doctorum Ecclesiæ opponam; ex quibus quilibet intelliget, etiamsi illi, qui apud nos à ritibus Catholica Romana Ecclesiæ decesserunt, hereticorum numero censi debeant, propter eam tamen doctrinam, quam sequi se profitentur, non tam diros ac sceleratos esse, ut contra legis naturæ institutiam, non solum ipsimet quouis acerbissimo suppliciorum genere plectantur, sed quod & liberi eorum innocentes, & omnes Catholici, qui cum iis conuersantur (ut hi expressè asserunt) sine sexus & ætatis discrimine, morte crudelissima digni sint. Sequuntur exempla.

Constantinus Cæsar petiit ab Athanasio, Basilicam Arrianis Alexandria permitti: quod Athanasius ea condicione se permissurum dixit, si Imperator idem beneficium largiretur per singulas ciuitates declinantibus Arrianorum communionem. Socrat. in Tripart. lib. 1. c. 30.

Constantinus Cæsar Arrianos in suis ecclesiis conuenire passus est, non tamen quod ipsi (ut quidam falso credunt) faueret, quam quod subditorum paci studeret; Ieroboam de Rep. lib. 3. c. 7. fol. 583.

Julianus Cæsar dissidentes Christianorum antistites, cum plebe disscissa, in palatium intramissos monebat, ut ciuilibus discordiis consopitis, quisque nullo vetante, religioni suæ seruiret intrepidus. Ita refert Ammianus Marcellinus lib. 22. Sozomenus lib. 5. c. 4. Theod. lib. 3. c. 4.

Hæc

Hoc moderamine principatus inclauit Valentinianus Imper. Catholice, quod inter religionum diuersitates medius stetit, nec quenquam inquietauit, neque ut hoc coleretur, imperauit, aut illud, neque interdictis minacibus subiectorum cernicem ad id quod ipse voluit, inclinabat, sed intemeratas reliquit has partes, ut ipse reperit. Hinc colligas ante Valentinianum sub Ioviniano liberam fuisse religionem. Hæc Amm. Marcell. in fin. lib. 30.

Theodosius Magnus Hispanus, prudentissimus & optimus princeps, vidit Constantinopoli Arrianos, Nouatianos, Macedonianos & Eunomianos, qui inter se diuisi erant, & apud seipsos singuli congregabantur. Hoc autem sciendum est, quod Imperator nullum horum persequeretur, præter Eunomium; nullum alium fatigauit, neque sibi communicare compulit, sed singulos per loca propria collectas celebrare permisit, & cultum tenere Christianismi, sicut percipere potuit. Et alios quidem permisit extra ciuitatem Oratoria fabricare; Nouatianis autem concordibus sua fidei intra urbem Ecclesias habere concessit. Hæc ad verb. Socrates in Tripart. historia lib. 9. cap. 36. & est locus omnium illustrissimus.

Tertullianus & Epiphanius colligunt sub Theodosio ad minus centum, sectas fuisse pacificas, quod una per aliam conseruaretur, ut ait Io. Bodin. lib. 4. cap. 7. fol. 747. ubi addit, Theodoricum Regem Gothorum Arrianum noluisse constringere conscientias subditorum. Religionem, inquit, imperare non possumus, quia nemo cogitur, ut credat inuitus. Allegat autem Cassiodorum.

Sub Impp. Arcadio & Honorio, & Episcopo Io. Chrysostomo, Arriani extra ciuitatem Constantinopolim collectas agebant, Sabbatho autem atque Dominica intra portas & porticus congregati, Hymnos, & Antiphonas ex Arriano dogmate compositas, decantabant; & hoc maxima noctis parte facientes, diluculo cum ipsis Antiphonis per mediam ciuitatem egressi portam, ad suam Ecclesiam concurrebant, nulla alia vi cohibiti, quam ut Chrysostomus institueret suum populum, ne simplices huiusmodi cantibus traherentur, ut & ipsi nocturnis occuparentur Hymnis. Socrates in Tripart. lib. 10. c. 8.

Gratianus Cæsar considerans, quam iniquus Catholicis fuisset patrus Valens, proposuit Edictum, quo liberam religionem, liberamque conscientias esse voluit, simul sectariis conuenire in suis Ecclesiis, religionemque suam exercere permisit, exceptis Manicheis, Photianis & Eunomianis. Sozom. lib. 7. cap. 1. & 2. Socr. lib. 5. c. 4.

Zenon promulgauit Edictum pacis & concordie (quod Henoclicon appellauit) & cum sequutus Anastasius Amnestiam sanciuisset, humanissime complectens Ministros modestos, & pellens vehementiores. Io. Bodin. de Repub. lib. 3. c. 7. fol. 583. Allegat Niceph. Callist. lib. 16. c. 26. Enag. lib. 3. cap. 29.

Antiochia tolerata fuerit per 30. annos Ecclesie Arrianorum, sub spe melioris euentus. Theod. lib. 2. cap. 31.

Nouatiani habuerunt Romæ Ecclesias vsque ad Celestinum Papam, successorem Bonifacii, qui etiam diu Constantinopoli locum habuerunt.

n

Theo-

Theodoricus Rex Italia, fo. Pontificem Romanum, eius nominis primū, Theodorum duosq. Agapitas Oratores ad Iustinum Imperatorem, qui Arrianos expulerat, eorumque Ecclesias Catholicis assignauerat, misit, qui eum hortarentur, vt Arrianos restitueret: sin secus animatus esset, sciret se omnes Italia Ecclesias Catholicas demoliturū: magnificē & perbenignē primū quidem legati excepti sunt; qui vbi Constantinopoli rationem legationis exposuere, cum flectere Iustinum non possent, ad lacrymas versi, ac suppliciter petentes, vt peritura Italia vnā cum Catholicis omnibus subueniret, eō tandem piū hominem perpulere, vt Arrianos restitueret, atque eos viuere suis legibus & institutis sineret. Itaque fidei causā hīc postposita necessitati est. Tomo 1. Concil. sub finem, vbi de hoc fo. agitur in Pontificali. in Caspina. in vita Iustini.

NON ignorant tamen Cels. & Dign. V. primū quod ad literas illas attinet, quas Ordines ad Sac. Cæs. Maiest. octaua Ianuarij anno 78 scripserunt, aliter postea eandem Cæs. Maiestatem per legatum suū, Dominum Suffridum Preiner Baronem in Stubing, ab illis instructum esse; vti constat ex responsione, quam Ordines suis literis, ad Cels. & Dign. V. datis, adiunxerunt. Quā multa etiam alia, antequam hīc conuentus indictus fuerit, euenerint, prædictis Ordinum literis declaratur: quæ hīc repetere superuacaneum est.

SEd vt aliud nihil esset, articuli, quos nomine Ordinum exhibuimus, sententiā & volūtatem eorum rotundē explicauerunt. Eōdem etiam pertinuerunt, quæ Seren. Archidux Austriae Mathias per suū legatū Dominū de Mouillierie Cels. & Dign. V. significauit. Si ergo hæc res sic intellecta fuit, vt secundum eas literas religio obseruaretur, æquē in initio quā nunc proponi poruit. Imò quod ad nos attinet, si vel de hoc intellectu, vel etiam de Mandato Ducis de Terranoua, fuisse illud ad solam Catholicæ Rom. Ecclesiæ obseruationem restrictum, à principio nobis innotuisset, nunquam ne diem quidem vnum, vltra tempus in Mandato nostro expressum, mansissemus.

ANNOTAT.

Post literas illas in Receptu commemoratas, sit etiam mentio eorum quæ Ordines in conuentu Wormaciensi exponi fecerunt, de desiderio scilicet, quod haberent ad religionis Cathol. Rom. obseruationē. Oratio ista, quæ tam a Legato eorum habita fuit, publicē extat, in qua hæc verba inuenio. Quod ad religionis Catholice Romane conseruationem attinet, quæ tot tantisq. bellorum similium iactata ac propē demersa fluctibus, moderati cuiuspiam ac lenis gubernatione

bernatoris manum salutare iam pridem postulabat: qua tandem alia meliore ratione potuit ei consuli, quam si is Reipub. regenda deligeretur, qui & ipse eam profiteretur tuereturq; & tamen illos, qui ab ea descinissent, per lenitatem ac moderationem in fide atque officio contineret? &c. Sed ab hac sententia nondum adhuc Ordines recessisse video: inde est quod propter subitorum diuersas opiniones, ut quietè & tranquillè sub eiusdem Regis imperio unà degere possint, libertatem conscientiarum cuique permissam & conseruatam cupiant.

Quod deinde subiicitur: Ordines pari ratione, quemadmodum per Regem factum est, Cæs. Maiest. se subiecisse: id si eò pertineat, ut quando Rex nullam aliam religionem, quam Cathol. Rom. velit, Ordines quoque non aliam pro necessitate Reipub. sue postulare posse, sicut series orationis innuere videtur, non solum negant Ordines eam mentem suam fuisse, sed expressè legatis suis contrarium in mandatis dederunt: Deinde quid magnopere tantorum principum intercessione opus fuisset, si nulla controuersia ratione religionis extitisset, cum iurium & privilegiorum redintegratio per se denegari non potuerit, & iam antè sæpius oblata fuerit? Spes igitur ista, cuius porrò in Recessu mentio fit, ex parte Ordinum non rectè concepta, vel fortè à quibusdam, sed non in eorum ab omnibus data est.

SECUNDÒ non ignorant Cels. & Dign. V. nos in aduentu nostro iustas causas moræ factæ attulisse; inter quas etiam illa non minima fuit, quòd cum iter nobis per medios hostes faciundum esset, non nisi ult. April. Neomagi in itinere, etiam si sollicitatorem hinc in loco haberemus, diplomata tuti & securi accessus acceperimus.

TERTIÒ, quòd ad Mandatum nostrum attinet, non vno loco in Actis, sed plurimis, & declaratione Instructionis nostræ, quòd ea nulla alia esset, quam quæ articulis, à nobis exhibitis, contineretur; & oblatione visionis eiusdem Instructionis; item etiam oblatione ratificationis, ratificatione etiam ipsa, per Ordines de omnibus quæ hactenus acta sunt, facta, illud iustificauimus.

SIC etiam prorogatio, etiam si hactenus necessaria nō fuerit, tamen non vnīs literis, sed ternis quaternis, de quibus etiā Cels. & Dign. V. certiores fecimus, iussi sumus hinc ab Ordinibus permittere, & secundum Instructionem nostram pergere; prout etiam omni diligentia fecimus. Ambo ista eneruari, multisque grauib. verbis, præter causam, in hoc Recessu exaggerari dolemus.

Non grauabor hîc repetere, quæ in Actis ratione Mandati, & prorogationis per legatos Ordinum exposita & declarata sunt: vt videat æquus Lector, an non iuste legati Ordinum doluerint super defectu eorum tam grauiter conqueri.

In responso, quod x i. Iunij ad articulos Ducis de Terranova dederunt, hæc verba reperiuntur: Quantum Mandatum concernit, vbi animaduertimus negotium ad pacem tendere, daturi operam sumus, ne per illud vllum impedimentum concludendæ & conficiendæ ei obiciatur, &c.

Similiter x v i i. Iunij ita respondent: Quod ad Mandatum attinet, frustra illos de illo conqueri, cum clausula illa relatiua, in qua præcipuam constituebant difficultatem, sola exhibitione Instructionis suæ iustificari possit, eamq; esse iustificatam per articulos suos, præter quos Instructio sua nihil contineret, sed & offerebant visionem eius: verum illi negabant conuenire, vt ipsorum Instructionem perspicerent.

In Scripto, quod exhibitum est x i x. Iunij, sequentia verba posita sunt: Quod ad Mandatum attinet, exhibemus adhuc vnum Mandatum, in quo prouinciæ, quarum nomine huc comparuimus, exprimuntur, conditio eidem inserta difficultate caret, cum nihil prorsus agere statuamus, quod non Instructioni nostræ per omnia respondeat. Et si opus fuerit, dabimus operam, vt Ordines, tam generales quàm particulares, rata & grata sint habituri, quæcunque hîc concludentur.

x x x. Iunij mirari se legati Ordinum dicunt, cur Mandati toties fiat mentio, cum prorsus nulla difficultas ratione Mandati exoriri possit: Si enim pax constituatur, omnes prouincias libentissimè ea quæ hîc acta sint, grata & rata habituras.

Præcedenti in Scripto, quod exhibitum est x x i x. Augusti repetuntur, quæ quia prolixiora sunt, referre hîc super sedeo, cum ibi videri queant.

Porro ratificatio, cuius hîc fit mentio, probatur per Epistolam Ordinum, quæ i i i. Iulij supra exhibitæ est.

Quantum ad prorogationem attinet, in Epistola Ordinum, cuius v i i i. Augusti mentio fit, hæc verba ponuntur: Itaque à vobis petimus contendimusque, vt in ista diligentia velitis porro pergere, iuxta Mandatum, quod à nobis habetis, ac potissimum inherere petitioni de indutiis, &c.

In Scripto, quod eodem die exhibitum est, hæc verba reperiuntur: Vltimò Cels. & Dign. V. latere non volumus, etsi generales Ordines non expressè terminum nobis prorogauerint: tamè sicut antea, ita & nunc iusserunt nobis hîc subsistere, donec responsum super articulis pacificationis ab ipsis accipiamus.

In Epistola, quæ supra epistola Ordinum, x x v i. Septembr. exhibitæ, adiuncta est, hæc scribuntur: Etiam atque etiam à vobis petimus & contendimus, vt vestræ Instructioni inherentes ac insistentes, vos comparetis, ac om-

ac omnia dirigatis iuxta literas, Dominis Commissariis & Duci de Terranoua scriptas, &c. *Sunt etiam plures alia Epistola, in eandem sententiā ab Ordinibus ad Legatos ipsorum scripta, quæ Actis inserta non sunt.*

C V I V S M O D I est & illud quod de induitiis, earumq; conditionibus scribitur, cum de iis, ut ex Actis apparet, absolutum Mandatum habuerimus. E contra Dux de Terranoua expressè indicauerit, nullam sibi potestatem ad eas concedendas cōpetere, sed illas ex solo arbitrio principis Parmensis depēdere.

Q V I N E T I A M ad ea, quæ sequuntur, necessitas iterū nos dicere cogit, si notum nobis fuisset, Cels. & Dign. V. haud aliam mentem de religione, nec Ducem de Terranoua aliud Mandatum de eadem habuisse, non tantum intra sex hebdomadas, sed intra primos sex dies finiri hoc negotium potuisse, resque nostræ meliori loco, quàm nunc sunt, extitissent: Alioquin etiam pacificationes nostræ priores, breuiori temporis intervallo conclusæ & definitæ fuerunt.

S E D ne lōgius progrediamur,† quæ præterea in hoc Recessu continentur, Ordinum considerationi & defensionem relinquimus, verum vnā cum verbis istis, quorum ibidem mentio fit, quod in nullam vltiorem tractationem progredi vellemus, quæ verba in scripto illo, quod xij. Iulij exhibitum fuit, referuntur, amicè, humillimè, humiliter & officiosè petimus, in memoriam ea etiam verba reuocari, quæ nobis dicta fuerunt xvij. Iulij sequente, cum vltimi articuli exhiberentur in hunc modum: Cum Ordines eodem modo se submiserint, quo Seren. Rex ac Maieſt. ipsius legatus paratus sit hīc manere, donec responsum ad ea quæ hætenus acta sunt, Cels. & Dign. V. accepissent, monere easdem Cels. & Dign. V. ne & nos hinc ante responsum illud discessum pararemus, qua sola monitione omnia etiam superiora dissoluta sunt; necdū enim nobis de responso illo quicquam indicatum fuit.

ANNOTATIO

† *Ad verb.* Quæ præterea in hoc recessu continentur, &c. *Multa facta ponuntur, in hoc Recessu, de quibus legati Ordinum nihil se scire declarant, qualia præter ea, quæ diximus, sunt ista. i. Consensisse eos in pacem, indefinitamque submissionem, Si sic intelligenda est, prout hīc intelligitur. ii. De mandato conuenire eos non potuisse, &c. Conuenerunt utiq;., ut ex Mandato eorum apparet. iii. Confæderationes nouæ initæ, &c. Erat confæderatio Ultraieſtensis inita, antequam legati huc venirent.*

In scripto quod à legatis Ordinum xix. Iulij, exhibitum est circa fin. Itē ex eo quod actum est in 11. Aug. Patet ex eo quod actum est xxix. Iul.

sed cum viderent, quid per hunc conuentum ab Hispanis quaereretur, firmitus eam postea stabilierunt.

IIII. Mandatum suum reuocarunt. Si considerentur ea quae superius ratione prorogationis exposita sunt; item iussus Dominorum Commissariorum, non id inferri poterit.

V. Sine consensu extraneorum principum (cum quibus se tractationem iniisse scripserunt) non potuerint, &c. Videtur Recessus loqui de ea tractatione, quae cum Duce Andegauensi inita fuit; sed ea non prohibentur Ordines cum Rege suo reconciliari.

VI. Hinc etiam factum est, &c. Quorsum ista? non enim tale quicquam requisitum est.

VII. Non media, sed extrema proposuerint, &c. Iudicabit equus & pius Lector, cuiuscumque sit religionis.

VIII. Et si quis existimet, &c. Refero me ad praefationem, & ad varias huius rei nomine factas Annotationes.

IX. Buscoducenses sanioribus usi consiliis, &c. Deterrimis pro statu communis salutis patriae; qualibus etiam Hannonienses & Arthesienses usi sunt. Scire quoque velim, cur laudentur ex hoc facto, qui pro se tantum, non expectata patriae suae Brabantiae resolutione, cuius membrum sunt, ex quorum etiam Mandato non minus, quam ex aliorum eiusdem provinciae membrorum legati Ordinum hic egerunt, articulos istos acceptarunt? quin potius laude digni fuissent, si suum iudicium apud populares suos proposuissent, eorum sententiam quoque audiuissent, & quod communi consensu utile patriae suae inuenissent, Celsi & Digni eorum perscripissent. Quaecumque enim pax frustatim, vel particulariter quaritur, ea non potest aliud, quam ad uniuersalem oppressionem & seruitutem Belgii seruire.

X. Sinistra interpretatione & impugnatione non abstinerint, &c. Equus Lector, quæso, sine affectu Ordinum literas legat.

XI. Quod multi ad arma potius, quam ad pacem propensi sunt, &c. Exiguus sane horum numerus est, propter quos Ordines grauari non debebant.

XII. Famosis libellis, &c. Si qui tales sunt, Ordines eos non approbant, nec ipsorum iussu editi sunt. Quidam etiam circumferuntur, in quibus articuli oblati examinantur, sed famosi nomine infamari eos posse non video.

XIII. Nec Arnhemienfes, &c. Litera eorum supra inserta sunt.

XIIII. Vt à diuturnis tempestatibus, &c. Nihil omnes boni (quorum maior pars est) magis in votis habent. Hec ad ea quae hoc scripto declarata sunt, addenda censui.

IN SUPER huius respectu, obnixissime pro vltima vice petimus, sicut & Ordines per suas literas proximè petierunt, ut
Celsi.

Cels. & Dign. V. afflictissimæ patriæ nostræ, ad priorem gratiam, hanc adiicere & condonare velint, vt dignentur quatuor adhuc dies expectare: non enim possibile est, quin iam in itinere Ordinum literæ sint; nec dubitamus vllam rem aliam, quàm scriptum illud Ducis de Terranoua, quod importuno tempore editum fuit, remoram resolutioni eorum iniecisse; quod etiam tum, cum transmisimus illud, metuebamus. Sin verò impetrare id non possumus, in primis Cels. & Dign. V. immortales gratias agimus, pro molestiis, laboribus & sumptibus, quos tot iam mensibus, causa reconciliationis nostræ, habuerunt & sustinuerunt. Omni id amore, officio & seruitio promereri cupimus. Idem Ordines suis literis non minori affectione declaraturi sunt, & occasione se offerente factis quoque relaturi. Quod reliquum est soli sapienti & iusto Deo causam nostram commendamus. Exhibitum xiiij. Nouembriis Anno M. D. LXXIX.

ANNOTATIO.

Ad verb. Soli sapienti & iusto Deo, &c.] Non frustra hac commendatio à legatis Ordinum facta videtur. Nam qui precedentia allegata propius considerauerit, is non hoc solum inueniet, erroneas causas, à mundo nunc pro veris accipi, sed & minus conuenientia remedia pro conuenientibus probari & adhiberi; vt taceam multorum sapientiam hoc tempore circa vanitates & simulationes versari. Iustitiam non in tribuendo cuique, quod suum est, consistere, sed in eo, quod alterius est, apprehendendo: quodq; semel apprehensum est, pertinaciter & violenter defendendo. In qua re nulli maior quàm filio Dei iniuria fit, quam etiam ipsemet non reticet, sed palam per tubas suas denunciat, & ad iniuriam, quæ sibi facta est, emendandam admonet. Nemo tamen est qui hanc iniuriam agnoscere velit, etiamsi mille testibus & instrumentis conuincatur: sed loco iniuriæ, filio Dei illata, quisque suam prætexit iniuriam, & ad eam vindicandam nihil non sibi licere existimat: atque ita mala malis cumulantur, iramq; Dei, quam restinguere nos oportebat, magis ac magis accendimus. Hac hominum sapientia & iustitia ex factis, & scriptis, quæ hoc tempore accidunt, & in lucem veniunt, manifestò deprehenditur. Si ergo Deus Opt. Max. non sua sapientia & iustitia oppressis succurrerit, finemq; calamitatibus eorum imposuerit, ab hominibus frustra auxilium expectatur, quamdiu ea mente præditi erunt. Illuminet nos Dominus vt aliter sentire incipiamus. Velimus enim aut nolimus, tempus instare videtur, quo oportebit nos IESU CHRISTO filio Dei, Domino gloria, ac Regi Regum, ea quæ in præfatione per iniuriam erepta illi ostendi, restituere: Tunc eniet, quod Psalmi-

sta inquit: Vtique propinqua est timentibus eum salus, eius habitatura est gloria in terra nostra. Benignitas & fides occurrent inter se; iustitia & pax osculabuntur se. Fides è terra germinabit, & iustitia è calis prospectabit. Etia Dominus dabit quod bonum est, vt terra nostra edat prouentum suum, faciès vt iustitia præeat sibi, dum conferet ad iter pedes nostros. Veni Domine Iesu, Amen.

VLTIMO Nouembris legati Ordinum literas ab iisdē Ordinibus acceperunt, quibus adiuncta erat Instructio & communis omnium prouinciarum Resolutio, vnà cum literis ad Dominos Commissarios, & ad Comitem de Schwartzenberg datis. Hæ literæ eidem Comiti, quia solus adhuc aderat, traditæ fuerunt, & super Resolutione ista communicatio cum eo habita: sed cum vltiorem tractationem Dux de Terranova, etiam si Imperator continuari eam volebat, ore & literis suis denegaret, ex consilio ipsius Comitis prædicta Resolutio ad Imperatorem transmissa fuit, vnà cum parte Instructionis ad ea, quæ in articulis istis continentur, defendenda & declaranda.

*Ex lingua
Gallicana
Latinam
translata.*

LITERÆ ORDINVM AD LEGATOS SCRIPTÆ.

DOmini. Satis abundè intellexistis per tenorem omnium Literarum præcedentium, interea dum ibi agitis, continuum nostrum officium, quod præstitimus ad obtinendam conclusionem prouinciarum particularium respectiue, vt per collationem & communicationem illarum decerneremus vnā aliquā finalem Resolutionem, super punctis & articulis, qui per Dominos Principes Cæsareos Commissarios propositi fuerūt, quo tandē ad bonam & securā pacem cū Regia Maiest. perueniamus. Quæ nobis causa erunt ne ea hîc repetamus, posteaquā hæ Literæ ad hoc solū seruient, ad vestram operā instanter requirendam, vt à Domino de Melroy vestram Instructionem & prædictam finalem Resolutionem omnium prouinciarum, super dictis punctis & articulis, vnà cum Literis, quas scribimus ad Principes & Comitem de Schwartzberg, quo in omnibus occurrentibus conformetis vos ad contenta in iis, sequentes exempla illorum, quæ simul mittimus. Si contingat diuturniorem nostram moram culpari, ad excusationē eius omnes causas, quas iam antè intellexistis, adferetis. Finem
faci-

facimus, si hoc primum indicauerimus, mirari nos supra modum, quomodo Dux de Terranova, & Domini Principes Cæsarei Commissarij nunc adeò longè reiiciant punctum, & articulum religionem concernentem, posteaquam sciuerint ab initio, quòd erat impossibile tractare cum fructu, nisi acceptato illo articulo: requirimus vt hoc illis declaretis. Quod restat, rogamus Creatore, Domini, vt det vobis sanctam, beatam & bonam vitam cum beneficio gratiæ suæ. Antuerpiæ 25. Nouembr. Anno LXXIX.

LITERÆ ORDINVM AD DOMI-
NOS COMMISSARIOS.

Reuerendissimi, & Illustrissimi, &c.

QVandoquidem Generosus Dominus de Melroy Coloniā reuertitur, cum responsione categorica, primò seorsum in vnaquaque prouincia concepta, & deinde per collationem deprehensa deliberationum transmissarum concordia communi omnium ditionum consensu resoluta super pacificationis articulis, à vestris Cels. & Dign. transmissis: nostri officij esse duximus, denuò immortales agere gratias, pro diuturna commoratione & ingentibus laboribus ac sumptibus, quos vest. Cels. & Dign. postpositis propriis & subditorum suorum negotiis, in hoc pacificationis conuētu sustinuerunt, & eo ampliùs rogare, vt post adeò multiplicem laborem in extremo actu non deficere, sed pulcherrimo operi supremā manum feliciter imponere dignentur; sibi certissimè persuadentes, Ditiones & Ordines summa diligentia responsionem suam ita temperasse, vt sine maioribus perturbationibus & totius Reipub. euersione non potuerint, durantibus tumultibus bellicis, vlteriùs procedere: vel propius & æquabilioribus rationibus vestrarum Cels. & Dign. articulis accedere. Quòd indubitanter omnes mortales fatebuntur, qui vel eminus statum præsentem rerum Belgicarum inspexerint. Etenim in diuturna principis absentia (quæ per se multa magnaq; incōmoda adferre solet) & propter dissensiones insecutas, tanta rerum publicarum mutatio facta est, vt secundum Regis desiderium, articulos ea forma quā transmissi sunt, impossibile sit v-
sibus

fibus hominum accommodare absque grauiori damno cum
 Regiæ Maiest. & religionis Catholicæ Romanæ, tum totius
 Reipub. Belgicæ. Quare rogamus & obtestamur Cels. &
 Dign. V. in tempore omnia attentius considerare velint, &
 Regium Commissarium per suas intercessionem commouere,
 ne aspernetur vota prouincialium enixè desiderantium, sub-
 lato metu belli, ad obedientiam suæ Maiestatis, tanquam ad
 clarum beneficiumq; sydus, reuerti, ac se suaque omnia appli-
 care, quocunque desiderauerit Maiest. suæ voluntas & salus, si
 hæ condiciones tolerabiles, & quæ statui præsentis tēporis ac-
 commodari possint, admittantur; non sine magna spe & certa
 expectatione postea per pacis tranquillitatem, & animis sub-
 ditorū magis pacatis cum maiore opportunitate, maiore mo-
 derationem obtineri posse: Id quod non dubitamus Cels. &
 Dign. V. seriò & pro negotij magnitudine animaduersuras;
 & antequam occasio præterlabatur, Regio Commissario per-
 suasuras, Regem dum subditis suis parcat, sibi parcere, & sine
 temperamento dictorum articulorum fieri non posse vt belli
 calamitatibus liberemur, pristinæ tranquillitati restituamur, &
 secunda beneuolentia prouocati, omnes Maiestatem suam tam
 pro se quàm supra se esse agnoscant, eiusque curam excubare
 pro salute singulorum atque vniuersorum experiantur; cuius
 rei procuratio Regiæ Maiest. magnitudinem stabilem, funda-
 tamque apud Belgas efficiet, & Vest. Cels. & Dign. immorta-
 lem conciliabit gloriam, reddetque Ordines prouinciarū Bel-
 gicarum ad obsequendum sibi perpetuò deuinctos & obno-
 xios, ita quod non pigeat moram dilationemq; tēporis susti-
 nuisse, pro obtinendis & conciliandis ditionum ac prouin-
 ciarum suffragiis, quæ quantum in nobis fuit, curauimus dili-
 gentissimè; sed ipsa rei varietas & rabies flagrantium bellorū,
 necnon improba aduersariorum studia cum Regis ac ditionū
 præiudicio, tarditatis causam præbuerunt: ita vt speremus cer-
 tissimè Cels. & Dign. V. rerum veritate bene perspecta, Or-
 dinum excusationem existimaturas non solum probabilem,
 sed etiam iustam. Precando obsecrandoque iterum Cels. &
 Dign. V. non grauentur in inchoato opere procedere, & diui-
 na virgula (vt aiunt) rem ita dirigere atque disponere, vt iurgiū
 hoc inter Maiest. suam & ditiones suas patrimoniales quàm
 citissimè componatur, nec latius serpat cum dolore subdito-
 rum,

rum, & tandem desperatio cogat magis dura & aspera consilia arripere. Ordines sollicitudinem, magnosque labores & sumptus Cels. & Dign. V. immortalibus laudibus extollere, & omni obsequiorum & gratitudinis genere promereri ac compensare conabuntur semper. Antuerpiæ 25. Nouemb. 1579.

LITERÆ EORVNDem AD COMITEM
DE SCHWARTZENBERG.

Illustriß. Domine Comes.

Fatemur humanitatem atque beneuolentiam tuam erga istas prouincias multiplici significatione rerum agnouisse; luculenterque perspectum, exploratum & compertum habemus, per te, qui præsens faciem rerum Belgicarum propius aspexisti, & apertis rerum argumentis certissimè deprehendisti, omnem pacis tractationem absque laxamento aliquo, quoad religionis exercitium, futuram inutilem & superuacaneâ, non sterisse neque adhuc stare, quominus æquabilibus rationibus ditiones Maiest. suæ reconcilientur, & pristinae quieti & tranquillitati restituantur: nec dubitamus te pro singulari candore & affectu ad Belgij pacificationem, post tot periculosa itinera tantosque labores exantlatos, diligentissimè allaboraturum, ut præclara principia pacificationis perfectionem suam assequantur, secundum categoricam Ditionum responsionem, quam vsque adeò collimauimus, & ad rationis æquilibrium trutinauimus, ut sine maiore detrimento Regis & Reipub. (inspecto statu præsentis temporis) amplius postulare aut exigere non conueniat, si Rex ditiones suas amet, velitque earum se conseruatorem potius quàm euerforè præbere, ac prouincias ciuitatesque potius beneuolentia allicere, & paulatim componere, quàm vi direptas periculoso bello ad se pertrahere conari. Nimium enim & cum summo subditorum discrimine coniunctum videtur, secundum formulam propositorum articulorum, tumultus consopire, & simul defixam populariū opinionem subito conuellere, ac vniuersam propè formam Reipub. commutare, antequàm per pacis experimenta & post adeptam securitatem, redintegratamque de Rege fiduciam, animi magis pacati ad maiorem moderationem inclinent, quæ præ-

cupua est ratio componendæ Reipub. quam dolemus tot annorum spatio à Rege, eiusque ministris non fuisse obseruatâ, cum magna ditionum ab alienatione, ordinis politici perturbatione & religionis Catholicæ Romanæ diminutione, de quo D. T. pro tempore, quo in his ditionibus versata est, amplissimū potest dare testimoniū. Dilata fuit aliquandiu Ordinū categorica responsio, quæ nunc transmittitur: sed prudentia tua facile considerabit, excitatis per aduersarios tot intestinis diffidiis, Ordines prouinciarum crudeli bello oppressos, non sine summa difficultate & mora, inter infinita & varia hominum ingenia, potuisse colligere voluntates & consensum tot prouinciarum tam latè distantium: ideoque confidimus excusationem nostram apud principes Electores & Cōmissarios Cæsareos sufficientem, & amplius quàm iusti ponderis futuram; præsertim si tenor articulorum collatus cum Reipub. nostræ statu, aliæque circumstantiæ concurrentes rectè ponderentur & intelligantur. Et cum non ignoremus sincerum affectū tuū in his quæ ad peragendum pacificationis negotium pertinent, non erimus prolixiores, si vnum illud adiecerimus, quicquid laboris aut industriæ hactenus à D. T. pacis conciliationi impensum est, aut in posterum impendetur, Ordines in perpetua recordatione habituros, omni tempore agnituros, atque cum opportunitate secundum meritū & beneficii magnitudinem compensaturos. Antuerpiæ xxv. Nouembr. M. D. LXXIX.

LITERÆ IMPERATORIS AD
LEGATOS ORDINVM.

*Rudolphus secundus diuina fauente clementia, electus
Romanorum Imperator, semper Augustus.*

Illust. Generosi, Magnifici, Nobiles, honorabiles, prudentes & fideles dilecti. Allatum ad nos est, die xiiij. præsentis mensis, à Commissariis nostris, ad pacem inter Seren. Hispaniarum Regem Catholicum, auunculum, sororium & fratrem nostrum charissimum, ac Ordines Belgicos, conciliandam deputatis, Recessum quendam publicatum fuisse, quo se istinc discessuros declararint: Quemadmodū etiam mox altero die Elector Treuir. eius rei initium fecerit. Cæteros verò petitioni
vestræ,

vestræ, qua Ordinum Belgicorum responso, ad propositos pacis articulos eò proferendo, saltem quatruidi moram postulastis, locum dedisse. Quoniam verò ea est omnino mens nostra, quòd coeptam tractationem (dum modo aliqua optati effectus spes reliqua sit) ulterius continuari, neque ad certum aliquod tempus restringi summo opere cupiamus; scribimus vnà cū his præfatis Commissariis nostris, præsertim verò Electori Coloniensi, ac Episcopo Herbipolensi, vt non modò petitum quatruidium (quod iam præterit) verumetiam quandiu rei necessitas postulauerit, ac, vti diximus, spes aliqua supersit, isthic subsistant. Eo verò casu, quo iam recessissent, quamprimum Coloniā redeant, ac dictorum Ordinum Belgicorū responsum expectent. Illo verò accepto, pro eiusdem qualitate ulterius statuatur, ac in id quidem summo studio enitantur, vt sublatis si quæ sint difficultatibus, res omnis ad concordiam reduci queat, prout ex ipsis Commissariis nostris, vel saltem cæteris iam inde digressis, ex Consiliario nostro, & supremo aulæ Mareschalco, Comite Ottone Henrico de Schwartzenberg, vberiùs intellecturi estis. Quapropter vos benignè clementerque hortamur, & requirimus, vt priori casu, quo scilicet Coloniensis Elector ac Episcopus Herbipolensis etiamnum isthic essent, vos quoque ibidem subsistere; altero verò casu eorundem reditum expectare, ac in omnem euentū tales vos exhibere velitis, vt quod ad imponendum salutari huic negotio cum finem, quem calamitosus ditionum Belgicarum, ipsiusque Reipub. Christianæ status maximè flagitat, pertinet, in eo vobis haud vlla culpa attribui queat. Eo namq; ipso vobis ac patriæ vestræ rem in primis vtilem atque necessariam, nobis verò longè gratissimā facturi estis. Quod reliquū, Cæsar. nostrā beneuolentiā & gratiā vobis benignè deferimus. Datū in arce nostra Regia Pragæ, die xxiiij. mensis Nouembr. Anno Domini Millesimo quingentesimo septuagesimo nono. Regnorum nostrorū Romani quinto. Hungarici octauo, & Bohemici etiā quinto.

Rudolphus.

V. Suicher D.

Ad Mandatum Sac. Cæs. Maiest. proprium.

Phernberger.

o 3

LITE-

LITERÆ DVCIS DE TERRANOVA
AD LEGATOS ORDINVM.

*Illustrissime Domine, admodum Reuerendi &
Magnifici viri.*

Accepi literas, quas proximè post meum Colonia decessum mihi D. & Dilectiones vestræ scripserunt, quæque iis continentur diligenter perlegi, ac planè intellexi. Verum quia ipsis est exploratissimum, quomodo negotium huiusmodi hætenus processerit, quibus impulsu grauissimis rationibus, Illustrissimi principes Sac. Rom. Imperij Electores, cæterique Sac. Cæs. Maieft. Commissarij conuentui finem imposuerint, istincque recesserint, Vnum mihi tantummodo superesse videtur, vt quod sæpius præsens ore tenus peregi officium, rursus per literas repetam, nempe vt Do. & Dilect. vestras vehementer horter, quemadmodum libenter & ex animo facio, vt pro ea qua pollèt auctoritate, Reg. Cathol. Maieft. subditis omni studio persuadere nitantur, vt tantam eiusdem Maieft. principis sui naturalis benignitatem amplecti minimè recusent, ad eandem Cath. Maieft. via iam in ipso conuentu patefacta, propositis reconciliationis articulis, & condicionibus, vniuerso orbi tantopere probatis, redeundo, debitamque reuerentiam ac obedientiam illi exhibendo & præstando, sicque antiquam tranquillitatem & pacem recuperando. Quamuis enim Colonienfis conuentus sit finitus, adhuc suæ Cath. Maieft. subditis liberum est tâta potiri gratia, vel ipsam Reg. Cath. Maieft. vel eiusdem Gubernatorem generalem adeundo, qui non minori beneuolentia ac benignitate iisdem articulis redeuntes suscipiet. Quod quidem Do. & Dil. vestras pro vestra erga Deū Opt. Max. pietate ac erga patriam charitate facturas esse, quantum in illis est, haud dubito. Valeant Do. & Dil. vestræ, quas Deus Opt. suo patrocinio tueatur. Datum Bonnæ die v°. Decembr. M. D. LXXIX.

Dom. ac Dilect. Vestræ

ad seruitia paratissimus

*Carolus ab Aragonia Dux
de Terranova.*

RE.

NOVA
295
RESPONSVM LEGATORVM ORDINVM
AD IMPERATOREM.

Inuictissime Cæsar, Domine clementissime.

AD literas quas Sacr. Cæs. Maieft. T. pro paterno affectu, quo afflictissimam patriam nostram prosequitur, clementissime nobis scribere placuit, eandem Sac. Cæs. Ma. T. demississimis animis celare non possumus; cum nihil adeò sinceris animis optemus, quàm non solum in hac re, quæ ad salutem nostram instituitur, sed etiam in quavis alia Sac. Cæs. Maieft. T. humillimè obedire; nos omninò paratos esse hinc subsistere, idque eo magis, quòd Resolutio Ordinum generalium pridie quàm Sac. Cæs. Maieft. T. literæ nobis redditæ sunt, huc transmissa fuerit, quam incontinenti Sac. Cæs. Mai. T. Legato Comiti de Schwartzenberg, porreximus, & cum eo consultaui-
mus, quid porrò nobis in hoc negotio agendum esset, quæ sine dubio Sac. Ma. T. ipsemet latius expositurus est. Sed cum idẽ Legatus in articulis prædictæ resolutionis aliquas difficultates nobis hodie proposuerit per exhibitionem partis Instructionis nostræ, conati sumus easdem illas difficultates lenire & dissolvere. Quibus Sac. Cæs. Maieft. T. clementissimè contentã fore propter præsentis necessitates nostras omnino confidimus. Nihilominus vt super omnibus exactissima adhuc deliberatio per Ordines ineatur, mittimus incontinenti aliquos ex nostris, qui de omnibus quæ hinc acta sunt, præcipuè etiam quæ de nouo hodie Sac. Cæs. Ma. T. Legato nobiscum conferre placuit, Ordines instruant, quidque porrò agendum sit nobis per eosdem primo tempore significant. Interea Sacr. Cæs. Maieft. T. cum omni humilitate & obedientia etiam atque etiam rogamus, vt quemadmodum Christianissimè, & plus quàm paterno affectu hoc negotium pacificationis aggressus est, eadem pietate & affectu ad recreationem miserrimæ & afflictissimæ patriæ nostræ, cum qua etiam non solũ vicinæ provinciæ, sed & tota Germania pati cogitur, id ad optatum finem pacis clementissimè perducere conetur. Ob quam rem Sacr. Cæs. Ma. T. non solum nos qui hinc sumus, sed etiam tota inferior Germania, demississimè obstrictos in perpetuum ad omnem obedientiam & fidem agnoscemus. Eandem Sac. Cæs. Maieft.

Maieft. T. gratie et protectioni Dei Opt. Max. vt in ea viuat & valeat, eidemque Sac. Maieft. T. supplices & humillime cō-mendamus. Colonia iij°. die Decembris Anno 1579.

Tux Sac. Caf. Maieft.

Humillimi ac deuotiffimi legari
Ordinum Germaniæ Inferioris.

Mandato dictorum legatorum,

I. De Kessel.

AR-

297
ARTICVLI, COMMVNEM OMNIVM
PROVINCIA RV M RESOLVTIONEM
CONTINENTES.

*Ea quæ hic in
margine an-
notatur, de-
sumpta sunt
ex Instructio-
ne, quæ Reso-
lutioni illi
adiuncta fuit.*

Primò Pacificatio anno 76. die octava Nouembris Ganda-
ui inita & instituta: Vnio quoque Bruxellis nona Ianua-
rij 1577. subsecuta, Edictum insuper perpetuū Bruxellis 17.
Februarij anno eodem publicatum, vnà cum Approbatione
Regia, saluis iis, quæ in sequentibus articulis mutata, aut aliter
statuta inveniuntur, in omnibus suis punctis & articulis serua-
buntur, & executioni mandabuntur.

*Addita est
hæc clausula,
ad tollendas
captiones &
disputatio-
nes, quæ ex
collatione &
diuersitate il-
larū conven-
tionum in po-
sterum oriri
possent. Causa
harum diuer-
sitatū ad ar-
ticulū quar-
tum sequen-
tem explican-
tur.*

I I.

Et quia præter ea, quæ à tempore primorum motuum ac-
ciderunt, post iam dictos tractatus pacis Gandauensis, Vnionis
& Edicti perpetui, vtrò citroque varia facta, dicta & admissa
fuere, tam in generali quàm particulari, hac præsentī quoque
Pacificatione non minùs posteriorum istorum factorum &
dictorum quocunque modo & loco commissorum, siue de-
molitione castrorum & fortalitiarum spectent, siue quiduis
aliud, quàm eorum quæ antea contigerunt, perpetua obliuio
constituatur; ita vt eorum nulla amplius fiat mentio, expro-
bratio aut inquisitio, neque per fiscales officiales publicos, ne-
que per alios cuiuscunque conditionis fuerint, quasi ea nun-
quam accidissent, idq; sub pœna exemplaris correctionis, con-
trauenientibus, tanquam perturbatoribus trāquillitatis publi-
cæ, infligenda: Ad quē finem & ad maiorem securitatem om-
nes sententiæ, decreta, proscriptiones, & arresta, occasione
dictarum turbarum prolata, seu facta, tam in his quàm aliis di-
tionibus Maiest. suæ subditis, erunt cassa & irrita, & è publicis
Registris & Protocolis expungentur & delebuntur, neq; ca-
stra aliqua restaurabuntur, aut de nouo ædificabuntur per Ma-
iestatem suam aut successores eius vlllo vnquam tempore.

*Vel saltem non sine consensu generalium & particularium Ordinum eius prouincia in
qua ædificabuntur, simul, vel horum tantum qui legitimè & secundum priuilegia cuius-
que prouincia vocati erunt.*

I I I.

REX Catholicus, eiusque successores, vasallis subditisque

p

luis

*Quadam hic
verba omiffa
& immutata
sunt, secundū
tenorem art.
x. in Edicto
perpetuo, ad
euitādos scru-
pulos & su-
perfluitates.*

fuis feruabunt, manutenebunt, & si opus videbitur, etiam de nouo confirmabunt, & per omnes in posterum Gubernatores; tam generales quā particulares, inuolabiliter obseruari curabunt, cum præsenti tractatu, omnia & singula iura, vsus, consuetudines, immunitates, exemptiones & priuilegia quarumlibet ditionum, ciuitatum, oppidorum, Communitatum, aliorumque priuatorum omnium, tum in genere, tum in specie.

IIII.

*Diuturnum
bellum, aire-
ptiones, op-
pressiones,
violentia, di-
uersa insidia,
& machina-
tiones quibus
aduersarij v-
tuntur, alie-
nationes &
factiones in-
ter subditos,
ubique quæ-
ta & excita-
ta, Arthesien-
sum socio-
rumq; eorū,
in Hispanorū
locum substi-
tutio, &c. in-
stam diffidē-
tiam in ani-
mis subditorū
pepererunt.
Denique na-
turalis ratio
& experientia
demonstrant,
non vanē me-
tuere sibi sub-*

OMNES Regij milites extranei, tam pedites quā equites, Hispani, Itali, Albani, Burgundi, Galli, Germani, cæteri; omnes peregrini, siue propter præsentes motus huc venerint, siue antea accersiti fuerint, intra quindecim dies, post publicatam pacem, egredientur ciuitates, & fortalitia, & intra viginti dies inde sequentes Luxemburgo, adeoq; toto Belgio, & post alios viginti dies Burgundia: nec reuertentur ipsi aut alij, nisi ex causa externi belli aut generaliter alterius necessitatis Ordinibus cognita & approbata; & tenebuntur dicti milites in decessu ex ciuitatibus, castris & fortalitiis relinquere omnem com meatum, prouisionem, tormenta & munitiones bellicas, in illis inuentas, & eductas; euectas translataeue aliō, restituere, & prima opportunitate reponere in locis vnde ablatæ euectæue fuerint & nihil earum efferre, sed omnia remanebunt ad vsum & tutelam locorum, secundum dispositionē inferius sequentem: Et pro maiore securitate dicti articuli, Gubernatores & Ordines tam generales quā particulares Luxemburgi & Burgundiæ, iurabunt obseruationem omnium articulorum præsenti tractatus; nec permittent aut patientur vnquam redditum vel transitum aliquorum extraneorum militū in damnum aut præiudicium istarum ditionum. In cuius confirmationem exhibebunt publicum documentum. Ordines vicissim curabunt mutua commercia dictis prouinciis redintegrari, & cum omni securitate feruari.

Ad hoc ubi princeps eorum erga ipsos verissimiliter irritatus & exacerbatus est, &c. Propter securitatē erga subditorum hic articulus sic conceptus est, & conuenit cum art. xiiij. Edicti perpetui, & cum tractatu quoniam Princeps Parmensis cum prædictis Arthesiensibus sociisq; eorum iniit.

V.

*Ratio huius arti-
culi eadē est qua
præcedenti.*

EODEM tempore, quo dicti exteri decedent, Arthesien-
ses eorumque belli consortes reddent cum com meatu, & mu-
nitione.

ditionibus ciuitates, loca & fortalitia ab ipsis in aliis ditionibus occupata, detenta, seu in eorum potestate existentia, vicissim eodem modo & tempore restituendis omnibus locis, quæ Ordines aliarum prouinciarum in ipsorum ditionibus occupant aut detinent: & ad pleniorē exonerationem subditorum inducendamque maiorem confidentiam & amicitiam, vtraque pars reuocabit & continebit omnem suum militem intra proprios suæ ditionis limites, constitutis vtrinque Cōmissariis ad designationem locorum, in quibus hinc inde degent, spatio mensis aut sex septimanarum, vt interea pecunia, solutioni stipendij necessaria, confecta omnes vtrinque eodem tempore dimittantur.

VI.

ET vt mutua ditionū concordia & securitas sit magis diuturna aut firma, Ordines Arthesiensium eorūque consortes præstabunt cautionem, de non dando exteris transitum ad interiores ditiones similē illi, de qua in superiori articulo, respectu Luxemburgensium & Burgundorum actum est. Vicissim Ordines aliarum ditionum ad eandem cautionem Luxemburgensibus, Burgundis, Arthesiensibus eorūque consortibus præstandam tenebuntur: prouiso tamen quod si præter dictos externos aliqui Regij milites adhuc inueniantur, qui partibus Arthesiensium & consortium non acceperint, ij exaucto- rabuntur, & dimittentur, eodem tempore, quo exhibunt exteri: & ciuitates, castra & fortalitia, quibus exhibunt, restituentur Ordinibus cuiusque prouinciæ, ea lege & cōditione, quod (vt securius reuertantur incolæ & liberio- rem vsum commerciorum suorum habere possint) remanebunt exonerata & libera ab omni milite, nisi sint limitrophani, quibus ante hostium tumultus & ab antiquo præsidia esse consueuerūt, quibus prouidebitur prout inferius.

VII.

QUANTVM ad exactiones, impositiones cæteraque vectigalia & onera, præsentium turbarum occasione indicta, attinet, Quandoquidem constat ditiones, occasione præsentium turbarum ac præcedentium onerum, magno ære alieno prægrauari; ita vt periculum sit, ne subditi peregrè proficiscentes detineantur, & mercatorum commercia impediātur, nisi prouideatur: Rex Ordinibus permittet eo modo prospicere, quo

ad exonerationem subditorum, libertatem & ampliationem commerciorum iudicabunt expedire; approbatis & confirmatis omnibus constitutionibus reddituum, pensionum & aliarum obligationum & securitatum hactenus per Ordines factis.

*Conuenit cũ
art. x. in tra-
stat. Arthes.*

ET ne qua semina altercationum aut querelarum relinquantur, omnes Ecclesiastici, necnon Illusterrimus princeps Auracus, aliiq; omnes seculares, tam intranei quàm extranei, recuperabunt pacificè omnia immobilia sua bona secularia & ecclesiastica, iisque siue in Burgundia, Luxemburgo, Hollandia, Zelandia, siue quouis alio loco sitis, statim uti ac frui poterunt, eo nimirum statu & qualitate, quibus in presentiarum illa ipsa reperiuntur, idque omni dolo ac fraude semotis, non obstante vlla hypothecatione, aut quauis alienatione, à tempore Pacificationis Gandauensis facta in contrarium, saluis his, quæ in capitulis, de religionis exercitio disponentibus, inferius subiiciuntur; similiter restituentur liberè possessioni omnium mobilium, titulorum, actionum & debitorum non alienatorum. Quæ verò ante Pacificationem Gandensem acciderunt, eiusdem dispositioni relinquuntur. Quemadmodum etiam dispositioni xvi. & xvj. articulorum eiusdem pacificationis Gandensis relinquuntur redditus & onera, quibus dicta bona immobilia grauantur, vsque ad Natalitia Domini proximè sequentia.

SIMILITER quoq; subditorum quilibet hinc inde redintegrabitur in suis honoribus, dignitatibus & beneficiis ecclesiasticis; nouis episcopatibus omnibus, dignitatibusq; ac beneficiis incorporacionibus cessaturis, & in perpetuū abolendis. Similiter recuperabunt gubernationes, officia & functiones publicas, adhuc aliis non collatas, nisi malint rationabili compensatione esse contenti. Illis verò, quorum officia & functiones aliis iam sunt collatae, æquabilis fiet cōpensatio, intra quatuor menses, post pacem publicam discernenda, & statuenda per Commissarios, hinc inde committendos; he in ipso pacificationis principio & fine priorum tumultuum noua turba-

*Cōpensatio)
Secundum
qualitatem
& personarum
& officiorum,
quibus eadem
persona fun-
cta fuerunt.
Nō enim in-*

tentio Ordinum est, vllum à suo officio excludere, quò per hoc infamia aut iniuria aliqua afficiatur, sed vt euitentur noui motus ad securitatem tam ipsorum Officiariorum, quàm subditorum, quibus illi vel suspecti vel minus grati esse poterunt: Vel saltem vt duret hæc compensatio tamdiu, donec per Statum genera-

rum nascatur occasio: Prouiso tamē quod eiusmodi denuo reintegrandi, tenebuntur præstare iusiurandum, cuius in sequenti articulo fit mentio; prout facturi quoque cæteri, ad nouas functiones & officia in posterum cooptandi: reuocando, cassando & annullando, quicquid hinc inde factum, decretum pronunciatumve fuerit.

X.

N V L L I admittentur ad Consilia rerum Status, Priuatum, financiarum, aliaque officia maioris momenti, & vniuersitatē respicientia, nisi grati Ordinibus generalibus, nec ad gubernacula prouinciarum, ciuitatum, castrorum & fortalitorū, Capitaneatus aut præfecturas militum præsidialium, status & officia principalia singulas prouincias concernētia, nisi grati prouinciis, in quibus dicta officia exercebuntur. Omnes autē supradicti, siue ad munera vniuersalia, siue alia officia assumendi, erunt naturales prouinciarum bene qualificati, secundum priuilegia, qui etiam ante receptionem solenniter iurabunt Regi, & Ordinibus fidelitatem & obseruationem istorum articulorum: promittentque fideliter & sincerè reuelare Ordinibus cuiusque ditionis, si quæ intellexerint contra honorem, vtilitatem aut tranquillitatem eorundem tractari; sub pœna periurij & destitutionis functionis & officij.

Repetatur hic ratio quarti articuli. Conformis quoque est art. xvij. in tractat. Arth. & articulo xvij. Edicti perpetui respectiue. Salte vt hac ita obseruentur ad annos aliquot propter securitatem suaditorum.

XI.

C A P T I V I vtriusque partis, qui ob dictos tumultus adhuc dum detinentur, statim et absque vlllo pretio relaxabuntur, nisi iam antea de eo aliud inter eos fuerit conuentum & concordatum.

XII.

C O M E S Buranus suæ libertati & patriæ restituetur, intra tres menses, à die publicatæ huius pacificationis.

Concordat cum art. xij. pacificationis Gandauens.

XIII.

D E C R E T A, dispositiones & ordinationes per Sereñ. Dominum Archiducem Matthiam, suosque collaterales, & Ordines Statuum, à tempore vltimarum turbarum emanatę, tam ante separationem quarūdam ditionum, quàm post, pro legitimis & validis habebuntur, suosque debitos sortientur effectus: quoad beneficia, dignitates, officia aut alias res quascunque, quæ solent esse potestatis ac dispositionis ordinarię illorum qui tenet locum Gubernatoris dictarum prouinciarum;

Conuenit cum
art. 3. in tract.
Art. 6. con-
firmatur per art.
viij. Pacificatio-
nis Gand.

& insuper ad preces dictorum Ordinum, Rex Catholicus ra-
tas habebit dispositiones factas, etiam de iis quæ propriæ per-
sonæ suæ reseruantur, idque pro hac vice duntaxat, & saluis
iis quæ per hunc tractatum aliter sunt disposita.

XIIII.

AD creationem Magistratuum, aliorumque particulariū
Officiatorum in ciuitatibus, & aliis locis procedetur futuris
temporibus, prout olim, & sicut ex iuribus & priuilegiis cuius-
que patriæ, vrbis & loci decet.

XV.

Omissa sunt clau-
sula restrictiua
vt euitetur inter
conuentiones istas
odierarietas, & oc-
casio scrupulū &
cauillationibus,
quæ oriri possint
ob Edicta olim
in causa religio-
nis obseruata,
precidatur.
Conformis priuile-
giis prouincia-
rum.

AUTORITAS & obedientia Regi cum primis restitue-
tur & seruabitur, qualis meritò iuxta præscriptū diuini & hu-
mani iuris, necnon priuilegia, vsus & consuetudines patrias &
Pacificationem Gandauensem, Vnionemque subsecutam, Edi-
ctum perpetuum & præsentem tractatum esse debet.

XVI.

Omnes prouincie
unanimitèr Do-
minum Archi-
ducem continua-
ri, & confirmari
postulant.

AD regimen & gubernacula dictarum prouinciarum, Rex
eliget principem de sanguine suo legitimo, Statibus gratum,
qui quæve rerum experientia pollens, habeat dotes & quali-
tates ad eius generis arduum munus cum primis necessarias,
& de quo seu qua subditi iustam causam satisfactionis sint ha-
bituri. Gubernabit autem cum omni iustitia & æquitate, præ-
sertim secundum vsus, iura, consuetudines & priuilegia dicta-
rum ditionum, etiam comprehensis pacificationibus supradi-
ctis, & hoc præsentis reconciliationis Edicto, quod tenebitur
promittere et iurare. Et quoniam Sereniss. Archidux Matthias
in maximis istis tumultibus moderatissimè se gessit, cupiunt et
supplicant Ordines, vt Maiestas sua eundem Archiducem vel
continuarè, vel de nouo committere dignetur, sub obligatio-
ne & iureiurando prædictis.

XVII.

Propter rationes
ad art. 4. expli-
catis, hæc sola
cautio extra me-
zum & pericu-
lum subditos co-
stare potest. Et hæc hic articulus conformis art. vi. in tract. Arthes. & vi. Edicti perpetui.

CIVITATES, vrbes, fortalitia, tormenta bellica, muni-
tiones, commeatus, arma & naues, aliæque omnia Hollandiam,
Zelandiam & confœderatos respicientia, relinquuntur dispo-
sitioni pacis Gandensis. Per alias verò ditiones, in potestate di-
ctorum Ordinum existentes, seruabuntur & administrabuntur
per eos, quibus officia Gubernatorum, Capitaneorum & alio-
rum Officiatorum per dictum Sereñ. Archiducem & Ordines
com-

commissa sunt, præstito iureiurando Regi & Statibus, de quo in nono articulo superius est actum. Et ciuitates, castra, fortalitia ex quibus Hispani & alij exteri excedēt, aliaq; officia quæ in posterum vacabunt, committentur per Maiestatem suam naturalibus harum ditionum, qualificatis secundum priuilegia, & Ordinibus cuiusque patriæ gratis, qui antequam suscipiant dictarum ciuitatum, castrorum & fortalitiarum gubernationem atque munitionum custodiam, iurabunt iusiurandum in nono articulo superius propositum, donec super dictis de consensu Ordinum generalium solenniter congregatorum aliter fuerit dispositum. Interim verò & incontinenti ad manus dicti Gubernatoris patrimonium aliaq; omnia bona ad Regem pertinentia tradentur.

*Salte vt hæc
ita obseruen-
tur ad annos.
aliquot pro-
pter securita-
tē subditorū.*

XVIII.

PERMITTENTE nihilominus Rege, & quidem merè in huius reconciliationis gratiam, vt quod hætenus ex eius patrimonio seu populi subsidiis desumptum & collectū fuit, id ita collectum receptumque maneat: ita tamen vt in posterum ab huiusmodi detentionibus & occupationibus desistatur.

XIX.

ORDINES renunciabunt omnibus fœderibus pactisque cum exteris occasione dictorum tumultuum initis; saluis his, quæ cum Sereñ. Regina Angliæ & Duce Alenchonio tractata sunt.

*Donec vtrius-
que propter
conuentiones
præcedentes
contentum
reddiderint.*

XX.

COMPREHENDENTVR hoc tractatu dicta Regina Angliæ, Dux Alenchonius, omnesque principes, & alij cuiuscunque conditionis fuerint, qui Ordinibus quoquo modo fauorem aut auxilium præstiterunt.

XXI.

ET quoniam propter commercia subditorum cum vicinis, diuersam religionem obseruantibus, diuturnam suæ Maiestatis absentiam, & tumultus subsecutos, tanta in religione mutatio orta sit, vt sine euidenti discrimine maiorum periculorū res ad pristinum statum reduci nō possit: Rex ad supplices preces subditorum suorum, & ne intestina dissidia cum maiore periculo religionis Romanæ augeantur, tolerabit tam religionis Reformatæ quàm Confessionis Augustanæ exercitia, in ciuitatibus & locis, in quibus nunc publicè obseruantur. Vi-

cissim

cissim Ordines in omnibus ciuitatibus, & locis supradictis, curabunt statim publicata pace restaurari exercitium Religionis Catholicæ Rom. propositis pactis æqualibus inuolabiler obseruandis: Præterea post pacem publicatam & dimissum vtrunque militem, rebusque pacatis, Ordines conueniēt, & præsentibus Commissariis regis, dabunt operam, ad minus reducere vsum dictæ religionis Reformatæ ad certas ciuitates & loca, secundum exigentiam cuiusque prouinciæ; Hollâdis, Zelandis, eorumque confœderatis nihilominus manentibus in terminis pacificationis Gandensis. Studebunt quoque Ordines vt etiam per Hollandiam & Zelandiam aliquibus locis vñs religionis Catholicæ Romanæ accipiat, donec progressu temporis per vltiorem conuentum plenius prouideatur, si in priori congressu omnia absolui non possint.

XXII.

DE cæteris concernentibus expeditionem, confirmationem, publicationem, perpetuamque & firmam obseruationem huius Pacificationis, postea agendum erit, cum omnia fuerint concordata & conclusa.

*Ad mandatum præfatorum
Ordinum Belgij Antuer-
piæ congregatorum.*

VIII. Ianuarij literas ab Imperatore; XII. sequente ab Ordinibus, quibus domum reuocantur, legati Ordinum acceperunt: quas literas etiam hîc vnâ cum responso ad Sac. Cæs. Maiest. subiicere placuit: vt quomodo finis huic tractationi impositus sit, etiam aliis constare possit.

LITE.

LITERÆ IMPERATORIS AD LE-³⁰⁵
GATOS ORDINVM.

*Rudolphus secundus diuina fauente clementia electus
Romanorum Imperator semper Augustus.*

Illust. Generosi, Magnifici, Nobiles, Honorabiles, docti, fideles, dilecti, Accepimus literas vestras die tertia præsentis mensis datas, simulque ex Consiliarij nostri ac supremi aulae Marechalci Comitis Otthonis Henrici de Schwartzenberg, &c. relatione ac scripturis vnà transmissis, cognouimus, quid tandem à ditionum istarum Belgicarum Ordinibus responsi secutum sit. Equidem nos, quo magis pacis negotium pro cōmuni earundem ditionum ac Reipub. Christianæ bono atque commodo feliciter confectum iampridem summo desiderio cupimus, tanto minus ab ipsis Ordinibus eiusmodi respōsum, vt quod ad eandem pacem conciliandam parum videtur idoneum, expectauimus. Quae de re cū prædictum Marechalcum nostrum plura vobiscum egisse, adeoque vos ipsius rationibus motos, rem omnem per quosdam è vestro medio ad dictos Ordines, & Status, pro vltiore articulorum illorum moderatione, retulisse intelligamus; confidimus sanè ipsos Ordines ita se resoluturos esse, vt maior inde pacis stabiliendæ spes concipi possit. Quam ad rem istud parum sanè commodum, nobis verò inexpectatum planè molestūq; accidit, quod nō modò, præter ipsum Comitem à Schwartzenberg, ceteri Commissarij nostri Colonia maturiùs recesserint: verumetiam Seren. Hispaniarum Regis Catholici, &c. auunculi, sororij & fratris nostri charissimi Mandatarius, Illustr. Dux Terrænouæ eosdem secutus sit: Nos quidem tam ipsum Ducem, quàm Commissarios omni diligentia hortati sumus, vt denuò Coloniā, vel ad alium locum ipsis magis commodum, se conferant, ac pacis tractationi continuandæ quanto maiori studio atque cura incumbant: vti ex nouissimis nostris Literis haud dubiè intellexistis. Quid autem illi, præsertim verò Dux Terrænouæ, cuius præsentia ad vltiorem illam tractationem maximè necessaria est, consilij capturi sint, necdum scire possumus, sed eorum responsa indies expectamus. Quæ si talia adferan-

ferantur, qualia nobis pollicemur; Status verò & Ordines ad æquitatis terminos propius accesserint: Nos, vti hactenus fecimus, ita deinceps etiam nihil prætermitemus, quod ad pacificationis negotium ex voto peragendum pertinere iudicabimus. Vestrum autem erit, apud Ordines auctoritate vestra efficere, vt nec ipsi quicquam, quod ad hunc effectum, calamitosum scilicet patriæ vestræ afflictissimæ statum pristino suo nitore & tranquillitati restituendum, opportunum esse queat, in se vspiam desiderari patiantur. Erit hoc vestro officio ac quam eidem patriæ debetis pietate dignum, tum etiam vobis, ipsisq; Ordinibus maximè commodum & salutare. Quod superest, Cæsaream nostram beneuolentiam & gratiam vobis propenso animo deferimus. Datum in arce nostra Regia Pragæ die xviii. mensis Decembris. Anno Domini millesimo, quingentesimo, septuagesimo nono. Regnorum nostrorum Romani, quinto; Hungarici octauo; & Bohemici itidem quinto.

Rudolphus.

V. Suicheuser.

Ad mandatum Sac. Cæs.

Maieſt. proprium.

Phernberger.

*Ex lingua
Gallica in
Latinā ver-
ſa.*

LITERÆ ORDINVM AD EOSDEM
LEGATOS.

DOmini. Nos audiuiſmus hęc narrationem & relationem, quā ex parte vestra latè & particulariter fecerunt Conſiliarij de Meetkerke & vander Milen, collegæ vestri, super statu pacificationis, quæ per vos nomine nostro tractata est cum Duce de Terranoua Mandatario Regis Catholici, per intercessionem principum Electorum, aliorumq; Commissariorū Imperatoris, & post discessum eorū cum Comite de Schwartzenberg. Maieſtatis ipsius Oratore, sequuti literas vestras Credentiales, & Instructionem, quam prædictis Conſiliariis dedistis. Recepimus etiā literas vestras ad nos scriptas de dato xvj. Decemb.

307

Decemb. pridem elapsi, necnon illas Imperatoris iis adiunctas.
Super omnibus accuratè & maturè, sæpius deliberatione ha-
bita, pro maximo desiderio quod nos & quilibet nostrum ha-
bet ad bonam & firmam pacem obtinendâ, vt in quiete aga-
mus, atque pacificè nostris iuribus, priuilegiis, bonis & liberta-
tibus fruamur: nihil tam optauimus, quàm negotiū illud paci-
ficationis tali loco extitisse, vt continuatione illius vestraque
diuturniore mora ibi significationem habuisset ad optatum
tandem fructum eius perueniendi. Sed cōsiderato quod prin-
cipes Electores aliique Commissarij Cæsarei (excepto Comi-
te de Schwartzenberg) omnes Colonia discesserint, sicut etiâ
Dux de Terranoua, tanquam pars, quocum ex parte Regis vl-
terius agendum erat, quod nec is voluerit ante discessum suū
recipere aut cognoscere vltimam nostram Resolutionem, non
obstâte debito vestro officio, quod, simulac Dominus de Mel-
roy, qui attulerat eam vobis, aduenit, præstitistis, tam ex parte
vestra quàm per mediationem & intercessionem præfati Do-
mini Comitis, sed quod Dominus Dux se gereret & repu-
raret pro priuata aliqua persona, accipiens Recessum principū
Electorum loco veniæ inde decedendi: ita vt nullum nunc si-
gnum amplius sit posse vltius quicquam tractari, vel quic-
quam concludi cum Comite de Schwartzenberg, absentibus
principibus, aliisque Commissariis, & præcipuè absente parte,
quacum tractare nos oportebat, sicut idem Comes quoque si-
gnificauit nullam se ad hoc habere auctoritatem. Quinetiam
parum materiæ comperimus ex qua reditus principū Electro-
rum aliorumq; Commissariorum sperari possit, eo quod literæ
S. Cæs. Ma. ad ipsos scriptæ conditionem contineât, dummo-
do scilicet aliqua optati effectus spes reliqua sit: de qua re ex
parte vestra non æstimatis posse eos concipere opinionē, cum
iam etiâ ipse Comes satis se in eo declarauerit, per illud quod
de nostra Resolutione iudicauit, nisi hîc intendamus modera-
ri ista, nosque amplius dilatare. Ad quod auctoritatem nō ha-
bentes, quodque per prædictam Resolutionem communi ma-
nu & collatione fecimus, & cessimus omne id quod dispositio
rerum patriæ, possibilitas & necessitas temporis permittunt;
atque inuenientes per rationes istas cum magno nostro dolo-
re negotium pacis nō ibi dispositum esse ad felicem finē con-
sequendum, ad quem adeo aspirauimus: voluimus significare
q 2 vobis

vobis putare nos nō conuenire, vt præbeamus vobis circa hoc negotium plus molestiæ, curæ & laboris, sed vt primo tēpore redeatis ad nos, ad faciendum nobis ampliorem relationem; assiltatis vestro consilio, ad promotionem communis nostræ causæ, subministrantes primū Comiti de Schwartzenberg exemplum Instructionis vestræ secretæ, omniumq; punctorū, quæ in ea continentur.

Et nihilominus considerata magna instantia quam Sac. Cæs. Maieft. facit per diuersas literas, vt prædictum negotium Pacificationis continuetur, ne culpa aliqua in nos coniciatur, quasi per vestri exonerationem & reditum, ex toto illud abrumpamus & præcidamus, scientes Dominos de Rummen & Doctorem Albada ibi domicilium habere, minoriq; cum incommodo subsistere posse, ab iis requirimus vt ipsi negotium istud sustentent, & continuent; sequentes vltimam nostram resolutionem, si casus se obtulerit atque aliās mutuam teneāt cum prædicto Comite de Schvvartzenberg communicationem, dum mittamus aliquot personas ad Sac. Cæs. Maieft. ad reddendam ei particularem rationem de statu rerū nostrarum, ad iustificationem, excusationesq; harum ditionum, & ad demonstrandum bonam voluntatem, affectionē ac singulare desiderium, quod habemus ad securam firmamq; pacem constituendam: supplicantes in omni humilitate & obedientia, vt Mediatorem nostrum apud Maieft. Catholicam agere velit, eamque inducere, vt placeat ei id consentire nobis, ad quod necessitate impellimur, & quod excusare non possumus, nisi petamus, si modò ditiones istas deuotioni ipsius conseruare volumus.

DOMINI, Creatorem rogamus vt expleat nobilia & honesta vestra desideria; nos intimè vestris gratiis commendantes. Antuerpiæ 1. Ianuar. M. D. LXXX.

*Excell. Patern. & Dom. V.
addictissimi Ordines
generales inferioris
Germania.*

LITE.

309

LITERÆ ORDINVM AD DOMINVM
DE RVMMEN ET DOCTOREM
ALBADA.

*Ex lingua
Gallica in
Latinam
versa.*

Domini. Etiam si contenta nostrarum literarum ad Domi-
num Ducem Arschotanium, atque alios legatos nostros,
qui ibi sunt, sufficienter vos instruxerint de nostra sententia &
intentione, quo ad ulteriorem super pace tractationem insiste-
tes postremæ nostræ resolutioni: nihilominus omittere nō vo-
luimus, in primis intimè vobis gratias agentes, ob bona vestra
officia, durante illic Pacificationis negotio præstita, requirere
à vobis instanter, vt suscepto continuandæ illius tractationis
munere, velitis vos de puncto ad punctum conformare ad cō-
tenta dictarum nostrarum literarum; vtq; nos admoneatis sæ-
piusculè de omnibus iis quæ ibi inciderint: affirmare vobis
possumus, quòd ex nostra parte ad mutuam communicationē
nihil deerit, & notanter circa legationem, quam cupimus ad
Sac. Cæs. Maieft. expedire, in eum finem, quem in prædictis li-
teris latius exposuimus. Rogamus Creatorem vt expleat, Do-
mini, vestra bona desideria, & in sanitate beatam vitam vobis
largiatur. Antuerpiæ iij°. Ianuarij M. D. LXXX.

Vestri optimè erga vos affecti amici
Ordines generales inferioris
Germaniæ.

Ad Mandatum præfatorum Ordinum,

Houfflin.

RESPONSVM LEGATORVM ORDI-
NVM AD IMPERATOREM.

Inuictissime Cæsar, Domine clementissime.

Sacr. Cæs. Maieft. T. literas xvij°. Decembris datas, octa-
uo Ianuarij proximo demississimis animis accepimus, ea-
rumq; exemplum incontinenti Ordinibus communicavi-
mus.

q. 3

mus. Interea antequā responsum ad eas habere potuimus, hesterno scilicet die literæ ab iisdem Ordinibus ad nos peruenerunt, quibus sententiam suam nobis circa ista absolute declarant, quam ad longum hîc referre opus esse non putauimus, propterea quod exscriptionem earum Generoso Comiti de Schwartzenberg, &c. ad petitionem ipsius tradiderimus; qui indicauit nobis ad Maiest. tuam se velle istas literas vnâ cum secreta nostra Instructione, quam offerre illi iussi eramus, transmitti. Porro cum ex iis literis, simul etiam Sac. Cæs. Maiest. discessum nostrum intelliget, hoc vltimo responso non nostro tantum nomine, sed & Ordinum communiter, donec alia legatio (cuius ibidem mentio fit) ad Ma. tuam veniat, eidem Maiest. T. pro vero illo paterno studio & affectu, quem erga incolumitatem & salutem afflictissimæ patriæ nostræ hactenus demonstrauit, quàm maximas gratias humillimè agere volumus, cum hac demississima petitione, vt in eo studio & affectu, vsquequo cum Seren. Rege Catholico Principe & Domino nostro naturali reconciliemur, clementissimè perseuerare dignetur. Deo Opt. Max. Sac. Cæs. Maiest. T. vt eam sua gratia augeat, atque in felici regimine conseruet, eidemq; Ma. T. Ordines & nos supplices & humillimè cōmendamus. Colonia xiiij°. Ianuar. Anno M. D. LXXX.

Tuæ Sacr. Cæs. Maiest.

Humillimi ac deuotiss. legati Ordinum Germaniæ inferioris.

Mandato dictorum deputatorum,

I. De Kessel.

F I N I S.

TEREMIAE XIII

AN omnino abiicis tuum populum Domine,
num terrā nostram abominatur anima tua? Qua-
re percutis nos ita, ut nulla supersit nobis curatio?
Quare expectādo pacem, nullum adest bonum, &
expectando tempus curationis tantum ecce terror?

ERRATA.

Pag. 13. vers. 12. pro eam, ea. 34. 2. pro pertinuerint, pertimuerint. 42, 28. Verba illa: Athana-
sius Epistola ad solitariam vitam agentem præponi debent §. Quid si inhonestum est. Deinde post ver-
ba, Abscedit. Sequitur, Non enim gladiis. 45, 14. pro conentur, conetur. 62. Verba proæmij in margi-
ne poni debuerunt. 69, 34. pro alterationum, altercationum. 74, 13. lege gubernabit. 85, 30. post sæ-
uiatur omissum est nomen auctoris: Georgius Kleinbergius lib. de Religione Tot, &c. 90, 6. lege
mente. 111. linea 33. lege Ordinibus. 137, j. deleantur bis posita verba illa: ibique conciones audiant
eaque quæ suæ. 139, vers. penultimo pro eius, eis. 149, 7. pro ille, illi. Eadem pag. vers. 36. lege Syn-
nade. 150, 6. dele illud viri. 156, vers. ult. pro iudicum, iudicium. 161, 10. lege breuiter vt Chri-
stum. 271, 1. lege reiciendas. Ibidem vers. 3. lege Videantur. Ibidem vers. 22. pro indicatis, inducat. 283,
29. lege religiosè. 193, 19. lege animaduertant. 256, 25. pro quæ, quam. 257, 37. lege de-
monstrantur. 262, 10. lege promiserant. 280. circa finem pro Ieroboam, Ioannes Bodinus. 281, 13.
lege poterant pro potuit.

SVMMA PRIVILEGII.

CAVTVM & interdictum auctoritate Ordinum
Hollandiæ, nequis hunc librum cui titulus est, *Acta*
Pacificationis quæ coram Sacr. Cæsareâ Maieſt. Commiſſariis
inter Seren. Regis Hispaniarum & Principis Matthiæ Ar-
chiducis Austria, Ordinumque Belgij legatos, Colonia habita
sunt, &c. intra trienniũ in hac ditione imprimat, vel
alibi impressum, venalem habeat, præter Andream
Schuttenum Typographum Leydensẽ, cui soli id
beneficij contulerunt: vt latiũs patet in ipsis Literis,
Datis in Haga Comitũ XX°. Ianuarij, M. D. LXXX.

Ex mandato eorundem Ordinum,

Signat.

De Rechtere.

inum
A. B.
ffaric
de Ar-
habita
vel
ream
oli id
teris,
XX.

831

